

WILLIAM BRANHAM

*Moporofeta O  
Etela Afrika Borwa*

ka

JULIUS STADSKLEV



# Selelekela

Ho ngolwa ha buka ena ho na le morero wa mekgahlelo e meraro. Pele, Davida o re bolella ho Pesalema 105 eka kgona re “tumise diketso tsa wona hara batho.” Ruri Modimo o entse dintho tse kgolo Afrika Borwa ka tshebeletso ya Moifo wa Branham. Kgele, mantswe a hlokwa ho hlalosa seo A se entseng Afrika Borwa dikgweding tse tharo tseo tsa ho qetela tsa 1951. Empa bokgoni ba motho, esita le bokgabaneng ba bona, bo ke ke ba kgona ho rala ka phethahalo mehlolo le meeka eo Modimo a e entseng hara rona. Mongodi e mong, ha a tlaleha ka e nngwe ya dikopano, o itse, “Motho a ka rata ho fumana mantswe a mohlolo ho hlalosa tshebeletso e mohlolo ya Morena hara batho.”

Leha e le mona ke le ngolla ka tseo ke boneng Modimo o di etsa Afrika Borwa, ke ikutlwa jwaleka ha mongodi a tshwanetse a be a ikutlwile mohla a lekang ho hlalosa lerato la Molimo mme a kgona feela ho re:

“Leha re ka tlatsa lewatle ka enke,  
Hola mahodimo a entswe ka matlalwana;  
Hlokwana ka leng e le siba la mongodi,  
Motho ka mong e le mongodi ka kgwebo;  
Ho ngola lerato la Modimo hodimo  
Ho no ho tla omisa lewatle kgere;  
Lengolo le ke ke la ngola tsohle,  
Hoja le sarolotswe sebaka ho ya sebakeng.”

Davida o bone Modimo a sebetsa hara batho ba Wona mme yare a sa nahania sena polelo e nngwe ya hae ya eba “hoba mohau wa hae o hlola ka ho sa feleng” (Pesalema 136). “Ho sa feleng” ena e ne e akaretsa tsatsi la rona le mongwaha. E, mohau wa Hae o hlola ka ho sa feleng. O ile wa hlola molemong wa rakgwebo ya tswileng ka mahetla ka ho feta motseng o atlehileng wa Afrika Borwa. O ile wa hlola molemong wa motala wa mauthwauthwane ka ho fetisia diahelong tse bodutu tsa Afrika.

Kgetlo la pele ha lentswe le mohlolo le ne le bua le Moena Branham le tswile setsokotsaneng. Ke kamoo Morena a buileng le Jobo, mopatriareka eo wa kgale wa mengwaha e qalang, ho latela kgaolo ya mashome a mabedi le metso e robileng meno e mmedi. Dintho tse ngata tse sa tlwaelehang di teng papisong ya bophelo le tshebeletso ya William Branham le eo ya baporofeta ba Testamente ya Kgale hoo pelaelo e ka bang siyo mohopolong o mong le o mong o tshepehang hore ke moporofeta wa Modimo jwalo feela ka Elia, Elisha, Esaia, Jeremia le ba bang bohle ba nkuweng e le baporofeta ba Modimo.

Ka ho tseba ruri hore Modimo o entse mesebetsi e makatsang Afrika Borwa, o ile a boela a paka hore mohau wa Hae o hlola ka ho sa feleng le ka ho sebetsa ka moporofeta tsatsing la rona—taba ena e ngoletswe ho “tumisa mesebetsi ya hae hara ditjhaba.”

Ha re tloha Johannesburg ho ya Klerksdorp Moifo wa Branham o no o tsamaya ka dikoloi tse pedi tse fapaneng. Kgetlo le leng re ile ra kgefutsa ho boba pono e sa tlwaelehang. Eitseha ke tswa koloing Mor. A. J. Schoeman, Modulasetulo wa National Committee, a tla mme a re Moena Branham o lakaditse ho qoqa le nna. Hoba a etse dihlahiso tse mmalwa le ba bang mono, Moena Branham a retolohela ho nna le Moena Bosworth. A re ho rona lengelo la Morena le mo laetse ho ngola tlaleho e maloka le dikopano Afrika Borwa le hore ke boikarabelo ba ka ho etsa sena. Ka hona, lebakeng la pele, tlaleho ena e ngotswe ka kopo ya lengelo la Morena.

Morero wa boraro wa ho ngola buka ena ke hore Modimo a tla a bue le wena ka yona. Ere o sa bala dintlhakgolo tse ding tsa bophelo bo qalang ba William Branham le neo e sebetsang ka yena, ak'o elellwe hobane ke moporofeta wa Modimo. Ka baka leo, molaetsa a o tlisang ha o tswe ho motho empa o tswa ho Modimo, “Ya tshwarelang makgopo a hao wohle; ya fodisang malwetse a hao wohle” (Pesalema 103:3).

Ere o sa bala ka tshebeletso ya mokgalo ak'o nke dinnete o di kenyé pelong ya hao mme o tseke dintho tseo Modimo a di lefeletseng ka moputso o moholo, lefu la Mora wa Hae ya tswetsweng a nnotshi.

Ho wena bopaki bona e be mohlala o phelang le tshusumetso ho dumela ho Modimo. Melao ya Modimo ya bokahohle e tiisa tumelo ho Yena e le matla a phahameng ka ho fetisia lefatsheng lohle.

Hase ka ho etela ditshebeletso tsa Moena Branham, hase ka ho fumana setlankana sa thapelo se kgontshang motho ho kena moleng wa thapelo, hase ka ho rapellwa ke motho mang kapa mang ho o tlisetsang phodiso ya moyo wa hao kapa phodiso ya mmele wa hao. Ke feela ho amohela Kreste le mosebetsi wa Hae o phethehileng mane Kalvari, ho amohela ditshepiso tsa Hae le ho di kgomarela ka tumelo e sa sisinyeheng. Ka ho etsa sena—

“Dumela feela, dumela feela,  
Tsohle di lokile,  
Dumela feela.”

Jesu o itse, “Ana ha Ke a o borella, hore, ha o dumela, o tla bona kganya ya Modimo na?” (Johanne 11:40.)

# *Dikahare*

LEQEPHE	
SELELEKELA . . . . .	iii
<i>Kgaolo 1</i>	
WILLIAM BRANHAM KE MANG? . . . . .	1
<i>Kgaolo 2</i>	
HO TLATSETSA DINEO TSA PHODISO . . . . .	37
<i>Kgaolo 3</i>	
HOBANENG WILLIAM BRANHAM A ETETSE AFRIKA BORWA? . . .	47
<i>Kgaolo 4</i>	
TSHEBELETSO E IKGETHILENG . . . . .	51
<i>Kgaolo 5</i>	
DITLALEHO TSE TSWANG AFRIKA BORWA. . . . .	69
<i>Kgaolo 6</i>	
BOPAKI . . . . .	149



MOR. LE MOF. WILLIAM BRANHAM

# William Branham ke mang?

William Branham o hlahetse polasing e pel'a Burkesville, Kentucky, hase hole haholo le moo Abraham Lincoln a hlahetseng teng dilemong tse ka bang lekgolo pele ho moo. Ha ho motho ya nang le bonneta ba letsatsi hoba direkoto tsa tswalo di ne di sa bolokwe Kentucky ditshitung tseo. Leha ho le jwalo, ho dumelwa a hlahile mohla la tshelela Motsheanong wa 1909 mme a le boima ba diponto tse 5. Mmae o ne a le dilemo tse 15 mme ntatae a le 18.

Tsatsing la pele la tswalo ho hlahile mohlolo o moholo. Hoba mmelehisi a mo hlatswe a mmehe pel'a mmae a ya fesetereng ho e bula.

Ho se digalase difesetereng lapeng la'bo Branham mehleng eo mme moyo le lesedi di ne di laolwa ka ho bula le ho kwala fesetere ya patsi. Mafube a ne a sa tswa hlahi hodim'a na, a betsetsa mahlasedi a mmalwa ka har'a phaposi. Hammoho le lesedi lena ha hlahi lesedinyana le kgidikwe le kaa ka boahlamo ba leoto lona la bonahatswa ka ho kganya hodim'a moalo moo mme le lesea ba robetseng teng.

Lesedi lena le kgidikwe le se le bonwe ke dikete tsa batho ho tloha mohlang oo mme ntle le pelaelo ke lona le bonwang fotong e nkilweng Houston, Texas, mehleng ya letsholo la Pherekong wa 1950. Tlaleho ya foto e nang le kopi ya fotosetate ya ditatemente tse entsweng ke George Lacy, mohlahlobi wa U.S. wa ditokomane tse belaetsang, e tla fumanwa pheletsong ya kgaolo ena. Yare ha mmelehisi le batswadi ba bona sedikadikwe sena sa lesedi ba qalella ho lla; ba tshoha ba bile ba sa tsebe seo le ne le se lekanya. Ke dilemong tse ngata hamorao moo ba tsebileng tsa lesedi le kgidikgwe ba bileng ba utlwisisa hobane Modimo o no o beile letsoho la Wona hodim'a monna eo bakeng sa tshebeletso e kgolo e yang bathong ba lefatshe.

Borapedi ba mokgalo ofe feela bo ne bo sa tsotellwe lapeng la'bo Branham. Ntatae moholo e ne e le Mokatolike empa ntatae le mmae ba bonahala ba sa nahane letho ka Bokreste. Empa ka baka la ketsahalo e sa tlwaeleheng e hlahileng tswalong ya hae, yaba mmae o mo isa kerekeng ya Baptist e haufi. Lena ya eba leeto la hae la pele kerekeng le la ho qetela dilemong tse ngata.

Mathwasong a hwetla ya 1909 Kentucky e ile ya otlwa ke se seng sa dikgohola tse mpe ka ho fetisa. Nakong ena ntat'a William Branham o ne a tswile ho ya sebetsa diahelong tsa patsi ya kgale moo a bileng a tshwaswa ke sekgohola se sebe sena. Kapele-pele dijo le dibeso tsa qalella ho cepha. Mmae

o ne a ye a tswe mme a tlise ntho e nngwe le e nngwe a ka e fumanang ho besa ho thibela yena le lesea ho bolawa ke mohatsela. Ba ne ba sa tshwara dijo tse kaalo mme eitse ha phepelo ya bona e fokolang e fela, a utlwa matla a fela ho yena. Thuso e ne e tlamehile ho fihla kapele hore ba tle ba phele. Qetellong a tsherema hoo a bileng a elellwa hore ha a ka tswela ka ntle ho rwalla patsi e nngwe a ka tshwana a sitwa ho kgutla.

A nka lesea a le phuthela ka bokgoni ba matla a hae a ba a le robatsa moalong, ho emela lefu ho fihla le ho ba tlosa bobedi ba bona. Ba ka be ba ne ba shwe hola e se be ka moahisane wa bona wa motsofe wa kgale wa morapedi ya ileng a hlotjhwa ke lelapa la Branham ka mokgwa o mohlolo. Ha a batlisisa, a fumana mosi o sa tswe tjhommeleng. Leha lehlwa le ne le tebile, motsofe enwa a etela motlotlwana o nyatsehang wa dishengele mme a fumana monyako o notletswe ka hare. A ellelwa motho a tshwanetse a be a le teng ka hare mme erekaha a sa bona pontsho ya mofuthu ka hara motlotlwana, a roba a kena.

Ha a kena a nyaroswa ke seo a se boneng. Mme o na a le ntshing tsa lefu ka baka la mohatsela le ke tlala. A rapela Modimo ho baballa maphelo a bona le ho se dumelle mme e motjha enwa le ngwana ho siya lefatshe ka mokgwa ona. O ile a rwalla patsi kapele-pele mme a dula mono ho fihlela a makgile mollo o utlwahalang o bileng wa futhumatsa lapa le ithobileng la phaposi tse pedi. Tabeng ya bobedi, a hlaphisetsa mme le ngwana dijo mme kapele ba se ba le mothating wa ho hlaphohelwa.

Ha se kgale ka mora mona ha lelapa la Branham le ne le fallela Utica, Indiana, mme selemong se hlahlamang la fetela polasing dimaele tse hlano ka ntle ho Jeffersonville, Indiana, dimaele tse ka bang pedi ho tloha moo a dulang teng hona jwale. Qalo ya bophelo ba hae ya na ya takwa ke koduwa, bofuma le ho se utlwisise.

E meng ya mehopolo e hlakang ka ho fetisisa ya botjha ba William Branham e amana le bofuma a ileng a hatellwa ho phela hara bona. Ntatae a sebeletsa sekgorane sa sehrai bakeng sa disente tse mashome a supileng le metso e mehlano ka letsatsi. O sa ntse a hopola mohla a mmonang a tla hae hempe ya hae e kgomaretse mokokotlo o tjhesitsweng ke letsatsi hoo mmae a na a lokela ho nka sekere ho e seha. Ntlo ya bona e ithobileng ele motlotlwana wa phaposi tse pedi o ditswe ka seretse fatshe mme bohlatswetso ba kokoise bo le ka ntle tlasa sefate sa apole ka hara jarete.

Kgetlo la pele moo Modimo o buileng ka lentswe le utlwahalang le William Branham e le mohla a na a le dilemo tse supileng. A sa tswa ngodisa sekolong sa mahae dimaele tse mmalwa leboya ho Jeffersonville, Indiana. O na a tswa sekolong

thapama eo mme a ikemiseditse ho kopana le bashanyana ho ya tshwaswa dihlapi. Empa yare ha mohlankanyana Branham a tloha, ntatae a mmitsa mme a mo laela ho ya thotela metsi motjhining o ritelang jwala bo seng molaong. Ehlide polelo ena ya fetoha maswabi ho yena hoba boshanyaneng a na a rata haholo ho tsoma le ho tshwasa dihlapi. Empa a eellwa hore erekaha ntatae a mo laetse ho thota metsi, o tla lokela ho etsa kamoo a bolellwang kateng.

Yare a sa kga metsi, a ema ho phomola tlasa sefate sa kgale sa papoliri pakeng tsa ntlo le modiko. Hang-hang, a utlwa modumo o butswelang mahlaku. A thalatsa kwana le kwana mme a lemoha hoba e ne e le letsatsi le kgutsitseng, le hlakileng, le futhumetseng. Ha a mamedisisa, a hlokomela hore sebakeng se itseng, sa boholo bo ka etsang ba toromo, eka moyo o budula hara sefate. Nakong yona eo lenseswe la tswa difateng le re, “O se ke wa nwa, wa tsuba kapa wa silafatsa mmele wa hao ka mokgwa ofe feela, ho ba Ke o beetse mosebetsi o tla o etsa mohla o hola-holang.”

Taba ena ya mo tshosa mme a mathela tlung. A ntse a lla, a itihela matsohong a mmae ya ileng a hopola a lonngwe ke noha. A mmolella hobane o mpa a tshohile mme a se ke a mo jwetsa ka moyo o fokang hara mahlaku leha e le ka lenseswe. Mme a mo robatsa moalang a hopola hobane o tshwenngwa ke methapo ya letshoho. Nako le nako ha ho kgoneha o ne a iphapanya sefate seo, a mpa a kgetha ho qekoloha lehlakoreng le leng la tshingwana.

Diveke tse pedi hamorao ha a ntse a bapala mabopong a Noka ya Ohio, a bona pono. Yaka ho hlaho borogo bo nyolohang nq'a Kentucky ya noka, bo parolela nq'a Indiana. Yare ha borogo bo ntse bo tswelapele bo lebile nq'a Indiana, a bona banna ba leshome le metso e tsheletseng ba lepella borogong ba wela metsing. A ya hae mme a bolella mmae taba eo a mpa a re o ile a kgaleha yaba o a lora. Empa mohlankanyana William Branham a tseba hobane o ne a sa kgaleha kapa hona ho lora. Leha ho le jwalo a se ke a utlwisia seo a se boneng.

Dilemo tse mashome a mabedi hamorao Borogo ba Masepala ba hahuwa pakeng tsa Louisville, Kentucky, le Jeffersonville, Indiana, nqalong yona ena. Mehleng ya kaho ya borogo, banna ba leshome le metso e tsheletseng ba lahlehelwa ke maphelo a bona. Modimo o no o buisana le mohlankanyana mme o mo hahela motheo wa ho ba le tumelo dinthong tseo Modimo o no o tla mmontsha tsona dilemong tse latelang.

O ne a utlwa motho haufi le yena eka o batla ho bua kamehla, empa yena, erekaha mmae a ne a mo laile ka boloi le ka matla a botemona, a tshaba mme kamehla a leka ho e qhela.

Ho tlatseletsa tshotleho le hlorehoh bofumeng, ntatae a fetoha letahwa. William o hopola kamoo selemo se seng a tsamaileng sekolo mme a sa ka a fumana hempe eo a e aparang. O hopola sekolong kamoo a neng a sa phetse ho sheba bana ba bang ba nang le diaparo mme a qala a lemoha hobane tahi e kgothoditse lelapa la'bo ditlhoko tsa bophelo.

A bala ka Abraham Lincoln, eo bohlankaneng ba hae a kileng a theoha sekepe tlase New Orleans mme a bona makgowa a ananya Lenekro la senatla, a mo arohanya le lelapa la hae. Mosadi wa hae le ngwana ba lla, nakong eo monna a rekiswang eka hojane e le pere. Lincoln a lemoha hobane ketso ena e phoso mme a ikana hore ka tsatsi le leng o tla sebetsana le yona esita leha e ka qosa bophelo ba hae.

Ka mokgwa o tshwanang le yena mohlankanyana William Branham a dula mono ka hara sekolo mme a hopola bofumana bo neng bo apere lelapa la'bo ka baka la tahi. A re taba eo e phoso mme tsatsi le leng o tla sebetsana le yona, esita leha e le ho beha bophelo ba hae kotsing. Ha eso ho lebale kano ya hae, hoba esita le kajeno o ntse a sebetsa mme o tla tswelapele ho etsa ho hong le ho hong a ho kgongang ho kgantshetsa batho ka tshebetso e senyang ya tahi le kwaе.

William Branham o phetha mohla mosuwetsana wa hae, Mof. Temple, a mmotsang lebaka la hae ho se hlobole jase ya hae sekolong. A sa kgone ho mmolella hore ha a na hempe, kahoo a mmolella hobane o hatsetse. A re, "Ho lokile he, fetela mane o dule pel'a mollo." Ehlide a lokela ho etsa kamoo a mo laetseng kateng, ka hona a tloha a ya dula pel'a setofo. Teng a futhumala ho feta pele, leha mofufutso o no o qhitsa mokokotlong wa hae, a se ke a hlobola jase ya hae. Mosuwetsana a sa utlwisise mme a mmotsa hore le jwale ha eso ho futhumale, teng a fetola, "Tjhe, Mofuma'di." Qetellong a qeta hore o tla tshwarwa ke mofikela, ka hona a mo kgutlisetsa hae.

Leha a na a sa tsotelle ho kgutlela hae ho tswa sekolong, a ke ke a etsa letho haese ho lla. Ho pata taba ya hobane o na a se na hempe tse kang tsa bana ba bang, a thetsa mosuwetsana wa hae a re ho yena o hatsetse. Qetellong a fumana hempe. Hempe e entsweng ka mose wa kgale oo motswala'e a na a o siile ha'bo. A kgekgetha karolo ya sekhete empa o ntse o sa tshwane le hempe. Bana ba bang ba mo tsheha, ba re o apere mose wa ngwanana. Hape-hape a bua leshano a re, "Tjhe, ha ke a o apara. Ke sutu ya ka ya Maindia." Ba mpa ba se ke ba mo kgolwa mme yaba o a lla.

Lloyd, motswalle sehlopheng sa hae, o na a rekisa Makasine wa Pathfinder. Ka thekiso ya makasine wona a kenela ho nong ho bitswa Lone Scouts, mme a iphumanelo yunifomo ya mokgatlo. E le mehleng ya Ntwa ya Pele ya Lefatshe mme

diyunifomo di qaphakile haholo. Mohlankanyana William Branham a tsota sutu eo ya sekaoto ka nnete kaha e sa le a batlile ho tshwana le lesole. Ehlide, o na a se na hempe, ha ke sa bua ka sutu ya sekaoto. Ka baka leo a kopa motswalle wa hae, "Lloyd, mohla ntho eo e tsofalang o tla mpha yona?" A re, "Ehlide, ke tla o fa yona, Bill."

A lebella a ba a lebella, empa leha kwana moshanyana a ne a apara sutu eo ka mehla, ya bonahala e sa tsofale. Qetellong a elellwa hobane Lloyd ha a sa apara sutu eo ka hona a mmotsa tsa yona. Ha jwale motswalle wa hae a se a lebetse hore o tshepisitse ho mo fa sutu mme mmae a se a e ketleutse a kwahetse dibataolo. Ntho e le nngwe a kgonneng ho e fumana e setseng sutung eo ya sekaoto e le kamase e le nngwe mme mohlankana William Branham a mo kopa ntho eo.

A ya le yona hae mme a e rwala. A ikutlwa a le motlotlo ka yona kaha e le sekotwana se le seng sa seaparo se tshwanang le sa sesole. Ka ho yena a ikutlwa e le lesole la nnete hoba a rwetse kamase e le nngwe. A batla ho e kgwesa ha a ya sekolong a mpa a sa tsebe jwang a sa itshehise ka bana ba sekolo hape. Ka baka leo a qeta ka ho iqapela pale e reng o lemetse moomong mme o sebedisa kamase eo e le bantishi. Leha ho le jwalo, ha a fihla sekolong bana ba hana ho mo kgolwa. Ba boela ba iqabola ka yena; a kgutlela hae a ntse a lla.

Moqebelo e ne e le letsatsi la bohlokwa-hlokwa haholo lapeng la'bo Branham. Ke tsatsi leo ba neng ba tla qhaneha Kootsie, mulete wa leqheku, koloyaneng ya dithupa tsa kgale mme Mongh. le Mof. Branham le bo-Branham ba banyenyane bohole ba hlwelle koloyana mme ba lebe toropong. Ba iphumanele dikorosari tsa bona tsa veke mme kamehla radikorosari a ba fe lebokose la dikhendi tsa poporomente tsa bana ba bahlano.

Kamehla ntatae a tlamehile ho fadimeha ho arola khendi ena ka ho lekana, e le ho qoba mathata, hobane mahlwana a leshome a lapileng a na a mmea leihlo ka hloko. William Branham, letsibolo la bashanyana, a tlwaetse ho se je khendi ya hae kaofela ka Moqebelo a mpa a kgwaela e nngwe ho fihlela veke e hilahlamang mohla a tla hlaba selekane le bana ba bang. Ba ka nyeka pompong ya hae makgetlo a mmalwa ho mo thusa ho etsa mesebetsi ya lelapa.

Ntat'a William Branham e ne e le lenwajwala mme a bile a rathola jwala bo seng molaong polasing. Hoseng ho hong ha Sontaha ha William Branham a le dilemo tse leshome o ne a e na le ntatae le moahisane e mong tlase pel'a Noka ya Ohio. Yare ha ba ntse ba itsamaela lebopong, ntatae a ntsha botlololo mokotlaneng wa hae mme, hoba a fupe, a e neeletsa moahisane wa hae. Moahisane a fupa a ntoo e neeletsa mohlankanyana William Branham ya ileng a re, "Tjhe, monghadi, ke a leboha,

ha ke nwe.” Moahisane a fetola ka makalo, “Ha o nwe o le le-Branham le monna wa le-Irishi?” “Tjhe, monghadi!” a lomahanya meno. Ntatae a arabela ka ho re, “Ke na le bara ba bane le mmisi,” mmisi e ne e le William ya sa tswa hana ho fupa.

Polelo ena ya hlaba pelo ya hae ka botebo, hoba e ne e le motho ya letsvalo mme a labalabel a tse lokileng feela. Ke mona ntatae o mmitsitse mmisi kaha a hanne ho nwah tahi, e bileng sesosa se se kanakana sa hloreho le bofuma lapeng la’bo. Ya e ba taba eo mohlankanyana Branham a sa kgoneng ho e emela mme a re, “Nneletse bottolo eo mme ke tla o bontsha hore ke le-Branham mme nka nwa.”

A nka bottolo mme a qalella ho e phahamisetsa molomong wa hae. Ha etsa jwalo, ha fihla modumo o tlwaelehileng wa moyo. A hopola mohla lengeloi le buang le yena la ho qala le mo laela ho se tsube le ka mohla, ho nwa, kapa ho silafatsa mmele wa hae ka tsela efe feela kahobane a mo beetse mosebetsi a tla o etsa mohla a holang. O na a ntse a sa o nahana mme eitse ha a o utlwaa, a tshoha, a lahla bottolo mme a qalella ho lla. Ntatae a re, “O a bona, ke o boleletse hore ke mmisi.”

Mohlomong e ne e le mmisi mahlong a lefatshe empa Modimo o no o bua le moshanyana eo. Modimo o no o mmoloketse ntho e kgolo tsamaong ya nako, ntho eo a neng a sa tlo thusa baahisane ba hae feela ka yona le batho ba bang ba mo tsebileng empa thuso le lehlohonolo dimilioneng tsa batho lefatshe ho pota. Ketsahalo ena ke e nyahamisang le boiphihlelo bo mahlonoko ka ho fetisa bophelong ba hae bo galang.

Ka ho lemoha hobane ha a utlisiswe mme a jewa ke budutu ba ho ba mokgelo, o ne a se na metswalle e mengata. A tshaba banana haholo mme a sa ba rate. Bashanyana ba bonahala ba sa mo utlwisise. Ho e-na le ho ikamahanya le batho, a ka mpa a inkela sethunya sa hae le ntja mme a tswe ho ya tsoma. Ho tea mohlala, batjha ba tikoloho ba ne ba rere ho mo makatsa ka ho mo tshwarela moketjana wa letsatsi la tswalo empa a utlwela ka oona. Le pele motho a fihla phirimana eo, a bitsa ntja ya hae ho ya tsoma khuni mme a se ke a kgutla ho fihlela hora ya leshome mohlomong. A hopola hobane moketjana o tla be o tswile lekgatheng leo mme bohole ba ile hae. Leha ho le jwalo a fumana motho e mong le e mong a ntse a le teng a ntse a bapala dipapadi mme eka ba nyakaletse. Eitse ha a sheba ka fesetere mme a ba bona, a qeta hore ha a batle ho kena. O ne a sa tl’o ikutlwaa a amohetswe; a sa tl’o kgona ho ithabisa mmoho le batho bao. Ka baka leo a qeta ka ho ikela modikong le ho robala teng bosiu boo.

Dilemong tse leshome le metso e mene ha a ntse a tsoma ka ntle kwana a hlahelwa ke kotsi e mo qositseng ho robatswa

kokelong dikgwedi tse supileng. Nakong ena lentswe la mo etela kgafetsa, a mpa a le tshaba kahobane mmae a ile a mo laya kgahlano le boloi le meya e mebe. Erekaha a ne a tshaba lentswe lena kamehla a hana ho utlwa mme a hana ho arabela. Empa Modimo wa sebetsana le yena ka dikgwedi tseo tsa hae kokelong, leha kwana nakong ena a ile a latola a ba a hana ho mamela Modimo.

Bahlankanyana ba bang ba ne ba tsamaya le banana mme eka ba ithabela teng empa William Branham a bonahala a sa kgone ho ithabisa le mang kapa mang wa bona. Qetellong, ha a le dilemo tse ka bang leshome le metso e robedi, a qobellwa ho intsha le e mong wa banana. Yare ba sa tswile ba ntse ba kganna ka ntle kwana, ba emisa khefing e nyenyane ka ntle ho motse. A kena ka hare ho reka Coca-cola le disementjhisi tse mmalwa.

Ha a tswa a fumana ngwanana enwa a tsuba, ngwanana enwa eo a neng a hopotse e le ngwanana ya imametseng le eo a na tla thabela ho tsamaya le yena. Taba ena ya mo nyarosa. A sa kgone ho nahana ntho e mpe-mpe e ka etswang ke mosadi e fetang ho pakutsa sakrete. Mme eitse ha a kena koloing, a re, "Na o ka tsuba, Billy?" A re, "Tjhe, Mofuma'di, ha ke tsube." Yena a fetola taba ena, "Ha o tsube? O re boleletse hore ha o nwe, ha o tantshe mme jwale o re ha o tsube. O thabela ho etsa'ng?" "Be," a re, "ke rata ho tsoma; ke rata ho tshwasa dihlapi; ke thabela ho tswela merung kwana." Ngwanana a keketeha a bile a mo tloka. Kapele-pele keha bashanyana ba bang ba se ba teane le banana mmoho ba nyenyefatsa ditjantjello tsa hae mme a boela a hopotswa ntlha ya hore ha a tshwane le batho ba bang. Qetellong ngwanana a re, "Be, ha ke ikopanye le mmisi." A se ke a kgona ho e emela hoba e le sona seo ntatae a mmitsitseng sona ka tsatsi leo tlase nokeng, mohla a hanang ho fupa jwala bo seng molaong. Ka baka leo a re ho batjha bana, "Ha ho motho ya tla mpitsa mmisi, nneleetse sikarete seo; ke tla se tsuba."

A nka sakrete mme o ne a le mothating wa ho se sunya molomong wa hae ha a utlwa modumo o tlwaelehileng oo o kang moyo o fokang hara mahlaku. Mme lentswe la boela la mo tlela le re, "O se ke wa nwa le ka mohla, wa tsuba kapa wa silafatsa mmele wa hao ka mokgwa ofe, hoba Ke o beetse mosebetsi oo o tlang ho o etsa ha o hola-hola." Mona a hla a tshoha mme a sitwa ho fihlisa sakrete molomong wa hae. Ka ho tseba hore motho ka mong o tla mo tsheha ha a sa tsube, yaba o se a lla. A tswa koloing mme a qala a matha ho kena tseleng a ya ha'bo. Ba qala ba mo sala morao ba kganna, ba mo kgantsha ka mabone, mme ba bile ba mo tlottolla. Yare ba sa mo setse morao, ke moo a seng a kgeloha tsela mme a matha ho parola tshimo a tobile hae. A mathela hole moo a kgonang.

Qetellong ha a kgathala, a qobeleha ho dula fatshe. Mona a lla a tsholla pelo ya hae, mme a lakatsa ho shwa ka hobane a sa tshwane le batho ba bang. Batho ba ne ba sa mo utlwisise mme a sa kgone ho ithabisa le bona. Yare a sa dutse hodima lejwe a ntse a lla, a utlwa boteng ba motho e mong haufi. Pele o ne a tshohile haholo ho ka hetla le ho sheba. Qetellong ha a etsa jwalo, a se ke a bona motho leha kwana a ne a kgodisehile ruri hore o utlwa motho a le teng hara sehlopha sane sa dihlahla, maoto a ka bang mashome a mahlano ho tloha lejweng. Ha a ka a utlwisisa seo e neng e le sona mohlang oo. Jwale o ne a sa labalabele feela hore eka a ka be a shwele empa a boetse a tshohile. A boela a thakgoha a parola tshimo, a matha ka lebelo a le kgonang.

Esale le bohlankaneng e le toro ya hae ho ya bophirimela kamehla. A thabela na ha e bulehileng ka mehla mme e le hona moo, ka ntle kwana masimong le tlhahong, moo a na a qeta dihora tsa hae tse monate ka ho fetisisa. Ka baka leo ha a le dilemo tse leshome le metso e robong a qeta ka hore o tla fallela bophirima moo mohlomong a tla thola mosebetsi polasing. Hoseng ho hong ha Lwetse a bolella mmae hore o kena leetong la ho kampa Tunnel Mill, sebaka se ka etsang dimaele tse 14 ho tloha Jeffersonville, moo a na a etela kgafetsa. A mmolella sena, a tseba hobane ha a ka mmolella hore o fallela bophirima, o tla mo qeka a mo hatelle ho se ye koo.

Ha a ka a mo ngolla pele a fihla Arizona mme a se a fumane mosebetsi pel'a Phoenix. Hantle-ntle a ellwa hobane o ne a balehela hole le Modimo, a mpa a sa batle ho e amohela. A natefelwa ke bophelo ba polasi empa jwale ka menate e meng ho yena, monyaka o ile wa tsfala kapele a ba a lakatsa ho kgutlela hae.

E ne e se kgale a le bophirima ha a amohela lengolo le tswang ho mmae a mo tsebisa ha moena wa hae Edward a kula haholo. A se ke a e nkela hlohong kaha ho fihlela jwale mafu a na a eso ho hlahe lapeng la Branham mme a utlwa hore o tla fola haufinyane. Leha ho le jwalo, matsatsi a mmalwa hamorao ha a kgutlela polasing a tswa motseng, a fuwa sekgetjhana se neng se baleha, "Bill, tshelela ka kwano makgulong a leboya. Ke taba e bohlokwa haholo." A titimela makgulong a hang-hang mme motho wa pele eo a kopaneng le yena ya eba renjara ya kgale eo ba neng ba mmitisa Pop. Pop a shebahala a hllokofetse sefahlehong sa hae ha tsebisa William Branham hore o mo tshwaretse ditaba tse bohloko. Nakong yona eo ha fihla moetapele mme a mmolella hore moena'e Edward o hlakahetse. Ditaba tsena tsa mo fihlela e le tse nyarosang habohloko ha a lemoha hoba ha a sa tla hlola a bona moena'e a boela a phela.

Yare a sa eme mono, diketsahalo tsa feralla ka pel'a mohopolo wa hae. A ile a qhela Modimo; o ne a tseba taba eo.

Mme esita le jwale Modimo o bua le yena ka lefu la moena'e. Mohopolo wa pele o fihletseng kelello ya William Branham e le hore ebe moena'e o na a itokiseditse ho shwa kapa tjhe. Ha a retoloha mme a lahlela mahlo mafulong, dikeledi tsa phorosela mahlong a hae. A hopola kamoo ba sebeditseng mmoho ha e sa le bashanyana ba ba nyenyane le ka moo bophelo bo bileng sehloho bo bile bo le boima ho bona. A hopola kamoo ba neng ba ya sekolong ba sa kgwaya dijo tse lekaneng tsa motshehare, diaparo di sa lekana mekokotlong ya bona, le menwana e hlahile dieteng tsa bona. Ba ne ba lokela ho apara dijase tsa kgale tse qhwaetsweng hodimo molaleng wa bona kahobane ba se na dihempe. A hopola tsatsing le leng mohla mmae a ba tsheletseng diqhuqhume tsa poone ka hara dinkgonyana tsa dijo mme ho etsa bonnete ba hore o fumana karolo ya hae, a ile a tswa mme a kga diqhuqhume ka seatla se tletseng pele hora ya dijo tsa motshehare e fihla.

Yare a sa eme mono a shebile botjhabela, mose wane ho makgulo, a boela a ipotsa. Ebe na moena'e o na a itlhophiseditse ho shwa? Hola ho no ho shwele yena teng, na a ka be a lokile? Mme a boela a ikamohela hore o ne a sa itokisa mme a bile a sa batle ho kopana le Modimo wa hae.

Kgetlo la pele moo William Branham a hopolang a utlwa thapelo e ne e le mohla lepato la moena'e. Mor. McKinney wa Kereke ya Port Fulton o na a tsamaisa mosebetsi wa lepato. Kgapareng ya tshebeletso a re, "Ho ka ba le ba bang mona ba sa tsebeng Modimo. Ha ho le jwalo, hobane'ng le sa Mo amohele?" Taba ena ya sebetsa botebong ba William Branham, ya neng a tlie lepatong. A elellwa hobane o ne a sa tsebe Modimo.

Ha a ka a kgutlela bophirimela hoba lepato le fete a mpa a thola mosebetsi Khampaning ya Tshebeletso ya Setjhaba ya Indiana. Hoba a sebetse le bona dilemo tse pedi, a hlahluba dimetara lebenkeleng la dimetara la tshebeletso ya digase New Albany, a hahlamelwa ke gase. Ena ya eba qalo ya ho kula ha hae ho bileng ha mo susumetsa ho amohele le ho mamela Modimo. A etela dingaka tsohle tseo a na a ka di fumana empa ho se e ka mo kokobetsang. Qetellong a iswa sepeshelising Louisville, Kentucky, moo a boleletsweng hore lelana la hae le loketse ho ntshwa. A se ke a utlwisia sena kaha a sa ka a ba le matshwao a lelana, empa leha ho le jwalo ba re hore a tle a hlaphohelwe ho hlokwa oporeishene.

A qeta ka hore haeba a fela a qoswa ho sehwa, mohlomong o ne a kula ho feta kamoo a lemohang kateng. Lebakeng leo a batla motho ya tsebang Modimo haufi le yena. Ka hona a bitsa Modisa wa Kereke ya First Baptist ya ileng a dula mono ha a kena phaposing ya karo. Pejana ba qala ho seha, a ikutlwia a fokola ka potlako. Tshabo ya tshwara mohopolo wa hae e re a

ke ke a phonyoha karo ena empa o tla bitswa ho ya kopana le Modimo, mme a elellwa hobane o ne a sa itlhophisa. Kgetlo la pele bophelong ba hae a hweletsa thuso ya Modimo.

Kapele ka morao ho karo a bona pono e bileng temana e hlanamisang bophelo ba hae. A ipona a keneletse hare-hare morung o moholo. Modumo wa moyo le mahlaku a shwahlahsang o ntse o mo atamela hanyane-ka-hanyane. A re ka ho yena e ne e le lefu, le tlide ho mo lata. Oh, kamoo a ileng a hweletsa ho Modimo hoba a ne a sa itokisetsa ho kopana le Mmopi wa hae. Moya wa nna wa atamela haufi o ntse o eketsa modumo. A ntoo ipona a boetse a kgutletse mehleng ya boshanyana ba hae, a eme tselaneng mono tlasa sefatse seo sa papoliri moo a utlwileng lenseswe le bua le yena pele a sa le dilemo tse supileng. Lentswe la boela la bua, "O se ke wa nwa le ka mohla, wa tsuba kapa wa silafatsa mmele wa hao ka mokgwa ofe feela... Ke o bitsitse mme o hanne ho ya." Mantswe ana a phethwa hararo. Yaba Mongh. Branham o a meketsa, "Morena, ha e le Wena, nke ke boele lefatsheng mme ke tla bolela Evangedi ya hao ho tswa marulelong a matlo le dikoung tsa diterata. Ke tla e bolella motho e mong le e mong."

Pono ya feta. A utlwa a natlafetse ho feta mme a elellwa hore lefu ha le sa le haufi empa hore o tla fola. Ngaka e sa ka ya tloha kokelong hoba e ne e batla ho hlahluba kgatelopele ya mokudi wa yona. Yare ha a bona William Branham a re, "Ha ke monna ya tsamayang kereke; mosebetsi wa ka o moholo hoo ke hlokang nako. Empa kea tseba hore Modimo o etetse moshanyana enwa." Ha totobala ngaka e lemohile hobane William Branham a ke ke a phela kgabareng ya oporeishene, empa a se ke a phela feela lekgatheng la yona empa a bonahala a bile a matlafetse ho feta mme a le mothating wa ho hlaphelwa ha hae. Etswe ngaka le William Branham mmoho ba sa ka ba e utlwisia. Ke na le tshepo e ngata, leha ho le jwalo, hore hola mohlang a tseba seo a se tsebang jwale, a ka be a sa ka a ferekana empa a ka be a ne a se hhalosetse ngaka le ba amehang habonolo.

Hoba ho fete matsatsi a mmalwa a lokollwa kokelong mme a kgutlela hae. Yaba hona a qalang ho batla Modimo. Ho fihlela nakong ena a sa ka a fumana kwetliso borapeding; a sa tsebe mokgwa wa ho fumana Modimo, a sa ka a nahana Lentswe le le bohlokwa. A tloha kerekeng a ya kerekeng e nngwe, a leka ho fumana moo Bakreste ba ka mo thusang mme ba mo eletsa ka mokgwa wa ho kopana le Modimo.

Bosiu bo bong lapeng o ile a lapela Modimo haholo a ba a nahana hobane a ke ke a phela pele a Mo fumana. Erekaha a ne a sa batle ho hlopha motho ka tlung, a tswela ka ntle mokgorong wa kgale wa patsi ka morao ho ntlo mme teng a leka ho rapela. A sa tsebe mokgwa wa ho rapela empa a

phahamisetsa pelo ya hae ho Modimo le ho lla ka bohohle bo neng bo le matleng a hae. Hang-hang ha hlaha lesedi ka sebopeho sa sefapano mme lenseswe la bua le yena ka puo a sa e utlwisisang. La ntoo ikela. A tshoha a ba a ipotsa nakong eo a reng, "Morena, na ke Wena enwa, kgutla mme o boele o bue le nna hle." Lesedi la boela la kena mokgorong. Eitse ha a rapela la boela la hlaha kgetlo la boraro. Jwale a hlokomela hore o kopane le Modimo. O ne a thabile; a tletse teboho.

A phamisetsa pelo ya hae ho Modimo ka diteboho nakong eo a tlolakang mme a mathela ka tlung ya ka o na a matha moyeng. Mmae a re, "Bill, ho etsahetseng ka wena?" A arabela, "Ha ke tsebe, empa ke ikutlwa ke thabile ruri." Ho e-na le ho dula ka tlung moo batho ba leng teng, a tswela ka ntle moo a na ka dula le Motswalle wa hae e motjha.

A tsebana le Mor. Ray Davis, Modisa wa Kereke ya Boromuwa ya Baptisi, e bileng lehlohonolo ho Moena Branham qalong ya bophelo ba hae ba Bokreste. E nngwe ya dintho tsa pele a kgonneng ho di hlokomela e le hore ha Modimo a fela a mmatla ho kena tshebetsong ya boboledi le jwalo o tla tlameha ho mo fodisa. A etela kereke e dumelang ho tlotsa ka oli mme a fola hang ka mora thapelo. Ha a hlokomela hobane barutuwa ba ne ba ena le seo bareri ba mehla ena ba se hlokang, a kopa Modimo ho mo fa seo barutuwa ba ne ba na le sona. Barutuwa ba ne ba kolobeditswe ka Moya o Halalelang, ba fodisa bakudi, mme ba etsa mehlolo e meholo ka Lebitso la Jesu. A qala a rapella kolobetso ya Moya o Halalelang. A amohela kolobetso eo dikgweding tse ka bang tshelela hamorao, Modimo wa bua le yena o mo laela ho bolela Lentswe le ho rapella bakudi.

Hoba William Branham a sokolohele ho Modimo le ho arabela pitso ya Modimo, ya ka ntho yohle e mo tsamaela ka thello. O na a thabile; a thabela ho kopana le batho. Kgetlo la pele bophelong ba hae a ikutlwa e sa ke nku e ntsho, e ne e se molelekwa, le hore Modimo o kgona ho utla maemo a tepeletsang ana a motho a mme a etse ntho e nngwe ka wona.

Dikgweding tse tshelela ka mora tshokoloho ya hae, ha ralwa mananeo a ho tshwara tshebeletso ya hae ya pele. A qala dikopano tsa tente motseng wa habo wa Jeffersonville. Ha lekangwa batho ba dikete tse ka bang tharo ba etetseng tshebeletso e le nngwe mme ha sokoloha bongata bo boholo. Esita le moreri ya tswileng ka mahetla o ne a sa tlwaela taba ena, mme ke mona e ne e le letsholo la hae la pele.

Letsholo la hlahlangua ke tshebeletso ya kolobetso, ha ba ha kolobetswa batho ba fetang lekgolo le mashome a mararo metsing. Ke hona mohla lesedi la lehodimo le hlahlangua hae ha a kolobetsa motho wa leshome le metso e supileng.

Lesedi lena le bonwe ke phutheho e kgolo e ne e eme mabopong a Noka ya Ohio mme pampitshana ya ditaba ya hlahisa seratswana se buang ka lona.

Batho ba neng ba bolokehile tshebeletsong ya tente ya Jeffersonville ba ile ba etsa qeto ya ho haha tabernakele, e tsejwang e le Tabernakele ya Branham.

Dilemo tse mmalwa tse latelang tsa atleha, mehleng eo tlolo ya Modimo e ne e dutse hodima hae. O na a fuwa dipono tsa dintho tse tla hlaha. Ha a ka a di utlwisia lekgatheng leo empa enere ha di hlaha, a bone hore Modimo o no o mo hlaloseditse setshwantsho se phethehileng.

Dilemong tse qalang tshebeletso ya hae a kopana le Hope Brumback, ngwanana eo a bileng a mo nyala hamorao. Ka mora dikgwedi tse isang bohlanong tsa lefereho, William Branham a etsa qeto hore o tla lokela ho mo kopa hore a ka thabela ho mo nyala na. Etswe, e ne e le ngwanana ya imametseng mme ha eba a na a sa tl'o mo nyala, o na a sa tlameha ho mo senyetsa nako. Ke tla le lokodisetsa pale ya dihlong tsa hae, phereho ya lengolo, lenyalo la hae le ka diketsahalo tse ding tse latetseng lenyalo la bona le thabileng, jwalo kaha e phetilwe ke Moena Branham ka mokgwa wa hae o ithobileng o mpa o tshwana le terama.

Ke ne ke le moshanyana wa mahaeng mme ke le dihlong haholo. Ho latela dihlong tsa ka, mohlomong le ipotsa kamoo ke nyetseng kateng le ka mohla.

Ke ile ka kopana le ngwanana ya imametseng wa Mokreste. Ka nahana a na a babatseha. Ke ne ke rata ngwanana enwa mme ke batla ho mo nyala, ke mpa ke se na sebete se lekaneng ho mo kopa. E le ngwanana ya lokileng haholo ho itshenyetsa nako ka mna—a ka iphumanelo motho e mong; ka hona ka tseba hobane ke ne ke tlamehile ho mo kopa kapele. Ke etsa disente tse mashome a mabedi ka hora mme ntatae a etsa didolara tse makgolo a mahlano ka kgwedi. Bosiu ka bosiu enere ha ke mmonga ke qete ka hore ke tla mo kopa bosiung boo. Ebe moo sekaga se nyolohang ka mmetso wa ka mme ke sa kgone ho etsa hoo. Ke sa tsebe seo nka se etsang. Le tseba kamoo ke ileng ka e sebetsa qetellong? Ke ile ka mo ngolla lengolo.

Be, lengolo leo le ne le tshwere ditaba tse ngata tsa lerato ho feta-feta “Mofn. ya ratehang.” Ka sebetsa ka bokgoni bo matleng a ka ho ngola lengolo le kgabane, leha ke kgolwa hobane boleng ba lona bo ne bo le fatshe. Ka baka leo hoseng ka itokisetra ho le lahlela ka hara lebokose la poso. Yaba ke fihlelwa ke mohopolo wa se ka hlahang ha mmae a ka le thola. Kwana ke ne ke tshaba ho mo fa lona. Qetellong ka fumana sebete se lekaneng ho le kenya lebokoseng la mangolo hoseng ha Mantaha. Ke tshwanetse ho kopana le yena bosiu ba Laboraro ho mo isa kerekeng. Ke ne ke ferekane haholo

veke yohle ho fihlela Laboraro. Ka ya mmona phirimana eo ya Laboraro. Ha ke ntse ke tsamaya ka nahana ka se ka etsahalang ha mmae a tswa mme a re, "William Branham!" Ke ne ke tseba hore nka utlwana le ntate, ke mpa ke sa tsitsa hakaalo ka mme.

Qetellong ka fihla monyako mme ka bitsa. A tla mme a re, "Oh, hele-helele Billy, kena." Ka re, "Ha o sa tsotelle ke tla dula ka ntle mathuleng." Ka etsa bonneta ba hore ha ba nkenye ka hare. A re, "Ho lokile, ke tla be ke lokile metsotsong e mmalwa."

Leha ke ne ke ena le Ford ya moetso wa "T", o ile a re, "Kereke ha e hole; ha re itsamaele feela." Taba ena ya ntlholla mme ka kgodiseha hobane ho hlahile ntho e nngwe. Ra nna ra tsamaya ho ya kerekeng empa a se ke a bua letho. Ke ferekane hoo ke sa utlwang seo moruti a se buileng phirimanaeng eo ho hang. Le tseba kamoo mosadi a ka o dikadikisang kateng.

Hoba re tswa kerekeng, ra qala ra tsamaya re theosa ka seterata. E le phirimana e kgantshtsweng ke ngwedi. Le jwale a se ke a bua letho. Qetellong ka qeta ka hore ha a fumana lengolo. Taba ena ya etsa hore ke phutholoh. Ka nahana hore lengolo le ka tshwana le fapantswe ke ramangolo mme hang keha ke se ke boetse setlwaeding sa ka. Ra nna ra tsamaya. Ka mo sheba ha re tswa re hlaha ka mora dimate. Mahlo a hae a lerootho a phatsima nakong eo ngwedi e mo kgantshang. Ka nahana, kgele banna! E ne eka lengelo!

Qetellong a re, "Billy?"

Ka re, "Eke."

A re, "Ke fumane lengolo la hao."

Oho, banna! Ka nahana, oh, oh. Ke moo he. O tla ikutlwa jwale, Bill. Ho fedile jwale. Ka nahana a ile a emela ho fihlela kerekeng e tswa. A se ke a hlola a bua letho. Yaba ke re, "O le fumane?"

A re, "Ah-hah."

Ka nahana, tswela pele, ak'o potlake. Ke sa kgone ho e mamella. Le tseba kamoo mafumahadi a leng kateng; ba ka o dikadikisa. Re se re batla re tsamaile boloko ba motse mme a sa ka a bua letho. Qetellong ka re, "Na o le badile?"

A re, "Ah-hah."

Ehu! "O ile wa nahananang ka lona? Na le ne le itoketse?"

A re, "Ah-hah."

Yaka a ka be a buile ntho e nngwe. Yaba ke re, "Na o ile wa rata se neng se ngotswe ho lona?"

A re, "Ah-hah."

Ka re, "Na o le badile kaofela ha lona?"

A re, "Ah-hah."

Be, re ile ra tjhata. Ra phomella qetellong. Pele ho moo, leha ho le jwalo, ra etsa qeto ya ho kopa batswadi ba hae. Nka kgema hantle le ntatae, kahoo ka dumela ho kopa yena. Athe yena o na a tla kopa mmae. Ka nna ka e lebadisetsa matsatsi halelele kamoo nka kgonang, hoba le ho nahana ka yona feela ho ne ho mpherekanya. Qetellong, mantsiboya a mang hoba ke qete ho dumedisa mme ke se ke tsamaya keha Hope a nqhwaya a ntshupisa ntatae. Oh, banna! Ka tseba hore hoo ho no ho bolela'ng. Nako e ne e fihlile; nke ke ka hlola ke e lebadisa ho ya pele. Ka baka leo ka mo kopa ho qoqa le yena motsotso tlassa mathule. A re, "Ehlile, Bill."

Ha re tswela mathuleng ka re, "Ke phirimana e ntle, ha ke re, Charlie?"

A re, "Ehlile, Bill."

Yaba ke re, "Tjhe, ah-ah,—."

A re, "E, Bill, o ka nna wa mo fumana."

Ka re, "Ke a leboha, Charlie." Oho banna! A nntsha mathateng a mangata. Yaba ke re, "Jwale sheba, Charlie, nke ke ka mo phedisa jwalo ka wena." E le e mong wa bahlophisi ba Bolekane ba Seporo ba Pennsylvania. Oh, banna; a etsa tjhelete e ntle, mme ke nna eo ke hatisa disente tse mashome a mabedi ka hora ka peke le fosholo. "Empa ke tseba ntho e le nngwe ena," ka tswela pele, "ha ke eso ho bone motho eo ke mo ratang waleka yena lefatsheng. Ke mo rata ka pelo yaka yohle. Ke o tshepisa sena, Charlie, ke tla sebetsa ha feela ke kgona ho sebetsa mme ke tla etsa sohle seo nka se kgonang ho tshephahala le ho loka ho yena. Ke tla etsa sohle seo nka se kgonang ho mo phedisa."

A re, "Nka mpa ka o fa yena ho ena le motho ofe feela eo ke mo tsebang hoba eo ke yona ntho e bohlokwa, Bill. Hase tjhelete; ke kamoo le thabileng kateng."

Ka thaba haholo ha a ikutlwile jwalo. Thabo ha e tliswe ke kamoo le ruileng dintho tsa lefatshe, empa kamoo le kgotsofaletseng kabelo eo le e abetsweng. Ho lokile. Leha o atetswe haholo kapa o atetswe ha nyenyane, o lebohe Modimo feela ka hoo.

Re ile ra tjhata mme ha ke kgolwe ho bile le sebaka se thabileng ho feta lelapanyana la rona lefatsheng. Ke sa hopola seo re neng re ena le sona mohla re qalang ho kenya thepa kahara diphaposi tse pedi. Ka reka setofo sa kgale ho morekisi wa thepa ya kgale ka dolara le halofo mme ra sebedisa disente tse mashome a supileng ho kenya dikreiti ka hara sona. Mofumahatsana e mong a re fa bethe ya kgale e menwang. Ka ya ha Sears and Roebucks ho ithekela e nngwe ya disete tsa borakefese tseo motho a lokelang ho ipherefela tsona.

Le ne le se le kaalo, empa metswalle, e ne e le lehae; mme nka mpa ka dula ka hara mohlongwafatshe wa makapa mme ke fumane mohau ho Modimo ho ena le ho aha tlung e babatsehang ho fetisa empa mohau wa Hae o le siyo. Re se na thepa e kaalo ya lefatshe lena. Ke sa hopola ke bolella mosadi wa ka hore ke tlameha ho kopa kereke ho mpha monehelo ho re thusa ho lefella melato ya rona. Pele ho mona ke eso ho nke monehelo kerekeng ya ka. Phirimana eo ya Sontaha ka kopa e mong le e mong wa baholo ho nka katiba ya hae le ho phutha monehelo. Empa hoba ke tsebise seo ke til'o se etsa, ka bona mme wa leqheku a bula sepatjhe sa hae a ntsha penshelenyana ya hae. Oho, kgidi! Ka hloka sebete sa ho nka tjhelete ya hae. Ka baka leo ka ema mme ka re ho bona ke ne ke swaswa mme ke ipotsa hore ba ka etsa hoo na. Hamorao setho sa kereke sa mpha baesekele ya kgale eo ke ileng ka e farefa ka e rekisa.

Hoba ho fete dilemo tse pedi ha fihla moshanyana lapeng la rona. Ho hlaha ha hae ha re tlamahanya mmoho le ho feta. Mohla ke mo utlwang a lla pele ka hara kokelo ntho e nngwe ya mpolella hore e ne e le moshanyana. Ka re, "Morena, moshanyana wa hao ke eo. Ke tla mo reella Billy ntatae le Pauluse ho tswa Bibeleng. Lebitso la hae e tla ba Billy Paul."

Ngaka ya tswa mme ya re, "Moshanyana wa hao o teng ka mane."

Ka re, "E. Lebitso la hae ke Billy Paul."

Ka hona re ne re thabile. Ke sa hopola re ne re sebetsa re le babedi. A sebetsa fektering ya dihempe a leka ho re thusa ho phela. Ke ne ke rera bosiu bo bong le bo bong. Ke sebetsse letsheare lohle dikgatamping. Ka nako tse ding ke fihle hae bosiu matsoho a ka a tswile matswabadi e le dikokotwane, mme hangata a tswa madi. Hope a dule fatshe a nthobe matsoho bosiu pele ke ya kerekeng. Yaba o re o batla hore ke nke phomolo. A batla a bolokile didolara tse leshome le metso e mmedi, mme a batla ha nka nka leeto la ho ya tshwasa dihlapi. Ka baka leo ka re, "Ho lokile. Empa na ha o batle ho ya tshwasa dihlapi, le wena?"

A re, "Tjhe. Nka mpa ka salla Sekolo sa Bibele sa Lehlabula mona."

Ka baka leo ka nyolohela Letsheng la Pawpaw mane Michigan, ka hodingwana feela ho Indiana, le motswalle wa kgale wa moreri. Tjhelete ya ka ya sitwa ho tshwarella nako e telelele ha kaalo mme ka tlameha ho kgutla. Leetong la ka le kgutlang eitse ha ke tshela Noka ya Mishawaka ka bona palo e kgolo ya batho e kgobokane sebokeng. Ha ke ipotsa hore e ne e le seboka sa mofuta ofe, ka etsa qeto ya ho ema. Ke hona moo ke tsebaneng le batho ba Pentekosta teng.

Batho ba ne ba bokane sebokeng. Ba ntse ba bina "Kea tseba e ne e le madi, kea tseba e ne e le madi." Hang

mobishopo a ema mme a qalella ho rera ka kolobetso ya Moya o Halalelang. Ka etsa qeto ya ho dula ho fihlela tsatsi le hlahlamang. Ke hloka tjhelete ya phaposi ya hotele, ka hona ka tswela thoteng mme ka emisa tshimong ya koro moo ke ileng ka robaletsa teng bosiu boo. Hoseng ho hlahlamang ka tsoha ka matjeke mme ka kgutlela kerekeng. Ka reka dirolo tse mmalwa le lebese hore tjhelete yaka e tle e tshwarelle. Ha ke kgutlela kerekeng, batho ba bangata ba se ba kgobokanetse thapelo ya hoseng.

Bosiung boo ha dula bareri ba bangata kalaneng. Moetapele a re, "Ha re na nako ya ho le utlwa le rera kaofela ka baka leo re tla kopa e mong le e mong wa lona ho ema feela mme o re bolelle lebitso la hao." Ka hona ha ba fihla ho nna ka ema mme ka re, "Mor. William Branham," mme ka dula fatshe.

Thapama e hlahlamang ba emisa monna motho e motsho ho rera. E batla e le kgaba le ileng mme ka batla ke makaditswe ke ho bona ba kgetha thaka le kang leo ho rera pela phutheho e kgolohadi eo. A rera ka Jobo 7. "O no o le kae mohla Ke beang metheo ya lefatshe, mohla dinaledi tsa meso di binang mmoho?" Be, thaka leo la qotsa dilemo tse ka bang dimilione tse leshome pele ho boptjwa lefatshe. A batla a akaretsa ntho yohole lehodimong, a theoha ka mookodi mme a rera ka ntho e nngwe le e nngwe e hodima lefatshe le ho e fihlisa ho Kgutleng ha Kreste Labobedi.

Ka tswela tshimong ya koro le ho boela ke robala bosiu boo. Hoseng, kaha ke ne ke hopotse ho se motho ya ntsebang, ka qeta ka ho apara para ya kgale ya marikgwe a sisaka. Para yaka e nngwe e batla e sosobantswe ke ho etsa mosamo. Lena e ne e le letsatsi la ka la ho qetela ho dula kaha ke setse ka tjhelete e lekaneng ho reka mafura a ho kgutlela hae. Ka kgutlela kerekeng mme ha ke fihla batho keha ba bina.

Moreri ya bolaoding a ema mme a re, "Re sa tswa ba le tshebeletso e eteletsweng pele ke moreri e motjha ka ho fetisisa mona. Moreri e mong e motjha ke William Branham wa Jeffersonville." A re, "Nyolohela kwano, Mor. Branham, ha o le teng ka mohahong."

Le ka kgodiseha hore taba ena e hlile ya nthara. Ka diha mahlo mme ka sheba marikgwe a ka a sisaka. Ka baka leo ka dula mono ke kgutsitse ruri. Hantle-ntle, ke ne ke eso bone morero oo wa ampolifaya o buang le batho pele, mme ruri ke sa batle ho nyolohela mono le ho rera pela bareri bao bohle ba matlahadi.

Ba boela ba hweletsa, "Ho na le motho ya tsebang moo Mor. Branham a leng teng?"

Ka mpa ka kgohlela ke kobotela setulong sa ka ho feta pele. Ha boela ha bitswa. Monna ya dutseng pela ka wa motho e motsho a sokoloha mme a re, "O a mo tseba ke mang eo?"

Ka re, "Mamela, ke nna Mor. Branham, empa ke apere marikgwae ana a sisaka mme nke ke ka nyolohela kalaneng eo."

Monna eo wa bamballa a re, "Batho bana ha ba tsotelle kamoo motho a apereng kateng. Ba tsotella se ka pelong ya hao."

"Be," ka re, "o se ke wa bua letho hle." Empa monna eo wa bamballa a se ke a hlola a tsila-tsilá.

A hweletsa, "Ke enwa! Ke enwa!"

Pelo ya ka ya tetebele; ke sa tsebe seo nka se etsang. Bosiu bo eteletseng boo pele ke ile ka rapela tshimong kwana, "Morena, haeba e le batho bao esale ke batlile ho ba fumana, ba bonahalang ba thabile mme ba lokolohile hakana, o mphe mohau pela bona." Be, Morena a mpha mohau mahlong a bona, ke mpa ke sa batle ho nyolohela ka pela mokgopi ka marikgwana ao a sisaka. Motho e mong le e mong a ntjhebile mme ka lokela ho etsa ntho e nngwe. Ka baka leo ka nyolohela kalaneng. Sefahleho sa ka se tlerefetse, mme eitse ha ke retoloha mme ke bona dimakrofono tseo, ka batla ke ipotsa, "Dintho tseo ke ding?" Ka rapela, "Morena, ha eba O kile wa thusa motho, nthuse jwale."

Ka phetla Bibebe mme mahlo a ka a wela hodima temana, "Monna wa morui a bula mahlo a hae diheleng." Mme yaba o a lla. Bakreste ba ne ba le siyo mono, yaba o a lla. Ho se kereke mono, yaba o a lla. Ho se dipalesa mono, yaba o a lla. Ho se Modimo mono, yaba o a lla. Ha ke ntse ke rera, ka hweletsa. Ntho e nngwe ya ntshwara mme matla a Modimo a theohela hodima phutheho.

Tshebeletso ya tswella dihora tse ka bang pedi. Hoba tsohle di fete, ka nna ka itsamaela ka ntle. Thaka la senatla le rwetseng dibutshu tsa makhauboyi la tla mme la itsebisa nna. A re, "Ke tswa Texas mme ke na le tshebeletso e kgabane tlase mono. Ho ka ba jwang ha o ka ntshwarela kopano ya diveke tse pedi?"

Moreri e mong ya tswang Florida a nyoloha mme a re, "Ho ka ba jwang ha o ka tshela mme wa ntshwarela dikopano?"

Ka nka sekgetjhana sa pampiri ka ba ka ngola mabitso le diaterese, mme metsotsong e mmalwa keha ke se ke radile ditsoseletso tse ntekanang ho kganna selemo kaofela. Be, ke ne ke thabile. Ka qhomela Ford ya ka ya moetso wa "T" mme ka theosa ke haola hara Indiana, dimaele tse 30 ka hora—dimaele tse 15 ke ya pele le dimaele tse 15 ka hora ho ya hodimo le tlase.

Ha ke fihla hae, mohats'a ka a tswa a titima a nkgahlanyetsa mme a nkopa ka matsoho a hae. Yare ha a ntjheba a botsa, "O thabetse'ng hakana?"

Ka re, "Ke kopane le sehlopha sa batho ba thabileng ka ho fetisa bao nkileng ka kopana le bona bophelong ba ka. Ruri ba thabile, mme ha ba swabele borapedi ba bona. Batho bana ba

bile ba ntumella ho rera sebokeng sa bona, mme ho feta moo, ke fumane dimemo tsa ho rera dikerekeng tsa bona. Na o tla tsamaya le nna?”

A arabela, “Moratuwa, ke tshepisitse ho ya le wena hohle ho fihlela re arohangwa ke lefu.” Modimo o ke o hlohonolofatse pelo ya hae e tshepehang.

Ka hona ka qeta ho nyoloha le ho ya bolella mme wa ka. Ha ke fihla mono ka bolella mme ka dimemo. A botsa, “O tla etsa’ng mabapi le tjhelete?” Ra utlwa hobane Morena o tla re baballa. A nkopela ka matsoho a hae mme a ntlhohonolofatsa mme le jwale o sa ntse a nthapella. A re, “Mora, ba kile ba eba le borapedi bo jwalo kerekeng eo ke e tsebileng dilemong tse ngata tse fetileng, mme kea ba tseba hore ba lokile.”

Mme metswalle, seo ke se buang jwale, e ke e be thuto ho lona. Diphoso tsa ka e ke e be ditemoso ho lona. Metswalle le baheso ba ile ba nkeletsa kgahlano le ho amohela seo ke tsebileng e ne e le pitso ya Modimo ho nna. Ba bang ba re batho bao ke kopaneng le bona sebokeng e ne e le dithole tsa batho. Hamorao ka fumana, mme ke bua hona ka tshabo ya hlompho, hore se neng se bitswa “dithole” e ne e le “lebebe la kotulo.” Ha thwe mosadi wa ka o tla ja ho lekaneng letsatsi le leng a ntoo hloka dijo tsatsi le hlahlamang. Ba bang ba re ho nna ke tshwanelo ya ka ho dula mono Jeffersonville le ho hlokomela mosebetsi. Mosadi wa ka o ile a bolella mmae mme a re o tla theohela lebitleng la hae ka pelo e robekileng ha Hope a ka tsamaya le nna. Mohatsa ka o ne a lla mme ka mo mmolella hore re ye hae le ho rerisana ka yona. A etsa qeto ya ho tsamaya le nna, ka mpa ka re re e tlohele. Metswalle e ratehang, ke hona moo mathata a ka a qadileng teng. Ka mamela seo mosadi a se buileng ho ena le seo Modimo a se buang. Dikgweding tse leshome le metso e robedi ka lahlehelwa ke ntate wa ka, moena, ngwetsi eso, mosadi le lesea mme le nna ka batla ke lahlehelwa ke bophelo ba ka. Nke ke ka e lebala le ka mohla.

Mehleng ena ke ne ke sebetsa ke le lepolesa la tlhaho la Naha ya Indiana. Tjhelete eo ke e fumanang mosebetsing ona e ne e laolwa ke hore na ke tshwere ba bakae. Empa ke ne ke sa ba tshware le ka mohla. Bakeng sa hoo ke dule mme ke qoqe le batlodi ka bonono ba dipapadi, tseo ke neng ke utlwa di putsa ho feta dikotlo tseo ke neng nka di diha.

Mehleng ena ngwananyana wa rona o ne a se a fihlile, Sharon Rose e monyenyanne. Pelonyana ya hae e bonolo e hlohonolofatswe, kajeno o lehodimong. E ne e le moratuwa wa ka. Ke rata bana ba banyenyane, mme ke sa hopola kamoo re neng re thabile mmoho. Ke ne ke batlile ho mo rea lebitso la Bibebe. Nke ke ka mo reella ka Jesu e leng Rosa ya Sarone ka baka leo ka mo rea Sharon Rose. Re ne re dula motlotlwaneng

wa kgale. Ke sa hopola hobane ke ne ke ye ke fihle mantsiboya mme a dule ka ntle mono jareteng a rwetse dintlhana tsa hae tse nne mme e re ha ke hlahella koung ya tsela ke tobetse saerine ya koloi eo ke neng ke e sebedisa jwalo ka lepolesa la tlhaho. A tsebe hore kea tla mme a re, “guu guu guu.” A ntoo nnanabela ka matsohonyana a hae mme ke mo nke ke mo kopele. Kgele, a le mosa hakakang.

Hang mohatsa ka a kudiswa ke tshwaetso ya matshwafo. Ntho e latelang moena a shwela pel'a ka hantle. Le a bona, tsela ya mofapohi e thata. Ya ntoo ba ntate dilemong tse 52, a tshwarwa ke pelo bosius bo bong mme a shwela diphakeng tsa ka hora e latelang. Matsatsi a mmalwa feela pele a shwa o ne a le salunung mme motho e mong a mo kopa ho nwa. O ile a phahamisa galase empa a qala a tlakasela. Hoba a e behe fatshe, a qalella ho lla mme a bua ka mora wa hae ya neng a rera. A tswelapele ho bolela ha dilemong tsena tsohle a bile phoso athe mora hae o ne a nepile. A re, “Kahobane ke le letahwa hoo ho se qaphaletse bara ba ka. Ke nwa seno sa ka sa ho qetela bophelong ba ka bohle.” Yaba o phahamisa galase ya hae mme a leka ho nwa seno a mpa a se tshollela hohle sefahlehong sa hae. Yaba o boela a lla, a nka katiba ya hae mme a tswa. Ketsahalo ena ka e phetelwa ke agente ya inshorentshe eo hamorao ke bileng ka mo tataisetsa ho Morena. Pejana feela ho lefu la hae, o ne a ile a nehela Morena pelo ya hae.

Modimo o na a ntse a buisana le pelo ya ka. Yaba ngwetsi eso e shwela hantle mono ha hae. Le kerekeng ya ka dintho tsohle di bonahala di sa tsamaye hantle. Tsela ya mofapohi e thata. Le a bona, mohlang oo ka nna ka theohela tlase. Empa ha ke hloleha, ke dumela hore Modimo o ne a sireletsa neo ya Hae. Yaba ke re, “Oh, nka etsa’ng; ke sitilwe.” Tlolo ya Modimo e ne e mphuraletse mme hantle-ntle ya se ke ya hlola e kgutla ha e se ho fihlela Lengeloi le kopana le nna ka 1946. Dilemo tsena ya eba lekgatthe le rothofetseng la bophelo ba ka. Tsena tsohle ya eba tholwana ya ho se etse seo ke tsebileng Modimo a batlile hore ke se etse.

Ha isa-is a mohatsa ka a tlokelwa ke pneumonia. Morwallo wa 1937 wa fihla ka potlako mme wa mo kgaoletsa. Ke sa hopola bosiu boo. Nke ke ka bo lebala le ka mohla. Lerako la metsi le ne le pshatlehile hodimo mono mme motse o hoholwa o hlakolwa mmapeng. Ka isa Hope le masea a mabedi ao kokelong ya nakwana, e hlomilweng ke mmuso. Bao bohle keha ba le mono ba kula hampe. Motjheso wa Hope o ne o etsa 105°. A ile a kula ke sa ile ho rapela phirimana eo, ka lelala hodimo mme ka re, “Morena, hauhela mohatsa ka o mo fodise. O tla etswa jwalo, Morena? Hobane ke a mo rata.” Yaka ke bona ntho e kang lesela le letsho mme la lepella ka tsela eo. Ka tseba ntho e tla etsahala lekgatheng lona leo. Ka ya bolella batho

ba kereke ya ka. Ba re ke kahobane ke ile ka kgathatseha haholo le ka baka la kutlwelobohloko kaha e ne e le mohatsa ka. Ka re, "Tjhe, ho hlahile garetene e ntsho dipakeng tsa ka le Modimo. Ho na le ntho e nkarotseng le Yena mme ha A sa nkutlwa."

Oh, ke ne ke kgathetse. Morwallo o ne o tsholoha bosiu boo, ke ne ke le hara sehlopha se hlahlobang nokeng. Ke pholosa batho hohle, ke ba thota, ke ba bokella jwaloka makgomo. Ka bitswa lekgatheng leo mme ka laelwa ho theohela tulong e nngwe moo morwallo o ne o heleditse lehlakore le leng. Ka titimela mono ka potlako. Ka utlwa batho ba hweletsa. Ka utlwa mosadi e mong a bokolla, "Thusang! Thusang!" Ka nahana seo nka se etsang mme yaba ke matha ho ya lata mokorwana o lebelo. Ka nyolha empa ka sitwa ho sututsa maqhubu ao. Lerako la metsi le ne le pshatlehile mme metheo ya matlo ao a mekato e mmedi e ne e reketla. Leha ke lekile ho ema kgahlano le maqhubu ao, ke ne ke sa tswe tema. Qetellong ka fapohela nqa e nngwe mme ka hoholelwla tlase e le hore ke tle ke tlamelle kgole tshiyeng ya mathule ha ke feta. Ke ile ka tlamella seketswana mme ka siya moutoro o ntse o duma ho se thusa kgahlano le maqhubu.

Ka titimela ka tlung mme ka fumana bana ba bararo kapa ba bane, ka ba qotsa ka ba kenya seketswaneng. Ka ntoo nka mme, ka mo beha seketswaneng le ho tswa. E ka ba hora ya pele mesong, lehlwa le kgetheha le serame se wa, nakong eo ke qhomelang ka hara seketswana ke kgutlela morao. Eitse ha ke fihla setsheng moo ho bokaneng batho ba emetseng ho palamiswa seketswana ha re feta, mosadi a qala a bokolla, "Lesea la ka, lesea la ka!" Ka hopola hobane o siile lesea morao kwana yaba ke ba siya mono ke kgutlela morao. Karolo ya ntlo e se e le siyo, ha ke fihla ho yona. Ka mathela ka hare mme ka sheba hohle ke sa fumane motho. Hamorao ka fumana hore lesea le ne le ka ba dilemo tse pedi. Ka nahana hore lesea la hae le ne le ka mono. Jwale eitse ha ke utlwa lephako la ntlo le wela, ka matha mme ka qhomela ntlo ka fesetere ka ba ka tshethemela hodima mathule. Ha ke etsa jwalo, ka bona seketswana sa ka se phaphamala se ikela. Ka qhautsa thapo mme ka kena seketswaneng ke kolobile tee-tee. Ka leka ho se dumisa, empa leqhwa le ne le letse hodima thapo e dumisang. Ka hula ka ba ka hula empa sa hana ho duma.

Ka tshwaswa ke molaponoka mme seketswana se se se kanama; ke sa kgone ho dumisa mouturu. Ke ne ke ena le mosadi ya kulang le bana ba babedi ba kulang kokelong. Ke sa tswa pata ntate diveke tse mmalwa pele ho moo. Mme ke nna enwa moo ke leng teng. Ka kgumama ka hara seketswana mme ka re, "Oho, Modimo, nkgauhele, nna moetsadibe. Ke a tseba hore ke sitilwe, empa ka kopo hle, Modimo o ratehang, o se ke wa ntesa ka siya mohatsa ka le masea mme ka nwela

nokeng ena." Ka boela ka hula hape le hape. Ke nna eo ke se ke tobile diphororo hantle. Ka hula thapo sa mpa sa hana ho duma. Ka boela ka rapela mme ka re, "Modimo, o nkgauhele." Ka fumana nako ya ho thuisa dintho tse ngata, metswalle. Ke a le bolella, hora eo ha e fihla mme lefu le o kgothometsa, o tla hopola dintho tse ngata tseo o sa di nahanten hona jwale. Ka hula ka ba ka hula, mme ka mohau wa Modimo mouturu wa duma. Ka kgutla mme ka boela ka sututsa maqhubu ka ba ka fihla kwana Howard's Park, tlase maotong a Jeffersonville, e ka ba hora ya boraro mesong.

Yaba ba mphethela ka lephako le leng la lerako le pshatlehileng la ba la phalla ka Lanky Kank Creek le ho thibella Setsha sa Mmuso. Ka nyolohela mono ka potlako mme ka fumana metsi a se a dikile kokelo ya nakwana. Ka kopana le kapotene e emeng mono mme ka re, "Kapotene, monghadia, ho na le motho ya nwetseng na?"

A re, "Tjhe, ha ho motho ya nwetseng."

Ka re, "Ke na le mohatsa ka le bana ba babedi ba kulang ka mono."

A re, "Be, ho latela tsebo ya ka motho e mong le e mong o tswile."

Ka tswela pejana mme ka kopana le moruti ya tlatsanang le nna. A akga matsoho a hae mme a nkopela nakong eo a reng, "Billy moshaana, ha eba ke sa tl'o hlola ke o bona, ke tla o bona hoseng." Ke qetetse ho mmona mohlang oo. O ile a shwa mehleng ya morwallo.

Hamorao ka kopana le Majoro Weekly ya ileng a re, "Moruti Branham, mosadi wa hao le masea a mabedi ba tswile ka koloi ya dikgomo ho leba Charlestown, Indiana."

Serame se ne se kgetheha le sefako se na nakong eo ke titimang ho nka seketswana sa ka mme ke potlakela hodimo moo Lanky Kank Creek e fetang teng. Motho e mong a re, "Oho, koloi ya dikgomo e hohotswe seporong hodimo kwana mme motho e mong le e mong ya ka hare o nwetse." Oho, banna!

Yaba motho e mong o re, "Tjhe, ha e a hoholwa; e tshetse. Re utlwile ka radiphahlo hore e tshetse."

Be, ka kena seketswaneng mme ka potlakela hodimo mono. Ka bona molatswana oo o atamela; ke sa kgone ho foftla metsi ao. Wa ba wa nthibella mme teng ka tshwaseha tulong e bitswang Port Fulton matsatsi a ka supang. Yaba ke fumana nako ya ho e thuisa. Ka ntso rapela. Ka lla mme ka ipotsa hore mosadi wa ka o ne a shwele kapa a phela. Bana ba ka ba ne ba ya jwang, mme wa ka yena? Qetellong, ha metsi a se a kokobetse ka tshela ka qala ka tsamaya jwalo. Ka nyoloha

ka tsela mme ka kopana le motswalle wa ka, Mongh. Hay, ya tswang Charlestown. Ka botsa, “Na mosadi wa ka o teng mono?”

A re, “Tjhe, Billy, Mof. Branham ha a yo mono empa re tla mo fumana kae-kae.”

Ka re, “Ho fihlile terene e tletseng batho ba kulang ba le ka hara koloi ya dikgomo.”

A re, “Ha e a ka ya ema mono.”

Ka ya Ofising ya Radiphahlo. A re, “Oh, enjenere e nkileng koloi ya makgomo o tla fihla mona metsotsong e mmalwa feela. O ne a le mona metsotso e mmalwa e fetileng.”

Ho kgutleng a re ho nna, “E, monghadi, ke sa hopola mme ya kulang le bana ba babedi. Ke ba theotse Columbus, Indiana. Ba ne ba kula haholo.”

Moo e ka ba matsatsi a supileng kapa a robedi pele, mme ka ipotsa hore ba sa phela na. Ke sa kgone ho pota ka kwana, ka hona ka qala ka nyoloha ka tsela. Ha ke ntse ke tsamaya jwalo ke lla, ka atamelwa ke koloi. Kahara yona e le motswalle wa ka ya ileng a re, “Bill, ke tseba seo o se batlang. O batlana le Hope, ha ke re?”

Ka re, “E.”

A re, “Be, o robaditswe pela mohatsa ka kokelong ya nakwana ya Baptisi kwana Columbus, Indiana, o tshwerwe ke lefuba, o ntshing tsa lefu.” A re, “Ha ke tsebe moo bana ba hao ba leng teng. Ha ke eso ho ba bone, empa ke bone Mof. Branham mono. Mohla o mmonang o ke ke wa hlola o mo tseba. O batla a dihile boima ba diponto tse mashome a mabedi a metso e mehlano. O ntse a re o shwele.”

Oho, kgidi, metswalle, ha ke e nahana ho biloha ntho pelong ya ka. Ka kena koloing mme qetellong ka fihla Kerekeng ya Baptisi e neng e sebedisetswa kokelo ya tshohanyetso. Ka mathela ka hare; sebaka se ne se hatellane. Ka hweletsa, “Hope! Hope!” haholo kamoo nka kgonang. Ka sheba moalwana khoneng mme ka bona sephakana se masapo se phahame se nkgwehla. E ne e le yena. Sefahleho sa hae se phathahane haholo mme ka mo mathela ka potlako ka itihela pela hae ke lla. Oho, banna! A se a batla a iketse. Mahlwana a hae a lerootho, a ne a hilosa tshotleho e kgolo a na fetile ho yona, a ntjheba nakong eo ke kenyang letsoho la hae le le sesane, le sehlefetseng ka hara la ka ke bile ke rapela ka bokgabane ba matla a ka. Empa ya ka ke lefeela. Ha se ke ha hlaha karabo ho hang. Ka ntsoo utlwa letsoho le nthetsa mokokotlong. E ne e le ngaka e ileng ya re, “Na ke wena Moruti Branham?”

Ka re, “E, monghadi.”

A re, “Na nka qoqa le wena motsotso?”

Mme ka re, “E, monghadi.”

Ka tswela thoko mme a ntoo re, “Na ha o motswalle wa Ngaka Sam Adair, Jeffersonville?”

Ka re, “Re hotse mmoho, ra tshwasa dihlapi mmoho, ra robala mmoho; re metswalle ya hloho ya kgomo.”

A re, “Be, ke batla ho o bolella, mosadi wa hao o a shwa, Moena Branham.”

Ka re, “Tjhe, Ngaka, Modimo a ke ke a mo dumella ho shwa.”

“Be,” a re, “ho latela thuso ya bongaka, ho fedile ka yena. O tshwerwe ke lefuba le kgohlopang mme ha ke kgolwe ho na le ntho e ka le thibelang, kaha le se le mo tshwere.”

“Na masea a ka a itoketse?” ka botsa.

A re, “A ka phaposing e nngwe. Lebaka leo ba sa kang ba a beha haufi le yena ke kahobane a tshwerwe ke lefuba. Le leng la masea a hao le itoketse, athe le leng lona le kula haholo.”

“Na o ka nkisa ho bona, Ngaka?” ka botsa. Ka ya teng ka bona Billy e monyenyan le Sharon ba robetse mono. Ka ba sheba ka ntoo kgutlela moo Hope a na le teng. “Moratuwa,” ka rialo, “o tla itokela. O tla b’o kgone ho kgutlela hae, mme ntho e nngwe le e nngwe e tla itokela.” Ka lla ke kopa Modimo ka pelo ya ka yohle; ka etsa ntho e nngwe le e nngwe kamoo ke tsebileng ho e etsa. Ngaka Adair, pelo ya hae e hlohonolofale, o na a sebeditse ka botshepehi kamoo motho a ka sebetsang kateng. Ra romela ngaka e ikgethileng ho tswa Louisville, Ngaka Miller, ho tswa Sanatorium. A kena phaposing eo tsatsing leo, a mo hlahloba, mme a re hlaha leseding ka meriana e ikgethang.

Ngaka Sam Adair a re ho yena, “Ke yona eo a ntseng a e fumana mme ke phetho seo re ka se etsang.”

Mme ka re, “Ngaka, tshepo ha e sa le yo?”

A re, “Tshepo ha e sa le yo, monghadi, ha e se ha Modimo o ka ba le mohau. Ke a kgolwa hore ke Mokreste mme le wena o Mokreste.”

Ka re, “E monghadi. O itokiseditse ho tsamaya, empa Ngaka, ke a mo rata. Ha ho sa na letho leo o ka le etsang?”

A re, “Moruti Branham, ke tlanngwe matsoho. Re entse tsohle tse ka etsetswang lefuba.”

Ka re, “Oh banna!” Ka mo sheba mme ka nahana, “Oho, e be nka etsang?”

Ka re ho yena, “Ke a kgolwa hore o tla hlaphohelwa, ha ke re?”

A re, "Ha ke tsebe, moratuwa. Ha ho etse lebaka; ntho feela eo ke sa e batleng ke ho o siya le bana."

Ka re, "Be, moratuwa, kea kgolwa o tla hlaphohelwa."

A re, "Ke batla ho bua le wena motsotso, moratuwa."

Ka re, "E."

A re, "Ngaka e o boleletse letho?"

Ka re, "O se ke wa mpotsa, moratuwa. Ke lokela ho ya mosebetsing jwale empa ke tla boela ke kgutla dihoreng tse ding le tse ding tse mmalwa." Ke ya nne ke mo sheba ke rapele ke lle le ho kopa le ho rapedisisa. Ya ka lehodimo e ne e le koporo ka pel'a ka. Ke sa kgone ho phunyeletsa kae kapa kae.

Ke sa hopola hore ke ne ke le hodimo kwana Scottsberg, Indiana, ke ntse ke itsamaela tsatsi le leng, yaba ke utlwa ho phatlalatswa molaetsa wa tsietsi seyalemoyeng—"Ho bitswa Lepolesa William Branham. Ak'o itlhahise kokelong. Mosadi o a shwa. Tloo kapele. Mosadi o a shwa." Oh banna! Ka rola katiba ya ka, ka lalala hodimo mme ka re, "Ntate, ke entse tsohle tseo nka di kgonang. O a tseba hore O tabola wona moywa mohlanka wa Hao, empa mohlomong ke tabotse moywa wa Hao ha ke mametse seo ke se mametseng ho ena le ho utlwa Wena. O se ke wa fothola pelo ya ka, hle. Na O ke ke wa mmaballa? E re ke bue le yena, O tla etsa jwalo ha ke re, Morena?" Ka bulela saerine mme ka toba motseng ka lebelo leo ke le kgonneng bohole ba dimaele tse ka bang mashome a mararo. Ka emisa mono, ka lahlela sethunya ka koloing, ka mathela kokelong. Ha ke kena ke potlakile, ya theosang ka holo e le motswalle wa ka wa kgale, Ngaka Adair. Ke ngaka e ntle. A mpona yaba o lla jwalo ka lesea mme a retolohela lehlakoreng le leng. Ka re, "Sammy, ho ya jwang?"

A re, "Bill, o iketse."

Ka re, "Oh, tjhe, ngaka, ho ke ke ha ba jwalo. Ak'o tsamaye le nna."

A qala a lla mme a re, "Bill, nke ke ka ya le wena, Hope o tshwana le kgaitsedi ho nna. Nke ke ka kena ka mono mme ka boela ka mo sheba. Nke ke ka kgona. Ho lokile, o ka bitsa e mong wa baoki."

Ka re, "Tjhe, ke tla ya ke le mong." Ka kena ka mono mme ka mo sheba. Nke ke ka e lebala le ka mohla. O ne a kwetse mahlo a hae mme molomo wa hae o ne o butswe. Ka beha letsoho la ka hodima hae mme ka utlwa a hatseditswe ke mofufutso haholo. Ka bona hore ha eso ho tsamaye. Ka tshwara letsoho la hae yaba ke re, "Pelo ya me, o a ntseba na? Sheba, moratuwa, o a ntseba na?" Nke ke ka lebala mahlohadi ao a maholo, e leng a lengeloi jwale, ha a ne a buleha mme a ntjheba. A bososela mme ha kea ka kgona ho itiisa.

A nqhwaya ho kokobela fatshe mme a re, “Ke fokola haholo. O mpitseditse na?”

Ka re, “Moratuwa, ke ne ke tlamehile feela ho o bolella ntho e nngwe.”

A re, “Ke a tsamaya, Bill.”

Ka re, “Oh, moratuwa, ha o tsamaye, ha ke re?”

A re, “E.” Mooki a kena ka phaposing mme yare ha Hope a mphathatsa lehetleng a sheba ka ho mooki mme a re, “Mohla o nyalwang eka o ka fumana monna ya tshwanang le wa ka. O molemo ha kakang ho nna.” Oho, metswalle, taba eo ya roba pelo ya ka feela.

Ka re, “O tla hlaphohelwa, moratuwa.” Mooki ha a ka a kgona ho e mamella ho feta yaba o a tswa.

Hope a qala a mphethela ka Paradeise eo ke mo kgutlisitseng ho yona, kamoo e neng e kgahleha e na le difate tse ntle le dipalesa le dinonyana tse binang. Motsoots o se mokae ka nahana mohlomong ke ne ke sa tshwanela ke be ke mmitsitse. Empa pelo ya hae e hlohonolofale, o se a natefetswe ke tulo eo nako e telele jwale. Yaba o hlaphohelwa metsotso e mmalwa mme a re, “Ho na le dintho tse pedi kapa tse tharo tseo ke batlang hore o di tsebe.”

Ka botsa, “Ke dife?”

A re, “O sa hopola tsatsi le leng mohla o leng hodimo kwana Louisville mme o batla ho reka sethunya se se nyenyan seo sa moetso wa .22?”

Ka re, “E.”

A re, “O sa hopola mohla o no o se na tjhelete ya diphosite?”

Ka re, “E, ke a hopola.”

A re, “Ha e sa le ke batlike hore o fumane sethunya. Ke nnile ka boloka sohle seo ke kgonneng ho se fumana. Nke ke ka kgona ho etsa hoo, empa ha o fihla hae, o shebe tlasa pampiri e hodima bethe ya kgale e menwang mme o tla fumana tjhelete eo ke e bolokileng mono.” Le ke ke la tseba maikutlo a ka ha ke fihla hae mme ke fumana didolara tse tsheletseng kapa tse supileng ka dinikele le didaeme tseo a di bolokileng mme a e qolotsa mona le mane ho mphumanela sethunya. Mme a re, “Na o ntshepisa ho reka sethunya seo?”

Ka re, “Ke tla etsa jwalo, moratuwa.” Ke ile ka reka sethunya mme ke sa ntse ke se bolokile. Ke ikemiseditse ho se baballa ha feela ke ntse ke phela. Ka mora moo, e tla ba sa Billy.

A tswela pele, “Ke batla ha o ka ntshepisa hore o ke ke wa dula o le mong.”

Ka re, "Oh, moratuwa, o se ke wa bua jwalo."

A re, "Tjhe, ha ke batle ha o dula o le mong mme bana ba hao ba iswa kwana le kwana. O fumane ngwana ya lokileng wa Mokreste ya tla ba molemo ho bana, mme ke batla hore o boele o nyale."

Ka re, "Moratuwa, nke ke ka tshepisa hoo."

A re, "Ntshepise. O se ntse ho tsamaya tjena. Nakwana e fetileng ke ne ke parola ke ya lefatsheng le letle ka ho fetisa moo malwetse a neng a le siyo, mahlomola a le siyo. Ho ne ho le bobeve mme ho se lehlaba. Dibopuwa tse tshweu di ne di bapile le nna di nkisa lapeng la ka. Ka o utlwa o le tlase-tlase tseleng o mpitsa mme ka kgutla ho bona seo o nong o se batla." Metswallie, ke dumela hore dikgoro tsa Paradeise di ne di bulwa mme o ne a itokisetsa ho kena ka hare. O ile a qoqa le baratuwa ba hae mme o bitsitse mabitso a ba bang. Ke ipotsa kgafetsa hore ha lefu le fihla, e be na Modimo ha a dumella ba bang ba baratuwa ba rona ho theohela nokeng ha re tshela Jordane. Mohlomong Modimo o re, erekaha mme a tla hae jwale, theoha o eme pela kgoro o eme ho fihlela a tshela. Metswallie, lefatshe le teng mose ho noka, kae-kae hole-hole kwana, mohlomong hole kwana dimilione tsa dilemo tsa nako ya lesedi. Empa le teng—mme re ntse re tsamaela nq'a eo.

Yaba o re, "Moratuwa, o rerile ka lona, o buile ka lona empa o ke ke wa tseba kamoo le kgahlehang kateng. Ke a tsamaya jwale. Bill, o nkise Walnut Ridge mme o mpate teng. Erekaha ke bone ka moo e babatsehang kateng ha ke sa tsotella ho tsamaya."

"Na ruri o a tsamaya jwale, moratuwa?" Ka botsa ke kgeleletse dikeledi.

"E." A ntjheba mahlong a re, "Na o ka ntshepisa ho bolela Evangedi e babatsehang ena ka mehla?" Ke ile ka mo tshepisa. O ile a re, "Bill, Modimo o tla o sebedisa." (Pelo ya hae e hlohonolofale. Hangata ke ipotsa hore Modimo a ke ke a mo dumella ho re nyarela ha re ntse re tloha sebakeng se seng ho ya ho se seng tshebetsong ya rona, re leka ho mamela pitso eo a utlwileng hore Modimo o tla e romela.)

Ka re ho yena, "Moratuwa, ke tla patwa pel'a hao, hantle pel'a hao. Ho seng jwalo, ke tla be ke le kae-kae mona mabaleng a ntwa, ka hona Modimo nthuse." Ka re, "Jwale, ha o ka tsamaya pele ho nna, ba shwetseng ho Kreste ba tla tsamaya pele, o ye ka nqa botjhabela ho kgoro mme o nkemele teng." Melomo ya hae ya qala ya thothomela. Dikeledi di ne di kolla mahlong a hae.

A re, "Ke thabile hakakang." Ka mo hulela haufi le nna ka mo aka ke mo sadisa hantle tsatsing la ka la ho qetela le yena

ho fihlela re kopana le yena pel'a Kgoro ya Botjhabela. Ka mohau wa Modimo le thuso ke ntse ke le leetong kajeno. Ke tla fihla mono le leng la matsatsi ana. Ke hantle.

Oh, ho ne ho le thata ho kgutlela hae ka mora ho tsamaya ha hae. Ka bona jase ya hae ya kgale e leketlile mono. Ntho e nngwe le e nngwe ya nkogopotsa yena. Ka qala ka lla ha ke ntse ke qamaka. Nakong yona eo motho a kokota monyako yaba ke botsa hore ke mang. E ne e le setho sa kereke ya ka. A re, "Billy, na o utlwile ditaba tse bohloko?"

Ka re, "E, ke dutse le Hope ho fihlela pheletsong. Ke sa tswa tloha kokelong."

A re, "Lesea la hao le ntshing tsa lefu, le lona."

Ka re, "Eng?"

A re, "Sharon Rose o a shwa."

Ka re, "Ho ke ke ha ba jwalo, Moena Brin."

A re, "E, ho jwalo. O a shwa hona jwale. Ngaka Adair o sa tswa mo hlahloba pele ke tloha kokelong."

"Molato ke'ng?"

"Eka o tshwaeditswe ke kokwanahloko e tswang ho mmae mme o tshwerwe ke lefuba la meningitisi."

Ka potlakela kokelong. Ba nthibella monyako ba re, "O ke ke wa kena ka moo." Ka kena leha ho le jwalo. Mooki a re, "Sheba, Mor. Branham, o loketse ho nahanelo Billy Paul. Ngwanayana eo o tlil'o shwa metsetsong e mmalwa."

Ka re, "Ke pelonyana ya ka eo. Ke loketse ho mmona." Ya ka ke utlwa moradinyana wa ka a mpitsa mme ka qophella hore ke tshwanela ho ya mmona.

A re, "Mor. Branham, o ke ke wa mmona. O beilwe tulong e ikgethileng." A kgutla a ba a kwala lemati. Ha a etsa jwalo, ka nyenyelepa ka kena ka nnqa e nngwe ke theohela mokatong o katlase moo ba mmeileng teng a le mong. E ne e le kokelo e futsanehileng haholo. Letanta la menwang le ne le beilwe hodima sefahleho sa hae, empa dintsintsi di ne di kene le ka tlase di dutse mahlwaneng a hae. Ka di phoka ka mo sheba. Pelwana ya hae e hlohonolofale. O ne a rutleha mesifa. Ka baka la bohloko bo tsitsipanyang bona, mesifa ya hae e ne e honyetse ka botlalo. Ka re, "Sharon, moratuwa, o tseba ntate?" Melongwana ya hae ya qala ya thothomela. O tsebile hore ke ne ke le teng mono. Empa o ne a sotleha hoo e itseng ha a ntjheba mahlwana a hae a lesea a boputswa ba lehodimo keha a pelekane. Oh banna! Pelo ya ka e ne e kgaoha. Ke sa kgone ho ema le ho shebella mahlwana a hae a pelekaneng. Le kajeno, ha ke bona bana ba mahlwana a pelekaneng ke hopola Sharon wa ka e monyenyanne. Ke bone ho fodiswa bana ba fetang makgolo a mane ba mahlwana a pelekaneng dikopanong

tse ka bang tharo tsa ditshebeletso tsa ka. Ka nako tse ding Modimo o tshwanela ho hlahlatha rosa ho ntsha monkwane wa yona. Le a tseba ke nnete. Ka sheba mothwana eo wa batho ya mahlwana a pelekaneng, mme ka re, "Oho, Modimo!" Matla a ka a se a sa kgone ho ntjara. Ka phahamisa letsoho la ka ka re, "Oho, Ntate, O nkile mosadi wa ka. O se ke wa nka lesea la ka mme la ntshiya. Modimo o ratehang, ka kopo hle, ke ikwahlaya diphoso tsa ka tsohle. Ke tla ya rera. Ke tla etsa ntho e nngwe le e nngwe, ntho e nngwe le e nngwe e bolelwang ke Wena, Morena ya kgabane. O se ke wa nka lesea la ka, ka kopo hle, ka kopo hle." Yaba ho lepella garetene e leroootho eo. Ka tseba hore ho fedile. Ka re, "Tsamaya hantle, moratuwa. Mangeloi a Modimo a tla tla o lata haufinyane. O tla ya ba le mme. Ntate o tla nka mmejana wa hao a o robatse matsohong a mm'ao. Ka tsatsi le leng ntate o tla boela a o bona." Ka bea letsoho la ka pelong ya hae nakong eo ke reng, "Oho, Modimo! Ho se etswe thato ya ka, ho mpe ho etswe ya Hao."

Metsotswaneng feela keha mangeloi a Modimo a theoha mme a nka moyanyana wa hae a o isa Kganyeng. Moena Smith, moruti wa Methodist mono, a rera tshebeletsong ya lepatso. Yare ha lekese le theoha, a kga mobunyana mme a re, "Molora moloreng, lerole leroleng, mobu mobung." Ya ka ho pholletsa hara diphaene tsa kgale mohweshetso wa sefela.

"Fatshe le teng mose ho noka,  
Re reng le monate ka mehla,  
Mme re finyella 'bopo leo ka motheo wa  
            tumelo,  
Ka bonngwe ka bonngwe re tla kena kgorong,  
Moo re tla dula teng le ba sa shweng,  
Mohla ba letsetsang nna le wena tleloko ya  
            gauta."

Oh banna! Ka kgutlela hae pelo e robehile. Ka leka ho ya mosebetsing. Mehleng eo ke ne ke sebetsa mosebetsi wa motlakase. Ke ne ke le rametlakase ka kgwebo. Ka tsatsi le leng hoseng haholo ka hlwella thupa ho bala dimetara tsa palo. Ke ntse ke bina, "Leralleng hole kwana . . ." (Ke ne ke bala thapo ya sekondari. Haeba o le ramotlakase, o tseba seo ke buang ka sona. Diporaemari di matha di feta pel'a ntho ena.) "Ho no ho eme fapano sa kgale se kgopameng, pontsho ya maswabi le dihlong. Ke rata fapano seo sa kgale . . ." Ka sheba fatshe mobung mme seriti sa mmele wa ka le thupa ke tseo, di ne di bopile sefapano mme di nkgopotsa Sefapano seo Kreste a ntjhwtweng hodima sona.

Ka hula leqhaama la ka la pholoso ke eketsa ho le tiisa. Ka hla ka ferekana haholo. Ka rola diatlana tsa ka tsa rekere ho beha matsoho a ka hodima poraemari tseo—di na le matla a divolto tse 2300. Di ka be di ne di pshatle lesapo le leng le le

le leng mmeleng wa ka. Ka re, "Modimo, ke lekwala ha ke etsa tjena." "Empa" ka re, "Sharon, moratuwa, tata o tla lapeng ho kopana le wena metsotsong e mmalwa. Ha ke sa kgona ho e mamella ho feta."

Metswalle, ho fihlela kajeno wa bokajeno nke ke ka tseba se ileng sa etsahala, empa ke a kgolwa Modimo o no o sireletsa Neo. Ntho e latelang eo ke e tsebileng keha ke dutse fatshe maotong a palo matsoho a ka a fapantswe hodima mangole a ka, ke lla ke bile ke fufuletswe. Ka nahana, "Ke madimabe; nke ke ka kgona ho sebetsa." Ka kgutlisetsa thepa ya mosebetsi loring mme ka ya hae.

Ke ne ke batlile ho ya ba mmoho le baratuwa ba ka ba neng ba le ho Morena. Bophelo lefatsheng bo se bo sa mphuparela letho. Tsohle tsee ke ne ke lokela ho di phelela di ne di le lefatsheng le tlang; ntle le bona pelo ya ka e robihileng e se e sa kgone ho fumana sebete sa ho hatella ntwa ka matla. Empa kea kgolwa, hore e ne e le thato ya Modimo, ho baballa Neo ya Hae. A ena le morero o lokelwang ke ho phethiswa. Kea kgolwa hore ho ne ho qosa tsietsi e nngwe le e nngwe le mahlomola a tebileng ao ke ileng ka tshwanela ho feta hara wona ho mphihlisa moo A neng a ka ntshebedisa. Modimo o tseba ho molemo ho fetisang.

Mme o ne a itse ke tlo dula le yena. Ba bang ba nehela ka matlo a bona. Empa bonang, ka batla ho dula moo nna le Hope re kileng ra phela teng. Re ne re se na letho ha e se dikotwana tsa faneshara empa e ne e le tsa rona. E ne e le lelapa. Re ne re thabile mmoho mme ka batla ho sala le yona kahobane e ne e le ya ka le yena. Moahisane o ne a sala le Billy Paul mme ere ha ke fihla hae ke mo late ke ye hae le yena.

Mohlang oo ha ke kena ka nka poso. Lengolo la pele leo ke le boneng le re, "Mofn. Sharon Rose Branham." E le polokelo ya hae ya Keresemose—disente tse 80. Oho, banna! Ka robala fatshe mme ka qalella ho lla. Ka nahana hore ke late sethunya ke nke bophelo ba ka. Ke se ke hlanya, ke lahlehelwa ke kelello ya ka. Ke balabala ka yona ho feta tekano. Ka qalella ho lla mme ka lla ho fihlela ke kgaleha. Nke ke ka e lebala le ka mohla. Ka lora ke theosa ke iphaphithile le makgulo. Nkile ka sebetsa polasing ya Bophirima. Ke theosa le mono ke ntse ke bina, "Lebidi la koloi le robehile." Le kile la e utlwa. "E tlase kwana polasing e a rekiswa." Ha ke sheba mahlakoreng keha ho eme koloi ya kgale e kgurumetswang lebidi le robehile. Lebidi le koloing le ne le robehile. Ka re, "E, ke nnete." Ka morao ho yona, ha hlaha mosetsana, e motle ya moriri o mosehla, a ka ba dilemo tse 18 kapa 20. E ne e le ngwanana e motle ka ho fetisia eo nkileng ka mmona. Ka rola katiba yaka ka re, "O phela jwang Mofn?" mme ka qalella ho tloha ke ikela.

A re, "Dumela, tata."

Ka re, "O re'ng? Na o itse tata?"

A re, "E. Ha o ntsebe na, tata?"

Ka re, "Tjhe."

A re, "Thuto ya hao ke efe mabapi le ho se buswe ke lefu?"  
 Ke ruta ho sa tlo hlola ho eba le maqheku a hodileng kapa  
 masea a manyenyane. Bohle re tla ba dithaka, mohlomong tsa  
 dilemo tsa mohla Jesu A ne a shwa, dilemong tsa bo 30. A re,  
 "Ana ha o tsebe thuto ya hao mabapi le ho apara ho se bole?"

Ka re, "E, empa hoo ho amana jwang le wena?"

A re, "Oh, tata, na ha o ntsebe? Tlase lefatsheng ke ne ke le  
 Sharon wa hao e monyenyanne."

Ka re, "Sharon?"

A re, "O tshwentswe ke'ng hakaale, tata?"

Ka re, "Moratuwa, ha o Sharon?"

A re, "E, Billy Paul o kae?"

Ka re, "Tjhe, moratuwa, ha ke utlwisise."

A re, "Ke a tseba hore ha o kgone. Mme o ntsa o batla."

Ka re, "Mme! Mme o kae?"

A re, "Tata, ha o tsebe moo o leng teng?"

Ka re, "Tjhe."

A re, "Lena ke lehodimo."

Ka re, "Lehodimo?"

A re, "E, le mme o teng ka tlung ya rona e ntjha."

Ka re, "Ntlo e ntjha?"

A re, "E, ntlo ya hao e ntjha, tata."

Ka re, "Moratuwa, ha ke na ntlo ya letho e ntjha. Lesika  
 lohole la rona ke baleleri. Re phaila feela, re lefa rente, mona le  
 mane. MoBranham ha eso ho be le ntlo ya hae le ka mohla. Ha  
 ke na ntlo ya letho e ntjha."

A re, "Empa, tata, o na le e nngwe hodimo mona."

Ka thalatsa. Yaka kganya ya Modimo e ne e nyoloha. Ka  
 ntoo bona ntlo e ntle ya tonana e eme mono.

A re, "Ke hona moo o dulang teng jwale, tata. Mme o teng  
 hodimo mono o batlana le wena. Ke tla emela Billy Paul mona.  
 Ha o y'o mmona na?"

Ka re, "E, pelo ya ka."

A re, "Mathela tlung. Nna ke tla emela Billy."

Ka nyoloha ke tswela pele. Ke sa utlwisise, empa yare ke  
 sa nyoloha methati jwalo keha Hope a eme mono. A le mosa

jwalo ka mehla, a le motjha, moriri wa hae o lerootho o lepella mahetleng a hae. A apere bosweu. Eitse ha a nnanabela ka matsoho a hae, ka itihela maotong a hae feela.

Ka re, "Pelo ya ka, ha ke utlwisise sena. Ke bone Sharon."

A re, "E, o itse o il'o o emela."

Ka re, "Moratuwa, phoso e tlamehile e be e le teng kae-kae mona. Na ha se mosetsana e motle? Na moradi wa rona ha a fetoha ngwanana e motle?"

A re, "E, o mosa hampe."

Ka re, "Oh, moratuwa."

A re, "O mpa o touta ho feta tekano, ha ke re?"

Ka re, "E."

A re, "Ke o bone. O llile wa ba wa tshwenyeha ka nna le Sharon. Re botleng ho feta wena hole. O se ke wa hlola o touta."

Ka re, "Hope, ke tla leka ho qhela ho touta, moratuwa."

A re, "Jwale ha o eso ho ntshepise letho bophelong ba hao, leo o sa kang wa le phetha." Kamehla ke ne ke leka ho boloka tshepiso yaka. A re, "Bona, na o ka ntshepisa ho se hhole o tshwenyeha?"

Ka re, "Ke tla leka ho etsa jwalo, moratuwa."

A nkopela ka matsoho a hae. A ntoo qamaka jwalo mme a re, "Ha o dule fatshe ke'ng?" Ka sheba mme ho no ho beilwe setulo sa se tonana mono. Ka boela ka mo sheba. A re, "Ke tseba seo o se nahanneng, ke setulo seo sa kgale seo o neng o tlamehe ho se tela."

Ka re, "E." Mehopolo ya ka e ne e kgutletse morao kwana tlung ya rona ya kgale. Ke ne ke kgathetse haholo mme re ena le ditulo tseo tsa kgale tsa madulo a ketane, le a di tseba di jwang; o no o lokela ho dula tswe ho tsona. Re ne re batla ho reka setulo sa Morris. Di ja didolara tse leshome le metso e mehlano mehleng eo, mme ke sa hopola hore re ne re tshwanela ho lefa didolara tse pedi tsa peeletso le dolara e le nngwe ka veke. Ra reka se seng mme ka se lefella dolara tse tsheletseng kapa tse supileng ka fihla mohla ke sa kgoneng ho lefa hape. Ba mpolella ha ba tla tla se lata. Ke hopola mohlang oo. Hope o ne a ntseba ke rata phae ya kheri, pelo ya hae e hlohonolofale, ka hona a nketseditse phae ya kheri. Ke tla ka phirimana ke kgathetse haholo ka mora ho rera mme ke dule setulong sena ke bale Bibele nakwana. Hangata ke kgalehe hodima sona. Mme bosiusg boo a tseba hobane setulo se ile, ka baka leo a batla ho nthabisa. Ke mosadi wa sebele eo; ke moratuwa wa makgonthe eo. Ka tseba hobane o tshwentswe ke ntho e nngwe haholo. Bosiusg boo a batla hore ke theohele nokeng ho tshwasa dihlapi nakwana. Ka hopola ho na le ntho e phoso.

Ka re, "Ha re ye phaposing e ka pele." Ka bona ha tshobotsi ya hae e sithabela. Ha re kena phaposing ka tseba hobane setulo ha se yo. A ntjheba yaba o qala a lla. Ra kopelana ka matsoho a rona ka nto re, "Oho, pelo ya ka, re ne re sa tl'o kgona. Re ne re sa tl'o kgona." Jwale eitse ha a ntjheba a bile a sheba setulo se seholo seo, a re, "Moratuwa, ba ke ke ba tla nka sena. Seo se lefeletswe." Ra dula fatshe ra phomola nakwana.

Oh, moena le kgaitsemi, ka nako tse ding ke kgathala haholo tlase mona. Ke fela matla. Phomolo ha e yo. Ke tsamaya bosiu le motsheare. Ha ke ya lapeng ho phomola ho na le batho ba ditlhoko tse potlakileng. Oho, Modimo, nka etsa'ng na? Empa ntho e le nngwe eo ke e tsebang, ke hore le leng la matsatsi ana ke tla tshela noka. Ha ke fihla mose wane ke na le lehae mono. Ke na le setulo se seng se lefeletswe. Baratuwa ba nkemetse. Mme le leng la matsatsi a na ke tla tshela Jordane e be hona nka phomolang.

Modimo o Matlaohle o ile a qobellwa ho mphetisa boitsebelong bo babang bona kahobane ke hanne ho utlwa pitso ya Hae. Dineo le dipitso ha di tliswe ke pako. Hola ka utlwa Modimo ho ena le motho Neo e ka be e ne e sebetse kapele le molaetsa o ka be o beile halekgolo ho feta kamoo o sebeditseng nako e fetileng. Ho tlatseletsa nka be ke qobisitswe dilemo tsa maqakabetsi a ke keng a bolelwa.

Erekaha ke ile ka baka mme ka dumella Modimo ho ntataisa le ho sebedisa bophelo ba ka, O buseditse ho nna, jwaloka ha A etseditse Jobo wa boholoholo, mme ke leboha haholo.

Ak'o Mo kenyé pelong ya hao mme o Mo kgethele bophelo ba hao, wena mmadi ya ratehang. Kreste ha a ke a swabisa. Le ka mohla o ke ke wa itshola. Modimo a o hlohonolofatse ka Lebitso la Jesu.





**William Marrion Branham**

## **SETSHWANTSHO SA BOLENG BO MOHLOLO**

Setshwantsho se mohlolo sena sa Moena William Branham se nkilwe Houston, Texas, ka Pherekong wa 1950, ke Setudio sa Douglas. Se nkilwe kgabareng ya lona letsholo leo Moena Bosworth a mo tliseditseng kopo ya thapelo ya Florence Nightingale, eo pale ya hae e phethwang kgaolong e hhalosang kamoo William Branham a qetileng ka leeto le yang Afrika Borwa.

Eitse ha boraditshwantsho, Mongh. James Aeyers le Mongh. Theodore Kipperman, ba hlatswa setshwantsho ba hlollwa ho fumana bopaki ba lesedi hodima hlooho ya Mor. Branham. Ba eso ho bone ntho e tshwanang le yona pele mme ho se le ya mong wa bona ya utlwisisang boteng ba sedikadikwe sena sa lesedi. Tsatsi le hlahlamang ba kopana le Moena Branham le batlatsti ba hae. Ba hhalosetswa ha ditshwantsho tsa mokgalo oo di kile tsa nnkuwa pele empa lesedi ha le eso ho hlake jwaloka ha le ne le hlakile fotong ena.

Seriti sa iswa ho George J. Lacy, Mohlahlobi wa Ditokomane tse Belaetsang, a tle a netefatse ha eba lesedi le hodima hlooho ya Moena Branham e ka ba ditholwana tsa kgadimiso e sa tshwanelang, hlatsuo kapa ntlaufatso. Mongh. Lacy a dumela ho hlahloba seriti a ntoo hlahisa mohopolo wa hae mabapi le yona. Ka nako e badilweng a na a loketse ho phethela dihlahlobo tsa hae mme a se a entse diqeto tsa hae, a tswa a kena phaposing ya baeti moo ditho tsa moifo wa Branham, baemedi ba ditaba le ba bang ba letileng teng. Ha a kena phaposing a botsa hore William Branham ke mang. Moena Branham a ema ka maoto a ba a itsebisa. Mongh. Lacy a re, "Mor. Branham, o tla shwa jwaloka batho bohole ba apereng ho bola empa ha feela moruo wa Bokreste o ntse o tsweletse, setshwantsho sa hao se tla phela ka mehla."

Setshwantsho sena jwale se sireleditswe ho latela ditokelo tsa qopitso, setshwantsho sa boleng bo mohlolo. Kopi ya sona e fanyehilwe ka hara e nngwe ya diholo tsa Washington D.C.

George J. Lacy,  
Malokobi wa Chitowane ts e Pherekgong  
Makabo ea Sheff!  
Houston, Texas

Pherekgong 29, 1950

### TLALEHO LE MOHOPOLO

Ho latela: Neketifi e Botswang  
Ka Pherekgong 28, 1950 ho latela kopo ya Moruti Gordon Lindsay ya neng a emense Moruti William Branham wa Jeffersonville, Indiana. He kel i le ka anabela ho una Setudiong sa Douglas se mane 1610 Rusk Avenue mona motseng, filimi na foto e boholo ba diinch 1se 45° e katladisweng, le ho hatuswa. Ho boletha ka filimi ena e nkhli ke ba na Setudio sa Douglas sa Moruti William Branham mane holong e kgolo Ya Sam Houston motseng mona, mehleng ya ketelo ya hae mona ho ella matelong a Pherekgong, 1950.

### K O P O

Moruti Lindsay o nkopile ho eta tlahioblo ya mahale hodima neketifi e bolesweng pejana. O nkopile ho veta ka moytiya, holane ho ka eswa, hore na kapu qhe ho latela mohopolo wa ka neketifi e ile ye angwa leha e le ho sebetiswa," jwang kapa jwang, pejana filimi e hatuswa, ho ka batang hore motaka wa lesedi o bonahale mokgweng wa sedikadikwe hodima hloho ya Moruti Branham.

### TLAHLOBO

Tlahioblo ya mahllo le ya dilense tse njithioho le padisiso e entswe bokahodimeng bo tiecheng inatalakoreng hokedi a filimi, eo e neng e le Filimi ya nafuta wa Eastman Kodak Safety. Mahlakore bobedi a filimi a hlahlobwa thasa lesedi la maqhulu a ubotlilweng ka ho ha nkwa le difoto tsu filimi ka mokgwa wa no kgantsha masedi a natiefiseng.

Tlahioblo le Mohopollo - Leqepeha la 2 - Pherekgong 29, 1950

Tlahioblo ya dilense tse njithioho e stilwe ho senola ho angwa ha filimi tulong efe kapa efe feela ho latela mehato e sabeciseisweng ntlafato moreng wa papaso. Hape, tlahioblo ya dilense tse njithioho e stilwe ho senola pherakayo efe kapa efe ya diphali tae alatsang filimi kahare leha e le ka unqa isibole tsu motaka o amehang wa lesedi.

Tlahioblo ya lesedi la maqhulu a ubotlilweng ka ho fetisa e stilwe ho senola ntho efe kapa efe feela ya molkenella, kapa tholwana e batkilweng ke diketsahalo tsa dikthernikale makhalokore bobedi a neketifi, isoo e neng e ka ba sesosa sa motaka wa lesedi, pejana ho blatsu ya reketifi.

Foto e nkwiwang ka mokgwa wa ho kgantsha mahlasedi a natiafadisweng le yona e ka filimula ntho efe kapa ele e ka supang no eswa ha ntlatsofa ya letho financing. Tlahioblo hape e stilwe no senola ntho e ka supang ha neketifi e amehang e ne e le neketifi e tswakaneng kapa neketifi e katladisweng habedi.

Ha ho a fumanwa letho le neng le ka supisa ha motaka o amehang wa lesedi o entswe naskong ya mehato ya hilatsu. Le jwalo ha ho a fumanwa letho le neng le ka supisa ha e sa ka ya hilatsu ho latela tsanang ya molao le e tsabhalang. Ha jo letho le fumanwang ha ho bapliwa dibakeng issi patahaneng ise bonishang lesedi le sa ka la dumellana.

### MOHOPOLO

Ho latela tlahioblo e hilotsiveng ka hodimo le patlisiso ke mohopolo wa ka o tileng hore neketifi e hilotsiveng ho hlahlobwa, ha e a angwa le hona e he e se neketifi e kopaneng kapa e katlatiisweng habedi.

E abilwe ka tlhompho.



G.J.LU

Kopi ya ditlaleho tsa George Lacy maloka le foto ya Moena William Branham  
ka sedikadikwe se mohlolo.

# Ho Flatsetsa Dineo Tsa Phodiso

Ka F.F. Bosworth

E se e le dilemo tse fetang mashome a mararo mehleng ya matsholo a maholo a boevangedi, ke ipolaisa mosebetsi, ke rapella le ba mahlomoleng. Dilemong tse leshome le metso e mehlano tsa nako ena, re ne re tsamaisa Tsoseletso tsa Matjhaba tsa Radio moo re amohetseng mangolo a ka fihlang ho kotara ya milijone, bongata ba wona a kentse dikopo tsa thapelo ho tswa ho batho ba kulang le ba mahlomoleng ba ke keng ba hlaphohelwa ntle le tshebetso e tobileng ya Moya o Halalelang karabelong ya “thapelo ya tumelo.” Re se re amohetse dikete tse ngata-ngata tsa bopaki ba boithaopo ho ba fodileng ka mohlolo mafung ao ke a tsebang a mmele, ho akga le lepera kahare. Kganya yohle e be ho Modimo hoba ditholwana tsena ha di ka ke tsa etswa ke motho ha e se Yena. Ka baka la mehlolo ena, dikete tse ngata tsa sokoloha ka thabo, e leng tseo re ka beng re di fositse hola re sa rera karolo ya phodiso ya evangedi ha nngwe ka veke matsholong a rona wohle a boevangedi.

Erekaha mosebetsi ona wa phodiso o qosa boikgathatso bo sitang matla a motho, re ile ra rapela, oho ka mefeheloh ho Modimo, ho llahisa basebetsi ba bang ho thusa tema ya tshebeletso ena e sa natsweng hakana. Mme dilemong tse mmalwa tse fetileng, ke nnile ka lliswa ke thabo ka baka la neo ya morao-rao ya moena wa rona ya ratwang Kerekeng, William Branham, ka “Neo ya Phodiso” e babatsehang ho yena. Ke hona ho sebetsa ha Modimo “tse fetisang tse tlodisang hohle hoo re ka ho nahanang” (Baef. 3:20), hoba ha ke eso bone kapa ho bala ka ntho efe feela e ka lekanang le tshebeletso ya phodiso ya William Branham.

## LENGELOI LE A IPONAHATSA

Ka la 7 Motshehanong, 1946, Lengeloi le nnileng la bua le Moena Branham ka mekgahlelo ka lenswe le hlakileng esale le bongwaneng ba hae ho fihlela nakong ena ya jwale, qetellong la ipontsha yena, mme hara dintho tse ding la mmolella hobane ho Kgutla ha Kreste ho haufi-ufi. Ebile Lenqosa la Lehodimo le re: “Ke rometswe ho tswa pel'a sefahleho sa Modimo o Matlaohle ho o bolella...hore Modimo o o romile ho isa neo ya phodiso bathong ba lefatsho lohle.”

Leqepheng la 1291 la Bibele ya Scofield, Ngaka C.I. Scofield, D.D., o bua jwana ka Mangeloit ditlhulosong tsa hae tse maotong a leqephe: “Leha mangeloit e le meya (Psa. 104:4; Baheb. 1:14), a filwe matla ho itlhahisa ka setshwano sa

sebopeho sa motho (Gen. 19:1 le Mangolong a mang a mangata a Testamente ya Kgale le e Ntjha). Ho Ex. 23:20, Modimo wa re ho Moshe: ‘Bona Ke roma Lengeloi ka pel’ a hao, ho o tsamaisa tseleng le ho o isa sebakeng seo Ke se lokisitseng.’ Ho Gen. 24:40, re a bala: ‘Morena... o tla roma Lengeloi la Hae ho o fehelelsa, le tle le atlehise ditsela tsa hao’.”

Ke sona seo Modimo a se etseditseng Moena Branham hantle. Le ka mohla ha a rapelle phodiso ya ba mahlomoleng a mmele moleng wa phodiso bosiu bo bong le bo bong, pele Modimo a mo tlotsetsa tshebeletso ya Neo, pele a utlwa boteng ba Lengeloi bo mo teetse hare kalaneng. Ha boteng bona bo le siyo, o bonahala a se na thuso ka ho phethahala.

### HO ABJWA DIPONTSHO TSE PEDI

Lemohang hobane Modimo ha o a roma Lengeloi feela ho fehelelsa Moshe, O bile wa mo fa mehlolo e mmedi e phethehileng e le dipontsho le dikgodiso ho batho hore Modimo o ipontshitse yena mme wa mo roma, tlasa tataiso e halalelang, ho ba molokolli wa bona (Ex. 4:1-31). Pontsho ya pele e le ya lere la Moshe le fetohang noha, mme pontsho ya bobedi e le ya ho kenya letsoho la hae sefubeng sa hae mme le tswe le tletse “lepera le jwale ka lehlwa,” j.j. Modimo wa re ho Moshe, “Ekare, ha ba sa o dumele, ba sa utlwe lenseswe la pontsho ya ho qala, ba tla mamela lenseswe la pontsho ya morao” (Ex. 4:8). Ditemaneng tse tharo tsa ho qetela tsa buka ena re bala hore mohla dipontsho tse pedi tsena di ne di etswa “mahlong a setjhaba, setjhaba sa dumela... mme sa inamisa dihlollo tsa sona sa rapela.”

Ka mokgwa o tshwanang, ho tlatsetsa thomo ya Lengeloi le ho mo fehelelsa le ho atlehisa Moena Branham, O boetse o abile dipontsho tse pedi tse mohlolo tse phethehileng morero e le ho totisa tumelo ya batho ba dikete ba ke keng ba nyollelwa ke motho maemong ao “Neo ya Phodiso” e ka sebetsang teng.

### TEMHO E MOHLOLO

Pontsho ya pele: Ha Lengeloi le ne le ipontsha Moena Branham, le mmoleletse ka moo a tla kgona ho hlahloba le ho lemoha mafu wohle le malwetse; hore ka nako ha neo e sebetsa, ka ho tshwara letsoho le letona la mokudi o na a tla utlwa dithothomelo tsa mmele kapa ho futha ho tla mo supisa mafu a fapaneng ao mokudi e mong le e mong a na a tshwerwe ke wona. Mafu a dikokwanahloko, a supang boteng le tshebetso ya moyo o hlokokfatsang wa “kgatello” (Dik. 10:38) a ka utluwa ka ho ikgetha. Ha moyo o hlokokfatsang o kopana le neo o raosa phudueho e kana ya nama hoo e ka bonwang letsohong la Moena Branham, mme o tiile hoo o ka emisang tshupanako

ya letsoho la hae hang-hang. Ho Moena Branham eka ho tshwara thapo e phelang ya motlakase o phallang ka molapo o matla wa mollo ho yona. Ha moya o hlokofatsang o lelekwa ka Lebitso la Jesu, o ka bona ha letsoho la Moena Branham le tlerefetseng le topileng le boela setlwaeing. Ha bolwetse e se lefu la dikokwanahloko, Modimo o senolela Moena Branham tlhokofatso eo ka Moya. Ka tlwaelo pontsho ena ya pele e phahamisetsa tumelo ya motho boemong ba phodiso; empa ha ho se jwalo, pontsho ya bobedi e sebetsa hoo.

### SEBONI

Pontsho ya bobedi: Lengeloi le mmoleletse hore tlolo e tla mo kgontsha ho bona le ho mo kgontsha ho bolella bababi diketsahalo tse ngata tsa maphelo a bona ho tloha bongwaneng ba bona ho fihlela jwale. O bile a bolella ba bang mehopolo ya bona ba sa fihla kalaneng kapa le pele ba fihla tshebeletsong. Haufinyana ke sa tswa mo utlwa a bolella mme ya tlisang ngwananyana, “Mofumahadi, ngwana wa hao o hlahile a thibane ditsebe e bile e le semumu; mme hang hoba o fumane hore ha a utlwe, wa mo isa ngakeng.” Moena Branham a ntoo bolella mme hantle seo ngaka e se boletseng. Mme a re, “Ke hantle haholo.” Letshwele le leholo le ntse le utlwa tsena ka thuso ya morero o buang le batho. Hantle-ntle Moena Branham o e bona e tshwantshwa mme o suthisetsa maekrofone hole letshwele le tle le se ke la utlwa, o bolella mokudi dibe dife feela tse sa bolelwang le tse sa telwang maphelong a bona tse lokelang ho telwa pele Neo e sebeletsa tokoloho ya bona. Hang feela ha batho bao ba dumela ba bile ba tshepisa ho tela sebe kapa dibe tse senotsweng ka mokgwa o jwalo, ka tlwaelo phodiso ya bona e hlaha ka nako-le-motsotso le pele Moena Branham a fumana nako ya ho rapela. Dipolelo tsena tsa Lengeloi di netefatswa ditshebeletsong tsa Branham bosiu ka bosiu dikete-kete di iponela ka mahlo.

Ka mokgwa o jwalo matshwele a maholo a bona kgafetsa-kgafetsa mefuta e meraro e ikgethang ya mehlolo bosiu bo bong le bo bong. E mmedi ya pele ha e fodise bababi, empa e sebetsa jwale ka dipontsho tse totisetsang tumelo ya ba mahlomoleng boemong boo “neo ya phodiso e sebeletsang tokoloho ya bona.” Ehlide, dipontsho tse pedi tsena tse mohlolo di ka etswa ha feela tlolo ya Moya o Halalelang e dutse hodim'a Moena Branham bakeng sa morero ona.

### HO FETANG “DINEO TSA PHODISO”

Ntle le pelaelo Bakreste ba mmalwa mona le mane, mehleng ya Mongwaha wa Kereke, le ba bang nakong ya jwale ba se ba abetswe “Neo ya Phodiso” e leng teng lenaneng la

dineo tse robong tsa moyo Kgaolong ya 12 ya I Bakorinthe, moo e nngwe le e nngwe e hhaloswang e le “Ponahatso ya Moya” (I Bakor. 12:7-11). Ditho tse netefaditsweng jwalo e ka kgona di be teng ka hara kereke e nngwe le e nngwe.

Empa Moena Branham ke kanale e ka nqane ho neo ya phodiso feela; e bile ke Seboni jwale ka Baporofeta ba Testamente Kgale. O bona diketsahalo le pele di hlaha. Nkile ka mmotsa, “O bolela’ng? O kgona ho di bona jwang?” A arabela, “Jwalo feela kaha ke o bona; feela kea tseba hore ke pono.” Jwaleka ha motho a bona dintho tse potileng hlaho ka ho hlaka, Moena Branham, ere a sa dutse thapelong letsheareng, ka pono o bona e meng ya mehlolo e meholo le pele e hlaha. O bona ba bang ba jerwe ka moalonyana wa amalanse, kapa ba dutse ditulong tsa bakudi, mme a ka hhalosa kamoo ba shebahalang kateng le kamoo ba apereng kateng, j.j. Ka nako ha a bontshwa mehlolo ena pele e hlaha, ka tlwaelo, nakwana e seng kae, ha a lemohe dintho tse etsahalang tse mo teetseng hare. Haesale a fuwa neo dilemong tse fetang tse tsheletseng tse fetileng le ka mohla ditshenolo tsena ha di eso hholeho ho hlahisa mehlolo e phethahetseng hantle feela jwalekaha a e bone diponong. Dinakong tsena a ka bua a tiile, “Ho rialo Morena,” mme ha a fanye le ka mohla. O mpoleletse a ne a mpa a tshwantshisa see a seng a se bone ponong. Katleho ya kgato ena ya tshebeletso ya hae e etsa 100%.

### HO SHEBA TSE SA BONWENG

Ka nako ha neo e sebetsa, Moena Branham ke motho ya fadimehetseng tshebetso le boteng ba Moya o Halalelang le dinnete tsa moyo ho feta motho ofe feela eo ke mo tsebileng. Tlasa tlolo e laolang dineo tsa hae tsa moyo le ka nako ha a utlwa boteng ba Lengeloi, eka o phunyeletsa lesira la nama ho kena lefatsheng la moyo, mme eka o tjhabelwa ke maikutlo a dintho tse sa bonweng molebe. Pauluse o ngodile (II Bakor. 4:18), “Ha re shebe dintho tse bonwang, empa e le tse sa bonweng: hoba dintho tse bonwang ke tsa nakwana; empa dintho tse sa bonweng di hlola ka ho sa feleng.”

Mona mantswe a Pauluse a supa hajwale re phela mafatsheng a mabedi ka nako e le nngwe—lefatshe la kutlo, le lefatshe la moyo. Lefatshe la moyo le a dikanyetsa, le a kgurumetsa, mme le phunya lefatshe la kutlo. Mafatshe ao bobedi a tlatsa sebaka se le seng ka nako e le nngwe. Dinnete tsa tlhaho tseo re di bonang ka mahlo a rona a tlhaho di fela di le teng pontsheng ya dinnete tse fetisang ka boleng tse sa bonweng ke mothapo wa leihlo. Mangolo a re ruta hore dinnete tse kgolo tsa “bosafeleng” di re teetse hare ha jwale. E mong le e mong wa rona a ka be a bona dintho tse kakang motsotsong o mong le o mong wa bophelo ba rona, mothinyeng o mong

le o mong wa tselana ya rona, hola re be re ena le mahlo a tlotseditsweng ho di bona! “Dintho tse bonwang” di ntse di le teng kgabareng ya “dintho tse sa bonweng,” tsa “nakwana” kgabareng ya tsa “bosafeleng.”

Pauluse o re, “Ya kopantsweng le Morena ka moyo o le mong.” Ha re tlatsitswe ka Moya o Halalelang, moyo wa rona le Moya wa Modimo e momahane mme ke ntho e le nngwe jwalekaha lewatle le kou e le ntho e le nngwe hoba lewatle le phalella ka hara kou. Eba ke hona moo dinnete tsa moyo di renang di ba di laola ho feta. Re bona nnete le dinnete tsa moyo ka mahlo a Modimo. Ka dinako tse kang tseo diketsahalo tsa ka moso di hlaha eka selelekela sa setshwantsho se tla latela. Jesu o boletse “Moya o tla le bontsha dintho tse tlang.”

### MEHLOLO E BONWA E SA LE PELE

Kgabareng ya tshebeletso ya Fort Wayne mofumahadi e mong a kena moleng wa phodiso a nkile ngwana ya tswetsweng ka leoto le sepapetlw a moomo wa lona o kentswe samente. Ka motsotso ha Moena Branham a ba bona, ha a ka a ema ho rapella phodiso ya ngwana, o ile a re ho mofumahadi, “Oho, ee, na o tla etsa seo ke o laelang sona?” Mofumahadi a arabela, “Ke tla se etsa.” Yaba o re ho yena, “Eya hae mme o ntshe samente eo, mme ha o kgutla phirimana ya hosasa, o tlise ngwana, mme o tla ba le leoto le phethahetseng.” Maekrofone o ile wa romela mantswe ho bohle ba letshweleng le leholo. Ba qetile hora ho ntsha samente eo bosiusing boo. Mofumahadi ha a tlisa ngwana bosiu bo hlahlamang, ngwana keha a ena le leoto le phethahetseng a bile a rwetse para e ntjha ya dietana tse tshweu mme o ne a tsamaya. Ngaka e ile ya nka ekeserei mme ya le fumana le phethahetse. Tsatsi le hlahlamang ka botsa Moena Branham ho reng a fetisitse mofumahadi le ngwana moleng wa phodiso a sa ka a rapella phodiso ya ngwana. A arabela, “Ho ne ho sa hlokahale, hoba ke bone ngwana a fodile ponong ya thapama.” Ha nka lokodisa diketsahalo tse ding tse babatsehang ho feta mona ho bo ho ka lelefatsa seratswana sena haholo. Mokgahlelo ona feela wa tshebeletso ya hae o ka tlatsa buka.

Kgaolong ya 5 ya Mohalaledi Johanne, Jesu o re, “Ntate o sa sebetsa, le Nna ke sa sebetsa... Mora o sitwa ho etsa letho a Nnotshi, haese seo A bonang Ntate a se etsa: hoba tsohle tseo A di etsang, Mora o di etsa jwalo le yena, hoba Ntate o rata Mora mme o Mmontsha tsohle tseo le Yena a di etsang.” Jesu o bolela’ng? Ehlide, Jesu e ne e le Seboni jwale ka Baporofeta ba Testamente ya Kgale. O bone mehlolo yohle ya hae pele e hlaha. O bone monna ya kutseng dilemo tse 38 a sa kgone ho itshohlometsa letsheng nakong eo Lengeloi le theohang le fuduha metsi. Jesu o ile a tla ho yena a re ho yena,

“Nka diphate tsa hao, o tsamaye.” Jesu o bone Lasaro a tsoswa bafung le pele A etsa mohlolo. O boleletse Nathanae, “Le pele Filipi a o bitsa, Ke o bone, o sa le tlasa sefate sa feiga” (Johanne 1:48). O bone petsana ya esele e tlamilweg athe o ne a se moo. A re ho barutuwa ba Hae ba babedi: “Kenang motseng, teng le tla kopana le motho ya jereng nkgo ya metsi; mo late leng . . .” (Mareka 14:12-16). Mme jwale Kreste ya phelang ka hare o ntsheletsa mesebetsi ya Hae ka sesebediswa motho ho latela tshepiso ya Hae ho mongwaha ona: “Ya dumelang ho Nna, mesebetsi eo Ke e etsang o tla e etsa le yena . . . hoba Ke ya ho Ntate, mme seo le tla se kopa ka Lebitso la Ka, Ke tla se etsa, Ntate a tle a tlotliswe ka ho Mora.” (Johanne 14:12,13).

## KGULO YA TUMELO E A UTLWAHALA

Mabapi le mosadi ya ileng a ama moleka wa seaparo sa Jesu mme a fodiswa, Jesu o itse, “Ke utlwile matla a tswa ho nna” (Luka 8:46). Eitse hobane taba ena e tsejwe, re bala ho Mareka 6:55, 56, ho re “Hohle moo A ne a kena teng, metsaneng, kapa metseng, kapa dinaheng, ba ne ba bea bakudi diterateng, mme ba re ho Yena ba ame qola ya seaparo sa Hae: mme bongata bo neng bo Mo ama bo ne bo fodiswa.” Ho lebohuwe Modimo matla ao a sa ntse a phalla a tswa ho Kreste ya ahileng ka hare ho kena mebeleng ya bakudi le ba mahlomoleng, mme ba fodiswa.

Dipontsho tse pedi tsa mehlolo eo Modimo a e bontshang ka Moena Branham ho phahamisetsa tumelo ya bao ba moleng wa phodiso maemong a tshwaneleheng, di boela di abetswe ho phahamisetsa tumelo ya ba mahlomoleng ka hara letshwele boemong bona boo. Tumelo ena e hula matla a tswang ho Kreste ya ahileng kahare ya laolang neo, mme e fodisa ba dutseng ka hara letshwele. Ha ho phapang ya letho hore ke lefu la hao le hlahlojwang ka mohlolo, kapa la motho ya moleng wa phodiso, dipontsho di a tshwana, mme di sebeletsa ba dutseng mokguping ka ho tshwana. Hobaneng dipontsho di tshwanela ho etsetswa motho e mong le e mong ya seng a di bone? Moshe ha a ka a boela a etsa dipontsho tsa hae tse pedi ho Moiseraele e mong le e mong. Dikete di ka nna tsa bona ponahatso mme tsa dumela ka nako e le nngwe. Tumelo e maemong a tshwaneleheng karolong efe feela ya mokgupi o moholo e momona matla a Kreste ya ahileng kahare, ya laolang neo; mme sena se ke ke sa etsahala Moena Branham a sa se tsebe. O se utlwa jwale ka ha ne nka hula baki ya hao, o bile o tseba le moo e hlhang teng; mme o bile o supa motho eo tumelo ya hae e amang Kreste.

Ka nako e nngwe tshebeletsong ya Louisville, yare a sa rapella bakudi kalaneng, a utlwa kgulo e tsitsitseng ya tumelo

ho tswa mokguping, mme hang hoba kgulo e emise, a supa nqeng eo a ba a re, "Mofumahadi morao mane o sa tswa fodiswa mofetshe." Mme o ne a fodile.

Yare a sa balla mokgupi o mong Lengolo, a thola mme a supa monna ya neng a eso mmone pele, mme a re ho yena, "Moena, tumelo ya hao e sa tswa fodisa mofetshe oo o mathang pakeng tsa lengole la hao le leqaqailana la hao." Mofetshe o ile wa omella hona moo.

Yare a sa rapella ba moleng wa phodiso tshebeletsong ya Flint, a thola mme a supa galering ya bobedi letsohong la hae le letona, a re, "Ke sa tswa bona pono ya mofumahadi ya apereng sutu e bolou e nang le letheka le metsero. O sa tswa fodiswa mofetshe." Mosadi a tlola a ema mme ka thabo e kgolo a re, "Ke nna mofumahadi eo." Tumelo ya hae ya mo sebeletsa galering seo tumelo e se etsetsang bao ba kalaneng.

Mosetsana ya neng a hlahile ka mahlo a pelekaneng a bile a kena sekolo sa Bible Fort Wayne kgabareng ya tshebeletso mono o ile a re ho Mof. Bosworth ya neng a le ka mora khaontara ya dibuka, "Ha ke bone kamoo nka kenang moleng oo wa phodiso le ka mohla, ba bangata hakakang." Mof. Bosworth a re ho yena, "Ha o hloke ho etsa jwalo. Dula hona morao mona mme o kope Modimo ho phahamisetsa tumelo ya hao maemong a phodiso, mme jwale o tla momona matla a fodisang neong eo." O ile a etsa hona, mme kgabareng ya tshebeletso Moena Branham o ile a thola mme a supa nqeng ya hae a ba a re, "Mosetsana ya dutseng morao kwana o sa tswa fodiswa mahlo a pelekaneng." E sa le mahlo a hae a tsepame ho tloha mohlang oo.

Mosetsana e mong o ile a kena tshebeletsong a jerwe moalong. A bolawa ke leukemia. Ba ha Johns Hopkins le Mayo Clinic ba se ba mmoleletse hobane ho entswe tsohle tse kgonwang le hobane tshepo ya hore a ka phela e fedile. Kelello ya hae e se e qadile ho baleha. Ka tswa kalaneng ho ya moalong wa hae ka mmolella ho rapela Modimo ho phahamisetsa tumelo ya hae maemong a phodiso le hore e tla sebedisa neo kapa e hulele Moena Branham ho yena. Ka shebella melomo ya hae e bebenywa thapelong mme hang feela Moena Branham a utlwa kgulo ya tumelo, a qhoma a theoha kalaneng mme a ya moalong wa hae, a mo rapella, mme a re, "Ka Lebitso la Jesu ema diphateng tsa hao, amohela matla a halalelang mme o fole." A ba le kutlo mme ka matsoho a phahamileng le ka dikeledi tsa thabo le thapelo tse phallang marameng a hae, a tsamaya a ya pele le morao pontsheng ya bohole le ho theoha pakeng tsa ditulo. Hamorao kgaitsedi ya hae a re ho nna, "Kgaitse yaka o phetse hantle haholo."

Ka hara Odotoriamo e kgolo ya Fair Park mane Dallas, Texas, phirimana e nngwe nakong eo sekgetshe sa diletsi se

tletseng mathata a lempara le ditulo tsa bakudi, yare ha Moena Branham a sa rapella ba moleng wa phodiso, a nna a utlwa kgulø ya tumelo e tswa letsohong le letona la hae eo qetellong e ileng ya kgaotsa. Hoba a qete ho sebetsana le bao a neng a sebetsana le bona, a supa monna ya moalang sekgetsheng sa diletsa tsa orchestra, mme a re ho yena, "Monna, ema, o fodile metsotsong e mehlano e fetileng." A ema a rorisa Modimo. Mosadi wa hae a tla ho yena mme ba akga matsoho a bona ba kopelana mme mmoho ba lliswa ke thabo. A tswa latwa Chicago a le maemong a ho shwa le matshwafo a hae a jelwe ke mofetshe. A fola a ba a etela tshebeletso e latelang Ft. Wayne matsatsing a mmalwa hamorao ho fana ka bopaki ba hae. O se a etetse ditshebeletso tse ding tse pedi ho tloha mohlang oo. Nka tswela pele ke pheta-pheta maqephe a mangata a diphodiso tsa mokgalo oo ba fodisitsweng ba ntse ba dutse kapa ba robetse mampareng ka hara mokgupi Moena Branham a sa ba ame.

### HA HO MATHATA A SITANG

Ha ho ntho e kang bothata bo sitang Modimo. Mofumahadi ya tswang Gerike a se na lesoba mmetsong wa hae o ile a kena moleng wa ho rapellwa. A sa kgone ho kwenya phophi e le nngwe kapa mofuta ofe feela wa dijo. Hang feela hoba Moena Branham a mo rapelle a nwa galase ya metsi a ba a ja papetlwana ya pompong ya khendi. Bosiu kapa a mabedi hamorao kopanong yona eo ha kena ditholo tse robong le dimumu moleng wa thapelo mme bohole ba robong ba fodiswa.

Ba hlahileng e le difofu ba boela ba bona. Ka mora ho rapella monna e mong ya foufetseng ka bottlalo, Moena Branham a re ho yena, "Eya sefaleng mme o bee monwana wa hao nkong ya moreri eo." A toba moreri hantle a ba a hula nko ya hae, a qabola mokgupi.

Moromuwa ya tumileng ya tswang Palestina a le maemong a ho qetela a T.B. o ile a tliswa a tswa Yakima, Washington, ka amalanse ho ya Odotoriamong ya Siviki mane, Seattle, Washington. Mmuso o ile wa lefella leeto la hae ho kgutlela hae. Eitse ha a laelwa, ka Lebitso la Jesu, ho ema le ho fola a etsa jwalo, mme matsatsing a mabedi hamorao keha a etsa mesebetsi ya matsoho lapeng.

### PHODISO YA BONGATA

Jwale kaha pitso ya aletare kapa memo ya baetsadibe e latela therø ya boevangedi, ho jwalo hoba temoho e mohlolo le phodiso di fete ho ba leng moleng wa thapelo, jwale memo e etsetswa ba letshweleng ba ikemiseditseng ho amohela phodiso ya bona. Phodiso ya motho a le mong ka nako kalaneng e mpa

e le mafato a dipoho a tshebeletso ya sehlohlolo ya phodiso. Empa e le thero e rutang letshwele le hlokang molemo o fodisang wa karolo ya Evangedi haeba re ka rialo.

Jwalo feela kaha baetsadibe ba lekgolo ba ka arabela memo ya moevangedi mme ba amohela boiphihlelo ba mohlololo o moholwanyane wa tswalo e ntjha ka bongata, le jwalo ho supilwe ka mokgwa o makatsang hore bakudi ba ka fodiswa ka bongata ka neo ya phodiso. Ho ella mafelong a tshebeletso ka tlwaelo Moena Branham o supa ka potlako e mong ka mora e mong a ntse a re, “Kreste o o fodisitse.” Batho ba bang ba lahlela ditlankana tsa bona tsa ho rapellwa moyeng, ba nyahlatsa melangwana ya bona mme ba neng ba sa kgone ho ema ba raoha ka maoto a bona, ba bang ba bona ba bile ba tlolaka ba rorisa Modimo ka thabo. Ha ho mokgwa wa ho hlalosa ponahatso e jwalo. Kopanong e nngwe moshanyana ya setulong ya n'a sitwa ho ema leha e le ho tsamaya, o ile a tlola a ema ka maoto a hae a rorisa Modimo. Metsotsso e mmalwa hamorao, ka mo qhwaya ke bile ke kopa letshwele ho mo suthela le ho mo dumella ho fetela kalaneng. A atamela maekrofounu mme a rerela letshwele le llang ka bokgabane. Neo e ne e sebeletsa phodiso ya bongata jwalo feela kaha e sebeditse moleng wa thapelo moo ba neng ba fodiswa a le mong ka nako.

### BAETSADIBE BA INEHELA KA BONGATA

Mme ntho e kgabane ka ho fetisisa, baetsadibe ba behwa tlasa tsuo ya sebe mme ba batle ho bolokeha. Ho Baroma 15:18, 19, Pauluse o bua ka ho “kokobetsa Baditjhaba, ka polelo le ka ketso, ka mehlolo e matla le ka meeka, ka matla a moywa Modimo...ho qala Jerusalema, le ka mathoko ho ya fihla Illirikame.” Ke ne ke bone baetsadibe ba ka etsang dikete tse mashome a mararo ka letsatsi le le leng ba ema ka maoto a bona mme ba nehela Modimo dipelo tsa bona ka dikgapha. Ha ho makatse ha Jesu a itse, “Ha le kena motseng ofe feela—le fodise bakudi ba mono.”

Ha a qotsa Pesalema ya 68:18, Moapostola Pauluse o boletse ho Baef. 4:8, “Hoba A nyolohele hodimo, o huletse ba holehilweng tokolohong a fa batho dineo.” Ditaba tsa neo e halalelang ena Kerekeng dilemeng tse tsheletseng tse kgutshwane di se di haotse di potile lefatshe, mme mehalala e potlakileng e tswa makgalong wohle a lefatshe. Bababi ba bang ba fodile ba ntse ba parola metsi ba tswa dinaheng disele ka sefofane ba ya Dinaheng tse Kopaneng ho rapellwa.

Pele ke kwala, ke utlwa ke tshwanetse ho bolella bao ba balang mela ena ba mpa ba sitwa ho etela Dikopano tsa Branham, hore hona ha hwa lokela ho le sitisa phodisong ya lona, le lona. Dikete di se di fodisitswe ke dithapelo tsa

bona ka mohlolo. Modimo o labalabela phodiso ya lona ho feta le kamoo mohlomong le e labalabelang kateng. Jesu o shwetse kgonahalo ya yona. Kalvari e etsa hore ntho e nngwe le e nngwe eo Modimo a e tshepisitseng e be ya hao ka sebele. “Ho fola ka botlalo” ke thato ya Modimo e pakilweng mme ya bontshwa matshwele. Lehlasedi la rona la phodiso le “thapelo ya tumelo” le thusitse dikete tse ngata ho finyella phodiso. Letoto le sa qepheng la bopaki ba boithaopo le sa ntse le phalla le kena ho rona ho tswa ho metswalle ya rona ya seyalemoya le batlatssi ba bona. Buka ya ka, “KRESTE MOFODISI”, e leng kgatisong ya yona ya bosupa jwale (maqephe a 250), e kenyeleditse mme e hhalosa dinnete tsa Bibele ka ho hlaka e leng tsona tse lokolotseng matshwele mefuteng yohle ya mahloko a mmele a a neng a keke a fodiswa ke motho mohla ho no ho se motho ya nang le neo ya phodiso, ho se na le moholo ya ka rapelang thapelo ya tumelo. Ba fodile ka ho dumela ho pala le ka ho nka kgato ya Mangolo mabapi le phodiso ya mmele ya bona, jwaloka baetsadibe ba dumelang mme ba nka kgato ya Mangolo ka phodiso ya moyo wa bona. Bukana yaka e reilweng “Maipolelo a Mokreste,” e supang seo boikikitlelo ba rona bo lokelang ho ba sona ho amohela mahlohonolo wohle a topollo, e etsa dimakatso. Dinnete tsa yona, ha di phethisiswa, di tla phetha tshepiso ya Modimo ya ho fodisa kapa ho etsa ntho efe feela eo A e tshepisitseng ka hara Bibele.

Mor. F.F. Bosworth

# Hobaneng William Branham

## A Etetse Afrika Borwa?

Lapeng ha William Branham ho fihla dikopo tse sa balweng tsa thapelo ka letsatsi. Bongata ba tsona bo feheletswa ke ditekete tsa sefofane tse mo kopang ho tla rapella mokudi. Ke e nngwe ya dikopo tsena e qositseng Moena Branham ho tsitlallela thapelo mabapi le leeto la hae le amanang le Afrika Borwa. A se a kile a nahana ka Afrika Borwa pele, empa kamehla Morena a mo isa nqa e nngwe e sele. Monongwaha o ne a hopotse Australia le Japane, empa Morena a mo tataisetsa Afrika a tile.

Ka kgwedi ya Pherekong, 1950, Moena Branham le Moena F.F. Bosworth ba ne ba tshwere dikopano Houston, Texas. Ka bona bosiu boo ho nkilweng foto ya Moena Branham, yona e hlahisitseng sedikadikwe sa lesedi hodima hloho ya hae, Moena Bosworth o ile a bontsha Moena Branham foto ya mofumahadi. E ne e feheletsa lengolo le tekete ya sefofane ho tswa ho Florence Nightingale wa Durban, Afrika Borwa, o hojana le Florence Nightingale ya theileng Sefapano se Sefubedu. E ne e le mohlolohlolo feela mme a ba hopotsa Georgia Carter, mosetsana ya tswang Milltown, Indiana, ya neng a le maemong a tshwanang le ao pele a fola. A robetse ka mokokotlo wa hae dilemo tse ka bang robong a tshwerwe ke lefuba mme a ka fihla boimeng ba diponto tse mashome a mane ka thata mohla Moena Branham a ne a mo rapella.

Florence Nightingale enwa wa Durban o ne a tshwerwe ke mofetshe o larileng molomong wa mohodu o mmolaisa tlala. A ka ba boima ba diponto tse mashome a mahlano. O ne a feptjwa glucose ka methapo ho fihlela ho se ho sa kgonahale. Ha a utlwela ka Moena Branham, a tsetselela hore a tle ho mo rapella. Ka hona a mo ngolla ho tla, a bile a romela foto ya hae le tekete ya sefofane.

Bosiung boo Houston ba ile ba rapella Florence Nightingale, ba tshepisa Modimo hore ha A ka mo fodisa mme a mo phekola ka ho phethahala, ba tla e nka e le pontsho e tswang ho Modimo ho etela Afrika Borwa.

Diveke tse robedi hamorao moifo wa Branham wa theoha Engelane o lebile Finlane. Morena wa Engelane o ne a rometse mohala a kopa Moena Branham ho tla mo rapella. Yare ha moifo wa Branham o theoha sefofaneng, lebitso la William Branham le ile la hweletswa sebuela-holeng.



*Ena ke kopi ya foto e neng e feheleditse kopo  
ya thapelo ya Florence Nightingale.*

Florence Nightingale o ne a sa tswa fihla boemaofaneng metsots e leshome le metso e mehlano pejana ho moo mme ba mo feheletsang ba ne ba memme Moena Branham ho tla ka potlako hoba ba hopotse a tla shwa. Sebaka se ne se hatellane hoo ba bileng ba eletswa ho kopana le yena Hoteleng ya Picadilly. Hona ho ile ha etswa ha ba ha ralwa dithophiso tsa hore a tle hoteleng ya hae.

E ne e le le leng la matsatsi ao a mohudi a Mmesa ha ba ne ba qhoba ba tobile hotele a na dula ho yona. Ha ho motho moifong oo ya kileng a bona motho ya maemong a haulang jwalo ka mosadi ya ka hara phaposi eo. A le mosesane hoo letlalo le ne le kgomaretse masapo a hae. Dipelo tsa bona tsa angwa ke kutlwelobohloko. Florence Nightingale o ne a batla a sa kgone ho bua nakong eo dikeledi di theohang marameng a hae kahobane a ne a utlwa bohloko bo boholo.

Bao bohole, ho akg a le moruti wa Kereke ya Engelane le baoki ba hae mmoho, ba kgumama mme ba qala ho mo rapella. Yare ba sa qala ho rapela leeiba la fihla la dula mohaolwaneng wa fesetere, le shebile kahare nakong eo la qala la bina. Ka mora thapelo, ha Moena Branham a re, “Amen,” leeiba la fofa la ikela. Moruti a qalella ho bua a re, “Na le bone leeiba leo?” Le pele a qeta potso eo Moya wa Morena wa tsamaya hodima Moena Branham ho bolela mantswa ana—“Ho rialo Morena, o tla phela, kgaitse.”

Dikgwedi tse pedi hoba Moena Branham a rapelle Florence Nightingale Engelane a fumana lengolo le leng ho tswa ho yena. Nakong ya jwale e ne e le pontsho e phethehileng ya bophelo bo bottle mme a le boima ba dipondo tse 155. O ne a etseditse Modimo kano mme jwale a kgodisehile hore o tshwanetse ho ya Afrika Borwa. Modimo o no o mmileditse Afrika Borwa mme jwale takatso ya hae e le ho ba lehlohonolo bathong bao a bileditsweng ho ba sebeletsa.

Yare re sa le Johannesburg, le hona diveke pele re fihla Durban, Moena Branham a re jwetsa hobane tshebeletso ya rona e kgolohadi e tla ba Durban. Ka mehla a bua ka Durban ka tebello e tebileng ya dintho tse kgolo tse tla etsetswa Modimo. Hamorao bukeng ena le tla fumana tlaleho ya ditshebeletso tse kgolo tse ileng tsa tshwarwa mono, ditshebeletso tse kgolo ka ho fetisia tse kileng tsa tshwarwa Afrika Borwa. Ha rea ka ra fumana monyetla wa ho kopana le Florence Nigthingale ha re sa le Afrika Borwa hoba re utlwisia a dula Engelane ha jwale.



*Foto ena e ne e felehetse bopaki ba hae ba phodiso.*

# Tshebeletso E Ikgethileng

Dumelang, metswalle. Mohau o moholo wa Modimo le kgotsi di be le lona bohole. Ketelo ya ka motseng wa lona e kgutshwane, empa ke natefetswe ke hora e nngwe le e nngwe ya yona. Ke utlwa pelong ya ka lena e sa tlo ba leeto la ka la ho qetela Afrika Borwa. Ha Modimo a ka dumela, re tla thabela ho boela re kgutla. Ntle le pelaelo le tla be le se le totetswe ke tumelo mohlang oo, ka baka la seo le seng le se bone le seo le tla se bona phirimana ena. Kea tseba hore ka hara letshwele phirimanaeng ena ho na le ba bangata ba seng ba fodile. Le ke ke la elellwa taba ena hona jwale, empa le tshwaye seo ke le bolellang sona. Divekeng tse latelang le tla bona batho ba neng ba kula ba tla ho baruti ba bona le ho metswalle ba re, “Boholoko boo ba mala, bo fodile,” “Mofetshe oo—ha o sa le yo ho nna,” le “Ak’o shebe sephaka sa ka; ke kgona ho se sebedisa,” le dintho tse ngata tse ding tse kang tseo. Le tla bona hobane ke le boleletse nnete.

Nka thabela ho bona tsoseletso dikerekeng tsohle Afrika Borwa. Bohle re bang ho Kreste. Re Moya o kopaneng mmeleng o le mong. Ana ho ke ke ha babatseha ho bona marako wohle a phutheho tsa bodumedi a heletswa hore re tle re sebetse ka bonngwe ka ho Jesu Kreste? Hona ho tla tlisa tsoseletso.

Jwale ke rata ho bala karolwana ya Lengolo feela kaha ke nahana ho se tshebeletso e feletseng ho sa balwa Lentswe. Mantswe a ka a tla hloleha, jwale ka a motho mang le mang, empa Lentswe la Modimo le ke ke la hloleha. Hopolang, Lentswe la Modimo le tla hlola Satane hohle, nako efe kapa efe tlasa maemo afe kapa afe. Mohla Jesu a ne a le mona, Ntate o ne a le ka ho Yena mme O ne a lekana le Ntate. Leha ho le jwalo, ha A kopana le Satane, ha A ka a sebedisa efe feela ya dineo tsa Hae. A mpa a re, “Ho ngodilwe ho thwe.” Nako le nako ha Jesu a re, “Ho ngodilwe ho thwe,” O ne a fekisa Satane. Le fumana tshepiso Lentsweng la Modimo, mme nako le nako ha le sebedisa Lentswe ka tumelo, Satane o tla le balehela. Lena ke Lentswe la Modimo mme ha seo ke se buang se sa bape le hona, mantswe a ka a tla be a sa loka. Empa ekare ha mantswe a ka a bapa le Lentswe la Modimo, ke moo Modimo a tla a hlompha, etswe A se a ho entse ditshebeletsong tsa rona.

Jwale ke rata ho bala kgaolo ya bobedi ya Mohalaledi Luka, ho qala ka temana ya mashome a mabedi le metso e mehlano.

“Ho no ho na le monna Jerusalema, ya bitswang Simeone; monna eo o ne a lokile, a lebeletse tshediso

ya Iseraele: mme Moya o Halalelang o no o le ho yena. O na a senoletswe pele ke Moya o Halalelang, hoba a ke ke a bona lefu, a eso bone Kreste wa Morena. A iswa tempeleng ke Moya; mme ngwana Jesu ha a tliswa ke baholo ba hae, ho tle ho etswe bakeng sa hae ka taelo ya molao, A mo nkela matsohong a hae, a boka Modimo, a re, Jwale Morena, o lese mohlanka wa hao a ye ka kgotso, ka Polelo ya hao: hobane mahlo a ka a bone poloko ya hao, Eo o e lokisitseng pontsheng ya ditjhaba kaofela; Hore e be lesedi le tla bonesa Ditjhaba, le kganya ya Iseraele setjhaba sa hao. Josefa le mma ngwana ba ne ba makala ke ditaba tsohle tseo a bolelwang ka tsona. Simeone a ba hlohonolofatsa, a re ho Maria mma ngwana, Bona, ngwana enwa o beetswe ho wa le ho tsoha ha ba bangata Iseraeleng; Le ho ba pontsho e hanyetswang; (Le hona, lerumo le tla hlaba pelo ya hao,) Hore mehopolo ya dipelo tse ngata e tle e senolwe. Hape ho no ho le Anna, moporofeta wa mosadi, moradi wa Fanuele, wa leloko la Asere: o na a se a hodile haholo, a kile a ba le monna dilemo tse supileng ho tloha borwetsaneng ba hae; Mme jwale e ne e se e le mohlolahadi wa dilemo tse batlileng ho ba mashome a robileng meno e le mmedi a metso e mene, o ne a sa tlohe tempeleng, empa o ne a sebeletsa Modimo ka ho itima dijo le ka ho rapela bosiu le motsheare, Le yena a tla nakong yona eo a boka Morena, mme a bolela tsa Jesu ho bohole ba lebeletseng topollo Jerusalema.”

Morena Jesu a ke a eketse mahlohonolo a Hae palong ya Lentswe.

Ke batla ho bua metsotso e mmalwa ka ditebello. Ka tlwaelo o fumana seo o se lebeletseng. Jwale ha o ya tshebeletsong ho seholla feela, ruri Satane o tla o bontsha ntho eo o ka e sehollang. Ha o tlide ho tla hlohonolofala, Modimo o tla hlokomela hoba o a hlohonolofala, hoba sohle seo o se lebeletseng o tla se fumana.

Ere ke le etsetse mohlala wa seo ke se bolelang. Ka letsatsi le leng mme o na a nthome moketjaneng a ba a mpolella ha ke tla kopana le kgaitsemi ya hae. A ntekanyetsa yena, a re o monyenyan, a mpa a le tshobotsi e lometsang, phatla ya hae e phahame, moriri wa hae o huletswe morao, o bile o tshophilwe ka sekotlong. Ka ya batlana le yena. Ke se ke na le mohopolo wa kamoo a shebehang kateng.

Jwale, ha eba o tlela phodiso ya Kgalalelo, o tshwanetse ho fumana mohopolo wa seo Modimo a leng sona. Le dumela seo? Jwale, Modimo ke Moya, empa le ka sheba kamoo A tsamayang kateng. Jesu o itse O tla kgutlisetsa Moya o Halalelang mme O tla paka tsa Kreste, mme o tla re hopotsa dintho tsena tseo

Jesu a buileng ka tsona. O ne a tla boela a re bontsha dintho tse tlang. O boletse, "Ya dumelang ho nna, mesebetsi eo Ke e etsang o tla e etsa le yena; o tla etsa le mesebetsi e meholo ho ena; hoba Ke ya ho Ntate." Hape O boletse A ke ke a etsa letho pele Ntate a Mmontsha, mme enereha Ntate a Mmontsha pono, O na a etsa hono. Jwale, Jesu esale yena maobane, kajeno le ka ho sa feleng. Jwale eka kgona re be le diponahatso tse tshwanang ditshebeletsong tsa rona jwale ka Jesu tsatsing la Hae.

Le utlwile kgafetsa batho ba re, "Re dumela seo re se bonang." Le utlwile polelo eo. Ke tla le kgodisa hoba e nepahetse ka lehlakoreng le le leng. Hantle mona ke bona monna ya emeng pel'a ka ka sutu e lerootho. O tlammee tae e mathebana a makgubetswana. Ke ba bakae ba dumelang e le nnene? Ehlide, le ka mmona; le a tseba hore o teng. Jwale ke tla retoloha ke shebe nqa e sele. Ha ke bone monna empa o teng mona leha ho le jwalo. Ke tseba jwang? Ka hobane ke na le thusakutlo e nngwe. Ho na le dithukutlo tse hlano mmeleng wa motho—bona, latswa, ama, fofonela le kutlo ya tsebe. Tseo di arohane, e nngwe ho e nngwe. Pele ke tsebile a le teng mona ka thusa-kutlo ya pono. Ha ke retoloha ha ke mmone, empa kea tseba o teng mona hoba ke beile letsoho la ka hodima hae mme nka mo phopholetsa. Jwale thusakutlo yaka ya pono ha e sebetsa, empa ho sebetsa thusakutlo yaka ya ho ama. Ha ke boela ke retolohela ho yena mme ke tlosa letsoho la ka hodima hae, kutlo ya ho ama ha e sa tla mo hhalosa, empa ke pono e tla sebetsa hoo. O na le sethokutlo se seng. Mamelang, ke utlwa mmimo. Ke ba bakae ba nahanang hobane ke nepile? Na le o bone? Na le o phopholetsa? Na le o fofonetse? Na le o latswitse? Tjhe. Empa le na le sethokutlo sa kutlo ya tsebe. Jwale, ho dumela hase ho bona. Lebakeng leo ho dumela ke ho utlwa. Jwale, ho na le dithokutlo tse hlano.

Modimo o entse motho ka setshwantsho sa Wona—motho wa moya. A ntoo kenya ho yena dithokutlo tse hlano a tle a kgone ho hokana le tikoloho ya hae ya lefatshe. Ha ho moo di amanang teng le Modimo. Dithokutlo tse hlano di abetswe ho hokana le tikoloho ya lefatshe. Empa soule ya motho, moya, o na le sethokutlo le wona, e leng tumelo. Motho o hokana le Mmopi wa hae ka tumelo. Dithokutlo tse hlano ha ho moo di amanang teng le yona. Di amana le tikoloho ya lefatshe empa moyeng wa hao o ama tikoloho ya lehodimo. Ka baka leo sethokutlo sa ho phopholetsa, jwaleka ha ke ama monna enwa, ke nnene mmeleng. Pono ke ntho ya nnene ho mmele. Ke bonnete. Empa moyeng wa hao tumelo e tiile ho feta. Jwale mamelang, tumelo ke motlwang wa dintho tse hopotsweng, kgodiso e tiileng ya dintho tseo o sa di boneng, latsweng, ameng, fofoneleng kapa ho di utlwa ka tsebe. Leha ho le jwalo e tiile hakaalo feela, e tiile ho feta efe feela ya dithokutlo tsena tse ding tse hlano.

Holane ho se motho ya kileng a bona bophelong ba hae mme hang motho e mong a fumane mahlo mme a kgone ho bona. Re ne re tla nka motho eo a hlanya ha a re o bona dintho esita le mahlasedi a hlakileng a letsatsi, j.j. Hola re ne re ena le dithokutlo tse nne feela, re ne re tla nka motho eo a hlanya. Empa ho yena e tiile. Ho jwalo le ka tumelo. Na le ka re hempe eo e tshweu? Ke ba bakae ba dumelang hobane hempe eo e tshweu? Hoo ho bontsha hore le kgona ho bona. Jwale, ha tumelo ya hao e re o tla fola, e tiile hakaalo ka pono ya hao e reng hempe eo e tshweu, o fodile. Tumelo e hhalosa hoo. E phethahetse.

Jwale ha re feteleng mohloditherong wa rona motsotso. Simeone e ne e le leqheku le dulang tempeleng. Baithuti ba thutabomodimo ba re bolella hobane o ne a le dilemong tsa bo mashome a robileng meno e mmedi. Ka tsatsi le leng o ile a fuwa tshepiso ke Moya o Halalelang hore a ke ke a shwa a eso ho bone Kreste wa Morena. A tsamaya a bolella batho bohole, "Nke ke ka shwa ke eso ho bone Kreste." Ba ile ba re o a hlanya. Ba re, "Davida le baporofeta bohole ba ne ba lebeletse Kreste, jwale bonang monna yane, kamoo a tsofetseng kateng, leha ho le jwalo o nahana hore o tla bona Kreste." A ena le tokelo ya ho e dumela hobane Moya o Halalelang o ke ke wa bua leshano. Jwale lemohang, o ne a se na dihlong. Ho sa tsotelehe seriti seo a na a ena le sona, hore motheo wa hae e ne e le ofe, kapa hore o na a hlompheha hakakang. O ne a fupere tshepiso ya Moya o Halalelang hore a ke ke a bona lefu a eso ho bone Kreste wa Morena. A se na dihlong tsa ho e paka, hoba Moya o Halalelang o no o mmoleletse jwalo.

Jwale, wona Moya o Halalelang o nong o ena le Simeone o teng mona phirimana ena. Ke ba bakae ba dumelang phodiso ya Kgalalelo? Be, ha le dumela hoo, hopolang Davida o itse, "Ha bodiba bo bitsa bodiba." Ka mantswe a mang, ha ho ena le bodiba bo tsetselang kahare ka mona, bodiba bo bong bo lokela ho arabelana le bona ka ntle mono. Tjenana: pele ho hlaha sephoana mokokotlong wa hlapi e ne eka kgona ho be le metsi ao e ka sesang ho wona pele. Ho seng jwalo, e ka be e se na sephoana seo. Pele ho ka ba le sefate se melang hodima lefatshe e ne eka kgona ho be le lefatshe pele, ho seng jwalo ho no ho sa tlo ba le sefate se melang hodima lefatshe. Le bona seo ke se bolelang?

Jwale, ke ne ke bale pale ya lesea le kumang rabara ya meraho ya baesekele le rabara ya potloloto. Ba mo isa ngakeng e ileng ya mo hlahloba mme ya re moeka ha eso fumane sebabole mmeleng wa hae. Rabara e na le sebabole ho yona, ka baka leo o ne a ja rabara ho fumana sebabole. Ha ho ena le ntho e tsetselelang sebabole ka ho wena, eka kgona ho be le ntho e arabelang thohothelo eo kae-kae. Ha ho ena le popo pelong ya motho, eka kgona ho be le mmopi ho bopa popo eo.

Ha o rapela o batla Modimo o mongata ho feta, eka kgona ho be le Modimo o mongata o ka amohelwang. Enere o sa le moetsadibe, moya wa hao o no o llela Modimo. Bahetene ba llela Modimo. Ho na le ntho e tsetselelang borapedi ka ho bona. Ba ne ba sa tsebe seo ba ka se rapelang, ka baka leo ba betla seseto ba ntoo se kgumamela. E ne e le ho hloka tsebo ka nqa Modimo, ho bontsha ho no ho ena le ntho e llelang Modimo, e llelang borapedi. Modimo o bopang popo eo o ne o loketse ho ba teng, ho seng jwalo takatso e jwalo ekabe e le siyo ka ho bona. Jwale lona ba neng ba phahamisitse matsoho a lona le re le dumela hobane phodiso ya Kgalalelo e teng, le hore le a e labalabela, eka kgona ho be le sediba se buletsweng phodiso kae-kae ho seng jwalo takatso eo e ka be e le siyo. Le a bona, ke bodiba bo bitsang bodiba.

Simeone o na a tshepisitswe ho bona Kreste. Ha re re Jesu o tswetswe hoseng ha Mantaha. Ho se dikoranta le diyalemoya tseo re nang le tsona kajeno, empa mokgwa o le mong oo ba romelang molaetsa e le ho tloha molomong ho ya tsebeng. Ho ena le balepi ba mmalwa ba dinaledi ba ttileng mme ba Mo ellewa ka dipontsho. Mangeloi a bile a theoha a tumisa tswalo ya Hae. Badisa ba mmalwa ba tla ho Mo kgumamela, empa hase ba bangata ba tsebileng. Ho ena le batho ba ka etsang milijone tse pedi Israeleng mehleng eo, mme mohlomong ho hlaha bana ba bangata ka bosiu. Ho latela mokgwa wa Bajode, ka letsatsi la borobedi mme o ne a lokela ho tla hlahisa sehlabelo sa hlatsuo le ho bolotsa ngwana. Nahanang batho ba bangata tempeleng hoseng hoo, batho bohole ba phethesela hohle. Ho entswe mola o molelele wa bomme ka masea a bona, mme tlasana tseleng ho eme morwetsana ya itshirileng sefahleho ka lesira a nkile maebakgorwana a mabedi e le nyehelo ya hlatsuo. Bana ba barui ba ka hlahisa konyana empa nyehelo ya mafutsana e ne e le ena, maebana a mabedi kapa maphoi a mabedi a matjha. Mme leseanyana le bile le phuthetswe ka makgasa a diaparo.

Maria a jere lebitso le lebe le ho qaleng. Ba re ho yena e ne e le ngwana wa Josefa, hore Josefa e ne e le ntatae. Eka re kea bona ha basadi bao ba suthela hole le yena le ngwana wa hae, o ne a hlahetse ka ntle ho lenyalo le halalelang. Empa pelong ya morwetsana e monyenyanne a tseba hobane eo e ne e le Mora wa Modimo, leha A phuthetswe ka diaparo tsa kgale. Ke eo moo A neng a le teng, Emmanuel, ka hara tabernakele ya nama. A nna a koeetsa lesea, motho e mong le e mong a suthela hole le yena.

Ka hara tempele kwana ho dutse Simeone a ntse a ngola. A bolokile tshepiso ya hobane o tla bona Kreste. Ekare ke a bona ha Moya o Halalelang ha o theoha o re, "Simeone, ema. Tswela ka ntle, Simeone." A sa tsebe le moo a yang empa a tswa ka tempeleng. A theoha ka mola oo wa bomme, a ema ka pela

mmenyana eo ya lebitso le lebe. A nka ngwana diatleng tsa hae, dikeledi di theoha ditedung tsa hae. A rapela, "Morena, jwale o lese mohlanka wa hao a ikele ka kgotso, ka polelo ya Lentswe la hao: Hoba mahlo a ka a bone poloko ya hao..."

Motsheo kwana khoneng ho na le mosadimoholo ya rapelang. A emetse tshediso ya Iseraele ka dilemo tse ngata. A foufetse mme e le moporofeta wa mosadi. Nakong yona ena Moya o Halalelang wa re, "Anna, ema ka maoto a hao." Ke eo a e tla, a foufetse, a tsamaya a tswedikana hara batho, a tsamaiswa ke Moya o Halalelang. A fihla pel'a Maria, a nka ngwana diatleng tsa hae, mme a boka Modimo.

Mme wona Moya o Halalelang o isitseng Anna wa sefofu ho Mmoloki o teng mona bosiung bona ho o isa ho Mmoloki, Kreste wa Modimo, Yena ya shweleng Kalvari a ba a romela Moya o Halalelang. Mme na le makatswa keha ke le borella taba ena, ya hore lona batho ba lapetseng ho fodiswa ke Modimo yona takatso eo e bopilwe ke Moya o Halalelang ka hara lona. Jwale kaha A ile a etella Simeone le Anna wa kgale, O le tlisitse kwano phirimana ena le lona. Haesale le e lebeletse. Jwale e teng mona bakeng sa hao. Hoba sediba se teng se tletseng madi, a kollang lephakong la Emmanuel, motho mang le mang ya qwelang leqhubung leo o phumulwa dikodi tsa molato wa hae mme mokudi e mong le e mong a ka phumulwa lefu la hae.

"Athe o hlabetse dibe tsa rona, A tetekwa ka baka la makgopo a rona: kotlo e re tlisetsang kgotso e Mo wetse hodimo; mme re fodiswa ka maqeba a Hae." E mong le e mong wa rona. Mme lona, batho ba ratwang, ba dumelang hore ho na le sediba sebakeng se seng, ke sena—se butswe ka pel'a lona, feela. E mong le e mong ya batlang, a ke a tle a amohele phodiso ya hae. Wona Moya o Halalelang o etseditseng Simeone tshepiso, le wena o o etsetsa tshepiso. Wona Moya o Halalelang o isitseng Simeone ho Kreste o le isitse sedibeng sa phodiso. E sa le wona Moya oo maobane, kajeno le ka ho sa feleng. Le dumela see? Ke nnete. Bara le baradi ba Modimo ba tsamaiswa ke Moya wa Modimo. Le dumela seo?

Ke mpa ke le motho feela empa ke tswetswe ke le moporofeta, ho bona dipono. Lengeloi le ipontshitse nna dilemong tse ka bang hlano tse fetileng. O ne a apere bosweu, mme ka hodima hae ho ena le lesedi le phatsimang. A le boima ba dipondo tse ka bang makgolo a mabedi, a ikutile a le boreledi, a sa rwala letho maotong, mme moriri wa hae o fihla mahetleng a hae. O ile a nkamatela mme a re ke tswetswe lefatsheng ho rapella bakudi. A mpolella hore o rometswe ho tswa ho Modimo o Matlaohle ho mpolella sena. A re, "Ha o ka tshepahala mme wa kgona ho etsa hore batho ba o dumele, ha ho letho le tla ema ka pel'a thapelo ya hao, esita le mofetshe."

Ka ntoo mmolella hore ke sitwa ho ya; ha ke a ruteha. A re jwale ka ha Moshe a neilwe dipontsho tse pedi, ka mokgwa o tshwanang ke ne ke tla amohela dipontsho tse pedi tsee e tla ba bopaki ba seo ke le bolellang sona. Ke ne ke tla tshwara motho ka letsolo mme o itse o tla mpolella, a senole se neng se le phoso ka motho eo. Dintho tse ngata di ne di tla etsahala mme ke tla bona dipono. Ke tla tseba diphiri tsa dipelo tsa batho, ho tseba pale tsa bona tse fetileng le dintho tse tlang ho tla.

Pele a tsamaya ka mmotsa kamoo dintho tsena di ka hlahang kateng. A re mohla Jesu a na a le mona O ne a sa kgone ho etsa letho a Nnotshi, ha e se seo Ntatae a Mo bontshitseng sona. Ke batho ba bakae ba tsebang hobane hoo ke nnete? Bibebe e reng? "Jesu Kreste yena maobane, le kajeno, le ka ho sa feleng." Ha e le Yena kajeno jwalokaha E ne e le yena mohlang oo, ha ho le jwalo kajeno O tla fodisa kamoo A entseng tsatsing leo. "Ho se ho se hokae, mme lefatshe ha le sa tla mpona; empa lona le a mpona . . ." Na hase nnete?

Jwale, ke sa na le nakwana ya ho le ntshetsa bopaki pele re qala ho rapella bakudi. Ka mohla o mong Amerika, yare ke sa palame terene ke ya Borwa ho kopana le Moena Bosworth, ke ile ka bona pono. Ka bona moshanyana a rapaletse fatshe diaparo tsa hae di tabohile. Ka bona majwe le difate; e le naha e sele. Mmejana wa hae o ne o robehile ka bottlalo, mme ke eo o ne a shwele. Phirimana eo tshebeletsong ka tsebisa batho ka pono eo. Ka re, "Le e ngole Bibeleng tsa lona mme le bone ha e ka ke ya etsahala."

Matsatsi a mmalwa ka mora moo ba nkisa ho moshanyana ya na a nwetse kgatamping ya morero o nosetsang. Empa e ne e se moshanyana eo ke mmoneng ponong, ya neng a ka ba dilemo tse robedi kapa leshome mme a bolailwe kotsing ya koloi. Moshanyana enwa ya nwetseng e ne e le thakanyana le le nyenyane, a le hloho e tshwana, a apere hantle. E ne e se ngwana eo. Ka ba pakela ho phatlalla le Amerika le Canada ke re, "Le e ngole Bibeleng tsa lona." E ne e ngotswe Bibeleng tse dikete. Ka ba bolella hore mohla pono e phethahatwang mme moshanyana a se a phetse, e tla hlahiswa ho "The Voice of Healing".

Ka Mmesa, 1950, yare re sa etetse Finelane, ra tloha Helsinki mme ra nyolohela Kuopio. Sehlopha sa rona se ne se nyolohetse torenq moo re neng re ka bona mobu wa Russia. Ke ne ke itimile dijo haholo mme ka re ho batsamaisi ba ka, "Ho na le ntho e tla etsahala." Ha re theosa ka tsela ra re ptjang-ptjang le kotsi ya koloi. Koloi e ne e thutse bashanyana ba babedi. E mong a thutswe lephakong la hae a ba a lahlelwa sefateng, a pshatleha hloho ya hae le dikgopo. Koloi, e neng e tsamaya ka dimaele tse ka bang mashome a supileng ka hora, ya otla moshanyana e mong ya mo lahlela pele, ya mo thetha tlasa koloi ya ba ya

mo nyahlatsa le ka lebiding le ka morao e mo akgela moyeng. Ra fihla metsotso e ka bang mashome a mabedi hamorao. Ho ena le letshwele le leholo la batho. Ba ne ba mo robaditse ba kgurumeditse sefahleho sa hae ka baki ya hae.

Mongh. Lindsay le ba bang ba tswa mme ba mo sheba, empa nke ke ka ya. Ke ne ke nahanne moshanyana wa ka ka sebele mme pelo ya ka e le bohloko. Qetellong ba botsa, "Hobaneng o sa ya?" Ka baka leo ka ya. Ha ke sheba moshanyana, ba ne ba tlositse baki sefahlehong sa hae, pelo ya ka ya batla e ema. Ka hopola Billy Paul e monyenyanne dimaele tse dikete hole le nna. Bao bohle ba ne ba lla. Ka qala ka retoloha, nakong eo ke utlwang letsoho hodima ka. Ka re, "Ha ke utlwisiseng hore ke eng." (Ba bang ba bona ba emeng mono ba re, "Ramehlolo ya tswang Dinaheng tse Kopaneng ke yane. Ha re boneng seo a tla se etsa." Le bona kamoo batho ba sa utlwisiseng kateng.) Ka retoloha mme ka re, "Moshanyana eo ekare ke mmone kae-kae. Ha re boneng hape." Yaba ba boela ba phahamisa baki ya hae. Ka re, "Nkile ka bona moshanyana eo." Ke ne ke thabile haholo, ke sa kgone ho mo hlomamisa madulong pele. Ka re ho bareri, "Na ke setho sa dikereke tsa lona?" "Tjhe," ba rialo. Yaba ke ellellwa hore ke moshanyana eo ke mmoneng ponong morao kwana Amerika lebaka le ka etsang selemo le halofo pele ho moo.

Le ke ke la tseba kamoo ke ikutlwileng kateng. Ho se matemona a lekaneng a hlokofatsang a neng a ka mo fupara. Ka re, "Itokiseng mme le tla bona kganya ya Morena." Ka kgumama hantle feela kamoo ke bontshitsweng ponong mme ka rapela: "Modimo o Matlaohle, haeso kwana nako e fetileng e ka etsang selemo le halofo, O ile wa mpontsha moshanyana enwa mme Wa mpolella hore o tla tsoba." Ke eo moo a na a robetse teng, a robehile ka bottlalo, mme ka re, "Oho, Morena, utlwa thapelo ya mohlanka wa Hao. Mme jwale lefu—o ke ke wa hlola o mo fupara, hoba Jesu Kreste o fane ka tshepisyo ya hore moshanyana o tla phela." Moshanyana o ile a ema ka maoto a hae, a phela a boetse setlwaeding. Borakgwebo ba ne ba eme mono, banna ba motse ba tswileng ka mahetla. Ke tshwere ditlaleho tse tiisang taba ena di tswa ho bona, di tekenilwe ke moemedi wa molao.

Nka tswelepele dihora ke le ntshetsa bopaki ba kamoo Modimo o ileng wa fodisa ka mohlolo, empa re ke re ra nka nako e fetang hobane ke tshwanetse ho kena tshebeletsong ya phodiso. Eka nka rapella e mong le e mong wa lona ka bonngwe, empa hase ntho e ka etswang. Ke tla rapella mokgupi wohle mme le ka fola bohle, jwalo feela kaha moetsadibe a ka amohela Lentswe mme a dumela a ba a fetoha mmopuwa e motjha. Ke tshwanete ho etsa hore le dumele. Phodiso ya lona le yona le e fumana ka yona tumelo e pholosang kapa e phekolang moywa hao.

Phirimaneng ena jwale ka tlwaelo re batla ho memela leshome kapa leshome le metso e mehlano la lona mona batho ba tshwereng ditlankana tsa ho rapellwa. Ena hase tshebeletso ya phodiso empa ke ponahatso ya se ka etsahallang lona bohole ka ntle mono. Mora wa ka Billy Paul o ntshitse ditlankana tsa ho rapellwa pejana phirimana ena. Billy Paul, ke dipalo dife tseo o di ntshitseng phirimana ena? "L-50 ho fihla ho L-100." Ke hantle, o ntshitse ditlankana tse mashome a mahlano phirimana ena mme ke dumela re tla bitsa tsa pele tse leshome le e metso e mehlano, ho qala ka L-50 ho fihla ho L-65. Shebang palo e ka morao ho ditlankana tsa lona mme o bone ha eba o tshwere e nngwe ya dipalo ho qala ho L-50 ho fihla ho L-65. Ha ho le jwalo, nyolohela kwano kapele kamoo o ka kgonang re tle re le emise mme re qale tshebeletso ya thapelo.

O se ke wa nahana kahobane o sa fumana setlankana sa ho rapellwa o ke ke wa fola. Ke batla o bone hobane ha ho moo e amanang teng le setlankana sa ho rapellwa. Ke biletsha batho ba mmalwa hodimo mona hore le tle le bone Neo ha e sebetsa mme le dumele ke hona. Taba eo e boela e thusa ho tshollela Tlolo hodima ka.

Ere ba sa lokisa mola wa ho rapella ke batla ho re, metswalla ya Bakreste, ha ke tle ho lona jwalo ka mofodisi ya halalelang. Ke tla jwale ka moena. Ha kea tla nka sebaka sa ngaka ya hao. Ke tlide ho o rapella ka tshenolo e Halalelang, tsamaiso e Halalelang ya Modimo. Dineo le dipitso tsa Modimo ha di a tliswa ke pako. Dingaka ke bahlanka ba Modimo mme ba re etsetsa tsohle tseo ba di kgonang. Empa matla a bona le tsebo tsa bona di seetswe moedi. Matla a Modimo ha a seelwa moedi. Hola dingaka le baoki di sa hlokahale, di ka be di le siyo mona. Ke thuso e kgolo ho rona. Ruri ke ananela seo baoki ba se etsedseng bakudi le bafokodi ditshebeletsong tsena. Modimo a le hlohonolofatse bohole, dingaka le baoki ka ho tshwana. Ngwananyana wa ka, eo ke mo siileng ho le etela, o batla ho ba mooki, mme ha mora wa ka e sa be moreri eka e ka ba ngaka.

Batho ba bangata ba re ba tseba hore Modimo ao a kgora, empa na O a batla? Ho Pesalema 103, phodiso ya malwetse e hlahletswe lesakeng le le leng le tshwarelo ya makgopo a rona kapa dibe. Ka baka leo ha e le thato ya Modimo ho tshwarela sebe, ke thato ya Hae ho phekola malwetse.

Ke batla ho rapella disakatuku tsena. Ho na le mangolo a makgolo mona. Ke amohela lekgolo la wona ka kgwedi ho tswa lefatsheng lohole mme dintho tse kgolo di se di etsahetse. Mona ke ho latela Bibebe, Diketso 19. Pauluse o tsebile hobane Modimo o no o ahile ho yena, mme hola feela o ka elellwa hobane Modimo o ka ho wena. Jwale, e bang le hlompho nakong eo ke rapelang.

Ramehauhelo, disakatuku tsena tse robetseng ka hara mabokose ana le hodima ditulo, ke O kopa ka Lebitso la Mora wa Hao Jesu, ho di hlohonolofatsa. Hole kwana ho phatlalla le naha ho na le bomme le bontate le bana, ba emetseng ho kgutla ha disakatuku tsena. Ba bangata ba kula haholo, mme kea rapela, Ntate ya ratehang. Ho na le leqhekwana la batho le foufetseng le dutse ka tlung, mme o robetse diphateng tsa mahlomola, o emetse ho kgutla ha disakatuku tsena. Ho ngodilwe Mangolong hore ba ile ba nka disakatuku le diaprone, tse ammeng mmele o tlotsitsweng wa Pauluse, mme mafu le meya e sa hlwekang e ne e tswa bathong. Ntate, rea tseba hore ha re Mohalaledi Pauluse empa Wena o sa le Yena Jesu eo, ya na ena le Mohalaledi Pauluse le batho bohole ba Hao. Oh, Modimo, ak'o boele o ba etsetse hoo, hore batho ba tle ba tsebe hobane O Jesu, Mora Modimo, yena maobane, kajeno le ka ho sa feleng.

O bile mosa hakakang ho rona, Ntate wa Lehodimo, mme nako e feta habonolo hakakang ha re bua ka Jesu, ho bua ka mesebetsi ya Hae e makatsang. Mohla A ne a le lefatsheng mona O itse ho se ho se hokae mme lefatshe ha le sa tla Mpona. Empa lefatshe ha le utlwisise. Ba foufaditswe ke modimo wa lefatshe lena, ba tsamaya lefifing ka mokgwa wa bona le ka ditakatso tsa bona tsa sebe. Empa rona re a O leboha, O itse O tla ba le rona, le ka ho rona ho isa bofelong ba lefatshe.

Phirimana ena, hohle moo O ka iphumanelang pelo e tshepehang, O tla ba tataisa ka Moya wa Hao. Oho, Modimo, phirimana ena ya Moqebelo batho ba bangata ba ntse ba reka, ba bangata ba ka ntle mabenkeleng a bulwang bosiu bohole le dibakeng tse manyala, le bashanyana ba rapaletseng fulurung ya tamene, le basetsana ba nkileng tsela e fosahetseng—ba tantsha tseleng ya bona e se nang Kreste e yang lebitleng, oho, Mong'a me, ak'o tataise batho bao ka mokgwa o itseng. Bua le bona bosius bona mme ba ke ba fumane sebaka aletareng ya sekgae-kgale mme ba fetoh bahlanka ba Hao, Morena.

Ho na le ba bangata bosius bona, Ntate, ba kulang mme ba hloka. Ke utlwa Moya wa Hao jwale mme bohole rea tseba hore O teng mona. O boletse, "Moo ba babedi kapa ba bararo ba kopaneng, Ke tla kena hara bona." Re a O utlwa, ka kutlo ya moyo ruri, mme rea tseba hore O teng mona.

Mme jwale, Ntate, jwalokaha ke paketse batho bana ka neo ya Hao e Halalelang, ekare ha O sa bue ba mpa ba nkile lentswe la ka feela, Morena. Empa kea tseba hore O tla bua, ho netefatsa, ho kgodisa, mme thoriso yohle le kganya di ke di lebiswe ho Wena, Wena Mora ya kgabane wa Modimo. O babatseha hakakang ho lopolla rona ba'dibe ba batho ba timetseng, ba loketsweng ke lefu le karohano, ba loketsweng ke dihele, empa Wena o re lopolotse. Oho, pelo ya ka e tlola

hakakang ha ke nahana hore ke lopolotswe mme jwale ka ha O tsohile lebitleng ruri, ka tsatsi le leng re tla tswa ka mmele o motjha mme ha re sa tla hlola re kula kapa re sotleha.

Jwale, Modimo o ratehang, hlohonolofatsa bana ba mona bosiung bona. Moya o Halalelang o ke o haole hodima letshwele lena jwale. Ba ke ba O amohele ka mosa mme ba pholoswe ba be ba fodiswe bosiung bona, hobane re kopa hona ka Lebitso la Mora wa Hao. Jesu. Amen.

Ntlisetseng mokudi wa pele.

Dumela, mofumahadi. Jwale, kgaitsei, o dumela ka pelo yohle ya hao hore Modimo o nthomile ho o thusa? Ha ke na seo nka o fodisang ka sona. Hola ke le ngaka, ke ne ke tla o fa moriana. Nna ke mohlanka wa Modimo mme nka susumetsa tumelo ya hao ka hono hore Modimo a tle a o thusa. Nke ke ka etsa seo Modimo a seng a se entse. Ke moporofeta mme nka o bolella se phoso ho wena ka pono. Ha nka o bolella jwale se phoso ka wena, na o tla dumela hobane Modimo o nthomile?

Pele o tla tshebeletsong bosiung bona o no o ntse o rapela. Ho jwalo? O rapellwa ho bitswa bosiung bona. E sa le o tshwenngwa ke hloho e opang nako e telele. O dumela ka pelo ya hao yohle? Ha ho le jwalo, e ya hae mme o amohele phodiso ya hao.

Tloo, wa thaka. Na o rata Jesu? Moya wa Modimo o se o dutse hodima ngwana enwa. Hola Jesu a ne a eme mona kalaneng ena mme A re ho wena, mohlankanya, ho na le dintho tse phoso ka wena, na o no o tla Mo dumela? Jwale, ha nka o bolella, na o tla dumela hobane Modimo o nthomile? Ke mpa ke le sesebediswa sa Modimo. Ke bona pono ya moshanyana enwa ka pela ka. O jewa ke dialsa ka hanong. Na ho jwalo? Ha ho le jwalo, phahamisa letsoho la hao. E ya hae o nyakalle, hoba Modimo o o fodisitse.

O phela jwang, mofumahadi. O dumela ka pelo yohle ya hao? O na le moradinyana ya mosa haholo. Le nna ke na le moradinyana lapeng, ya ka tlasana ho wena. Lebitso la hae ke Rebeka. Empa ke ile ka tlamehla ho siya Rebeka e monyenyanne ho tla kwano ho o rapella.

Hola Jesu, Mora Modimo, a na a le teng mona, o a tseba hore O rata bana ba banyenyanne haholo, O ne a tla ba nka matsohong a Hae le ho ba hlohonolofatsa. O itse, “Lesang bana, mme le se ke la ba thibela, ho tla ho nna: hobane mmuso wa lehodimo ke wa ba jwaleka bona.” Hola Jesu a le mona bosiung bona, O ne a tla o hlohonolofatsa. O ne a tla o bea matsoho a Hae hodimo mme A tsebe se phoso ka wena. O dumela seo? O dumela hobane Jesu a ka bontsha Moena Branham se phoso ka wena? Ke nahana hore o ngwananyana e mosa haholo.

Mme, ngwana wa hao o hlahile ka maemo ana. Ke maemo a methapo. E fokodisitse lesea la hao mme e le katlide. Le fokola haholo mmeleng. Hase bothata ba lefu la mmele hakaalo e mpa e le maemo a kakaretso a ngwana. Ngwananyana ha a na takatso, ha a je hantle mme hangata o tshwarwa ke difuba tse mpe, ha a etse jwalo? Ho jwalo?

Jwale, le a tseba hobane tsohle di sebeletsa molemong wa ba ratang Modimo. Ke batla ho o kopa ntho e nngwe. Ho wena ngwananyana o bohlokwa le ho feta bophelo. Na o ka tshepisa Modimo ha a ka phekola ngwananyana enwa mme a hlaphohelwa, o tla mo hodisa, e seng jwale ka ngwananyana wa mehla ena, empa ho mo hodisetsa tlotsiso ya Modimo, Modimo a tle a fupare bophelo ba hae matsohong a Wona? Na o tla mo ruta ka mokgwa oo mme le wena o phele ka mokgwa o tshwanang mme o be mohlala wa modumedi wa makgonthe wa sebele pel'a hae, ya tletseng Moya wa Modimo? Na o tla etsa hoo? Seo ke o boleletseng sona ka ngwana, na se nepahetse? Jwale ke dumela hobane tshepo e teng bakeng sa ngwana. Modimo o bua ka hara lelapa la lona. O utlwissa seo ke se bolelang, ha ke re? Le pele ke e bua, o no o tseba. Ke e utlwile e letsa lekodilo, ka baka leo ha kea lokela ho e bua. Eya o sebeletse Modimo bophelo bohole ba hao. Ke batla ho hlohonolofatsa ngwana' hao e monyenyanne. Tloo kwano, moratuwa. Ak'o nkopele ka matsoho a hao.

Modimo o Matlaohle, Moqadi wa bophelo, Moabi wa neo e nngwe le e nngwe e molemo. Ngwananyana enwa, ya emeng mona ka mahlwana a hae a lesea a ntjhreibeng a boputswa ba lehodimo, o nkgopotsa Rebeka wa ka e monyenyanne, dimaele tse dikete tse ngata mose ho lewatle.

Modimo, ak'o hauhele ngwananyana enwa. Utlwa hle thapelo ya mohlanka wa Hao, Ntate. O utlwile tshepiso ya moratuwa. Ke Wena ya bontshitseng pono, mme Wena o tseba dintho tsohle. Mme ere a sa eme bosiu bona le mmejana wa hae o itsetlehole ka wa ka, ho ke ho tshwane le mohla Elia a robatsang mmele wa hae hodima ngwana ya shweleng mme a boela a phela. Bophelo bo atlehileng le matla di ke di kgutlele ho ngwananyana enwa. Difuba le mafu di kgaotse mmeleng wa ngwana mme a se lebale bosiu bona le ka mohla. E ke e be letsatsi la phethoho mohla mahlohonolo a Modimo a tla dula hodima ngwana. A ke a O sebeletse ka matsatsi wohle a bophelo ba hae, le baratuwa ka mokgwa o tshwanang. Ke hlohonolofatsa ngwana e monyenyanne enwa jwale ka moporofeta wa Hao, ka Lebitso la Mora wa Hao ya bokwang, Jesu Kreste Morena wa rona. Amen.

Lerato la ka, o se ke wa tshoha. O tla hlaphohelwa. Difuba tseo tsa kgale le dintho di tla kgaotsa. Modimo a o hlohonolofatse, moratuwa.

Mona ho eme mofumahadi eo ke sa tsebeng letho ka yena, empa Ntate o a mo tseba mme A ka nqapiletsa lefafatsane la tsebo ya Hae. Dumela ka pelo yohle ya hao mme o tla phekolwa. Jesu e sa le yena maobane, kajeno le ka ho sa feleng.

(O retolohela ho letshwele.) Ke bona monna ya emeng mono a le mahlomoleng. Ke bona se phoso ka wena, empa nke ke ka kgona ho o fodisa, monghadi. O a dumela hore Jesu Kreste a ka o fodisa? Ha nka o jwetsa se phoso ka wena, o tla tshwanela ho dumela. Na ho nepahetse? O kgathatswa ke ho kgaoha ho menahaneng ha lera [‘rupture’—Moft.]. Haele nnete, phahamisa letsoho la hao feela. Jwale, ha o dumela, o ka ya hae wa ba wa hlaphohelwa. Modimo a o hlohonolofatse. E ba le tumelo ho Modimo. Mo dumele ka pelo yohle ya hao.

Ho a babatseha ho ema le ho bona kamoo Morena wa rona a haolang hara letshwele lena. Monna e mong ya nang le lera le kgaohileng ke eo. O rata ho phekolwa, le yena. Ha ho jwalo, monghadi? Ha o dumela, o ka phekolwa. E ba le tumelo ho Modimo feela. Se phetse ho dumela. A ka o fodisa.

Ke mohatsao ya dutseng pel’ a hao, mofumahadi yane mane. O a dumela hore nka o bolella se phoso ka wena, mofumahadi? O a dumela hobane ke moporofeta wa Modimo? O etsa jwalo? Ke hantle, o na le kgatello e phahameng ya madi, ha ke re? Ha ho jwalo? Ha o ka dumela ka pelo yohle ya hao o ka ya hae mme wa fola. Modimo a o hlohonolofatse.

(O se a kgutletse bathong ba moleng wa thapele.) Ho lokile, mofumahadi, o ka tla. O dumela ka pelo yohle ya hao? O a dumela hobane Jesu Kreste o teng mona ho o phekola? Ke bona se phoso ka wena mme ho nna ekare ekabe e sa etsahala. Empa ke ntho ya pele eo Modimo a tshepisitseng ho e fodisa, lefuba. Na hase nnete? Tloo kwano motsotsotso feela. Lefu le nyarosang lena, dilemong tse ka bang leshome le metso e mehlano tse fetileng, le ile la tlosa mme wa Billy lefatsheng. Ke pele ke senolelwa neo ena. Ha e sa le ke nyedisa T.B. Modimo a mphe matla bosiusng bona ho o lokolla nthong ena.

Oh, Ntate, e ba le mohau, Modimo. Ntate haeba ke tseba mokgwa wa ho tshepahala ka ho shwelella, ke jwalo hona jwale. Ntate, ke O kopa ka pelo ya ka yohle, utlwa thapele ya ka mme o mphe tumelo ke sa hata kalaneng ena ho thulana le letemonia lena, le ka tshwanang le isa mosajana enwa wa batho lebitleng le pele ho nako. E ba le mohau, Modimo, mme o le leleke ho yena. Fa mohlanka wa Hao matla le mohau le tumelo hona jwale feela, ke sa tswa ho ya kgahlana le sera sena se tshabehang.

Jwale, wena letemonia le bitswang lefuba, ke kena petanong ena ya tumelo le phephetsong ena, ke tlaleha neo ya phodiso e

Halalelang eo ke e sebeleditsweng ke lengeloi. O elellwa taba eo. Tswa ho mosadi eo. Mo tlohele ka lebitso la Jesu Kreste. Tswa ho yena a tle a phele.

Kgaitsemi ya ka, ho wena ke molata feela empa ak'o etse kamoo ke o laelang kateng. O tla etsa jwalo? Ka tsatsi le leng mose ho lewatle ho tla fihla lengolo le reng, "Moena Branham, jwale ke lokolohile lefubeng." Tloha mona o nyakaletse, o thabile, o ja seo o ka se jang, mme o tla qalella ho eketsa boima le ho hlaphohelwa. Modimo a o hlohonolofatse. Nngolle bopaki ba hao Amerika.

Mokudi ya latelang, ka kopo hle.

Lengeloi la Morena le nang le rona mona ke leo. Satane o tla leka ho o thibela ho dumela, empa lengeloi la Morena le o batla o dumela. Boitshwaro ba hao e tla ba katamelo ya hao bothateng bona. Se phetse ho dumela.

O mothating wa ho sehwa. O tlameha ho sehwa hang-hang. Bothata bo ka maleng a hao, hlahala eo ba itokisetsang ho e ntsha. Na ke nepile? Phahamisa letsoho la hao he. O dumela hobane o tla hlaphohelwa? Modimo a o hlohonolofatse. Tsamaya o thabile, tumelo ya hao e o pholositse. Ho bokwe Morena.

Mofumahadi enwa o jewa ke ntho e tshwanang. O dumele ka pelo yohle ya hao. Modimo o fodisitse. Eya jwale. Ke wona mokgwa wa ho dumela.

O na le dialsa ka maleng. Na ho jwalo? O ka ya hae, o tla itokela.

Ha Modimo a ka bua le nna le ho mpolella se phoso ka wena, o tla amohela phodiso ya hao? Daebetise. Na ke nnete? Jwale e tla ba o entse eng? O amohetse phodiso ya hao, na ha ho jwalo? Modimo a o hlohonolofatse. Ha re roriseng Morena. Jwale, moena, o tsamaye, mme ka mora nakwana ha o ntso o etela ngaka ya hao, e tla o lokolla. O ka re ngolla bopaki ba hao. Modimo a o hlohonolofatse.

O phela jwang, mofumahadi? O dumela hobane o fodile jwale? O etsa jwalo? Ehlide, e ya hae mme o je seo o se batlang. Bothata ba hao ba mala bo o tlohetse. Modimo a o hlohonolofatse. Eya hae mme o je. O qetetse kgale ho ja seo o se batlang.

(O boela a retolohela ho letshwele.) Ke bona ho sisinyeha ntho e nngwe hantle mane. Ha ke kgone ho qeta hore ke eng. Le dumele ka pelo yohle ya lona jwale. Oho, ho no ho ka etsahalang hola bohole re ka dumela!

Mofumahadi ya mane, o no o tshwerwe ke bothata ba bosadi. Bo o tlohetse. Ha re reng ho bokwe Morena.

O rata ho fekisa hlahala eo, ha ke re, kgaitse? E ya hae mme o phele. Modimo a o hlohonolofatse. Oho, na ha A babatsehe!

Ke a kgolwa o ananela sena kahobane ho ena le meya e ka bang dikete tse hlano e lekang ho hula Neo ena. Ekare masokwana, a hulelang pele le morao. Ke batla ke sa kgone ho qoholla seo e leng sona, empa kea tseba hobane Jesu Kreste, Mora Modimo, o teng mona ho le phekola. Dumelang ka pelo tsohle tsa lona.

Mohlankana, mane pel'a lebota, o a dumela hobane ke moporofeta wa Modimo? O a dumela hobane re eme ka pel'a sefahleho sa Hae hona jwale? Ha ke bale mohopolo wa hao. O tseba seo bothata ba hao bo leng sona. Dijo tsa hao ha di phetse ho nna di kgutla. O ye o kgathale haholo, o batla o sa kgone ho ema. O na le tlala pelong ya hao. O batla ho sebeletsa Modimo. Ha o eso Mo sebeletsé kamoo o nong o ratile kateng. Ha ho jwalo? Na o Mo amohela jwalo ka Mopholosi wa hao, ho kolobeletswa ho Moya o Halalelang le ho phekolwa?

Wena mono, setulong seo sa bakudi. Modimo o o fodisitse maemo a hao a boritsa. E ya hae o dumela mme o paka seo Kreste a o etseditseng sona, mme o tla phekolwa ka hohle. O tla thabela bophelo bo phethahetseng.

Ho lokile, le ka tlisa mokudi ya latelang.

Tloo, mofumahadi. O dumela ka pelo yohle ya hao? Ha o utlwisise Senyesemane. Ak'o mmolelle feela hore o fodile. O ne a tshwerwe ke lefu la pelo. Mmolelle ho ya hae le ho nyakalla. Ha a kgone ho buwa Senyesemane empa ruri o tseba mokgwa wa ho ba le tumelo.

Atamela kwano, monghadi. Ana o tla mmamela jwalo ka moporofeta wa Modimo? Ho lokile, o bile le athritisi ka nako e telele, ha ke re? Phahamisetsa matsoho a hao moyeng, isa maoto a hao hodimo le tlase. Tsamaya o tlohe kalaneng. Jesu Kreste o o phekotse. Modimo a o hlohonolofatse. Ha re reng ho bokwe Morena.

E, kgaitse, e sa le o tshwentswe ke mokokotlo wa hao, ha ke re? Ho lokile, ema. Sotha mokokotlo wa hao, inamela pele. Jesu o fodisitse mokokotlo oo. Ha o sa hlola o o tshwere hape. Amen!

Bakeng sa lesea?

Modimo, ka Lebitso la Morena Jesu ke O kopa phodiso ena. Mahlwana a lona a boele setlwaeding. Tswa ho yena, Satane. Ke o laela ho tswa ngwaneng.

Mahlo a lona ha e sa le a pelekana nako e kae? E, mahlo a lona ha a sa pelekane jwale. Mahlo a otlolohile ka ho phethahala mme a boetse setlwaeding. O ka ya hae jwale o

thabile, monghadi. Lesea le phekotswe ka ho phethahala. Ha re reng diteboho ho Modimo. Sheba lesea le le nyenyane. Mahlo a lona a otlolohile ka ho phethahala. E reng ho bokwe Morena.

(O sokolohela ho letshwele.) Ke batla le dumele ka pelo yohle ya lona mme le shebe nqa ena. Modimo o batla ho le fodisa mme sohle seo le lokelang ho se etsa ke ho e nka, le e dumele mme Modimo o tlamehile ho e phethahatsa. Na le bona kamoo ho leng bonolo kateng?

Tlase mane ke bona monna ya nang le mofetshe wa mala. Dumela ka pelo yohle ya hao. Dumela feela.

Motho e mong le e mong a shebe ka nqa ena mme a dumele ka pelo yohle ya hae. Jesu Kreste o teng mona ho o phekola. E ba le tumelo feela. E, kgaitandi, wena ya dutseng mono khoneng. Methapo, ha ke re, methapo, o futahane ka botlalo, hase nnete? Ema ka maoto a hao. Jesu Kreste o o phekotse. Amen! Alleluia!

Lesea la hao le hlaphohetswe, ha ke re, moena? Le se le ntse le itshwere ka mokgwa o fapaneng, ha ke re? Jesu o le fodisitse ka tshebeletsong bosiusa bona. Ha re reng ho bokwe Morena.

Motho e mong le e mong o kgona ho utlwa hantle ka morao? Ka dinako tse ding ha Tlolo e theohela hodima ka e shwesa sefahleho sa ka bohatsu haholo. Le se ke la nahana hore ke ferekane ha ke sidila sefahleho sa ka, empa ekare melomo ya ka e ba metenya haholo. Ke maikutlo a kgethehileng haholo. Ha ke kgone ho a hlalosa. Ke a Mo rata, ke tseba hoo. Ke Mo rata ka pelo yohle ya ka.

Ho na le mofumahadi ya dutseng mane a ntse a rapela, o leka ka bokgoni ba matla a hae wohle. Wena, kgaitandi, a apereng baki e lerootho. Sheba ka nqa ena mme o dumele ho nna ka pelo yohle ya hao. O etsa jwalo? O nkamohela jwalo ka moporofeta wa Modimo? Ke hantle, bothata ba hao ke bona, kgaitandi. Ke a bona jwale. Ha ho phoso e kaalo ka wena. O hateletswe ke letemona, ke sona se phoso. Na ho jwalo? O na le letsalo mme o a kgathala. O mpa o ferekane ka botlalo. Ha ho nepahetse, phahamisa letsoho la hao. Modimo o utlwile thapelo ya hao. Satane a ke ke a o tshwara. Jwale, phahamisetsa letsoho la hao hodimo ha ke sa ntse ke rapela.

Morena Modimo, ka ho bona bothata ba hae le ho tseba hobane mosadi o tlanngwe, Satane o leka ho mmolella hore o hlotswi, ke tla ho Wena ho fuwa mohau. Metsotsong e mmalwa e fetileng e sa le a leka ka thata ho hokana le Wena. Jwale, Ntate, ke kopa moyo oo ho tswa mosading eo ka lebitso la Jesu Kreste. A ke a tswe mona a thabile mme a nyakaletse mme a boetse a phela, ka lebitso la Jesu Kreste. Amen.

Jwale, kgaitandi, o fetile ho yona. O holotswe jwale. Eba le tumelo feela mme o dumele ka pelo yohle ya hao.

Jwale, na le batla ho fodiswa ka ntle mono, lona bohole? Le dumela ka pelo yohle ya lona? Metswalle, ke rata ho dula mona hora e nngwe empa ke fela matla ka potlako. Ke dipono tseo mme ha ke kgone ho hhalosa. Dumelang ho nna jwale hle. Ha le etsa kamoo ke le kopang ho etsa, le tla boela hae le phetse bosiung bona. Ha nka nka a le mong ka morao ho e mong e tla ba ntho e tshwanang. Ruri, metswalle, le a tseba hobane ke le boleletse nnete, le Modimo o pakile hobane ke le boleletse nnete. Jesu Kreste o fodisitse e mong le e mong dilemo tse ka bang 1900 tse fetileng.

Ke ba bakae ba nang le tumelo jwale ya ho Mo amohela jwale ka Mophekodi wa bona? Phahamisang matsoho a lona. Ke hantle, lona ba hodima mealo mme le dutse ditulong tsa lona le jwalo-jwalo. Le ka fodiswa. Ke entse seo lengeloi le mpoleletseng ho se etsa. Le mpoleletse ho bontsha dipontsho jwale ka ha moporofeta Moshe a entse. E be moo o kopang mme ha o rapela o tshepahale, mme ha ho letho le tla ema pela thapelo ya hao. Le a e dumela? Jwale he inamisang dihloho tsa lona nakwana feela.

Ntata rona wa Lehodimo, ke rapella mohau o tswang ho Wena horeng ena, mohau sebakeng sa batho bohole, mme haholo sebakeng sa batho bana ba robetseng mona. Ke pakile ka Wena, oh, Jehova e moholo, le ka Mora wa Hao ya ratwang, Jesu, mme Moya o Halalelang o kgodisitse hobane bopaki ba ka ke ba nnete. Mme jwale, Ntate, ke ba boleletse hobane Mora wa Hao o shwetse phodiso ya bona mme le lengeloi la Morena le kopane le nna la ba la tlotsa mohlanka wa Hao ho tswa ka molaetsa. Tsamaya hodima letshwele lena jwale. Molemo o fodisang o tswang Kalvari, o tswang mading a sehlabelo, mmeleng le lefung la Morena wa rona Jesu, o etele mobabi e mong le e mong ya utlwang modumo wa lentswe la ka. Ntate ya Ratehang, hlohonolofatsa e mong le e mong ya ntseng a rapela hona jwale, e mong le e mong ya dumelang molaetsa. Fana ka sena, Morena. Utlwa sello sa ka se mosa ho Wena. Ke O rapela ho dumella karabelo ya thapelo ya ka.

Ka Lebitso la Jesu Kreste, Mora Modimo, ke kgalema moyo o mong le o mong o kulang, matla a mang le a mang a letemona, matla a mang le a mang a bofileng batho, kgolofalo, ho pelekana mahlo, bofofu, le ba mahlomoleng. Satane, o pepesitswe. O ke ke wa fupara batho bana. Matla a hao a robilwe. Jesu Kreste o o hlotse Kalvari. Jwale ke Mo emela ka neo e Halalelang mme o pepesitswe o bile o hotolotswe. Ke o laela ka lebitso la Morena Jesu Kreste wa ka, eo o tla tshwanelo ho mo mamela, hoba ke bitsa Lebitso la Hae ka hlompho le ka kgalalelo hodima batho ba kulang. Tswa ho bona ba tle ba phekolve ka Jesu Kreste, Mora wa Modimo ya ratehang. Amen.

Jwale, e re le sa inamisitse dihloho tsa lona ke batla le dumele feela ke sa bua mantswe ana. Ke tseba se hlokahalang ho fekisa Satane mme ke tla bua mantswe ana. Ke batla le a rapele ho tswa pelong ya lona ke sa a bua. Batho ba kulang hohle letshweleng jwale, ba ke ba rapele ka mantswe ana ho tswa pelong tsa bona, ka mora hoba ke a bue.

Modimo o Matlaohle, Mmopi wa mahodimo le lefatshe, Moqadi wa bophelo bo sa kgutleng, Moabi wa neo e nngwe le e nngwe e molemo, romela hodima ka lehlohonolo la Hao le phekolang, nna molefatshe wa batho ya leng hara mahlomola. Ke amohela jwale lefu la Mora wa Hao Kalvari, ya shwetseng phodiso ya ka. Ka mohau wa Hao, Morena, ho qala bosiusng bona ho tswelapele, ke tla paka tsa phodiso ya ka. Ho ngodilwe hobane Wena o Moprista e Moholo wa maipolelo a ka, mme ke tla paka phodiso ya ka ho fihlela ke fodile ka botlalo. Nkutlwé, oho, Morena, hoba ke inehela Wena bakeng sa phodiso ya mmele wa ka, ho O boka ka lebitso la Mora wa Hao ya halalelang, Jesu Kreste. Amen.

# Ditlaleho Tse Tswang Afrika Borwa

Dikgaolong tse simollang o tsebisitswe William Branham, tshebeletso ya hae le neo ya phodiso e sebetsang ka yena. Wa bolellwa kamoo a tataisitsweng ke Morena ho ya Afrika Borwa. Ho tsebana le tshebeletso ya hae ho feta, ke o file molaetsa o ngotsweng ka motlakase lentswe ka lentswe la tshebeletso e ikgethang moo a rapellang bakudi. Kgaolong ena ke rata ho o tlisetsa tlaleho e kgutshwane ya diveke tse leshome tseo re di qetileng Afrika Borwa.

Dikopano tse kgolohadi tsa borapedi tse kileng tsa tshwarwa Afrika Borwa di ile tsa tsamaiswa ke William Branham le moifo wa hae ka dikgwedi tsa bo Mphalane, Pudungwana le Tshitwe, wa 1951. Ena ebile kgodiseho e teteaneng ho motho e mong le e mong eo ke buileng le yena ka dikopano tsena. Ha ke bua le bareri, baromuwa, diofisiri tsa setjhaba le bongata bo nong bo thahasella dintho tsa moyo, tsa botjhaba le tsa boitshwaro ba batho, re ile ra kgodiseha hore dikgahlameloa tsa dikopano tsena di tla utlwahatsa diqi dilemo tse ngata hamorao.

Makgolo a dikete a ile a bokana thoteng, diholong, dishoung, le mehahong ya difofane esita le makoteng a mejaho a batla Modimo. Mashome a dikete a lebohile Modimo ka phodiso ya bona. Ba bang ba fodile hang, ba bang ba fola butle. Ba bang, ka ho utlwa kamo ya Modimo, ba ka paka ba tlaleha nako le sebaka. Hase ntho e ka etswang ho lokodisa mekgwa e fapaneng eo batho ba fodisitsweng ka yona. Ho bile le ba emang ba tswa ho ya lapeng mme ba fumana malwetse a bona a nyametse. Phodiso ya ba bang ya qetellwa seterateng, makoloing, ka hara dibese le makoloing a baeti. Mme ho boele ho be le ba yang hae ba dumela mme ba ellewa, ha ba hlahlojwa ke ngaka, hore tumelo ya bona e ne e se ya lefeela.

Ba feheleditseng William Branham ho ya Afrika Borwa e ne e le W.J. Ern Baxter, motsamaisi wa moifo, F.F. Bosworth, moholo wa tshebeletso ya phodiso ya Kgalalelo, Billy Paul, mora wa William Branham, le nna. Kgabareng ya diveke tse leshome tse hlotsweng teng, dikopano tsa na tsa tshwarelwa metseng e tswileng ka mahetla e leshome le motso o le mong mme hammoho ha tshwarwa ditshebeletso tse fetang lekgolo le mashome a mabedi kanthe ketelo ya batho ha e kopanngwa ya eba halofo ya milione. Ha ho mokgwa wa ho tseba mashome a dikete a ileng a ema ho ngodisa ditlankaneng; ho etsa qeto ya pholoso ya bona le hore kajeno ho na le dikete tse kae tse latswang bophelo bo atlehileng ba letsholo lena.



Foto ka J. J. Wesselo, Johannesburg

*Setshwantsho sa Moifo wa Branham le maloko a National Committee a ikarabellang ditlhophisong tsohle tsa letsholo.*

**Mola o kapele:** A.W. Preller, F.F. Bosworth, A.J. Schoeman, William Branham, W.F. Mullan, le W.J. Ern Baxter.

**Mola o hare:** H.C. Phillips, D. Freeman, G. Vermeulen, J.H. Saayman le Billy Paul Branham.

**Mola o ka morao:** E.D. Pettenger, E. King, J.W. Gillingham le Julius Stadsklev.

Moifo wa Branham o tshwere ditshebeletso metseng e leshome le motso o le mong. Ho ka ngolwa tlaleho e teletsana ya dikopano motseng o mong le o mong wa ena, empa ha se ntho e ka etswang ho lokodisa dintlha tsohle. Ha e hlokahale, hoba bongata ba dintho tse babatsehang tse entsweng di etsahetse di iphetha dikopanong tse fapaneng ho phatlalla le Union.

Re lekile ho beha ditlaleho ka tsepamo e kgonahalang. Efela haeba pelaelo e le teng ka tlaleho efe feela, e se e phumutswe. Re ka mpa ra lekanyetsa palo e nyenyane ho ena le ho tlodisa matshwele, palo ya ba amohetseng pholoso, phodiso, le ketelo ya dikopano ka kakaretso. Dipalo di mpa di ntsheditstswe ho o tlisetsa kutlwisiso e molengwana le hore o tle o lekanye tshebetso eo dikopano tsena di bileng le yona Afrika Borwa. Nke ke ka kgona ka maqephe a mmalwa ho o tlalehela bopaki bohle, ditlaleho tse kgahlang ke sa lobe letho. Nka kgona feela ho o tlalehela karolwana ya dikopano, ho o thusa ho utlwisia se etsahetseng diphodisong tse mohlolo tsa mmele le tsa moyo tse bonweng bosiu ka bosiu.

Ho hlahisa tlaleho e iphotlileng ya dikopano tsa Afrika Borwa ho ka ba thata pele ho tlalehwa tshebedisano eo re e fumaneng ho Sepolesa sa Afrika Borwa, Sefapano se Sefubedu, le basebetsi ba Amalanse ya St. John le baoki. Ha re eso ho bone sehlopha sa batho ba sebeditseng ka boithaopo ebile e le thuso e kgolo. Tshebeletso ka mora tshebeletso bongata ba bona bo sebetsa bo sa putswe. Leha re sa fumana monyetla wa ho ba leboha ka bongwe, re ananetse ntho e nngwe le e nngwe ba e entseng mme jwale ke hopotse ho ba leboha ka ho shweella.

Taba ena ha e hloke ho bolelwa, hore katleho e kgolo ya dikopano e lebiswa botshepehing ba bakreste—badisa, baromuwa, basebetsi, le maloko feela—ba tshehedsitseng Moifo wa Branham ka thapelo le ka tumelo. Dikopano tsa Afrika Borwa di ne di tshehedsitswe ka matlole ke Apostolic Faith Mission, Assemblies of God, Pentecostal Holiness, le Full Gospel Church of God. Mor. A.J. Schoeman e ne e le Modulasetulo wa National Committee mme Mor. W.F. Mullan e le National Secretary. Dikopano tsena di ile tsa etelwa ke bakreste le baruti ba diphutheho tse ding, ba sebetsa mmoho, mme ba ba le kabelo mahlohonolong ao Modimo a a fileng ba neng ba dumela.

Afrika Borwa ke na ha e ntle, lefatsho la kgohlano e mohlolo. Ho tea mohlala, motse wa Johannesburg o tshwana le metse e mengata ya Amerika ya mehla ena. Dimaele tse mashome a supileng kapa a robedi ka ntle ho motse motho a ka kganna a kena dibakeng tse boloketsweng batala moo batala ba phelang kamoo ba neng ba phela melokong e mengata e fetileng, ka hara mekgorwana ya bona.

Masetlelara a pele a Mayuropa Afrika Borwa, bahwebi ba Maholandere, ba ne ba dula Kapa e bitswang Good Hope. Dintwa tsa bona di ne di sa tobana le tlhaho empa le Barwa le Mahotenoto. Hamorao ha fihla Mahotenoto a Mafora a batlang setshabelo. Ka 1688 makgolo a mabedi a bona a neng a ntshitswe Holane ka sheshe, a ile a falella Afrika Borwa. Ka bo 1795, Manyesemane a qala ho dula mono. Qetellong, ha hlaha qhwebeshano pakeng tsa Mayuropa e leng dintwa tse tsholotseng madi a mangata le merabe ya batala. Yaba ho qala “phallelo e kgolo ya Leboya,” e ileng ya fallisetsa masetlelara dikarolong tse ka leboya tsa Afrika Borwa. Hona hohle ho bopa nalane e hlollang ya Afrika Borwa. Afrika Borwa ebile koloni ya Holane ho fihlela ka 1902, mohla e ne e nehelwa Engelane ka mora Ntwa ya Maburu.

Kutlwisiso ena ya motheo ya Afrika Borwa e dumella motho ho utlwisia batho le ho elellwa hore Afrika Borwa ha e tshwane le kontinente e lefifi, eo e leng karolo ya yona.

Union ya Afrika Borwa ena le Mayuropa a fetang 3,000,000 le 10,000,000 ya bao e seng Mayuropa. Ebile le seabo sa bohlokwa Dintweng tse pedi tsa Lefatshe.

Bohle re ne re lekantse ho tloha Boemafofane ba Matjhaba ba New York ka la pele Mphalane, 1951, le ho fihla Johannesburg ka laboraro. Yare re sa le boemafofane re emetse ho palama sefofane, ra utlwa hore William Branham le Billy Paul ha ba kgone ho tsamaya hobane, ka baka la keletso e phoso, divisa tsa bona ha di a ka tsa qetwa. Ka baka leo, W. J. Ern Baxter, F. F. Bosworth le nna ra ba siya.



*W.J. Ern Baxter, William Branham,  
Billy Paul Branham, F.F. Bosworth le Julius Stadsklev.*

Batho ba Afrika Borwa ba ile ba swaba haholo ha re fihla Johannesburg mme ba utlwa hore Moena Branham le mora wa hae Billy ha ba yo. Masedi a ditaba Johannesburg a tlaleha batho ba fetang 4,000 ba se ba subuhellane Johannesburg ho mmona. Makgolo a batho a ne a hatellane Boemafofane ba Palmietfontein ho mo habanya feela, Mmoledi wa Dinaha tse Kopaneng ya boneng lengeloi ka 1946 o tla fihla mme a qete dikgwedi tse pedi mona Union.

Ha re kena Johannesburg ra elellwa kapele seo baeti ba bang ba sefofane ba neng ba se lekanya ha ba o bitsa "Motse wa Gauta," hoba ka mathoko le katlase ho na le merafo e meholo ka ho fetisisa lefatsheng. E seng Johannesburg feela empa moruo wohle wa Afrika Borwa o theilwe hodima gauta. Nakwaneng e fetang dilemo tse mashome a mahlano, Johannesburg ka batho ba yona ba 603, 470, e fetohile motse o moholohadi wa Afrika Borwa.

Dikopano tsa pele tsa letsholo la Afrika Borwa di ne di tshwaretswe Central Tabernacle mane Johannesburg. Leha ena e le kereke e kgolohadi motseng, batho ba qala ba phutheha

ka hora ya bosupa hoseng bakeng sa tshebeletso ya thapama. Le pele tshebeletso ya thapama e ka qala, mohaho o ne o petetsane. Dikopano tsa mantsiboya tsa tshwarelwa Maranatha Park Tabernacle hoba ho no ho se odotoriamo ya boholo bo lekaneng motseng wa Johannesburg ho tshela matshwele, a neng a feta dikete tse leshome hole ka bosiu.



Foto ka J.J. Wesselo

*Tshebeletso ya mantsiboya Maranatha Park,  
e ditsheng tsa Apostolic Faith Mission.*

Tshebeletsong ya pele ya thapama, Moena Baxter a tlisa molaetsa o mabapi le dinnete tsa phodiso ya Kgalalelo. A hulela maikutlo a bona ho ditemana tsa Lengolo tse neng di supisa motho mang le mang ya tshepehang hore Kreste ha a shwela dibe tsa rona feela empa o lefeletse phodiso ya mebele ya rona.

Monna e mong ya tswang Pretoria tshebeletsong ya hae ya pele o ile a etsa qeto ya hore ha dintho tsena e le nnete, etswe e tshwanetse e be e le yona hoba di tswa Lentsweng la Modimo ka ho otloloha, o tla ya hae mme a tseke phodiso ya mmele wa hae jwaloka ha a tsekile phodiso ya moyo wa hae, ho latela ditshepiso tsa Modimo. A etsa hona. Matsatsi a mmalwa hamorao a etela ngaka ho hlahlojwa, ya senola mohlala wa mofetshe o nong o mo tshwere o le siyo.

Nnete ya phodiso ya Kgalalelo e fumane mobu o motle dipelong tsa batho ba Afrika Borwa. Ho bona nnete ena e ne e se ntjha. Andrew Murray, e mong wa bangodi ba baholohadi ka temana ya phodiso ya Kgalalelo, e ne e le moahi wa Afrika Borwa mme mehleng ya hae e le moetapele wa Dutch Reformed Church. Kereke ya Engelane le yona e a dumela mme e rapella bakudi, ho fihlela sebakeng se itseng. Apostolic Faith Mission, mosebetsi o moholo ka ho fetisa wa Pentekosta Afrika Borwa, e theilwe ke John G. Lake, eo bophelo ba hae bo neng bo tshwaetswe ke tshebeletso ya Moena F.F. Bosworth haholo. Hodima motheo ona wa borapedi masimo a ne a butsweditse kotulo.

*Sefika sa sehopotso sa Andrew Murray,  
ka pel'a kereke a na a rerela batho ba  
hae ho yona.*



Moena Baxter le Moena Bosworth ba ile ba tshwara ditshebeletso ho fihlela ka la 6 Mphalane, mohla Moena Branham le Billy Paul ba fihlang ba tswa Dinaheng tse Kopaneng. Ba ne ba tlamehile ho fihla ka hora ya bohlano empa sefofane sa eba morao nakong mme sa fihla metsots e mmalwa ka mora hora ya robong.

Ba fetiswa ofising ya bammuso ka potlako, mme ba iswa Tabernakeleng mane Maranatha Park ho qetella tshebeletso phirimana eo. Moena Branham a bua metsots e mmalwa feela a ntoo kwala ka ho rapella ba hlokang phodiso. Re fumane bopaki ba batho ba fodileng bosiu boo ba pele. Hara bona ho akga le Ernest Blom ya neng a kgannile ho tloha Durban ho etela dikopano tsa Johannesburg. Diveke tse mmalwa hoba a kgutlele hae o ile a botsisiswa ke moqolotsi wa ditaba wa Durban Sunday Tribune, e tlalehileng pale eo kgatisong ya la 11 Pudungwana, 1951.

Matsatsi a latelang e ne e le matsatsi a tebello e kgolo mme re ile ra bona dintho tseo Afrika Borwa eso ho di bone pele. Jwaloka ha ho se ho boletswe, hase ntho e ka etswang ho lokodisa diphodiso tsohle le diketsahalo tse tswileng ka mahetla dikopanong tsena, empa ke rata ho le phethela tse ding tsa diketsahalo tse hopolwang ke kelelo.

Phirimana e nngwe mane Johannesburg ha Moena Branham a ntse a bua le motho ya kalaneng moleng wa ho rapella bakudi, o ile a retolohela ho letshwele ka potlako mme a supa mofumadi e motjha ya robetseng diphateng. A re, "Mofumahadi, mokokotlo wa hao o robehile dikarolong tse tharo tse fapaneng ka baka la ho wa. Jesu Kreste o o fodisitse. Ema mme o amohele phodiso ya hao." Mofumahadi eo o ne a hloletswe, empa a ema ka tumelo mme a rorisa Modimo ka phodiso a e fumaneng ka motsotswana. Phirimana e latelang a

# 'MIRACLE' SETS BOY WALKING NORMALLY

(Sunday Tribune Reporter)

A FAITH cure, described by his mother as a "miracle," has enabled 16-year-old Ernest Blom, of Eastview Road, Red Hill, Durban, formerly a cripple, to walk normally for the first time in his life.

Last Sunday evening, Ernest astounded a packed congregation of more than 500 people at the Full Gospel Church in Beatrice Street, Durban, by rising from his seat and walking without the slightest difficulty to the pulpit to testify that "a miracle happened and I am now completely cured."

Excited groups of people gathered outside the church later to watch Ernest walking and to congratulate him on his recovery.

His mother, Mrs. Mary S. Blom, said: "Ernest is the youngest of my family of 10. When he started to walk, I noticed that his left leg was shorter than his right. He could only walk on the tips of his toes and had to drag his left foot.

#### WENT TO HEALER

"From the age of four until a month ago, he was under the care of a specialist. For two years he wore a leg iron without any noticeable improvement. The specialist latterly suggested an operation, but said he could not guarantee that it would be success, so I gave up the idea.

"I heard of Pastor William Branham's remarkable faith-healing successes in the States. When my daughter and a friend heard he was to visit Johannesburg they motored from Durban three weeks ago and took Ernest along. They attended his opening meeting in the Maranatha Park Hall, at which 15,000 people were present."

Ernest himself here took up his story. He said: "I was right at the back of the hall. Pastor Branham asked all the people wanting to be cured to lay hands on each other. I laid my hands on those of a man sitting beside me. Pastor Branham said, 'I will pray for you.'

#### "WEIRD SENSATION"

"I experienced a weird sensation. It was just like cold water running through my body. I began to cry. My sister said, 'Are you healed, Ernest?' I replied, 'Yes, I am sure I am healed.'

"Because of the huge crowd I could not move, but as I was being helped from the back of the hall I kept repeating, 'I am sure I am healed.'

"Pastor Branham said: 'All you people who are healed, will you come forward.' I was assisted to the side bay by others. He told me to walk up and down the platform on which he was standing.

#### "URGED ON"

"I broke into a sweat but something urged me on, and I managed to walk normally across the platform and back.

"When I got back to Durban and my school friends at Hunt Road School saw me walking into the classroom, they were abber-gasted.

"My left leg is getting stronger every day. I can now play cricket and other games."



bitswa ho paka tsa phodiso ya hae mme ra katlatsa foto ya hae ka nako eo, Mof. Ann Weiblen, le Moena Branham, Mor. A.J. Schoeman le Billy Paul.

Ka yona phirimana eo mosetsana wa dilemo tse ka bang leshome le metso e mene a kena a jerwe ka moalo ke basebetsi ba Sefapano se Sefubedu. Le yena a robephile mokokotlo mme a lliswa ke mahlab a boholoko a mo tshwereng. Kgabareng ya tshebeletso, Moena Branham a mo supa mme a re, "Mokokotlo wa hao o robephile. Jesu Kreste o sa tswa o fodisa. Ema mme o amohole phodiso ya hao." Pele ngwanaha a sa ka a dumela seo a sa tswa se utlwa. A re, "Mang, nna?" Moena Branham a re, "E, wena." Mona, a ema. Mmae o ne a dutse setulong pela moalo mme eitse ha ngwanana a ema mmae le yena a ema. A hlolwa ke thabo hoo a bileng a akgeha a wela moalong oo ngwanana a sa tswa tswa ho wona. Re boela re tshwerwe foto e katladitsweng metsotswana e mmalwa pele mme a akgeha.



Foto ka Wesseloo

Ka mora tshebeletso ngwanana a tsamaya hohle a nyakaletse phodisong a sa tswa e fumana. Ka mmotsa kamoo mokokotlo wa hae o robihileng kateng mme a re e etsahetse kotsing ya koloi nakong e ka etsang selemo e fetileng. Ha ke mmotsa hore o tsamaile hakae haesale mohla kotsi a re ha esoeme ka maoto haesale mohla kotsi ho fihlela bosiu boo ha Moena Branham a ne a mo supa mme a mo laela ho ema le ho tseka phodiso ya hae.

Diphodiso tse pedi tsena di ne di kgahleha hoba di bontshitse nepahalo ya mantswe a Moena Branham a builweng tlasa tlotsu. Hola Moena Branham a etsa phoso mme a ba boleletse hore Kreste o ba fodisitse athe ha ba fodiswa, e ne e tla ba koduwa. Ha ho motho ya robihileng mokokotlo ya ka tswang moalang wa hae a ba a tsamaya a sa fola. Tabeng ya pele a ke ke a kgona ho tsamaya mme ha a ka tsamaya, a ka tshoha a lematsa mothapo o itseng o ka hlahisang lefu la nako le motsotsotso.

Ketsahalo e nngwe e sa tlwaeleheng ruri e hlahetse Baholo ba babedi ba Dutch Reformed Church. Ba ne ba tlie tshebeletsong mme ba shebile. E mong wa bona, ha a utlwa Moena Branham a senola mafu, a bolella batho se phoso ka bona, mme a bona ho etswa mehlolo, a kgolwa ruri e ne e le kgato ya Modimo. Moholo e mong a dula mono le yena a ntse a shebile Moena Branham a senola mafu, a bolella batho makunutu a dipelo tsa bona le hobane ba fodisitswe ka lebitso la Jesu mme ba ka ema ba ya hae ba ntse ba tseka mme ba nyakaletse phodisong ya bona. A kgolwa ruri hoba e ne e le ditholwana tsa matla a matemona. Banna bana bobedi ba ne



Foto ka Wesselo

ba tshephahala empa ba fihlela diqeto tse pedi tse fapaneng. Moholo wa pele a ya hae; wa bobedi a kena tlasa sefate ho rapela. Yare a sa le mono a rapela a kopa Modimo ho mmontsha ha eba dintho tseo a di boneng e le tsa Modimo kapa tsa Satane. O ne a tshephahala mme a dumela ho amohela sohle seo a se senolelwang ke Modimo. Yare a sa rapela, a utlwa letsoho lehetleng la hae. A retoloha ho bona hore ke mang, empa keha ho se motho. Bakeng sa ho bona motho, a bona pono. A bona maru a mabedi, mme pakeng tsa wona ho dutse Moholo e leng motswalle wa hae, hantle kamoo a ne a dutse pejana ha ba ntse ba qoqa ka tshebeletso ya Moena Branham. Pheletsong ya pono a potlakela lapeng la Moholo ho mmolella se etsahetseng. Ha a ntse a mo hlalosetsa pono, ditho tse neng di le teng tsa ba lelapa tsa hlakomela kgatiso ya letsoho hempeng ya hae. Ha ba hlahloba hempe, ba fumana e tlابotswe, e siile kgatiso ya letsoho le letshehadi ka ho hlaka. Ditaba tsena tse hlahleng tsa fihla ho Moena Branham mme a re, "Ke tseba tsohle ka hoo. Ke e bone ponong ya thapama ena. Ntlisetse hempe mme letsoho la ka le letshehadi le tla lekana kgatiso e tlaboliheng e setseng hodima hempe." Hona ha etswa

mme ha eba jwaloka ha Moena Branham a boletse. Phirimana eo hempe ya tliswa kopanong mme kgatiso e tlabohileng ya letsoho hodima hempe ya bonwa ke makgolo.

Mantsiboya a mang ha Moena Branham a ntse a bitsa mme a bopa mola wa ho rapella, ra fumana e nngwe ya dipalo tse bitsitsweng e le siyo. Billy Paul o ne a ntshitse ditlankana tsa ho rapellwa pejana tshebeletsong yona eo mme ra kgolwa hoba motho ya tshwereng palo eo o teng. Moena Branham a kopa motho e mong le e mong ya tshwereng setlankana sa ho rapellwa ho boela a hlahloba dipalo tsa bona mme haeba ba tshwere palo e siyo ba tswele ka pele hle. Yaba ho ema mofumahadi mme a hhalosa hore o tshwere palo eo. Leha ho le jwalo, pejana a fuwa setlankana sa ho rapellwa a utlwa ntho e ferella mmeleng wa hae. Eka ho tjhoukwa ke mollo, feela e le ka kwano empa nakwana e teletsana. Esale a tshwerwe ke mofetshe o bohloko molomong wa hae. Ka mora maikutlo ana a kang ho tjhoukwa ke mollo, bohloko ba nyamela. A ikutlwaa a fodile mme ka hona ho sa hlokahale hore a nyolohelle moleng wa ho rapellwa.



*Mor. William Branham  
le Mor. A.J. Schoeman,  
Modulasetulo wa  
National, o ne a  
fetolela molaetsa ka  
puo ya Seafrikanse.*

Foto ka J. J. Weselo

Moholo wa Dutch Reformed o ile a kena moleng wa ho rapellwa. Hoba a mo rapelle, Moena Branham a mmolella hore o fodile mme a ka ya hae a roris Modimo. A boela a re, "O na le mosadi ya jewang ke mofetshe hae. O ka nyakalla hobane le yena o phetse." Hamorao ha monna a atamela lapeng a bona mabone wohle a bonesitswe ka tlung mme ka ntlo ho eme dikoloi tse mmalwa. A hla a tshwenyeha, a ipotsa se etsahalang. Ha a kena ka tlung a bona mosadi wa hae a tsohile diphateng, a ikutlwaa monate, a leboha Modimo ka ho fodisa mmele wa hae. A ile a bitsa metswalle ha a utlwa a fodile, mme ba tla. Bohle ba thabela phodiso eo ba e amohetseng mmoho.

Kgabareng ya kopano e nngwe mane Johannesburg moshanyana wa dilemo tse ka bang supa kapa tse robedi o

ile a bitsetswa moleng wa ho rapellwa. Moena Branham a bua le moshanyana metsotso e mmalwa a hhalosa hore pelo ya hae e fokolang e ne e bakilwe ke letemona la kgatello. A mmolella hore o tla lokoloha mme ka tsatsi le leng o tla rera yona Evangedi e neng e tlisetswa batho ba Afrika Borwa jwale. Hang Moena Branham a retolohela ho letshwele mme metsotso e mmalwa ya kgutso e latetseng ha hlaka hore o bona pono ya mofuta hodima letshwele. Yaba o supa hantle hodima sefala mme a re ho na le ngwanana le moshanyana ba neng ba hloriswa ke lona lefu leo. Motha e mong le e mong a ikutlwa a tsitsipane ha a supa nqa moo a tsebileng ba le teng, empa a sa ba fumane. Ha metsotso e ntse e feta, a hatella hore ba teng. A re moyo o neng o tlamile moshanyana enwa o ne o kopa thuso ho bomphato ba wona ba matemona ka hara letshwele. A tswelapele ho sheba empa a se ke a ba fumana. Moena Baxter a



*Moena Baxter le Justus du Plessis e neng e le toloko ya kamehla ya puo ya Seafrikanse.*

tl a hlaha a setse Moena Branham morao a mo qosa ho tsamaela pele. Ha a etsa tjena Moena Branham a atamela sefala mme a kgona ho bona ba ka pela sona hantle. Ba babedi bao a neng a ba batla ke bao, moshanyana wa dilemo tse ka bang leshome le metso e mmedi le ngwanana wa dilemo tse ka tlasana. Bobedi bo ne bo robetse diphateng mme ba saretse ka sefala. A ba rapella mme a re ba lokolotswe ho letemona le neng le fokodisa pelo ya bona. O ne a bone pono ya ba bararo bao ba fodile. Hamorao ka botsisia mme wa moshanyana a na a robetse diphateng. A re moshanyana wa hae o maemong ao a sa kgoneng ho dula metsotso e fetang e leshome ka latsatsi.

Tshebeletso ya Moena Branham haholo ha e a tlwaeleha mme Moena Bosworth o ne a ye a re hopotse hore ha ho eso ho be le ntho e tshwanang le yona haesale ho tloha mehleng ya Kreste mona lefatsheng. Modimo o bile mosa ho batho ba Wona mme nako le nako wa re hlahisetsa diboni le baporofeta, empa ho ya kamoo re fumanang diketsaholong tsa nalane ha ho eso ho be le motho ya abelwang tshebeletso e tshwanang le ya Moena Branham. Ka tlwaelo o ne a bona dipono tse pakeng tsa mashome a mararo le mashome a mane ka letsatsi mme ha ho le e nngwe ya tsona e kileng ya fosa. Hangata o ne a bona

dipono tsa ditshebeletso pele ho nako kapa diketsahalo tse tla hlaha tsamaong ya nako. Ka dinako tse ding a re bolelle ka dintho tsena le pele di etsahala mme enere ha re di bona re hopole seo a re boleletseng sona.

Nakwana hoba re fihle Johannesburg, Moena Branham a bona pono e reng tsatsi le hlahlamang yena, Moena Schoeman le bang ba tla be ba theohetse motseng. Ba tla bona motala a eme khoneng a apere hempe e boputswa ba lehodimo le



*F.F. Bosworth, moholo tshebeletsong  
ya phodiso ya Moya.*

marikgwe a masweu. Moena Branham a hhalosa motala eo, a boela a hhalosa le sekgutlo le mehaho eo motala a ne a eme pela yona. Tsatsi le hlahlamang ba theohela motseng mme Moena Branham a phethela ba neng ba ena le yena pono ena. Ha ba ntse ba tsamaya ka hara motse, ba potela ka kgutlello mme hantle mane ka pela bona keha ho eme motala enwa, a apere hantle kamoo Moena Branham a mo hhalositseng. Tikoloho, le yona, e tshwana le kamoo a e boletseng.

Ka tsatsi le leng Moena Branham a bona ngwanana wa motala a mpa a ena le phatla e sephara e nang le mongwapo. O ne a dutse fatshe a iname eka o etsa ntho e nngwe ka matsoho a hae. Pono ena Moena Branham a e phethela ba bang mme matsatsi a mmalwa hamorao ba tswa ba ntse ba qhoba hohle mme ngwanana eo ke eo o ne a dutse pela tsela a rekisa difaha. Pele kahara koloi ho se motho ya elellwang ngwanana eo e le yena eo Moena Branham a mmoneng ponong. Hoba ba fete



*Moena Branham o sebeletsa batala ka ditoloko tse tharo.*

ba kganne mohlomong halofo ya maele, Moena Branham a ba kopa ho emisa le ho tjeka kaha a ne a batla ho bona ngwanana enwa ya dutseng pela tsela, a ntse a loha mme a rekisa difaha tsena. Ba kgutlela morao mme ba emisa mme sheba tse ding tsa difaha. Eitse ba se ba tsamaya Moena Branham a re, "Ha ho motho ya eellwang ngwanana enwa?" Mme ha ba mo sheba ba mo lemoha e le ngwanana eo Moena Branham a ba boleletseng ka yena, a dutse fatshe, a iname eka o etsa ho hong ka matsoho a hae. Eitse ha a sheba hodimo ba bona phahla e sephara le mongwapo.

Mantsiboya a pele Moena Branham a kene tlung ya Moena Schoeman, Modulasetulo wa National Committee, a bona pono ya se hlahetseng moradi wa Moena Schoeman. A kile a etswa oporeishene leihlong la hae. Moena Branham o ne a hlahositse oporeishene hantle kamoo e entsweng kateng. Moena Schoeman o ile a tiisa ntho e nngwe le e nngwe e boletsweng; e ne e etsahetse jwalo hantle.

Hoba dikopano tsa veke tsa Johannesburg di kwalwe, ra kgannela Klerksdorp. Wona ke o mong wa metse ya merafo dimaele tse ka bang lekgolo ka borwabophirima ho Johannesburg. Tshebeletso ya pele mono ya phumulwa ka baka la pula mme ya bobedi ya phumulwa ka baka la sefeso le maemo a batang a lehodimo. Sontaha hoseng Modimo a bua le Moena Branham ka pono, a mo kgodisa hore maemo a lehodimo a tla re hauhela mehleng ya dikopano tsohle tsa rona Afrika Borwa. Dikopano tse pedi tsena ya eba tsona feela tse phumulwang ka baka la maemo a lehodimo leetong lohle la Afrika Borwa, leha kwana dikopano tse ding di ne di tshwaretswe metseng eo ka sehla seo pula e nang.

Sontaha, wa la 14 Mphalane, e ne e le letsatsi le letle. Batho ba kganna makgolo a dimaele ho tla dikopanong. Ke ile ka bolellwa ke batho ba bang ba lekweishene hore ke sehlopha se seholo ka ho fetisisa se kileng sa bokana motseng wa Klerksdorp. Moena Baxter a tlisa molaetsa wa Evangeli mantsiboya ao mme a kopa batho ho ema e le ho paka ho amohela Jesu Kreste jwaloka Mmoloki le Morena wa bona, batho ba ka bang dikete tse tharo ba ema ho arabela pitso eo. Batho ba toropo ena le bona ha ba bona matla a mehlolo a Morena, ka Moena Branham, le bona ba dumela hoba ba ne ba etetswe ke moporofeta ya tswang naheng e sele. Ba eellwa hore mohlomong ha ba sa tla bona ntho e jwalo maphelong wohle a bona. Sontaha ya eba le leng la matsatsi a maholo ka ho fetisisa leo Klerksdorp e kileng ya le bona. Ba bangata ba amohela phodiso ya mmele ya bona le ya moyo.

Ke nahanne ka moshanyana wa dilemo tse leshome le motso o le mong kapa leshome le metso e mmedi a na fumane setlankana sa ho rapellwa mme palo ya hae ya bitswa. Eitse ha a nyolohela kalaneng ka lemoha hobane mahlo a hae a pelekane habohloko. Hang ha Moena Branham a mmona, a phetha pale ya ngwanana wa hae a na pelekane mahlo ka baka la bohloko bo tsitsipanyang pejana ho lefu la hae. Moena Branham ha a phetse ho sisimoswa ke kutlwelobohloko ha a bona ngwana ya mahlo a pelekaneng. O ile a rapella moshanyana a ntoo mo kopa ho sheba hodimo. Ha a etsa jwalo, mahlo a hae a boela a otloloha. Moshanyana a sokolohela ho letshwele mme batho ba nyakalliswa ke kahobane mahlo a na a pelekane jwale a otlolohile ka botlalo. Ngaka ya lehae e ile ya hlahluba moshanyana mme ya tlaleha mahlo a hae a boetse setlwaeing. Ka mora tshebeletso ke ile ka katlatsa foto ya moshanyana eo re re e tshwereng mona.

Mantsiboya a mang ka mora tshebeletso ba bang ba rona ba ne ba dutse phaposing ya ho jela lapeng ha Modisa P.F. Fourie, e mong wa badisa ba lehae. Re ntse re thabela dijo tse bobebe mme Moena Branham a ntse a qoqa le rona ka dinnete tsa moyo. Hoba Mof. Fourie a kopane le rona tafoleng, ka eellwa hoba Moena Branham o ne a shebile e mong le e mong wa rona ka hloko, eka o batla ntho e nngwe. Metsotsong e mmalwa a dulella morao setulong sa hae mme a re bolella hobane o bone pono thapama eo. Jwale re ne re dutse re potile tafole jwaloka ha a re bone. Moena Bosworth o ne a dutse ntlheng e nngwe ya tafole, Mor. le Mof. Fourie ba dutse ntlheng e thulanang le eo, mme nna le Sidney Smith re dutse lehlakoreng le le leng re tobane le Moena Branham. E mong le e mong wa rona a dutse madulong le sebakeng seo a re boneng ho sona ponong thapama eo. Jwale a ka re bolella seo Modimo a mo senoletseng sona. A retolohela ho Mof. Fourie mme a mo phethela diketsahalo tsa ho tloha botjheng ba hae. Yare ha a ntse a di lokodisa,



*Mahlo a hae a ne a pelekane, jwale a setlwaeding.*

a dula mono a hloletswe ho nahana hore Modimo o buile le moporofeta wa Hae ka yena. A boela a mmolella hore o na le lefu le lebe la pelo le bothata ba mala a bakilweng ke dinerefe. Hoba a tswele pele ho bua ka pono a bile a ntsha mantswe a mo kgothatsang, a kopa tshwarelo a ntoo tloha tafoleng mme a ya phomola mantsiboya ao.

Kgefutso ya rona e latelang e qadile ka la 17 Mphalane ho tswella ka la 21, mane Kimberley, motsemoholo wa lefatshe wa taemane. Mono dikopano tsa tshwarelw Town Hall, empa tshebeletsong ya phirimana ya pele keha mohaho o hatellane ho bile ho le batho ba bangata ka ntle ho feta ba ka hare. Komisi ya selehae ya lemoha hobane ho lokela ho etswa leano la ho thusa dikete tse neng di batla ho etela kopano. Ka tshebedisano e kgabane le indaseteri ya morafo ra kgona ho sebedisa Lebala la De Beers, le ena le madulo a dikete tse ka bang tshelela mme e nnkuwa e le e nngwe ya diarena tse kgabane ka ho fetisa Afrika Borwa. Ke bosafeleng bo nnotshi bo tla senola se fihletsweng ka baka la menyetla e phaellang.

Yare Moena Bosworth a sa ja khefing ya selehae, ha kena mohlankanyana mme a mmotsa hore ke setho sa Moifo wa Branham na. A re ho yena o tswa Afrika Borwa-bophirima le hore mofetshe o no o nka bophelo ba moradi wa hae ya dilemo di hlano. A botsa Moena Bosworth se ka etsetswang ngwana hae a tle a amohele phodiso eo a elellwang hobane Kreste o e lefile. Moena Bosworth a mo hhalosetsa hore leha mohlomong




Foto ka Howard Shaw

*Modimo o senolela mohlanka wa Hae dipatilweng tsa dipelo tsa batho.*

a ke ke a fumana setlankana sa thapelo, a ka fodiswa. A mo eletsa ho dula ka pheello thapelong Modimo a tla a bontshe Moena Branham pono ya ngwana hae ya jewang ke mofetshe. Monna eo o ile a tla tshebeletsong a dumela Modimo. Yare a sa eme kathoko, a ntse a rapella, Moena Branham a sokolohela ho yena mme a re, "Eya hae; ha o dumela, ngwana hao ya jewang ke mofetshe lapeng o tla fola." Hamorao, ka botsa Moena Branham se a se boneng ka monna enwa, mme a mpolella hobane o bone pono ya ngwanana e monyenyan a robetse diphateng, a tshwerwe ke mofetshe. Sedikadikwe sa lesedi le lopaletseng hodima monna le supile e ne e le ngwana monna eo.

Sydney Smith wa Durban, ya na a tsamaya le rona hajwale, a mphetela ketsahalo e tsotehang haholo. Mongh. Smith o na sa tswa emisa tlung eo Moena Branham a na a dula ho yona ho mo isa tshebeletsong. Eitse ha a tswa keiting a kena seterateng, a kgahlanyetswa ke monna e mosesane ya bileng a tseba Moena Branham a ba a mo kopa ho mo rapella. Monna a fineletsa diphaka tsa hae ho bontsha kamoo diphaka tsa hae di leng sesane kateng; di sa fete leqaqailana la letsoho ka botenya. Moena Branham a mo sheba mme a re, "O jewa ke T.B. O dumela Modimo na?" Monna a re, "Ke dumela Modimo." Moena Branham a mo rapella a ntoo bua le yena metsotso e mmalwa, ka mora moo a re, "Ha re boele re bone sephaka sa hao." Kgetlong lena ha a fineletsa sephaka sa hae, a hlollwa ho bona sephaka sa hae se nonopetse mme jwale se bonahala se matlafetse ho feta metsotsong e mmalwa pele ho moo. Mona e se feelsa moo Modimo a fodisitseng monna hang-hang, empa a buseletswa matla a mmele ka mohlolo, athe ka tlwaelo a ye a kgutle butle-butle.

Metseng yohle moo re ileng ra tshwara dikopano, batho ba re emisa diterateng ho re phethela ditaba tsa phodiso le ba bileng le boiphihlelo ba yona kapa tseo ba utlwetseng ka tsona. Ha ke hopole motse o mong moo re kgahlaneng le batho ba bangata hakana ba re tlalehela dintho tseo Modimo a ba etseditseng tsona tshebeletsong ya Moena Branham jwalo kaha ho etsahetse Kimberley.

Re bone dintho tse ngata tse thabisang leetong la rona la Afrika Borwa. Re bone batho ba ema ka dikete ho amohela Kreste e le Mopholosi wa bona. Dirltsa tsa phekola, difofu tsa bona, ditholo tsa utlwa, dimumu tsa bua, mobabi o ne a tsoswa diphateng tsa hae, mme ba mahlabeng ba lokollwa. Empa re ke ke ra lebala tshisimoho ya ho utlwa batala le bammala ba bina. Mohlomong mantswe a bona a na a sa kwetliswa mme yaka hohle hoo ba loketseng ho se etsa ke ho ahlamisa molomo wa bona mme mmino o tswe. Modumo o mokaalo o thothomelang, ho le monate ho utlwa modumo o mokaalo wa makgonthe. Ke sa hopola Kimberley ha mantswe a fetang 6,000 a kopana mmoho mme a bopa mmino o kang wa okono e kgolo, a dumisa dithoko tsa batho ba lokolotsweng.

Mmino wona o no o susumetsa e mong le e mong mme o mo qosa ho phahamisa pelo ya hae ho rapela Modimo. Enere ha ho binwa dithoriso tsa Modimo mme Lentswe le iswa dipelong tsa batho, banna le basadi ba ne ba itshwarella ditshepisong tsa Modimo. Ba bang ba fetoha babopuwa ba batjha ho Kreste Jesu. Ba bang ba hlokang phodiso ya mmele ba ema ka tumelo ba dumela ho Modimo, mme ba amohela phodiso ya mebele ya bona.

Ka mora e nngwe ya dikopano monna e mong a tla ho nna mme a re o bone lengeloi la Morena le eme kalaneng haufi le Moena Branham. Ka mo kopa ho hhalosa lengeloi kaha le ne le bonwe ke ba bang mme ba le hhalosa mme ka batla ho tseba hoba tlhaloso e ne e tshwana kapa tjhe. A re e ne e le monna e moholo, a batla a lekana le Moena Baxter, a kutile shwee mme a apere kobo e tshweu e na le setsiba sa gauta mophethong. O na a eme hantle ka morao ho Moena Branham ha a ntse a shebile hodima letshwele, a bona dipono tsa batho ba fodiswang mme a ntse a ba qoholla, a ba kgothaletsa ho ema le ho amohela phodiso ya bona.

Tshebeletsong e nngwe e neng e tshwaretswe bao e seng Mayuropa, Moindia e mong a nyoloha ka mola wa thapelo. Moena Branham a mo sheba mme a re, "Ha o Mokreste. O tshwerwe ke mofetshe le dialesa. Ha o eso amohele Kreste e le Mopholosi wa hao. Kreste o tla o phekola, empa pele o tshwanetse ho Mo amohlea e le Mopholosi wa hao le Morena. O ntoo ya bolella ba heno seo A o etseditseng sona mme phodiso ya hao e tla phetheha." O ile a re, "Haeba o fela o tla etsa sena, phahamisa letsoho la hao le letona." A phahamisa letsoho la

hae le letona. A bitsa e mong wa basebeletsi ba hae ho nka mofumahadi le ho mo tataisetsa ho Kreste a tle a phethe kano a e entseng.

Letoto le hlahlamamg la ditshebeletso la tshwarelwia Bloemfontein, Mphalane wa la 24, ho tswella ka la 28. Lentswe Bloemfontein le bolela sediba sa dipalesa. Ke motse o motle ka dirapana tsa wona, dipalesa le ka diterata tse batsi. Ha re fihla motseng, Moifo wa Branham wa amohelwa ke seholpha se seholo sa batho le seholpha se tswakaneng sa mmino se binang "Dumela Feela." Moena Bosworth a bolella batho hobane ba tla bona ntho eo ba eso ho ka ba e bona ha e sa le matsatsing ao Kreste a na a le lefatsheng. Nalaneng yohle ya kereke Modimo ha o eso ho sebetse ka mokgwa ona pele. Taba ena e le nnete e kakang hoba Modimo o bile wa sebetsa ka hara motse wa Bloemfontein kamoo A eso ho ka a etsa pele. Dikete tsa batho tsa tla di tswa bohole ba dimaele-maele. Ke ile ka bua le monna ya na tswa Afrika Leoya ka sefofane, dimaele tse ka lekanang le dikete tse nne. Ka bolellwa ke ofisiri ya sepolesa hore ba lekantse makoloi a fetang sekete a tswa ka ntle ho motse a ne a le ka hara Bloemfontein. Hape-hape ha hlokwa



*Seholpha sa dibini sa Komisi Ya Kamohelo se re kgahlanyeditseng meeding ya motse.*

odotoriamo e boholo bo lekaneng ho tshela matshwele a lebeletseng. Komisi ya lehae e ne e hlophisitse ho sebedisa Fair Grounds, e dulang batho ba ka etsang 6,000. Bosiung ba pele keha mabala a tletse dikete tse dutseng ditulong le dibencheng ba atametse haufi-ufi le kalana ka moo ho ka etswang.

Moena Bosworth o ne a tlisa melaetsa e mabapi le phodiso ya Kgalalelo. Erekaha dikete di ne di phuthehela



*Sehlotshwana sa ditente tse hlonngweng ho kenya bang  
ba batho ba etetseng dikopano ba tswa ka ntle ho motse.*

mono FairGrounds pele hora ya botshelela e otla, hangata ditshebeletso di ne di qala ka nako eo. O ne a hlalosa dinnete tsa phodiso ya Kgalalelo jwalo kaha di radilwe ka Bibeleng mme a hlaphe kamoo Modimo o no o sebetsa ka Moena Branham. Moena Baxter o ne a tlisa melaetsa ya pholoso ya motho. Nako le nako karabelo ya pitso ena e le ya tonana ho ba neng ba batla ho amohela pholoso e lefeletseng bona Kalvari. Ka phirimana tse ding ho ngodiswe ditlankana tse fetang dikete tse pedi tsa diqeto mme di be di tliswe. Banna le basadi ba ne ba sa tlo arabela ka bongata bo bo kaalo, kapa palo efe feela, hola Moya wa Modimo o no o le siyo mme o buisana le bona. Na Bloemfontein kapa motse ofe feela wa Afrika Borwa o bileng le boiphihlelo ba tshebetso ya Moena Branham o tla dula o tshwana le ka mohla?

Kgabareng ya mantsiboya a Labohlano Bloemfontein, Moena Branham a bona pono e fapaneng le efe feela a kileng a e bona pele. O na a ntse a rapella batho mme nakong eo a ba kgothaletsa ho dumela Modimo, ho amohela phodiso eo Modimo a ba lefeletseng yona. Kreste o na a lefile phodiso ya bona empa ho se mokgwa oo A ka ba fang yona ha ba sa e dumele le ho e amohela. Moena Branham a emella morao, a ntsa a ba kgothatsa ho dumela, a bona ho hlaha lerako le leholo ka mora setadiamo, le saroloha mme le ngomela bophara ba sona. Ha lerako lena le ntse le phahama la okamela batho mme yaka ho rotha marothodi a maholo a metsi a tsholohela hodima sona. Enereha marothodi ana a metsi a rotha, ehlile a ne a rothela hodima hloho ya motho e mong. Moena Branham a lekanya bonnyane ho bile le marothodi a kang ao a 1500 mme a kgodiseha hobane batho bana ba ne ba phekotswe, ho mpa ho itshetlehole ho bona ho tsitlallela tumelong ya bona ba tle ba sireletse phodiso eo. A lekanya hore ditshebeletsong tse tlileng pele ho eo ha ho eso phekolkwe batho ba lekanang le ba bosius boo Bloemfontein.

Hangata Moena Branham o hopotsa batho hore a ke ke a bua letho a sa se senolelwae ke Morena. Phirimana e nngwe ha fihla mofumahadi e mong moleng wa thapelo mme Moena Branham a bona pono e amanang le yena a mmolella ho etsa

bonneta ba hore o itokiseditse ho kopana le Modimo wa hae. Hoba a mmolelle mantswe a kgothatso a mo laela ho sebeletsa Modimo ka pelo yohle ya hae. Ha ho a buuwa letho ka bolwetse ba hae le ka ho hlaphohelwa ha hae.

Ka mora tshebeletso ra botsa Moena Branham lebaka la hae la ho bua le mofumahadi ka moo a buileng kateng. A re bolella a bone pono ya mokoloko wa lepato le hobane mosadi o tla shwa kapele. Ho sa tsottelehe hore o ne a batlile hakae ho bolella mofumahadi letho kwana a ke ke a bua letho haese seo Morena a mmontshitseng sona.

Hoseng ho hlahlamang ra utlwa hobane mofumahadi o hlokahetse bosiung boo.



*Ponahalo e kang ena e ne e le  
tlwaelo mme hangata makoloi a  
bakudi a ne a kgutla a le lephaka.*

Leha bongata ba dikopano bo ne bo tshwarelw Mayuropa, empa ditshebeletso tse tharo tsa na tsa hlophisetswa batala. Re bile ra kgona ho patisa ditshebeletso tse mmalwa tsa batala lenaneng le seng le tletse. Thapama ya Moqebelo Moena Bosworth a bua ho e nngwe ya ditshebeletso tseo. Ka mora molaetsa wa hae a biletsha kalaneng batho ba ka bang leshome le metso e mmedi ba entsweng oporeishene e kotsi ya tsebe ['mastoid operation'—Moft]. Batho bana ba ne ba sehilwe moropa o mong wa tsebe. Hore ba kgone ho utlwa ka tsebe eo, Modimo o no o tlamehile ho bopa moropa o motjha wa tsebe. Ka hona Moena Bosworth a bitsa batho ba nang le tsebe e le nngwe e itekanetseng hore ha ba se ba utlwile Lentswe la Modimo ba fumane tumelo ya ho dumela phodiso e phethahetseng. A sebedisa bao e le ponahatso, e le mohlala wa molaetsa wa hae. A re ho bona Modimo o tla ba fodisa ha ba ka dumela mme a se a batla a bitsitse batho ba ka bang leshome le metso e mmedi ho kgodisa polelo a sa tswa e bua. O ile a sebedisa botsebetutu, sebakeng sa lefu lefe feela, kahobane e le ntho e ka utluwang mme ya bonwa ke letshwele. A hlahloba kutlo ya bona ka ho ba laela ho kenya monwana wa




Foto ka Oliver Studio

Karolo ya letshwale la batala tshebeletsong ya Sontsha hoseng Bloemfontein.

bona tsebeng e sebetsang ba ntoo sebela tsebe e ntshitsweng moropa wa tsebe. E mong le e mong wa bao a ba rapeletseng a kgona ho utlwa. Ka mora ponahatso ena a etella batho pele ka thapelo ya bongata, a ba kopa ho mo sala morao thapelang lenseswe ka lenseswe. Ba etsa hona, mme makgolo a amohela phodiso ya bona thapama eo.

Ka baka lena motheo o kgabane wa hahelwa ditshebeletso tse tshwerweng ke Moena Branham Sontaha hoseng. Tshebeletsong ena ha lekangwa letshwele le tsamaelang ho 15,000 la bao e seng Mayuropa. Ya eba tshebeletso e kgolohadi ka ho feta eo re e boneng Afrika Borwa ya bao e seng Makgowa. Batala ba ne ba tswa Lesotho mme katleho e kgolo ntle le pelaelo e tswetswe ke tjalo e ntle ya Lentswe ke baromuwa ba sebeleditseng batala bana. Bongata ba diritsa tse keneng di jerwe ba tswa ba itsamaisa. Ke hopola seritsa se neng se tsamaya ka matsoho a sona se bile se hulanya meomo ya sona empa a kgona ho tsamaya ka kotloloho matsatsing a mabedi. Ha ntoo ba le lesea la hloho e metsi le boetseng la hlaphohelwa matsatsing a mane ekasita le diphodiso tse ding tse ngata tse tswileng ka mahetla. Baromuwa ba mmalwa ba ntlalehela ba dumetse ho fodile batho ba tsamaelang ho sekete tshebeletsong e le nngwe ena. Motswalle wa rona ya molemo, Morongwa Kast, o bile a ngola tlaleho ya ditshebeletso tsa batala Bloemfontein mme ke tla qotsa tlaleho kamoo a nthomeletseng yona.

## DITSHEBELETSO TSA BRANHAM TSA BATALA BLOEMFONTEIN, MPHALANE 27–28, 1951

*Ka Moromuwa A. Kast*

Tshebetso ya Moena Branham le Moena Bosworth di ne di tsebjwa hantle mona ka baka la “Voice of Healing,” mme ho bile ha etswa boikgathatso bohole ho phatlalatsa ditshebeletso tse pedi tsena tsa bohlokwa ho phatlalla le Foreisetata le Lesotho. Dibese tse ngata tsa hirwa mme le makoutjhu a ikgethileng a beellwa ka thoko tereneng ho tlisa meya e mengata e lapileng le ya ba mahlomoleng Bloemfontein. Ha rentwa Kereke e maemong a bobedi ka boholo ya Lekeishene bakeng sa ditshebeletso athe diholo tse ding tse kgolo tse tsheletseng di ile tsa sebedisetswa marobalo. Ka dikgwedi tse ngata, ha romelwa dithapelo teroneng ya Modimo, hore ditshebeletso e be ponahatso e kgolo ya matla a Modimo.

Kopano ya pele e ne e tla ba ka Moqebelo 2:30 thapama, empa bongata bo se bo fihlile matsatsi a mabedi pele ho moo, mme hoseng hohle ha Moqebelo keha batho ba se ba teetse Kereke hare ba emetse ho kena mohahong ka mofolofolo. Erekaha Kereke e kgonne ho dudisa feela batho ba 800, ke

difofu feels, ditholo, diritsa, le mathata a setrechara a na a dumellwa ka hare; athe dikete tse ngata tsa lokela ho sala ka ntle. Menyako e ile ya notlelwa, leha ho le jwalo ba bang ba leka ho kena Kerekeng ka difesetere. Moena F.F. Bosworth a fihla mme a thabela ho bona letshwele le leholo hakaalo le kgobokane le boka Modimo ka dithoko tsa bona. Lentswe la Modimo la bolelwa mme tumelo e ne e phahamela maemong ao motho e mong le e mong a neng a lebeletse dintho tse kgolo. Batho ba ka etsang mashome a mararo ba lahlehetsweng ke kutlo ya bona tsebeng e le nngwe ka baka la oporeishene kapa bolwetse ba biletswa kalaneng mme ba rapellwa ke Moena Bosworth ka seqo. Lebakeng le leng le le leng kutlo ya kgutliswa hang-hang mme letshwele la makalla dintho tseo Modimo a di entseng ka mohlanka wa Wona ya ithobileng. Bongata bo bong bo ne bo rata ho bitsetswa kalaneng ho rapellwa ka peo ya matsoho, empa Moena Bosworth a hlahisa polelo ena e sebete e latelang: "E mong le e mong wa lona a ka fodiswa lefu le leng le le leng, ha le ka dumela Lentswe la Modimo feelsa!" A tshepisa ho rapella bohole ka nako e le nngwe, a kopa letshwele ho phetha thapelo ya hae. Hona ha etswa mme Modimo wa etsa mehlolo e meholo. Hantle ka mora thapelo, Moena Bosworth a kopa bopaki, mme bongata ba tla maekrofounung ho bolela tsa matla a fodisang a Modimo. Motho e mong le e mong a boka Modimo ha mosadimoholo a ne a re: "Ke fihlile tshebeletsong ke foufetse mme ke le setholo, jwale kea bona ke bile ke a utlwa." Ha ho botswa palo ya ba kgutliseditsweng kutlo, ha ba le 67 ka Kerekeng mme ka ntle ho fodisitswe bongata bo ke keng ba balwa. E mong le e mong a thabetse Modimo ka se entsweng, ho ntse ho lebeletswe tse kgolwanyane tsatsing le hlahlamang mohla Moena Branham le Moena Baxter ba neng ba emetswe ho fihla.

### *Sontaha, 28 Mphalane*

Letsatsi le sa tl'o lebalwa! Ka ho elellwa ho se kereke kapa holo ya setjhaba e ka tshelang letshwele le lebeletsweng, ha qetwa ka ho tshwarela tshebeletso lebaleng la bolo ya maoto. Mosebetsi wa ho hokela dibuela-hole le sebaka sa ho rera wa qala hoseng. Hape-hape dihora tse ngata pele ho tshebeletso, dikete tsa tsholohela mabaleng. Baromuwa le basebetsi ba setjhaba ba hlophiswa kapele ho dudisa letshwele ka mekgahlelo le ho tlisa bababi ka pele. Ka 9:30 hoseng keha ho se ho phuthehile batho ba ka etsang 5,000. Ra qalella ho bina mme ba utlwileng momahano e babatsehang ha ba sa tla lebala modumo wa lehodimo. Ha nako ya ho rapela e fihla, banna bohole, basadi, le bana ba kgumama fatshe ba rapella ketelo ya Modimo ka nako e le nngwe. E ne e le sello se lebisitsweng ho Yena mme dikeledi tsa rona tsa tsholoha ka bolokolohi, ha re bona tlala ya pelo e nngwe le e nngwe. Ka mora puo e ntle



*Billy Paul o aba setlankana sa thapelo tshebeletsong ya batala.*

ya evangedi ka moromuwa, batho ba kgothaletswa ho lebella tse kgolo ho Modimo. Ba bolellwa ho sa hlokaahale ho rapellwa ha bona ka bonngwe, empa hore motho a ka fodiswa hohle letshweleng. Bopaki ba seo Modimo a se entseng dikarolong tse ding bo ile ba matlafatsa tumelo ya badumedi.

Ka 10:30 hoseng Moena Baxter le ba bang ba fihla mme molaetsa o mokgutshwane wa evangedi wa latela ka mohlanka wa Hae ya tlotsitsweng. Ka nako ha ho memelwa boinehelo ho Kreste, ha phahamiswa dikete tsa matsoho mme Modimo wa bona le leng le le leng la wona. Pholoho e kakang! Nakong ena, bohole ba ne ba emetse Moena William Branham ka tjantjello. Ha mohlanka ya ithobileng enwa wa Modimo a fihla, a sisimoswa ke kutlwelobohloko ha a bona diritsa tse ngata di robetse ka pel'a hae, empa ka kgodiso ya tumelo a re bongata ba ba madimabe bana bo tla tsamaya. Ha biletswa batala ba leshome ka pele mme Moena Branham, ka Moya wa Modimo, a bolella e mong le e mong lefu la hae a ntoo rapella phodiso ya bona, e bileng ya fuwa bona. Nakong ena palo ya letshwele e se e nyolohetse ho 12,000 mme Moena Branham a rapella phodiso ya e mong le e mong ka tjheseho, a laela Satane ho tlohela ba mahlomoleng ka Lebitso la Jesu Kreste. Modimo wa utlwa thapelo mme wa fodisa mobabi. "Thapelo ya tumelo e tla fodisa mobabi mme Morena o tla mo phekola." (Jakobo 5:15).

Se entsweng ke Modimo metsotsong e mmalwa eo e halalelang ha sea ka sa bonwa ke leihlo. Nako ya bopaki e ne e le siyo tshebeletsong, empa e mong a mpa a bolella e mong:



*Moena Branham o bua le Albert Mokoma, motala wa Mosotho ya fodileng TB mane Bloemfontein mme jwale o rera Evangedi.*

“Ke fodile. Ke a bona. Ke a tsamaya. Ke lokolohile mahlabeng. Alleluia!” Tshebeletso e kgolo e ile ya kwalwa ka sefela se seholo sa poko.

Diveke tse etellang tshebeletso pele, ho ile ha amohelwa mabitso a fetang 4,000 a batho ba kopang thapelo. Diroto tse pedi tse tletseng mangolo tsa iswa tshebeletsong moo Moena Branham a ileng a bea matsoho a hae hodima tsona, a kopa phodiso ya bakudi ba sa tsejweng. Divekeng tse hlahlamang ra utlwa bopaki bo bongata bo tswa karolong e nngwe le e nngwe ya naha ena. Ho tswa mona Mission Station, “Mount Tabor,” Lesotho, mashome a mahlano a ne a ile tshebeletsong (dimaele tse 115) mme bohole ba kgutla ba fodile, ntle le ba mmalwa feela. Ho tswa motsaneng o mong, Thaba Tshweu, ba mashome a mabedi le metso e meraro ba neng ba etetse Bloemfontein mme eitse ha re etela tulo eo, lesosome le metso e mehlano la paka ka ho fola. Ha o tswela pejana, Mohaleshoek, mong’ a bese, o ile a mpolella: “Ke ile ka palamisa monna ya shweleng ditho beseng, empa ha a kgutla ditshebeletsong, keha a kgona ho itsamaisa.” Ba bang ba bangata ba fodiswa ka mokgwa o babatsehang mono. Mmoledi ya tswang dithabeng tsa Lesotho o ile a re tlisetsa tlaleho ena: “Ho batla ho fodile batho bohole ba neng ba etetse Bloemfontein, moshanyana e mong wa semumu o kgona ho bua jwale, sephaka se shweleng se phekotswe, j.j.”

Ha re fihla Zastron, O.F.S., kereke ya rona ya lehae mono ya etelwa ke makgolo ka baka la seo Modimo a se entseng Bloemfontein. Monna e mong wa sefolu o pakile ha a bona jwale o bile a bala Bibele ka pel’ a rona. Mosadi ya sotlehileng dilemo tse mashome a mabedi mme a sitwa ho etsa mosebetsi ofe feela o fodile ka ho phethahala mme ho tloha mohlang oo o a sebetsa. Basadi ba babedi ba paka ba ne ba sa kgone

ho tsamaya, empa jwale ba kgona. Mohlomong ho fodile halofo ya ba neng ba etetse ditshebeletso tsa Branham ho tswa torotswaneng eo. Hohle moo re etetseng teng, batho ba ne ba tlaleha diphodiso tse babatsehang. Ba bang ba ngola lengolo ba phetha mesebetsi e meholo ya Modimo. Le mosadi ya nkilweng dithabeng tsa Lesotho ka sefofane o ile a fodiswa asma le kgatello e phahameng ya madi ka ho phethahala, esita le malwetse a mang a mangata. A sa ka a sebetsa ka dilemo tse leshome le metso e mmedi mme jwale o phetse. Moreri ya tswang Kroonstad a ngola a re o kgona ho tsamaya ntle le melangwana ya bakudi, le hoba ditho tse tsheletseng tsa kereke ya hae le tsona di fodile.

Re nahana bonnyane ho fodile sekete sa batho ditshebeletsong tse pedi tseo, etswe re boka Modimo ka hona. Leha ho fetile dikgwedi tse tharo, dikopo tsa thapelo di ntse di finyella ho rona veke le veke. Bohle ba supa se entsweng Bloemfontein mme ba dumela hobane le bona ba tla fola. Dikete tse mona di shebeletse ka tjheseho le thapelo ho kgutlela ho potlakileng ha Moifo wa Branham Afrika Borwa.

\* \* \*

Ho tloha Bloemfontein ra ya borwabophirima Motse Kapa re tsamaya dimaele tse ka bang makgolo a robong. Hangata Motse Kapa o bitswa Kgoro ya Afrika. Motheo wa tswelopele ya sejwale-jwale Afrika Borwa o Motse Kapa e fumanwang maotong a Thaba Tafole. Ke mona moo ka 1652 Jan van Riebeeck a ileng a hloma motebo wa pele leetong le yang Indies Bochabela. Kajeno ke motse wa sejwale-jwale o nang le batho ba etsang halofo ya milione, kou e tummeng ya lefatshe, motsemoholo wa palamente ya Union, mme o tsebjwa ka tshobotsi ya wona e kgahlehang.

Mono ditshebeletso tsa tshwarelw Boemaofane ba Wingfield, bo laolwang ke South African Airlines e bileng ya nehelana ka o mong wa mehaho ya yona ntle le tefiso. Tshebeletso ka nngwe ya etelwa ke batho ba dikete tse hlano ho isa ho tse leshome. Jwale ka tlwaelo le mona madulo a tlala ka hora ya botshelela mantsiboya. Ka baka leo, hangata ebe ditshebeletso di se di qala ka nako eo, di fumantsha batho monyetla wa ho utlwa molaetsa o tswang ho Moena Bosworth le Moena Baxter, esita le ponahatso ya Neo e sebetsang ka William Branham.

Ditshebeletso tsa bao e seng Mayuropa di ile tsa tshwarelw Drill Hall Motse Kapa. Kgabareng ya e nngwe ya ditshebeletso tse tshwaretsweng mono, batho ba mashome a mahlonia a metso e meraro ba etileng ba tseka pono ya bona ba ne ba hlaphohetswe haholo kapa ba se ba boetse setlwaeding ka bottlalo. Boholo ba bona bo ne bo foufetse ka ho phethahala tshimolohong.



Foto ka Staples

*Mohaho wa No. 3 mane Boemaofane ba Wingfield.*

Tshebeletso ya Sontaha hoseng, e neng e tshwaretswe bao e seng Mayuropa, ya lokela ho qala ka hora ya 10, empa batho ba qala ho phutheha ka 1:30 mesong. Ba qeta dihora ba emetse tshebeletso ho qala. Jwale eitse ha menyako e bulwa ha kgona ho kena karolwana feela ya bao ba bokaneng ka ntle holong e tshelang batho ba ka tlasa dikete tse tharo. Ka qoqa le diofisiri tse mmalwa tsa sepolesa tshebeletsong ya thapama tse lekantseng bonyane ho ile ha akgeha batho ba etsang mashome a mahlano letsheareng ba emetse ho kena holong.



*Drill Hall, mane Motse Kapa, Afrika Borwa.*

Ka morao ho tshebeletso e reilweng “Boikarabelo le Kgothatso” bohole ba hlokang phodiso ba etsetswa thapelo ya bongata. Ka morao ho thapelo ra kopa bopaki. Bongata ba tswela kapele mme ba fana ka bopaki ba phodiso e ba e fumaneng. Ngwananyana e mong ya keneng Holong a jerwe o ne a robehile leqaqailane le neng le sa fole. O ile a fodiswa, a tsamaela kalaneng a phetse ka botlalo, mme a ntsha bopaki ba hae. Ba bang ba bolela kamoo ba kgonang ho utlwa hantle. Ba babedi ba neng ba foufetse ba paka lekgatheng leo hore baa bona. Tumelo ya bona e ne e phahame.



*Karolwana ya letshwele le sa kgonang ho kena Drill Hall.*

Ke hopola kgabareng ya molaetsa ke sa dutse kalaneng ke shebile boitshwaro ba bona nqa molaetsa wa tumelo o tlisetwang bona, ka bona mofumahadi e mong ya dutseng maoto a ka bang mashome a mararo kapa mashome a mane ka pel'a kalana. O ne a shebile matsoho a hae. O no o ka bona ka mangole a kokomohileng a menwana le ho satalla ho totobetseng hobane o tshwerwe ke athritisi. A sitwa ho tsamaisa menwana ya hae empa yare a sa utlwa Lentswe la Modimo le tliswa, tumelo ya hae e ne e hodile yaba o sheba menwana e holofetseng eo mme a leka ho e tsamaisa. Qalong ho se motsamao wa letho ho hang. A tswela pele ho hlakisa tumelo ya hae mme yare a sa etsa hoo ha hlaka hobane o kgon a ho e tsamaisa ho feta pele. Hoba ho fete metsotso e mmalwa, a bula a ba a kwala matsoho a hae ka bonolo bo phethahetseng. Pososelo ya tjhaba sefahlehong sa hae ha a elellwa hobane lekgatheng leo o lokolotswe maemong a kgolofalo e bakilweng ke athritisi.

Ka tsatsi le leng ha Moena Bosworth a ntse a theosa ka seterata, mofumahadi a mo atamela a mo lekanya e le mo-Amerika a ba a mmotsa ha eba a amana ka mokgwa ofe feela le ditshebeletso tsa phodiso ya Kgalalelo. A ipolela e le mohetene mme ka hona a sa ka a tsotella kapa ho nkela letsholo hlohong, empa ngaka ya hae e ne e mmoleletse ka bakudi ba yona ba etetseng ditshebeletso mme a fola. O ne a utlwetse ka Boloi



*Moena Branham, tlasa Tlolo,  
o rapella diduku ho latela  
Diketso 19:11-12.*

Foto ka Staples

le Bokreste ba Mahlale mme a ipotsa ha e se be ditshebeletso tsena di ne di tsheheditstswe ke e nngwe ya tsona. Erekaha ngaka ya hae e mmoleletse ka dikopano mme e mo eletsa hore a ka tshwana a fola molemo ho tsona, a utlwa ho ka ba molemo ruri ho yena ho eta.

Ha Moena Branham a le tlasa tlolo, ho bohlokwa-hlokwa ho phethisa kamoo a kopang kateng. Lekgatheng leo mantswe a hae hase mantswe a hae, empa e le mantswe a Moya o Halalelang, a bolelang thato ya Modimo o Kgethehileng ya ruileng Borena-bohle. Ke rata ho qotsa lengolo le bontshang bohlokwa ba sena. "Mofumahadi ya tswang Wingfield ya phekotsweng mofetshe a ba a laelwa ke Moena Branham ho kolobetswa o ile a etela tshebeletso ya kolobetso phirimana ya Labone le fetileng, empa a se ke a kolobetswa. A re ho modisa e mong, 'Ho nahana hore dilemo tsena tsohle ke bile setho sa kereke ke sa bolokeha le ka mohla leha kwana ke le mosuwe wa Sekolo sa Sontaha. Empa jwale ke bolokehile ke bile ke fodile.' O ile a thabela pholoso ya hae le phodiso, a mpa a lebalwa seo Moena Branham a mo laetseng ho se etsa. Ha a ka a kolobetswa. Moqebelo o hlahlamang moo, a shwa. A phetetswa ka ho hloka kutlo ha hae."

Yare Moena Bosworth a sa rerela batala thapama e nngwe ya Sontaha Motse Kapa a bua sena, "Lona bareri ba batala ha le ka dumela ho Modimo, Modimo o tla fa ba bang ba lona neo ya phodiso thapama ena." Moena Bosworth o ne a batla a makaditswe ke mantswe a sa tswa a bua, kaha a buile le pele a elellwa seo a se boletseng. Ka morao ho tshebeletso a re ho nna, "Ke dumela e le Modimo ya ntataisitseng ho bua mantswe

ao. Ha o ka fumana monyetla wa ho sala taba ena morao, ke dumela re tla fumana moruti e mong wa batala ya amohetseng neo ya phodiso.”

Ka botsa dimishinari tse ding hore ba utlwetse ka moruti wa motala ya fumaneng neo ya phodiso jwale ka ha Moena Bosworth a boletse ka hara tshebeletso. E mong wa bona a mpolella ka moruti wa motala ya neng a dumela phodiso ya Kgalalelo, empa ere kaha a hloka tumelo dithapelang tsa hae ha eso rapelle motho ya kulang le ka mohla. Leha ho le jwalo, ka morao ho tshebeletso ena, a etela ba neng ba kula hohle a ba rapella bohole, mme bongata ba amohela phodiso ya bona. Hamorao moromuwa enwa a nngolla lengolo moo a boletseng tjena, “Motala ya amohetseng neo ya phodiso e ne e le motala ya tswang Angola, Lepotoketsi, la Afrika. O hloka thuto hoo hangata a sa kgoneng ho itlhalosa. Esale moshanyana feela empa Modimo o phahamisitse mohlanka wa Wona mme jwale o batlwa ka mona le ka mane. Bakudi ba tletseng lori ba rwalwa ho tswa hole ho rapellwa ke yena. Maobane ke fetile moo re neng re tshwaretse bammala le batala ditshebeletso, mme o ne a tshwere tshebeletso ya mapatlelo teng.”

Ditlaleho tse ding tsa motala enwa di thasisetsa nnete ya hore Modimo o abetse moruti wa motala ya ileng a iteta sefuba ho dumela ho Modimo neo ya phodiso mme a tswa a hata ka tumelo.

Ke tla boela ke le qotsetsa tlaleho e mabapi le ditshebeletso tsa Motse Kapa tse phatlaladitsweng Dihlekehlekeng tsa Borithane ke *Redemption Tidings* mme hamorao Amerika ke *Herald of Faith*.

## DITABA TSE HLASIMOLLANG TSA TSOSELETSO TSE TSWANG MOTSE KAPA

*Ka Frank G. Holder*

Nalaneng yohle ya bofofisi ba matjhaba mohaho wa difofane ha o eso ho sebedisetswe morero o bohlokwa hakana, ka ditholwana tse kgolo hakana ho baahi ba selehae. Moaho o sireletsang sefofane sa baeti, Moaho wa nomoro ya 3 o ile wa fetolwa “Holo ya Evangedi” e tshelang dikete tse nne ka hare le dikete tse ka bang pedi ka ntle.

Moralo wona o hlobotseng wa tshepe ka moyo wa wona o sa hlasimolleng o ne o sa kgahle ho latela bonono ba boahi, empa tjheseso e kgolo ho matshwele a phuthehang ya tswala moyo o sa tlwaeleheng wa tebello. Tulo ena e dutse dimaele tse mmalwa thoko le motse, motho a ka re Johanne Mokolobetsi wa mehla ya jwale o ne a bitsetsa phutheho ya hae ntle lefelleng ho utlwa molaetsa wa hae o tswang ho Modimo.

Ho tlatselaetsa dihlophiso tse sa tlwaelwang tse sa kgabang tsena tsa kereke, ho ne ho hlophisitswe lethathama la dialamanse tse tshollelang mathata a tsona a diteretjhara fulurung e batang samenteng ka pel'a kalana e entsweng ka lehlapha-hlapha. Ba omeletseng ditho, ba holofetseng, difofu, le bakudi ba metjhato yohle ba tsholohela ka hare ba nka madulo a bona bona Koung ya Bakudi e ntsegeng e hola.

Moena William Branham le moifo wa hae ho tswa Dinaheng tse Kopaneng ba ne ba fihlile Motse Kapa ka molaetsa o ka nnang wa hhaloswa ka netefatso e kgolo le ya matla a lehodimo le ka mehlolo e hlollang le meeka, kahara diodotoriamo tse majabajaba tsa mehla ena, kapa kahara mehaho ya mabala a bofofiso. Ditaba di ne di se di fuduhi sebaka, hoba bao ba neng ba reketlisitse Johannesburg, Kimberley, Bloemfontein le ditoropo tse ding tse ngata tsa Afrika Borwa ba ne ba fihlile Motse Kapa.

Ho tloha tsatsing la pele feela mehlolo ya qalella ho hlaha ha matla a pentekosta le kganya di ne di tshollwa. Kgobokano ya eketseha hoo ditulo e ne e le leruo, le mehlolo ha hlaha e mengata haholo ho ka ngolwa. Dihole tsa tlola tsa tsamaya; ditholo tsa utlwa ka ho hlaka; mefetshe ya foforeha, matemona a baleha, le dipelo tse tepeletseng tsa matlafatswa hang-hang. Enereha Moena Branham a tlaleha semelo sa lefu la motho ka tshenolo, o ne a sa fose le karolwana feela, tumelo e ile ya phahama mme batho ba fodiswa. Matla a fodisang a ne a tsholohela hodima phutheho mme ho ne ho mpa ho hlokwa tumelo ho phamola se neng se hlokwa, mme se ile sa amohelwa. Makgolo a baetsadibe a kgodiswa ke nnete ya Evangedi mme ba amohela Kreste jwaleka Mopholosi wa bona.

Motse Kapa o no o reketlisitswe ke matla a Modimo, mme hoo hohle ho etsahetse ka matsatsi a mahlano. Ho palangwe dibese kapa ho tsamauwu seterateng, motho o ne a sa phetse ho utlwa moqoqo wa tshebeletso ya Boemaafofane ba Wingfield le mehlolo e hlollang.

Batho ba mmala ba ile ba tshwarelwu ditshebeletso tse ikgethileng, mme dintho tse kgolwanyane tsa etswa hara bona. Matla a fodisang a Modimo a ne a le teng, hoo ba neng ba beana matsoho mme ba lokollwe. Monna e mong ya na a qhwadile ka dilemo tse ngata a etsa qeto ya ho thapolla meomo ya hae e neng e phekotswe. A matha diterateng mme a lelekiswa ke lepolesa le neng le batla tlhaloso. Ntle le pelaelo la e fumana! Ntle le ditshebeletso tsa Parade Ground ka hara toropo, bammala ba ne ba fumana phodiso ya mefuta yohle.

Ha re eso ho bone meeka le mehlolo e mengata hakana pele, kapa bopaki bo bokana ba tshenolo e kgethehileng le matla. Ena ke ketelo ya Modimo, mme hara yona, dipelo tsa rona di hlolohetswe Lehae la rona kwana. Re rapella kgahleho ya

Morena ho romela leqhubu la lehlohonolo Dihlekehlekeng tsa Borithani ka potlako. Pele le fihla, ha re rapeleng, re dumeleng, mme re lokisetse dipelo tsa rona sohle seo Modimo a tla se aba!

—*Redemption Tidings*  
—*Herald of Faith*

Ditholwana tsa dikopano hase pholoso ya moyo feela le phodiso ya mebele empa le tumelo e susumeditsweng ke moporofeta wa Modimo. Mme tumelo ena e na le matla mosebetsing wa lenseswe wa basebetsi ba keneng masimong a Afrika Borwa. Badisa ba bangata le baromuwa ba tlalehile ha ditshebeletso tsa bona tsa lenseswe di hodisitswe ke mosebetsi wa dikopano tsa Branham. Taba ena e hlakiswa ke lengolo le amohetsweng ke Moena Bosworth ho tswa ho moromuwa ya tlalehang ka letsholo le ileng la tshwarwa ka mora ho boela ha Moifo wa Branham Dinaheng tse Kopaneng.

“Ke kgolwa le tla thaba mmoho le rona ka matla a maholo a Morena Jesu a ntseng a tsweletse le rona mona Afrika Borwa. Buka ya hao ekasita le melaetsa ya Pretoria le matsholo a batala mane Orlando ebile tsa maemo a hodimo ho ya ka nna. Hakaalo ke shebile morao dipuisanong tsa sefahleho le sefahleho le thuso e hlahileng dikopanong tseo. Jwale



*Moena Branham le moruti wa motala.*

letsholong la Moroka—pela Orlando—mehlolo e se e latetse theroy a Lentswe ka mokgwa o mosa. Bakudi ba fodile, ditholo tsa utlwa, difofu tsa bona, mme diritsa tsa tsamaya. Ho iswe kganya yohle ho Morena wa rona ya babatsehang! Mono ke diveke tse pedi tse fetileng.

Jwale phirimana ya maobane re ne re betane le sera ntweng e kgolo ka hara ntlo. Mme, ya o tsebileng mehleng ya Sione, o ile a tshwarwa ke tetanuse ka tsela e sa tlwaeleheng. Ditlhaha tsa hae di ne di matahane ka thata nakong eo re rapelang ho fihlela re phunyeletsa hoo a bileng a kgona ho rapela le rona

ka sebele sa hae bakeng sa tokoloho e phethehileng ho tswa mahlabeng a sisimosang. Yaba moo sera se kenang hampe le ho feta pele. Mahlo a hae a phethoha, ditlhaha tsa matahana hampe le ho feta pele ka bohloko bo tlkileng, qetellong a ba a idibana. Ka roma moradi wa rona Eunice ho letsetsa Moena W.F. Mullan ka potlako. A tla hang-hang a siya dijo tsa hae tsa mantsiboya. Ka mora thapelo e kgutshwane a kgalema sera ka Lebitso le matla la Morena Jesu, mme tlholo ya fihlelw! Motsotsa hamorao a phatloha ka mefehelo ya dithoriso, a bua ka dipuo disele; a tabola bandetjhe ya karowlana e neng e amehile mme hang a ema a ba a tshola dijo tsa mantsiboya ka boyena, ha o rata! Re bile le nako e monate-nate haholo ya dithoriso le teboho haele moo mokaubere wona wa sefapano wa dilemo tse mashome a tsheletseng le metso e robong a babaletswe, eo ka dilemo tse mashome a mararo le metso e mmedi e sa le a thunya dithekong tse ka pele a sa phomole. Re lebeletse phomolo e tswang ho Modimo hore mosadi eo e tle e be lehlohonolo dikerekeng tsa lapeng mona. E bile sefika sa kgale sa matla a fodisang a Morena a sa ame moriana ho tloha ka 1907, leha kwana a lwanne dintwa tse ding tse tswileng ka mahetla le sera. O ne a batle a foufala, a holofaditswe ke kotsi ya ho kalla pere, pneumonia ha nne, tshwaetso ya ptomaine ka motjheso o phahameng ka ho fetisia o kileng wa rekotwa mona mme a phela, mme jwale ke tlholo ena e potlakileng. Sohle seo nka se bolelang ke hallelua.

Bo bong ba mathata a tswileng ka mahetla bo fodileng letsholong la Moroka e le ba mosadimoholo ya dilemo tse mashome a robedi e batla e le setholo a bile a batla a foufetse, le lehlakore la hae le letshehadi le shwele. Morena a fodisa ditsebe tsa hae pele, ya ntoo ba mahlo a hae, mme tumelo ha e ntse e toota a laelwa ho phahamisa letsoho la hae ka Lebitso la Morena. La phahama ka potlako ntle le mathata mme nakwana hamorao a tsamaya a sa thuswe ka tsela efe feela. Thoriso!

Taba e nngwe e ileng ya hloholofatsa batala ba ratang bana ka ho ikgetha e ne e le ya mosadi ya apereng hantle mme a thibane tsebe e nngwe a nkile lesea le thibane ditsebe tse pedi. Pele ra rapella mme ka tlholo e tletseng mme ya ntoo ba lesea. Eitse ha le arabela ho thanya ha menwana ya ka ka mora hloho ya lona batho ba sisimoswa ke ho bona mahlwana a lona a iswa ka mona pele a ntoo iswa ka kwana le leka ho utlwisisa lerata. Ho bokwe Morena!

Mosetsana ya ka bang leshome le metso e tsheletseng o ne a thibane ditsebe tse pedi mme a phekolwa. Sera sa kgutla sa kwala tsebe e nngwe. A kgutlela moleng wa thapelo mme ka mora ho kgalema sera a utlwa ho otla ho ho sesane ha tshupanako ya ka ya letsoho. Lehlohonolo lena ya eba la sebele ho batho ba tswang Sekolong sa Bibele sa Witbank ho thusa dikopanong.

Eitseha ke lemoha tumelo ya moshanyana ya ka bang dilemo tse robedi ya na thibane tsebe e le nngwe, ka utlwa Modimo a tla sebetsa ka tsela e tla kgothatsa tumelo ya batho, ka hona ka thiba tsebe e lokileng mme ka botsa, ‘O a nkutlwa na?’ Hlooho ya hae ya riba-riba mme le ‘E’ e malala-a-laotswe ya ipetsa e le lehlohonolo la sebele ho batho. Ho bokwe Morena wa rona Jesu ya makatsang.

Pakeng tsa dikopano tsa thapama le tsa letsatsi la ho getela, ke ne ke phomotse lapeng la moruti (David Mzolo) mme ha kena mosadi ya korobantsweng ke lehlaba la nako e telele, a itshetlehile ka thata ka molamu. Ha ke elellwa tumelo moqoqong wa hae ra sheba ho Modimo ho aba thapelo ya tumelo, re kopa Morena ho mo fodisa ho qala hlohong ho fihla leotong. A etsa yona ntho eo! A tlolaka eka ngwananyana wa sekolo mme a boka Modimo ka ho mo fodisa, hang-hang a thola mme a hweletsa, ‘Ke kgona ho bona ka leihlo la ka le foufetseng.’ Re bile re sa tsebe ha leihlo le foufetse.

Tsena e mpa e le tse mmalwa tsa dintho tse ngata tse entsweng ke matla a Morena Jesu wa rona ya tsohileng. A ke a tlotswe ka tsela e nngwe e kgolwanyane matsholong a tla latela.

Bongata bo ile ba tswela ka pele bosiu ka bosiu ho pholoswa—ka nako tse ding ho kgumame bongata bo bokaalo ka mashome a mahlano le mashome a tsheletseng bo batla pholoso. Monna e mong o pakile a phetse bophelo ba sebe, empa jwale hoo hohle ho fetohile. E mong a re, ‘Jwale ke fumane pelo e ntjha le ditsebe tse ntjha.’ O ne a pholositswe a bile a fodisitswe. Ruri dipelo tsa rona dia phophoma.”

J.S.R.

Nakong ena re ile ra kgannela nqa Port Elizabeth ka tsela e fetang Garden Route. Ena e nkuwa e le tsela e nang le ponahalo e tsotehang lebopong lohle le batsi la Afrika Borwa ke ba bangata. Pela tsela ena ho na le difate tsa dilemo tse fetang sekete di safoha bophahamo ba maoto a lekgolo le mashome a mabedi. Dibaka di mmalwa Afrika moo dipalesa di atlehang ka bongata jwaleka mmileng ona. Lehlakoreng le leng la mmila ke mabopo a matle a futhumetseng a Lewatle la India mme ka lehlakoreng le leng la mmila ke Mokoloko o hlollang wa Dithaba tsa Outenikwa. Karolong ena ya naha ho mela mefuta e fapaneng ya dipalesa. Ha se ka sewelo o kgahlanang le mehaladitwe ya khalla ya boahlamo ba di-intjhi tse robedi.

Letsholo la Port Elizabeth le ile la tshwarwa ho qala ka la 7 Pudungwana ho tswella ka la 11. Kgetlong la pele dikopano di ile tsa tshwarelwya Holong ya Feather Market empa hamorao tsa fetisetswa Lebaleng la Davis. Le mona matshwele e le a maholo ho feta a kileng a bonwa motseng wa Port Elizabeth. Phirima e nngwe Moena Branham a supa monnamoholo

a robetse diphateng. A re ho yena, "Morena o tla o fodisa. Jwale o ka ema, phutha kobo ya hao le diphate tsa hao mme o tsamaye." Monnamoholo a ema a qalella a mena kobo ya hae nakong eo banna ba mmalwa ba Sefapano se Sefubedu, ba neng ba etela dikopano mme ba le malala-a-laotswe ho thusa bakudi, ba tlang ho mo thusa. A phahamissa lentswe a bile a omela nakong eo a reng, "Moena Branham o mpoleletse ho phutha kobo ya ka le diphate tsa ka mme hoo ha ho bolele hore le tshwanetse ho nthusa. Ka baka leo tlohang le tlohele ho ntlhopha."



*Holo Ya Feather Market*

E ne e le ketsahalo e qabolang empa e hlomahanya ntlha e lokelang ho elwa hloko. Ha moporofeta wa Modimo, a bua tlasa Tlolo, a ntsha taelo, ho bohlokwa haholo ho e phethisa ka tshwanelo. Hola Naamane a qwela ha tshelela feela Nokeng ya Jordane a ka be a sa amohela phodiso ya hae. Ke ho phethiswa ha ditaelo tse ntshitsweng ke mohlanka wa Modimo tse mo kgontshitseng ho bona ponahatso e hlakileng ya phodiso ya hae. Ho bile jwalo le ka monna enwa wa Port Elizabeth. O ne a ikanetse ho phethisa ntho yohle eo Moena Branham a na a mo laetse yona e le hore a tle a amohele tshepiso ya phodiso.

Phirimana e nngwe Moena Branham a supa monna ya neng a thatile banteshe sefahlehong sa hae, mme a re ho yena, "Na o ka amohela Kreste jwaleka mophekodi wa hao, ha A ka ntshenolela se phoso ka wena?" Monna a oma ka hlooho, "E." Moena Branham a re, "O na le mofetshe. Phahama, eya hae o be o fole." Eitse ha monna eo a fihla holong phirimana eo, sefahleho sa hae se ne se topile hoo pounama e ka hodimo e neng e leketlile hodima pounama e ka tlase. Ha a tloha holong phirimana eo, boholo ba thuruho keha bo nyametse mme a re tlalehela matsatsi a mmalwa hamorao hore mofetshe o foforehile sefahlehong sa hae, o sa siye mohwabadi wa wona mmeleng wa hae.

Moena Branham a boela a supa e mong wa baoki moleng o kapele mme a re, "Mofumahadi, o kgathaditswe ke motho e mong. Hase ka baka la hao kapa la motho ya leng teng mona bosiung bona. Ke mabapi le mm'ao ya lapeng ka maemo a mabe haholo a pelo. Mooki, o ka ya hae jwale, hoba mm'ao o fodile."

Kgabareng ya tshebeletso ya Sontaha hoseng ka hara Holo ya Feather Market, Leindia le ne le kene moleng wa ho rapellwa. Eitse a sa tobile Moena Branham a bolellwa ha thwe, "Ha o Mokreste empa o dumetse haholo metsotsong ena e mehlano e fetileng ka baka la se hlahileng kalaneng ena ho feta kamoo o kileng wa dumela bophelong ba hao bohole bo fetileng." Monna o ile a oma ka hlooho ya hae. Moena Branham a re, "Nke ke ka kopa Kreste ho ba Mofodisi wa hao pele o Mo amohela jwaleka Mopholosi wa hao le Morena. Ha nka o borella se o tshwereng, o tla amohela Kreste jwaleka Mopholosi le Morena wa hao?" Monna a re, "E." Moena Branham a re, 'O tshwerwe ke daebetise. Ha e le nnete, phahamisa letsoho la hao." Monna o ile a phahamisa letsoho la hae a ntoo laelwa ho ikela le hore ka ho dumela o tla amohela phodiso ya hae.

Phirimana eo ka qoqa le mofumahadi wa Sefapano se Sefubedu ya ntshitseng bopaki ba phodiso ya mmae. A ntoo mpotsa hore ke sa hopola Leindia le fodileng tshebeletsong ya hoseng. E ne e le mongodi wa hae wa poraefete mme a ile a mo kgothaletsa ho etela tshebeletso. Eitse ha a mphethela sena, ka hopola se boletsweng ke Moena Branham horenq ya dijo tsa motsheare. O na a re boleletse hore ha a ne a bona pono ya Leindia le tshwerweng ke daebetise o bile a bona le mofumahadi wa Leyuropa. Leha e ne eka o mmone pele, o ne a sa mo tsebe a bile a sitwa ho kgetholla kamoo a na amana le monna kapa le phodiso ya hae kateng. Erekaha karolo ya pono eo e ne e sa hlaka hantle, a se ke a bua letho ka yona lekgatheng leo. Mantsiboya a Labone le etellang moo pele Moena Branham o ne a supe mofumahadi enwa eo ke qoqileng le yena mme a qoqa le yena ka mmae, ya leng hae a jewa ke pelo. Nakong eo o ne a apere junifomo ya hae. Empa ha a ne

a sebeletsa Leindia mme a bua le lona ka ditshebeletso, keha a apere diaparo tsa tlwaelo. Enwa e ne e le mofumahadi eo Moena Branham a mmoneng ponong a amana le Leindia, a mpa a sitwa ho mo hlokomela, mohlomong kahobane a mmone a apere junifomo ya hae feela.

Ka mora e nngwe ya ditshebeletso ha tla ho nna monna a re o bone lengeloi la Morena le eme hantle ka mora Moena Branham. Ka kopa monna ho le hhalosa ke tle ke tsebe ha eba tlhaloso e tshwana le ya ba neng ba tlalehile pale yona eo. Monna a mpolella hore leo a le boneng le ne le leholo ho Moena Branham ka mokgwa o hlokomelehang, le ne le beotswe mme le apere kobo e tshweu. E ne e le tlhaloso e tshwanang le eo ke e fumaneng ho batho ba bararo e amanang le lengeloi leo ba le boneng kalaneng le ena le Moena Branham. Monna enwa a boela a lokodisa hore eitse ha Moena Branham a otolla diphaka tsa hae mme a rapella batho kaofela ha tsholoha ntho e kang foseforase diphakeng tsa hae. Eka metsi a benyang a rotha molebe matsohong a hae le diphakeng tsa hae. Justus du Plessis, toloko e ka sehlohong mehleng ya ketelo ya Moena Branham Afrika Borwa, o na a mpolele hore hangata ha Moena Branham a na a rapella bakudi o ne a bona seriti fatshe. Ha a hlahloba mabone hantle keha ho se letho le ka bonwang pakeng tsa lebone le fuluru, leha ho le jwalo seriti sena se ne se le teng. A kgolwa ruri hobane sena e ne e le seriti sa lengeloi la Morena.

Ka mora e nngwe ya ditshebeletso ke ile ka bona monna a qhiletsa ka melangwana ya hae ka mokgwa o boima haholo. Ha a tswela ka ntle ho monyako a kgefutsa motsotswana, a inamisa hloho ya hae, a lahla melangwana ya hae a ntoo qalella ho tloha a tsamaya ka mokgwa o phethahetseng wa tlwaelo.

E ne e le Port Elizabeth ha monna a tla a mpolella bosiu bo etellang boo pele hore o ile lapeng ka tekisi, hantle-ntle a swabile kahobane a sa fodiswa. Pelo ya hae e tetebetse e imetswe hobane a ne a kgodisehile haholo hakana ho amohela phodiso ya hae phirimana eo. Eitseha a tswa tekising a elellwa hobane maemo a kgolofalo mmeleng wa hae a nyametse mme a kgonca ho tsamaya ka bottlalo a fodile.

Hoseng hoo ha re tloha Port Elizabeth, Moena Baxter, Moena Branham le Billy Paul ba theohela toropong. Tseng ya bona e kgutlang ka hara bese, Moena Branham a ba bolella ho ena le mosadi ya ntseng a leka ho hokana le yena ka hara bese. A supa mofumahadi ya apereng mose o mosootho a dutse ka pele beseng. Moena Baxter a mo hopotsa ho no ho se mokgwa wa hore mofumahadi a ka be a tsebile ba le kahara bese kahobane a ne a dutse ka pele mme ba ne ba kene le mono mme ba dutse motsheo kwana. Ha ho letho le builweng ka hono ho fihlela mofumahadi a ema mme a tsamaela nqa

motsheo ho bese. A tla ho Moena Branham a mmotsa hore ke Mor. William Branham na. A re, "E, mofumahadi, mme o tshwerwe ke bothata ba bosadi le hlahala. O boetse o na le ngwana ya kulang haholo hae. O ka ya hae jwale mme wa hlaphohelwa, hobane tumelo ya hao e o pholositse." Ka mora mona mofumahadi a retoloha a qalella ho lliswa ke thabo.



*Billy Paul Branham, eo mosa wa hae le tsotello ho batho di mo ratisitseng dipelo tsa batho.*

Ho tswa Port Elizabeth ra qhobel a nqa Grahamstown, motsana o motle le wa sekgalekgale wa Senyesemane. Komisi ya lehae e ne e re boloketse City Hall e dulang batho ba 1200. Batho ba qala ho phutheha ka 7:30 hoseng bakeng sa tshebeletso ya thapama e ne e tla tshwarwa ka 2:30. Pele Moifo wa Branham o fihla komisi ya lehae e ne e batlile ho hloma sebuela hole ka ntle ho City Hall ho kenyaletsa batho ba sa tl'o kgona ho kena ka mohahong. Mohlokomedi a re sena hase hlokahale kaha nalaneng yohle ya Grahamstown ho eso ho tshwarwe tshebeletso ya sedumedi City Hall, kapa hohle feela motseng, moo ho kileng ha hlokwa morero o hodisang mantswe ho bua le batho. Ba makatswa ke ho bona letshwele le tlatsa mohaho mme ka ntle ho eme makgolo.

Ho bile le diphodiso tse ngata dikopanong tse pedi tse tshwaretsweng Grahamstown empa ha ba le diketsahalo tse tharo tseo ke batlang ho hulela maikutlo a hao ho tsona. E nngwe e ne e amana le monna ya hodileng ya na a kginnwe ke setulo sa bakudi. Bopaki ba hae bo kenyaleditswe kgaolong e kgethetsweng bopaki. Moena Branham o ile a mo supa le ho mmolella a fodile le hobane a ka ema. Monna a ema. Kamorao ka qoqa le yena mme ka mmotsa o qetetse neng ho tsamaya. A mpolella a eso ho tsamaye ka dilemo tse pedi ho fihlela phirimana eo.

Moena Branham a boela a supa mofumahadi. A re, "O tshwerwe ke T.B. Ema mme o amohele phodiso ya hao." Mofumahadi ha a ka a sisinyeha. A re, "Ema. Kreste a ka o pholosa. Ema mme o amohele phodiso ya hao." Le teng karabelo ya hloka hala. Yaba Moena Branham o retolohela ho

motho e mong eo a boneng pono ya hae. E ne e le mosadi e mong ya robetseng hodima moalo. A re ho yena, "Mofumahadi, esale o tshwarwa ke maemo a mabe a pelo. O ke ke wa phela halelele ha Kreste a sa o pholose. Ha o ka ema wa e amohela, Kreste o tla o pholosa." Mofumahadi a ema mme hamorao ra fumana bopaki ba hore o ntse a phela hantle. Ke batla ho kgutlisetsa maikutlo a hao ho mofumahadi wa pele, ya sa kang a ema ha Moena Branham a mo kgothaletsa ho ema. Ha re eso utlwe hore o amohetse phodiso ya hae. Ho a belaetsa hore o e amohetse kahobane a sa etsa kamoo moporofeta wa Modimo a mo laetseng ho etsa.



*Moena Bosworth mabopong a Noka  
ya Lekwa.*

E ne e le ka mora tshebeletso ya mantsiboya ha Moena Branham, Moena Baxter le Billy Paul ba tloha odotoriamong ha mofumahadi e mong a tla ho nna le Moena Bosworth ba leng motsheo ho kalana. O ne a tataisa moshanyana wa dilemo tse ka supang. A re ho Moena Bosworth, "Ke a tseba o ke ke wa rapella e motho e mong le e mong, empa na o ke ke wa rapella moshanyana wa ka hle?" A hlalosa hobane esale le tswalong mora wa hae a sa bone hantle. A sa kgone ho bopa setshwantsho sa motho ha a eme maoto a mararo ho tloha ho yena. Ntho efe feela e tlolang maoto a mane kapa a mahlano ka bohole a sitwa ho e kgetholla. Moena Bosworth a rapella moshanyana a ntso laela mme ho tsamaela kwana khoneng e hole, maoto a ka bang mashome a mararo ho tloha moo re neng re le teng. A mo laela ho ema mono a ngotlike mohwasa re sa hlahloba ho bona ha eba pono ya moshanyana e fela e ntlafetse. Yaba Moena Bosworth o laela moshanyana ho ya ho mmae. Hang a qala a tsamaela nqa motsheo ho kalana a tobile mmae hantle. Mme a lliswa ke dikeledi tsa thabo, hoba ha ho mohla moshanyana a kileng a kgona ho kgetholla yena kapa motho ya bohole bo fetang maoto a mararo kapa a mane. Teko ena ya phethwa makgetlo a mmalwa. Moshanyana a tiisa hobane mahlo a hae

a ntlaufetse ho feta a re o bona mmae hole kwana ho phaposi. O ne a thabile mme ka pososelo sefahlehong sa hae a re, "Ke a o bona, mme." E ne e le ponahatso e nngwe ya matla a tumelo.

Dikopano tsa East London tsa tshwarwa ho qala ka Pudungwana 14 ho tswella ka la 18, Mabaleng a Border Rugby Union, sona feela sebaka se ne se kgona ho tshela matshwele East London. Palohare ya baeti e ne e tsamaela ho 6,000 mme bosiung ba ho qetela ha re ne re le mono matshwele a lekanyetswa mohlomong ho 15,000. East London ke ntlokgolo ya Moena Bhengu, e mong wa bareri ba tswileng ka mahetla ba Afrika Borwa. O tshwaeditse batho bao e seng Mayuropa haholo karolong ena ya Afrika Borwa. Ka boellwa ke diofisiri tse ding tsa sepolesa hore ka mora hoba Moena Bhengu a fihle motseng wa bona, bonokwane hara bao e seng Mayuropa bo theohile ka 30% dikgweding tse tsheletseng tsa pele.

Mantsiboya a rona a pele East London moyo o no o foka ka matla qalong ya tshebeletso. Eitse feela ha Moena Branham a hlwella kalana, moyo wa kokobela mme ha kgutsa. Taba ena e bile ya tlalehwa ho *Daily Dispatch* tsatsi le hlahlamang mme kopi ya sekgetjhana seo e boetse e hlahisitswe mona.

Labohlano le latelang ra hlachelwa ke boiphihlelo bo tshwanang ka pula. Yaka tshebeletso e tla phumulwa. Empa yare ha Moena Branham a fihla mabaleng, pula ya emisa mme mahodimo keha a hlakile metsotsong e mmalwa. Ya boela ya ipheta Sontaha bosiu ha re hlahisetswa ponahatso ya mokgalo o tshwanang le se etsahetseng Laboraro mantsiboya.

Kgabareng ya tshebeletso e tshwaretsweng batala, Moena Branham a supa mohlankanyana le ho mmolella hobane o tswa kokelong mme o tshwerwe ke T.B.

Yaba o bua le monna ya dutseng pela hae a re le yena o tshwerwe ke T.B. Hase moo Moena Branham a se a supa ba bahlano ba bona hantle mono ka letoto, e mong le e mong a tshwerwe ke T.B. ya maemo a mabe. Yaba o ba borella hore ha ba ka tswela pele ba dumela, Modimo o tla ba pholosa ka bottlalo. Ka bua le bona ka morao ho tshebeletso ka ba ka ba katlatsa setshwatsho. Ba mpolella bohle ba tswa Isolation Hospital ya East London.

Yare re sa qhoba ho tloha East London ho ya Durban, Moena Branham a hlachelwa ke pono ya ntlo ya motala hodima leralla le itseng. Ha ba ntse ba tswela pele tseleng ya bona, a bona leralla lena le ntlo ena ya motala. A kopa mokganni ho emisa. Ha ba ntse ba tsamaya ba e tobile, Moena Branham a

# DIKETE DI PHUTHEHA HO UTLWA BRANHAM A BUA

## Ha Ho Phodiso Tshebeletsong Ya Pele

Meya e bobolang e hlabant masapo e ne e hlafaditse mmoka o shatamaneng hodima Mabala a Rakebi a Border Union moo maobane ho neng ho hatellane matshweli a emetseng ho fihla ha William Branham, moetapele wa Boevangedi ba Branham le wa Letsholo la Komiti ya Phodiso ya Mohlolo.

Lefifi le takilwe ditsenene ke methwaelwa ya masedi a mabone a ntshetsang dibopeho tse itsophileng ka thata ka dikobo hodima diterchara letsoho le seholo la bolekane. Ho boetse ho adilwe mealo. Hodima o mong ho robetse ngwana ya sefahleho se motshopho, ya mahlo a maholo mme hodima o mong ke mosetsana

eo menwana ya hae e masapo e fupereng masela e sa a tlohele. Mela e mengata ya madulo e omelwa ka ditulo tse ngata-ngata tsa bakudi.

Kalana ya nakwana, e makukuno, e apesitweng seile, e dudisitse lethala la ditulo, dimaeke le sefala. Tshebeletsong e butsweke moena ya eteletseng mmokaka sefela, "Lefikeng O Bolokehile," se ileng sa rafolelwa hodimo sa nto kokobela se nyamella hara moyo o kakasitseng phoka. Lesea le hlaba seboko, hojana kwana ho ngaya lekodilo la koloi ya bakudi. Moena Baxter, moreri wa mo-Canada, o ile a hlwella sefala mme batho ba letileng ba fuduhuwa ke tebello. A ba tlalehela ka tsa bosebeletsi ba Letsholo lena, a bua ka Tshebeletso ya Boromuwa ya Boapostola (Apostolic Faith Mission), a boela a bua ka diphihlello tsa William Branham.

### BRANHAM O A FIHLA

Yaba ho latela kgutso ya motsotswana, mme ha hweshetswa ho thwe monna enwa, ya tlalehwang lengelo le ipontshitse yena dilemeng tse hlano tse fetileng le mo laela ho isa neo ya phodiso bathong ba lefatshe, a fihlile ditsheng, mme o se a tla hlwella sefala.

A fihla. Moya wa kokobela.

Yaba kgutso e kgolo e aparela kopano. Ke monna

e monyenyan ka seemo.  
Ha se kgeleke, empa feela,  
ke sebui se buduletswang.  
O bua ho tswa botebong ba  
moya wa hae mme mabapi le  
botshepehi ba hae kgang ha  
e yo. Mme eka matla a hae  
wohle ke botshepehi ba hae  
bo tebileng.

Moena Branham ha a itlaleha a kgona ho hlakisa bonono ba phodiso. Kwana, o ipoletse, e le lefisi le kgethilweng ke Modimo ho fodisa. Empa ba dumetseng ho Jesu Kreste a nnotsi, ba dumetseng A shwele hore ba tle ba phele, ba dumetseng ba ttle, ba amohetse, hore ba hlile ba fodile dilemo tse 1900 tse fetileng, ke bona feila ka folang.

Tshebeletsong ena ya pele ha a tshwarane le phodiso, o boleste jwalo, o mpa a nea phutheho e mabaleng monyeta ho tadimissa kahara dipelo tsa bona, le ho amohela lentswe, le ho kgutla hosasane mohla a ikgodisitseng hobane leshe la Modimo le tla abjwa, mme bongata bo holofetseng, le ba shweleng ditho le difofu, ba tla tsamaya ba bone, ha feela ba amohela lentswe. Tshebeletsong e kwetswe ka thapelo e eteletswang ke Moena Branham.



Foto ka Howard Shaw



Foto ka Howard Shaw

*Mahlo a hae a kile a pelekana,  
empa jwale a otlolohile.*

*Monwana o motona wa mosetsana o hlahile ka potlako seatleng sa hae. Re boleletswe hore ba sitilwe ho etsa oporeishene hobane metso le methapo ya madi e haola e tloha monwaneng o motona ho ya seatleng sa hae. Ke hore, monwana o motona e ne e le karolo ya seatla sa hae. Yare Moena Branham a sa tsamaisa tshebeletso ya phodiso mantsiboya a mang mane East London o ile a phehella ka tumelo, hantle moo a na a duse teng, mme a tseka phodiso ya hae. Kamora tshebeletso, a re bontsha letsoho la hae le phethahetseng le boetse setlwaeing.*

supa ntlo eo, e le hara tse ding tse tshwanang le yona. A re ka hara yona ba tla fumana hodima moalo ho robetse mosadi wa motala a kula haholo a jewa ke T.B. Mofumahadi enwa e tla be e le Mokreste mme o tla be a kgona ho bua Senyesemane. Eitse ha ba hata ba kena ka tlung, mofumahadi wa motala o ne a robetse hodima moalo jwaloka ha Moena Branham a hhalositse. A re esale a rapella phodiso le hore Morena o ne a tshepisitse hore O tla mo romella moporofeta ya tswang naheng esele ho mo rapella mme o tla fodiswa.


Ha re ntse re iphaphithile le lebopo la Afrika Borwa le ka borwabotjhabela e bile monyetla wa rona ho feta le ho etela ditsha tse ding tsa batala. Hohle moo re ne re emisa le ho qoqa le batala ra ba fumana e le batho ba mosa ba amohelehang.

Bongata ba batala bo ne bo kgona ho bua dipuo tse nne kapa tse hlano tsa morabe mme ho ne ho sa makatse ho fumana a le mong ya kgonang ho bua Senyesemane. Ra kgahlwa haholo ke ntlha ya hore kamehla batho bana ba ne ba bonahala ba thabile. Le ka mohla ba ne ba sa potlaka mme kamehla ba



Foto ka Howard Shaw

*Moena Branham o sebeletsa batala.*



*Tshebeleto ya batala East London.*



*Ho phatlalatsa ho ile ha putsa.*

ikemiseditse ho bososela le rona ha re ba nka setshwantsho. Ha re a fumana motho le a mong ya lekgonono ho sebetsa le rona ho katlatsa foto kapa ho re phetela ka difaha tsa bona, mesebetsi e fapaneng ya bona ya bonono kapa mokgwa wa bona wa bophelo. Durban ke motse o motle. Moya o arubeditswe ke menkwane ya makgolo a dipalesa tse hlaha tsa mefuta le tsa lehae tse rekiswang mebarakeng ya dipalesa. Ho fumanwa mabopo a tummeng a lewatle lefatsheng. E boetse ke lehae la bashanyana ba mebalabala ba boricha. Ho boela, hape, ho ena le Maraka wa Maindia, sebaka seo Botjhabelo le Bophirima di kopanelang teng. Motho o iphumana a kene moyeng wa selehae wa Botjhabelo, hoba ka hare le ka



*Banna ba bahlano ba supilweng ke  
Moena Branham ba tswa Isolation Hospital.*



*Moena Branham le batala ba babedi pela East London.*

mathoko ho Durban ho na le Maindia a ka bang 200,000, a neng a thotelwe kwano a tswa Asia e le makgoba a tla sebetsa merafong. Maiteko wohle a ho sutela menahano ya bophirima ho batho bana a padile mme ba phela jwalo ka ha bontata bona ba phetse dilemong tse makgolo. Ho fumanwa bobetli ba sekgale bo kgahlang le mesebetsi e meng ya matsoho. Basadi ba Maindia ba apara silika ya sarisi, athe boholo ba banna ba Maindia ba rwala dikatiba tse kgubedu hlohung. Motse wa Durban o boela o tshwaetswa ke setjhaba sa Mayuropa a ka etsang 130,000 le setjhaba sa batala ba 110,000.

Dikopano tse tswileng ka mahetla letsholong lohle la Afrika Borwa di ne di tshwaretswe Durban, Lebopong la Miami ya Afrika Borwa, moo ditshebeletso di ne di laotswe ho qala ka la 21 ho tswella ka la 25 Pudungwana. Tse ding tsa ditshebeletso tsa tshwarelw City Hall, tse ding tsa tshwarelw Lekoteng la Greyville.

Tshebeletso ya pulo phirimana ya Laboraro, e ne e tshwaretswe City Hall, mme e mong a tlisa mora wa hae ya dilemo tse leshome le motso o le mong ka setulon sa bakudi. A siya moshanyana wa hae ka pele setulong sa hae sa bakudi moo ho bokaneng bakudi bohole yaba o itulela motsheo kwana. Eitse ha Moena Branham a rapella batho bohole ba kulang pheletsong ya tshebeletso, moshanyana a ema. Mme a lekanya hobane motho e mong o mo tshwere o mo emisitse. Eitse ha ba tswela ka ntle, a botsa ka yena mme a fumana hobane moshanyana o ikemisitse a sa ka a thuswa ke letho. A re ho yena e re ka ha a kgona ho ikemisa, mohlomong a ka kgona ho tsamaya. A mo laela ho tswa setulong sa bakudi le ho leka. A etsa jwalo mme a kgona ho tsamaya, kgetlo la pele dilemong tse mmalwa.

E ka ba batho ba 20,000 ba neng ba etetse kopano ya thapama ya Labone Lekoteng la Greyville. Moena Bosworth o ile a tlisa molaetsa wa pholoso ya motho. Dikete tsa ema ho supa takatso ya tsona ho amohela Jesu Kreste jwaleka Mopholosi wa bona le Morena.



Foto ka Lynn Acutt

*Batho, ba sa kgoneng ho kena Durban City Hall, ba ile ba ema  
City Gardens mme ba mamela tshebeletso ka dibuela-hole.*

Hoba a rere molaetsa wa hae wa pholoso ya motho, Moena Bosworth a bua le bona metsotso e mmalwa ka dinnete tsa phodiso ya Kgalalelo. A ntoo ba rapella le ho ba kgothaletsa ho lwanelo phodiso eo Kreste a e rekileng mohla A lefang moputso wa sebe. Metsotsong e mmalwa keha batho ba bahlano ba fapaneng, bohole ba sa kang ba kgora ho tsamaya ka dilemo,



*Ditho tse ding tsa St. John Ambulance Brigade tse ithaopileng ho thusa.*

ba nyoloha mme ba paka ka phodiso ya bona. Ba bang ba bona e le bana ba sa kang ba kgona ho tsamaya hantle le ka mohla, e mong e le mofumahadi e sa le a dula setulong sa bakudi dilemo tse hlano. Moromuwa ya bitswang Modisa Brown o tlalehile ka pela hae hantle ho no ho dutse ditholo tse nne tse semumu. Ba sa ka ba kgona ho utlwa letho ka tshebeletsong empa yare ha ba bona batho ba bahlano bana ba ema ditulong tsa bona tsa bakudi mme ba tsamaya, ba bang ba bona ba boetse setlwaeding ka bottlalo, ba bang ba bona ba ntse ba lwana ba dumela Modimo ho ba lwela ka bottlalo, mohlomong ba elellwa hobane Modimo o no o fodisa batho mme ka baka leo e ne e le nako ya bona ya ho tseka phodiso ya bona. Kwana, e leng hore ba fihletse qeto efe ba sa dutse mono, ba sa utlwe ba mpa ba bona seo Modimo a se etsang, Modimo o ile wa busetsa kutlo ya bona. Kgetlo la pele maphelong a bona ba ile ba utlwa medumo. Modisa Brown a mphetela a eso bone motho ya thabileng jwalo ka banna ba bane bana ha ba elellwa hore ba utlwa.

Labohlano Moena Branham o na a theohile ho ya reka para ya diphatjhaphatjha. Ha a kena levenkeleng la dieta la Cuthberts, a atamelwa ke tlelereke e ileng ya mo tseba. Tlelereke ya supa monna, lekgatheng leo a tswela ka ntle ho levenkele, o na a tile mme a rekile para ya hae ya dieta tsa pele dilemong tse mashome a mabedi. Maoto a hae a ne a holofetse hona a sa kgone ho rwala dieta. Phirimana ya tshebeletso ya pele mono Durban ha Moena Branham a rapella batho bohle, monna enwa o ile a fola mme jwale maoto a hae a ne a boetse setlwaeding.

Ke o boleletse pele ka batho ba re tlalehetseng ba bone lengeloi la Morena kalaneng le Moena Branham. Ke amohetse lengolo leo ke ratang ho o qotsetsa karolwana ya lona ha re sa le Durban.

“E se e le nakwana ke rapela Modimo ho ntumella ho bona lengeloi la Morena, Moena Branham a sa etetse Durban. Bosiu ba Labone, la 22 Pudungwana, ke ne ke etetse kopano e kgolo eo, haholo e tshwaretswe bao e sang Mayuropa, Lekoteng la Greyville. Hoba Moena Branham a qete nakwana kalaneng, ka hlokomela seemo se totobetseng sa monna e mong ya emeng hantle ka mora Moena Branham. Seemo sena se bile sa ipha sebopoho sa lesedi le kganyang. Monna enwa a batla a le seemo se phahameng ho feta Moena Branham. Ka batla ho etsa bonneta ba hore hase kgopolotaba ya kelello ka baka leo ka tsepamisa mahlo a ka hodima Moena Branham ka thata. Ke ile ka senolelwaa sebopoho sena hararo. Ntle le mona, ka boela ka fuwa monyetla wa ho bona, ha Moena Branham a phahamisa letsoho la hae ha a ntse a rera, mokedikedi o kang foseforase (o kganyang haholo), o ne o rotha letsohong la hae le sephakeng.

Ka kgotsofala hore Modimo o arabetse dithapelo tsa ka. Ho bokwe Modimo ka Moena Branham, moporofeta ya romilweng ke Modimo.” O.C.

Tsatsi la rona la ho qetela Durban e ne e le Sontaha, Pudungwana 25, letsatsi leo re sa tlo le lebala. Tsatsi lena le tshwanetse ho ngolwa ka mongolo o mofubedu, hoba e ne e le letsatsi la mongolo o mofubedu ho batho ba dikete ka hare le ka mathoko ho Durban esita le ho ditho tsa Moifo wa Branham.

Diketsahalo tsa letsatsi leo di qadile ka 6 hoseng ha diashara di fihla mosebetsing Lekoteng la Greyville. Batho ba se ba phuthehile monyako ho qala ka hora ya bone mesong mme ha diashara di fihla tsa fumana batho ba le bangata hoo ba sitlweng ho laola letshwele. Letsehareng ha ba le diofisiri tsa sepolesa tse fetang mashome a supileng le metso e mehlano




Foto ka Lynn Acutt

*Ditho tse pedi tsa ba mashome a supileng a metso e mehlano tsa ba  
Sepolesa sa Afrika Borwa ba laotseng matshwele Lekoteng la Greyville.*

mosebetsing mme ba kopa Active Civilian Force ho thusa ho laola letshwele. Jwaleka ha ke boletse pele, Sepolesa sa Afrika Borwa se ne se ena le hlompho, se phethehile mosebetsing, se le mosa mme kamehla se tletse thuso.

Moena F.F Bosworth, moholo wa tshebeletso ya phodiso ya Kgalalelo, o ile a tsamaisa tshebeletso ya hoseng. Ha a fihla a bona ho phuthehile letshwele le leholo ka ho fetiisa leo a kileng a le bona le phuthehetse tshebeletso ya sedumedi dilemong tse mashome a mane le ho hong kathoko tsa tshebetso ya hae. A

tlietsa batho molaetsa o buduletsweng ka Kgalalelo mabapi le dinnete tsa phodiso ya Kgalalelo a ba a hhalosa le neo eo Modimo a e fileng William Branham. Boholo ba katileho ya ditshebeletso bo hlahisitswe ke motheo o hahilweng dipelong tsa batho ke bokgoni ba F.F. Bosworth mabapi le dinnete tsa Bibele tsa phodiso ya Kgalalelo le neo e sa tlwaelehang e sebetsang ka Moena William Branham.

Ka mora thupello ya Bibele malebana le temana ena, a biletsha batho ba mmalwa kalaneng ho tle ho bonahatswe seo a ba rutileng sona. A kopa ba neng ba entswe oporeishene tsebeng e le nngwe; tsebe e nngwe e ne e tlamehile ho ba e itekanetseng, hoo motho a ne a kgona ho utlwa Lentswe la Modimo, mme ka ho utlwa Lentswe la Modimo a fuwe tumelo. “Tumelo e tla ka kutlo, mme kutlo ka Lentswe la Modimo,” Baroma 10:17. Ho ba le tumelo, eka kgona motho a be le ntho eo a hahang tumelo hodima yona. Hoba ho lekwe kutlo ya mathata a pele a mararo ao Moena Bosworth a na a rapeletse, ra fumana e mong le e mong wa bona a kgona ho utlwa ka tsebe tsa bona tse ne di sa utlwe. Ba ne ba fumane moropa o motjha wa tsebe ka matla a bopang a Modimo. Hoba a rapelle motho wa bone, re ile ra hlahloba kutlo ya hae ka mokgwa o tshwanang ra mpa ra mo fumana a sa utlwe. Ra fihlelwa ke maikutlo a hoba monna ha a utlwa molaetsa kapa tshepis o tsa Modimo, mme ka baka leo o ne a se na tumelo. Ena e bile pontsho ya hobane ho bohlokwa ho utlwa le ho dumela Lentswe.

Pele Moena Branham a fihla tshebeletsong ya thapama, Moena Ern Baxter o ile a rera molaetsa, ka mokgwa wa hae o utlisiswang ha bonolo o mpa o hlakile, a hhalosa leano le babatsehang la Modimo la pholoso ya motho. Ka mora ho toboketsa nneta ya hobane pholoso ena e rekilwe ka theko e thata le hore ha ba batla ho fola molemo o feletseng ho yona ba tla lokela ho nehela maphelo a bona ho Yena jwaloka ha Kreste le yena a nehelane ka bophelo ba Hae sebakeng sa bona, a kopa ba batlang ho ba Bakreste ho ema. Ba ema ka dikete. Batho ba ema ka maoto hohle. Batho ba dibakeng tsa Mayuropa le bao e seng Mayuropa ba bontsha ka ho tshwana tabatabelo e kgolo ya ho amohela Jesu Kreste jwaleka Mopholosi wa bona le Morena. Ebile Moena Baxter o sokolohela ho rona ba dutseng kalaneng eka o re, “Ba tshwanetse ba be ba nkutlwile ka phoso. Ho ne ho ke ke ha ba le dikete tsena tsohle tse batlang ho ba Bakreste.” Hoba ho hhaloswe bohlokwa ba kgato ya bona a kopa ba batlang ho ba Bakreste ho phahamisa matsoho a bona. Pono eo re eso e bone pele. Kgabareng ya ditshebeletso tse tharo tsa letsatsi leo baruti ba selehae ba lekantse ho ile ha ema batho ba fetang dikete tse mashome a mararo ba paka takatso ya bona ho amohela Jesu Kreste jwale ka Morena le Mopholosi wa bona.

# Bedridden Woman Walks At Evangelist's Command

A DURBAN woman who had been bedridden for the past 10 months, rose up from a camp bed in the Durban City Hall last night where she had been taken to hear the American evangelist, the Rev. William Branham, and declared: "I feel as if I were two years old."

The Rev. Mr. Branham after a succession of people had come on to the stage to receive God's blessing suddenly turned to Mrs. J. A. Naude, of Blythswood Road and said: "You, Madam, have been suffering from internal trouble, but you are now cured—get up off that bed."

Mrs. Naude immediately rose to her feet, swayed a little and then walked to the end of the bed where her husband and daughter looked on in amazement.

Mr. Naude told a "Mercury" reporter that he had had a succession of doctors attending to his wife and they had told him that nothing could be done for her. He had spent his savings trying to make her well.

Pastor J. F. Wooderson, of Durban, said he had visited Mrs. Naude about a month ago at her home in response to Mr. Naude's request that he should go and pray for his wife.

Another young man was told that he had been cured of tuberculosis and he admitted that he felt much better after he had received the evangelist's blessing.

The City Hall was packed, while thousands more people stood outside in the pouring rain listening to the service which was relayed through loudspeakers.

Another woman from Sydenham who admitted that she had cancer and only a short time to live was cured after the Rev. Mr. Branham told by the Rev. Mr. Branham she had been bedridden for 10 months with internal trouble.

that she had been cured. First of all the evangelist diagnosed her complaint after she had confirmed that they were complete strangers and then, taking her hand in his, he pointed out to her that her disease had manifested itself in his own hand, which had become swollen.

He told her that if her disease could be cured his hand would become normal. There was a hushed silence as the Rev. Mr. Branham prayed fervently for several minutes and the woman closed her eyes. When they both looked at his hand it was normal; the woman left the stage sobbing with relief.

Another young man was told that he had been cured of tuberculosis and he admitted that he had received the evangelist's blessing.

The City Hall was packed, while thousands more people stood outside in the pouring rain listening to the service which was relayed through loudspeakers.

People came on stretchers, in wheel-chairs and on foot. Some blind, others crippled and some

mentally ill, all hoping that something in the nature of a miracle might be achieved.

ANXIOUS RELATIVES

Nurses and first-aid men and anxious relatives ministered to their charges while the four-hour service was in progress.

All over the hall, as the tension mounted, women and even some men broke down and wept. Early yesterday morning people were queuing outside the City Hall in the hope of obtaining seats. In the afternoon there was a service at which the Rev. W. J. Eern Baxter was the principal speaker, as he was again in the evening.

Dik gephethjana  
tsa masedi a ditaba  
tse malebana le  
dikopano tsa Durban  
di qoisiisse ho Natal

Mercury, Durban.



MRS. J. A. NAUDE, of Blythswood Road, Durban, was brought in to the Durban City Hall on this stretcher which she is holding. She picked it up after the American evangelist, the Rev. William Branham, told her last night that she was cured after she had been bedridden for 10 months with internal trouble.



Mof. J.A. NAUDE, wa Blythswood Road, Durban, maobane o qetile letshehare le thotseng, haholo a phomotse, hoba a phekolwe Laboraro bosiu ke Mmoledi wa Amerika, Mor. William Branham. Kamora ho robala dikgwedi tse 10 diphateng, o mo laetse ho theoha moalang wa hae le ho tsamaya. Eitseha ha raditshwantsho wa "Mercury" a fihla maobane o fumane Mof. Naude a ntse a hlophisa dipalesa, nakong eo moradi wa hae, Anne ya dilemo di robong, a shebileng, a thabetse ho kgutlela ha mmae bophelong bo botle.

# Rises From Spinal Cast At Words Of Evangelist

A DURBAN woman who had not walked for four months rose from a plaster spinal cast and, supported by helpers, walked shakily across the City Hall stage last night after the Rev. William Branham had weakly spoken the words: "I have prayed for you. Go — you are cured." The woman, Mrs. M. M. van Niekerk, of Wentworth, has been in hospital for more than four months with spinal tuberculosis.

The City Hall was packed, and an overflow estimated at 3,000 people crowded the city gardens to hear Mr. Branham's words through loudspeakers.

An elderly man in the audience, whose disease—Mr. Branham diagnosed as arthritis, was told to rise. He did—and the pain he once felt he felt no more.

"The lady next to you," Mr. Branham went on, "is your wife. And you, Madam, also suffer with arthritis. Rise—You are healed." Another woman, Mrs. E. Faath of Fynmead, rushed to the stage with an eight-year-old girl, who, she claimed, had had a squint. Her eyes had become perfectly normal.

Scores of people whom, it is said, doctors had given up for lost, clambered on to the stage, declaring that they were no longer ill. "I lost my job because I had tuberculosis," said one. "Tomorrow I shall look for another job."

# Cripples Rise From Chairs And Walk

SCENES of mass-healing of cripples and stretcher cases getting up from wheel-chairs and beds and walking, followed a prayer by an American evangelist, the Rev. William Branham, before many thousands

at the Greyville Racecourse, Durban, last night.

Mr. Branham, who exhorted all cripples, sick, deaf and dumb people to be healed, was led from the platform sobbing and supported by two helpers.

After he made his appeal one small boy, sitting in a wheelchair, staggered to his feet and, with the support of two men, walked towards the platform.

One after another others followed until a huge crowd surged forward; crippled women and children threw down crutches and leg-irons; mothers wept as

children took a few steps, for some the first in their lives.

A Native rushed forward with his boy, who, he said, had had a twisted foot and body. "I was crying," he told "The Natal Mercury," "when I saw my boy's foot was straight; it was flat. He is

whole."

An Indian boy went up to the stage and gave up his crutches and urged the cripples to walk

and the sick to be healed. On the other hand scores of people, mostly non-Europeans, flocked to the platform to testify cures.

In the background stood little Native girls on crutches, people with twisted bodies—smiling for the recovery of others, yet weeping because they had not been so fortunate.

Earlier Mr. Branham dealt with a 17-year-old Indian boy who had been deaf and dumb from birth.

One Indian girl, a tuberculous and meningitis case, had been let out of hospital yesterday morning to attend the service. She was supposed to have gone back but she had not. Instead she went away, healed (she said) with her parents.

A cancer case who had not walked for nine months came to the service on a stretcher, got up on Mr. Branham's exhortation, and took away her stretcher. An Indian who had had a "locked" ankle for six months told "The Natal Mercury" that he was healed. He had come in the afternoon, he said, with his ankle stiff and immovable. He could now move it easily.

Men were praying over stretchers in cases where patients had not been healed. They prayed

over stretchers in cases where patients were cheering as they heard him say: "I am healed."

The Rev. E. C. Dennis (45), of 368a Flower Road, Clairwood, stood on the platform at Greyville, blocking his left ear. He had not heard with his right ear since he was seven.

Another Evangelist, the Rev. F. F. Bosworth, whispered into his right ear, and Mr. Dennis repeated combinations of numbers over a microphone. The crowd, mostly Natives and Indians, cheered as they heard

him say: "I am healed."

Pele tshebeletso ya thapama e qala, ditlaleho tsa ba fodileng tshebeletsong ya hoseng tsa kena. Hase ntho e ka etswang ho lokodisa diketso tse ngata tsa diphodiso tse ikgethang tsa letsatsi leo tse hlahileng Durban. Enere ha Moena Branham a bona dipono tsa phodiso a supe batho a ba bolella hobane ba fodile. Ha ba le batho ba hatang ba tswa ditulong tsa bona tsa bakudi mme ba tsamaya, ba bang kgetlo la pele dilemong tse ngata. Ha ba ha bososela ditholo le dimumu mme tsa etsa medumo ka melomo kaha ba ne ba kgona ho utlwa kgetlo la pele maphelong a bona. Ha ba le bana ba banyenyane ba sa utlwisiseng ntho yohile empa hajwale ba ne ba kgona ho tsamaya ka mokgwa o eso ho etsahale pele.

Ruri lena e ne e le letsatsi le leholo la letsoso la moya ka hara motse wa Durban. Ho latela sepolesa batho ba ka etsang dikete tse mashome a mahlano le metso e mehlano ho isa ho tse mashome a tsheletseng ba ne ba tlide ho utlwa Evangedi ha ho tlatseletswa ka dikete tse leshome le metso e mehlano tse kgutlisitsweng menyako ka ho hloka sebaka lekoteng le leholohadi le letle ka ho fetisia Afrika Borwa. Modimo o no o buile le dipelo tse dikete-kete mme wa ba ntsha ho tla utlwa Evangedi le ho amohela phodiso ya moya le ya mmele.

Leseding la Pherekong—la Hlakola “Standard Bearer,” le phatlaladitsweng ka hara Durban, re fumana ditlaleho tse tswang ho baruti ba bararo ba lehae. Ditlaleho tsena ha di take setshwantsho se setle feela sa dikopano tsa Durban empa le tjhebahalo e akaretsang ya letsholo lohole.

## KETELO E KGOLO YA AFRIKA BORWA

*Ka Moruti A.H. Cooper, Modulasetulo,*

*Komisi ya Branham ya Durban*

Mohla Mor. Wm. Branham le batlatsti-mmoho, Mor. W.J. Ern Baxter le Mor. F.F. Bosworth, ba neng ba qala Matsholo a bona a Phodiso ya Kgalalelo Afrika Borwa, ka la 4 Mphalane, hase batho ba bangata ba ne ba lebeletse hlanamiso e kana ya moya e letetseng tshebetso ya bona ya ther. Ruri, Morena o no o entse tse kgolo tse tlodisang tse fetisisang kopo tsa rona le mohopolo.

Dikopano tse jwalo ha di eso ho tshwarwe naheng ena pele. Maphelo a mangata hakana ha a eso ho atametswe ho Modimo pele kapa ho fetolwa ka nako e kgutshwane ha kana. Diponahatso tse kana tsa pholoso ya Modimo le matla a phodiso ha di eso ho bonwe pele, mme batho ba kgodisehile hore kgahlamelo e matla ya moya ya matsholo a bona e tla tswella ka ho sa yeng kae.

Tshebetso ya mehlolo e ne e totobetse matsholong wohle. Ho boloka direkoto tsa batho ba fodileng e ne e le taba e hole, empa makgolo-kgolo a ile a utlwa matla a fodisang a Kreste, mme a romela bopaki ba bona. Bongata ba utlwa phodiso ba sa ka ba angwa ke motho.

Letsholo le leng le le leng, le etetsweng ke dikete tsa dikete, la tlodisa ditebello tse phahameng ka ho fetisa tsa batho ba metse e fapaneng e etetsweng. Batho ba 10,000 kapa ho feta ba ne ba etela ditshebeletso tsa Johannesburg bosiu ka bosiu mane Maranatha Park. Motseng o mong le o mong diholo tse kgolohadi di ne di kgodisa ka botlalo hore ha di a lekana ho thusa ho tshela matswele a diphutheho.

Letsatsi ka mora letsatsi, makgolo a banna le basadi ditshebeletsong tse fapaneng a ile a amohela Kreste e le Morena le Mopholosi ka baka la theron e tshepehang le e fuduhang-moya ya Mmoledi Baxter; re ke ke ra lebala melaetsa ya hae e tlisisweng ka tthusumetso ho Bakreste.

Hape re ke ke ra lebala thuto e babatsehang ya Moapostola eo wa Tumelo, Mor. Bosworth, e phethileng karolo ya bohlokwa letsholong ka leng, ka ho bopa le ho raosa tshepo ho Ngaka e Kgolo. Hape, hape, tlasa tshebeletso ya hae, re bone ho lelekwa meya ya botholo ho bile ho boptjwa meropa-tsebe e metjha. Ha ho bothata ba mafu bo neng bo ka tsietsa tumelo ya tjheseho ya mohlabani enwa wa mokaubere. O sebeditse a sa kgefutse mme re bile ra fihlelwa ke ho mo rata.

## TSHEBELETSO YA MOENA BRANHAM

Ho se ho boletswe ka nepo hobane ho qoholeha ha tshebeletso ya Moena Branham ho bakwa ke neo e hlollang e mo kgontshang ho lhlahloba le ho lemoha mafu a tshwereng batho. Ponahatso ena e nepa ka dipheresente tse lekgolo. Ke ntho e tswellang le e tsotehang. Hoba Moena Branham, ka Moya wa Modimo, o kgona ho lemoha ka metsotsvana, a sa fanye, athe ka tlwaelo ho qetwa diveke tsa tlhahlobo kahara tleliniki ho e akanya feela. Ke pontsho e matlahadi ena, e paka hobane Modimo o etela setjhaba sa Wona.

Ponahatso ya morao-rao tjena e kgolwanyane le e hlakomelehang ho feta tshebeletsong ya Moena Branham ke neo ya hae ya Temoho le Lentswe la Tsebo, le mo abelang bokgoni ha a le tlasa tlolo ho bolella batho merero ya dipelo tsa bona ka ho panya ha leihlo. Ka dinako tse ding ho be le dibe tseo batho ba di patileng le tse sa bolelwang, e leng tsona tse ba etang ka pele ho amohela phodiso ya bona. Temoho e hlollang ena, e kileng ya bonahala ditshebeletsong tsa Kreste




Foto ka Lynn Acutt

*Pono e nngwe ya ketelo ya kopano ya Durban e robileng direkoto tsohle tsa pele.*



Foto ika Goryen

*Karolo ya bao e seng Mayuropa tshebeletsong ya Sonntaha thapama mane Durban.*

le Elisha, e tebile, e ikgethile, mme e a kganya; hlakiso ya yona e theolela moyo wa tshabo hodima kopano, mme ruri e kakasa mmohi e mo kgutlisetsa morao ditshiung tsa mehlolo ya Bibele.

O itlhohlolla matla afe feels a tswang ho yena ho fodisa, ha a ke a hloleha ho supisa banna le basadi ho Morena Jesu le ka mohla. Baruti ba diphutheho tse fapaneng tsa bodumedi ba ne ba etela ditshebeletso—ba bang ba dumetse mme ba hlohonolofatswa haholo, mme ba bang ba boela ba hana ho dumela mme hona jwale ba eme kgahlano.

## LETSHOLO LE ETSANG HISTORI LA DURBAN

Nalane ya kereke e entswe tsatsing la ho qetela la letsholo mohla Maindia a lekanyetswang ho 45,000, batala le Mayuropa ba phuthehileng mmoho tshebeletsong ya thapama Lekoteng la Mojaho. Bang ba lekanya palo e kgowlwanyane. Le pele tshebeletso e qala keha menyako e se e kwetswe mme dikete tsa sala ka ntle diterateng. Tshebeletsong ya hoseng ha lekanyetswa batho ba 25,000 mme mantsiboya 23,000—ho ya ka ditekanyetso tse lekgonatha tsa ditaba. Mme bongata bona bo tsietsang ba nna ba mamella—dihora—motjheso o tubang ka ho fetisisa, o hlahlangwang ke meya ya lehodiotswana mme hamorao ke pula. Ba fuweng monyetla wa ho etela ditshebeletso tsena, ba ke ke ba lebala ponahalo e hlollang ya tshabo e hlomphehang, esita le ditholwana tse kganyang tse ileng tsa latela.

Kgahlamelo ya moyo ya ditshebeletso tse babatsehang tsena tsa matsatsi a mahlano Durban e utluwe ke dikete tsa banna le basadi maemong a mang le a mang a bophelo. Afrika Borwa ha eso ho ka e tseba ntho e kang yona.

Ditshebeletso tse neng di tshwaretswe Mayuropa ka botlalo tsa tshwarelw City Hall. E ne e tletse hoo motinyane a na a hloka sebaka phuthehong e fihlang ho 4,000, le makgolo-kgolo a emeng ka ntle a mametse ka dibuela-hole. Leha pula e ne e ena, bongata bona ba mamella ho fihlela pheletsong ya dikopano mme ka matsoho a phahameng, ba kopana mmoho le makgotla a maholo a amohetseng Kreste ka hare e le Morena wa bona le Mopholosi.

Kganya ho Modimo Hodimodimo. Ha ho mantswe a mongodi a ka hlilosang kananelo ya dikete tse tataiseditsweng ho Kreste kgabareng ya letsholo lena le a mang.

## DIPHODISO TSA BONGATA

Tshobotsi e nngwe e tsotehang ya matsholo e ne e le phodiso ya bongata. Kgafetsa Moena Branham o ne a eletsa batho ho beana matsoho a bona hodimo ka lebitso la Jesu le ho

tseka tokoloho ya ba hlomohileng mmeleng. Dithapelo tsa hae tse tukisang maikutlo tse latetseng di ne di swebehla batho ka botebo ho dumela ho Modimo. Ba ne ba fodiswa ka ho panya ha leihlo malwetseng a fapaneng le mahlokong—ditholo tsa utlwa, diritsa tsa tsamaya le difofu tsa bona. Ho a makatsa!

Ntho e babatsehang haholo ke kahobane diphodiso tse tswileng ka mahetla di ntse di etsahala—ho latela bopaki boo mongodi a bo amohelang letsatsi le letsatsi. Ho Morena wa rona le Mopholosi ya tsohileng re lebisa ka hlompho, tlotsiso le kganya.

“Dumela feela, dumela feela, tsohle di ka etswa, dumela feela” e ne e le lehlaso la sehloho la letsholo le leng le le leng mme leha ho se ho tlotsi dilemo tse 1900 mohla a buuwang ke Kreste wa Kalvari, dikete tse sa balweng Afrika Borwa di ile tsa tsosetswa nnete ya hore a sa tiile ha kaalo kajeno jwaloka mohla a ne a bolelwa kgetlo la pele.

## LETSHOLO LA DURBAN LA BRANHAM

*Ka Moruti John F. Wooderson.*

“Erekaha o sa ka wa tseba letsatsi la ketelo ya hao...ntlo ya hao e tla sala e le lesupi...” Ha ke ne ke bua le phutheho yaka diSontaha tse pedi tse fetileng pele Letsholo la Phodiso la Branham le qala Durban, ka iphumana, ha ke ntse ke bua ka mohlodithero ke qotsa, ke hatellwa ke Moya o Halalelang ho etsa tlhahiso ena: “Kapele re se re tla amohela seo ke hopolang e le ketelo e mohlolo ya Modimo o Matlawohle motseng ona. Ho se ke ha thualo ka lona, ‘Erekaha o sa ka wa tseba letsatsi la ketelo ya hao...’ Kena moleng wa hlohonolofatso! Mme ha Modimo a kgetha ho o sebedisa matsatsing a mmalwa a tla latela, o ke o ipee o sa ipaballa tlasa tshebediso ya Hae.”

Ketelo ya Moena William Branham le bomphato ba hae, Moena Baxter le Moena Bosworth, e pakilwe ruri ebile nako ya ketelo ya Modimo motseng wa rona o motle. MATSATSI A MAHLANO FEELA... empa ke matsatsi a mahlano a sa tlo lebalwa ke dikete tsa banna le basadi. Hase ntho e ka etswang ho hakanya esita le seabelo se phethilweng nakwaneng e kgutshwane eo. Ho aletsa ntho yohle—motse ona o fumane hlasimollo e kgolo ka ho fetisa ya moyo eo o kileng wa e tseba.

Leha ho qositse ditlhophiso tse matla diveke tse ngata bakeng sa dikopano...matlapa a maholo a phatlalatso a na a beilwe hohle motseng, makoloi hohle a jere difolaga e le mokgwa wa diphatlalatso... empa ke mohla ho tshwarwang tshebeletso ya pele City Hall thapama ya Laboraro, 21 Pudungwana, moo baahi ba Durban ba eleletsweng hobane



Foto ka Lynn Acutt

*Moshanyana wa Moindia ya fodileng ka ho panya ha leihlo hara  
letshwele a holofetse mme a ena le leoto le lekgutshwane.*

ho ne ho etsahala ntho e sa tlwaeleheng. City Hall e hatellwa ke matshwele a sa kgoneng ho fumana tumello ya ho kena tshebeletsong ya borapedi—athe e ne e bile e le thapama ya hara veke, e ne e le ntho e ronehang ruri. Ditaba tsa jaleha jwale ka hlaha ya makgulo! Phirimana eo, ka ntle ho 4,000 ya batho ba lekantsweng kahara holo, palo e lekantsweng ke lesedi la ditaba tsa lehae e ka bang 2,000 e ne e eme kantle e mametse tshebeletso ka dibuela-hole. Mme leha Durban e ne



Foto ka Lynn Acutt

*Dibese tsena di “Ikgethile” mme di emetse ho thothela matshwele hae ho tswa lekoteng la mojaho. Durban ke motse o moholo mme o na le lethala le lehola la dibese tsa Masepala le tsa batho ba ikgethang empa ho ne ho se dibese tse lekaneng Durban yohle ho hlokomela batho bohle.*

e hlasetstswe ke sekgothola se nyarosang se tsitsipanyang bosiu boo, bongata ba dula hara pula e tsholohang, ba kginnwe ke matla a Lentswe la Modimo le rerilweng ke Mmoledi W.J. Ern Baxter. Ena e mpa e le qalo feela! Mme se latetseng se thata ho hlaloswa! Thasisetso ya Lentswe la Modimo ka mehlolo le meeka, ka nako ya ho rapella bakudi tshebeletsong ya pele, ya tsosa morusu o tshwanang le wa mehla ya tshebeletso ya Morena Jesu lefatsheng.

Ha hla ha hlaka ho bohole ho tloha qalong hobane toboketso e kgolo e ne e tshetlehilwe hodima pholoso ya moyo. “O ka ya Lehodimong ka mmele o kulang, empa o ke ke wa fihla mono ka moyo o kulang,” ho rialo mohlanka wa Modimo ka tlhahiso e matla ya Nnete ya hae, e ahlolang le e kgodisang. Mme ho sa tsotelehe maemo, tumelo kapa lebala, banna le basadi ba hlokomediswa ho ena le tsela e le NNGWE

feela, mme e ne e le TSELAYA MODIMO...ka ho dumela ho Morena Jesu Kreste...eo ba ka pholoswang ke yona. Ho ne ho sa makatse ke hona nako le nako ha ho hlahiswa monyetla wa ho etsa qeto bakeng sa Kreste, matshwele a na a ema ka maoto a bona mme ba ntshe matsoho a bona ka mafolofolo ho amohela setlankana sa qeto. E ne e le kgato e matla hakakang ya Moya wa Modimo ha o tsoma pelo! Ho tloha mohlang oo bongata bo se bo pakile nnete ya hore leha ba ne ba tlide ka ditlhoko tsa bona tsa nama tshebeletsong, di bile tsa lebalwa ka botlalo ka baka la tsuo ya sebe le molato o ba hlabileng. MODIMO O NO O LE TENG, mme BA E TSEBILE! Ke se ke kopane le batho ba bangata ho feta kamoo nka hopolang bao jwale e leng “babopuwa ba batjha ho Kreste Jesu”...ba sokolohile ka mokgwa o tlottlehang mme ba boetse ba tswetswe botjha ke Moya wa Modimo. Nkile ka emiswa ke mongodi e mong wa ditaba seterateng mme ka bolellwa taba e latelang: “Mongh. Wooderson, moena’ ka e neng e le mohetene ‘ya tala’ o fetohile ka mokgwa o makatsang. Ha ke kgone ho iphapanya yona, mme efela haeba Mongh. Branham a ne a tletse feelsa se mo hlahetseng motseng...ho bile bohlokwa.” MME KGATO ENA YA LETSHOLO LA BRANHAM e re tliseditse maikutlo a tebileng a teboho ho Modimo ka ketelo ya bahlanka ba Wona.

Empa TSHEBELETSO YA MEHLOLO eo Modimo a e fileng banna mehleng ena na hase yona ntho e bohlokwa-hlokwa le matla a maholo letsong la moya la dinaha tsa lefatshe? Na hase karabelo ya Modimo ho mongwaha ona o shweleng thahasello, wa ho se dumele le bobelaedi? Tlasa tshebeletso e tlotsitsweng-se-Modimo ya Moena William Branham ho bonwe diketso tse hlollang ka ho fetisisa. Motha a ke ke a faposwa ho hopola ditshiu tsa Testamente e Ntjha. Bakudi ba tswang dibakeng tsohle...ka mahlomola a mefuta yohle...ba bang ka melangwana ya bakudi, ditulo tsa bakudi, le diteretjhara. Neo e tsotehang e sa tlwaelwang ya mohlanka wa Modimo, e bontshitsweng tlhahlobong ya sesosa sa malwetse a banna le basadi, le boikokobetso bo tebileng ba hae le kutlwelobohloko e kgaphatsehang ho bana ba batho ba tubjwang ebile bopaki bo kgodisang hore ruri e ne e le “MONNA YA ROMILWENG KE MODIMO.” Le ka mohla re ke ke ra lebala dithapelo tseo tse tswileng setsing se tebileng sa moya wa hae, ha a bitsa ho Modimo ho “hauhela batho bana ba batho le ho BA FODISA.” Mme enere ha a rapela, karabo e fihle! Dikgobokanong tseo tsohle tse phasaletseng hohle banna le basadi ba ne ba lokollwa matleng a Satane a mebeleng ya bona. Ditho tse honyetseng tsa otlolwa, difofu tsa bona, ditholo tsa utlwa. Mefetshe, dihlahala, mafu a pelo a phekolkwa ka lebitso la Jesu. Moena Branham o ne a supisa

letshwele la hae le leholo mohlodi o le mong feela wa phodiso ka botshepehi, le ka mohla a sa hlolehe ho bitsolla mohopolo wa hore ke yena ya nang le bokgoni ba ho fodisa.

Thuto e tsepameng ya phodiso ya Kgalalelo e rerilweng ke Moena F.F. Bosworth, eo re mo nkang e le pulamadiboho ya tshebeletso ya mehlolo ya palokgolo ya 20, e ile ya susumetsa ya ba ya thea tumelo ya ba bangata. Tumelo ya hae e sebete thapellong ya dimumu tse sa utlweng le ditholwana tse ileng tsa latela e bile kekeletso ho dikete ho tshepa Modimo phodisong ya bona.

Histori e entswe Durban ka Sontaha, Pudungwana 25, tsatsing le kwalang letsholo. Se bonweng se rakile ditebello tsa bohole ka bottalo. Lekoteng la Greyville (le neng le buletswe rona ka mosa bakeng sa Pudungwana 22 le 25) ditshebeletso tse kgolo ka ho fetisisa tsa matjhaba tse kileng tsa tshwarwa naheng ena di ile tsa tshwarwa. Balaodi ba Lekote la Mojaho ba lekanyetsa letshwele ka bokgonatha mane ho 40,000! Palo ena e sa kenyelotsa dikete tse neng di eme ka ntle, di sa kgone ho kena. Maindia a dikete tsa dikete le batala ba ema letsatsi lohole le pele ho hora ya bohlano mesong tlasa maemo a nyahamisang haholo a lehodimo... motjheso o moholo hoseng, sefezo se kgohlahetseng thapama, le pula mantsiboya. Empa bona le Mayuropa ba dikete-kete ha ba ka ba tshwenngwa ke dielemente tseo. Letsheare lohole hodima phutheho e kgolo ena ya batho Modimo o no o fodisa bakudi. Motsheo kwana lehlakoreng la batala, ho tswa moo Moena Branham a na a bonwa ka lerootho, ha tlalehwa mehlolo e makatsang ka ho fetisisa. Ha moyo o ntse o foka le pula e ntse e tsholoha, banna le basadi ba mamela ka thahasello e sa kokobeleng thuto e fuduhang moyo ya bahlanka ba Modimo. Sena se ne se ka tliswa keng haese KETELO E MATLA YA MODIMO KA SEBELE MOTSENG ONA! Mmino o kang o nong o tlatsitse sebaka ha o eso ho utluwe nakong eo Moena Baxter a na a eteletse phutheho ya hae ya tonana ka mokgwa wa hae o kgabane ka thoko e tsebahalang, "Jesu, Jesu, Jesu, Lebitso le Letle leo ke le tsebang; O tlatsa tebello ya ka, Ke tsamaya ke ntse ke bina." Ke direkoto tsa Lehodimo feela tse tla senola se etsahetseng tsatsing leo le hopolehang, le sa lebellwang. Dikete di amohetse Kreste e le Moloki wa bona, ba supa hoo ka letsogo le phahameng, mme dipalo tse kgolo tsa amohela phodiso ya mebele ya bona. Ho binwa ha sefela sa kgale, "Lala ho nna, shwalane e wele," ya eba sehlohlolo se babatsehang tshebeletsong e kgolo ka ho fetisisa e kileng ya tshwarwa Afrika Borwa.

Maikutlo a rona a ne a kopane nakong eo re phuthehang boemafofaneng tsatsi le hlahlamang. Yare ha Moena Branham le moifo wa hae ba itokisetsa ho palama sefofane molaetsa o latelang wa fetisetswa ho bona ka dibuela-hole:

“Ho bitswa... Mor. Branham, Mor. Baxter, Mor. Bosworth le Billy Branham! Komisi ya Durban ya Branham, lebitsong la baahi ba Durban, e rata ho hhalosa teboho ya bona e tebileng ho Modimo le ho lona, bahlanka ba Wona, ka ketelo ya lona motseng ona le ka lehlohonolo le tliseditsweng ba bangata ke yona; le ho rapela Morena ho le hauhela leetong la lona le ho le kgutlisetsa ho rona hape.” Mme ha re boela re sheba seo ketelo ya bahlanka ba Wona e bileng sona motseng ona, re utlwa mantswe a hhalositsweng ka hodimo a sa lekana ho hang.

Moifo wa Branham o ile... EMPA MOSEBETSI WA NNA WA TSWELA PELE! Ra tjhabelwa ke temoho e kgolwanyane ya diketsahalo tsa matsatsi a mahlano a fetileng. Motse o ne o hlanamisitswe! Karolwana e nngwe le e nngwe ya setjhaba e ne e utlwile diqi tse matla tsa ketelo ena ya Modimo. Eka seholooho sa moqoqo se ne se le leng feela. Banna le basadi bao ho fihlela jwale ba neng ba sa nahane ka Modimo kapa ditseko tsa Wona ba ne ba fetohile babatlisisi ba lapileng haholo. Ka lehlakoreng le leng mantswe a baseholli a ntse a toota, mme ka tlwaelo, ho se boikgathatso bo etswang ho tima bothoto bo qabolang le bobelaedi. Empa mmoho le kganyetsa ena ha hlaha leqhubu la bopaki bo tsholohelang ka hare ho tswa ka makgalo wohle, ba hlohonolofatso e fumanweng ya nama le ya moyo... ho fihlela, jwalo ka ditshiung tsa Kreste, “qabang ya hlaha hara batho”; ba bangata ba dumela, ba bang tjhe. Mosadumele o ye a fumane se tla totisa ho se dumele ha hae, empa Morena Jesu Kreste o boletse: “Dintho tsohle di etsetswa ya dumelang.” Mme e ne re ha dikete di bina mantswe a lehlaso leo le ratwang haholo, “Dumela feela, dumela feela, Tsohle di lokile, Dumela feela”... BONGATA bo ne bo otlolla letsoho la tumelo, “bo ama mophetho wa seaparo sa Hae,” mme bo fodiswa.

## TSOSELETSO E SA LEBALWENG YA MATSATSI A MAHLANO

*Ka Moruti H.W. Olivie*

Oh, lesiba la mongodi ya malala-a-laotswe! Ha a leka ho hhalosa Letsholo la molao-rao la Phodiso la Branham le neng le tshwaretswe Durban ho qala ka Pudungwana 21 ho fihla ka 25, 1951, motho o tla lokela ho fumana mantswe a mohlolo ho hhalosa tshebeletso e mohlolo ya Morena hara batho. Ketelo e tsotehang ena ya Modimo, esita le direkoto tse hlollang tse bokaneng City Hall le Lekoteng la Greyville, di fetotse ketelo ya Moena Branham le batlatsti ba hae e sa tlo lebalwa.

Ho lekangwa ha Maindia a 50,000, batala le Mayuropa ba ne ba etetse tshebeletso ya Sontaha thapama—palo e kgolo ka ho fetisia ya batho ho kgobokana kopanong ya sedumedi Afrika Borwa. Moifo wa Tsoseletso o dumela ho eso etsahale ntho e kang yona. “Modimo o a babatseha!” “Ho a makatsa!”

ke ditlhahiso tse neng di utlwahala hohle. City Hall e ne e le nyenyane haholo, mme esita le madulo a tlatsetso a sa lekana. Hantle-ntle dikete tsa sitwa ho kena. Leha ho le jwalo, dibuela-hole di ne di hlomngwe ho thusa ba ka ntle mme e ne e le pono e hlasimollang ho bona ba bangata hakana ba bona ba phahamisa matsoho a bona ha ho hlajwa mokgosi wa ho etsetsa Kreste qeto.

Diponahatso tsa matla a fodisang a Modimo di ne di le kgolo mme bongata bo tshwerweng ke mafu a sa phekoleheng ba fodiswa ba sa bewa matsoho; ditholo tsa utlwa, ba shweleng ditho ba tsamaya! Ba bang ba ntsha diboreise tsa setala meomong ya bona mme ba bang ba tshwere dikratjhe tsa bona matsohong a bona ba ntse ba ya hodimo le tlase ho supa phodiso ya bona. Ho ntoo ba le ba neng ba nyakaletse popong e ntjha ya moropa-tsebe mme ba re ba kgona ho utlwa modumo o mosesane ka ho fetisia. Ruri, matla a phahameng a Modimo a hlola kutlo ya motho. Alleluia!

Dikete tsa batho Durban le seterekeng ha di sa tla tshwana le ka mohla ka mora ho etela ditshebeletso tseo tsa motsotswana. Thero e matla ya Moena Baxter, thuto e phunyeletsang ya Moena Bosworth, le tshebeletso e tletseng lerato ya Moena Branham di fetotse mapheko, tsa roba dithato tse manganga, tsa kgutlisa mengala, tsa suthisa lonya, tsa tsosa tumelo le tshepo ho Modimo Lentsweng la Wona. Bongata bo nong bo sebeletsa sebe le Satane jwale bo sebeletsa Morena. Ba bangata ba neng ba nyefola lebitso la Jesu jwale ba bina dithoko tsa Hae:

“Jesu, Jesu, Jesu,  
Lebitso le lettle leo ke le tsebang,  
Le kgorisatso ka nngwe,  
Ke tsamaya ke ntse ke bina.”

\* \* \*

Ho hatisitswe mabanta a ditshebeletso tse ngata re sa le Afrika Borwa. Mabanta ana a setse le Sydney Smith wa Durban ya neng a adima mang le mang ya batlang ho a sebedisetso ditshebeletso tsa Mayuropa kapa tsa bao e seng Mayuropa. Mona ke tshwere seratswana sa lengolo leo a nthomeletseng lona mme ke tla le qotsa: “Re ntshitse kgatiso ya pele ya tshebeletso ya Branham phirimana ya maobane Full Gospel Church mane Wentworth, mme leha pula e ne e tsholoha e ne e le phirimana e kgolo ka ho fetisia eo ke nahanaang kereke e kile ya ba le yona. Ditshebeletso tsena tsa kgatiso ya teipi di hopoditse batho hore leha Moena Branham a kgutletse Dinaheng tse Kopaneng, leha ho le jwalo lentswe la hae ha le a tsamaya. Ba ka tla mme ba utlwa dithapelo tse matla tse entsweng ke Moena Branham ha a ema sekgeong bakeng sa ba kulang, mmeleng le moyeng mmoho.”



Sephephetjhana sa lesedi la ditaba le phatlalatsang Kopano ya Branham ka sehatisa-mantswe.

Ka mora ho kwalwa ha dikopano Durban, William Branham, Ern Baxter, le Billy Paul Branham ba ile ba fofela Salisbury, Rhodesia Borwa, mme ba tshwara dikopano mono Pudungwana wa la 28 le 29. Ditlaleho tsa dikopano di bontshitse matsatsi a mabedi ao e bile lehlohonolo le leholo ho dikete tse ngata. Makgolo a batho a ne a tswa ka makgalo a fapaneng a Rhodesia Borwa le Leboya e leng ba sa kgonang ho etela dikopano tsa Afrika Borwa.

Lekgatheng leo, nna le Moena Bosworth ra ya Pretoria, moo a sebeleditseng batho, a rera hararo le hane ka letsatsi. Pretoria ke motsemoholo o tsamaisang naha ya Union mme o bile le seabo se seholo nalaneng ya Afrika Borwa. Ke nako e fetang dilemo tse lekgolo tse fetileng ha Baphaphathehi ba Maburu ba



*Karolwana ya letshwele tshebeletsong ya Moqebelo mantsiboya.*

aha teng ba tswa Kapa, ba sutumeletswa leboya ke masetlelara a matjha a tswang Yuropa. Haufi le Pretoria ho eme sefika se setle se tsebjwang ka lebitso la Sefika sa Moforetekere. Bonono bo bottle bo betliweng ka mabole bo phetha nalane ya Lephallo ho tloha Kolone ya Kapa. Motho a ka tsota feela mme a ema a hloletswe, ha a eellwa moputso oo bathei bana ba o lefileng ho bulela morabe o mosweu bohare ba Afrika e ka Borwa. Sefika sena se hahuwe ho latela paterone ya dialetare tse neng di hahuwa mehleng ya Abrahama. Ho na le ho tshwana ho ka takwang pakeng tsa lephallo la Abrahama ya tswang Ure wa Kaldea le leo la Maforetekere a tswang Motse Kapa mme a kena ho batlana le naha e ntjha. Ha ho sefika se ka buang haholo ho feta se buuwang ke sefika sena ho Leafrikanere la Afrika Borwa.

Moena Branham, Moena Baxter, le Billy Paul ba kgutla Salisbury ka nako bakeng sa tshebeletso ya mantsiboya mane Pretoria bosiu ba Moqebelo. Komisi ya lehae e ne e hlophositse hantle. Batho ba ne ba eleditswe hantle mme ba mamela molaetsa wa Moena Baxter ka tumelo le tebello mme ha ntoo latela Moena Branham.

Sontaha ya eba tsatsi le leng leo bongata bo fumaneng Kreste jwalo ka Mmoloki wa bona ba ba ba inkela phodiso ya mmele e leng kabelo ya Pheko ya Kreste. Dikopano tsa rona Fairgrounds Pretoria di kwetswe bosiu ba Sontaha, ka la 2 Tshitwe, ho etile batho ba ka bang 10,000.

Tlaleho e latelang e tswa ho Moena Gschwend e mabapi le kgahlamelo eo dikopano tsena di bileng le yona hara batala.

“Boka Jehova, moya wa ka, o se ke wa lebala ditshitsotsohle tsa Hae; O tshwarela makgopo wohle a hao; O fodisa



*Diofisiri tsa batala tse neng di laola  
matshwele dikopanong tsa batala  
Pretoria.*

malwetse a hao kaofela; O pholosa bophelo ba hao tshenyehong; O o rwesa lereko le mehauhelo hlohung; O kgorisa molomo wa hao ka ditaba tse molemo; mme botjha ba hao bo ntjhafala jwaleka ntsu” (Psalm 103:2-5).

Re paka mahlohonolo a tlisitsweng ke tshebeletso ya Moifo wa Branham ka pelo e tletseng teboho. Ruri ebole ketelo ya Modimo ka bahlanka ba Wona ba ruileng dineo. Leha kwana tshebetso ya bona ho letshwele la batala e ne e beetswe moedi ka baka la tlameho ya bona setjhabeng sa Mayuropa re leboha Modimo ha matla a Wona a ne a sa beelwa moedi! Re bile ra susumetswa ho qala dikopano tse kgolo tsa tente ka la 28 Pudungwana, tseo le qaleng di ileng tsa etelwa ka bokgabane. Banna le basadi ba phutheha hoseng ho hong le ho hong ka hora ya botshelela bakeng sa tshebeletso ya thapelo. Dikopano tsa thapama le tsa mantsiboya tsa tsholohelwa ke matshwele a maholo ka ho fetisisa re kileng ra a bona tikolohong tsena. Matshwele a nna a kokomoha a ba a tlola 6,000 (leha ba bang ba lekantse palo e fetang moo). Ho ne ho hlonngwe tente tse kgolo tse nne, e nngwe ya tsona e sebediswa ke Maindia le mammala ba Pretoria.

Thapama eo Moena Bosworth a rerileng ka yona, Modimo o ile wa hlohonolofatsa theroy ya mohlanka wa Wona ya tshepehang ka mokgwa o mohlolo. Thero ya Lentswe ya phunyeletsa dipelo tsa badumedi, e bopa tumelo ya phodiso ya mebele ya bona ka Jesu Kreste. Hoba ho rapelwe le ba bang ba kulang, bao hara bona ho ne ho akga ba sa utlweng ba dimumu, bohole ba fola hang ha e se a le mong, eo, kwana, re tshepang a tla fola. Ehlide, ketso ena ya phahamisetsa tumelo ya badumedi maemong a phahameng ho feta. Yaba Moena Bosworth o sokoloha ho rapella bongata, a ba laela ho bea

matsoho a bona ka tumelo karolong e kulang ya mmele wa bona, mme yare ba sa kopane le yena thapelong, Modimo ka mohau wa Wona o makatsang wa ama bongata ba mebele e kulang mme wa ba fodisa hona moo.

Monna e mong ya na a foufetse ka bottlalo e bile sefofu ka dilemo tse leshome le metso e supileng yena e leng modudi wa sekolo sa batala sa difofu o ile a qala a rorisa Modimo hang-hang a hweletsa, "Kea bona, kea bona." Mme ho lebohuwe Modimo le kajeno o sa ntse a bona. Ngwana ya foufetseng a bile a le semumu a ka ba dilemo tse leshome o ile a buseletswa kutlo ya hae le puo ya hae, empa erekha a na a eso ho bue pele a lokela ho ithuta ho hlalosa mantswe, empa a ithuta kapele haholo. Mosadi ya na a shwele lehlakore ka dilemo tse mashome a mane, a sa kgone ho robala ka lehlakore leo, a sa kgone le ho sebedisa matsoho a hae, o ile a iphumana a robetsa ka lehlakore le shweleng bohatsu hoseng ho hlahlamang ka mora ho fodiswa letsatsing le etellang moo pele, mme o bile a buseletswa ho sebedisa matsoho a hae. E mong wa baevangedi ba bane o tlie a thabile, ho bokwe Modimo, a re o tlisitse bakudi ba bane, mme ba fodiswa bohole! E mong e ne e le setholo, athe e mong a ruruhile molala le mmetso ka dilemo tse fetang leshome, di mo hlokofatsa haholo di bile di mo amohile puo ya hae, empa a se ke a fodiswa ka ho phethahala, haese ba ba bang ba nang le mathata a ka hare. E mong wa basebeletsi ba rona ka sebele a ena le lethopa popelong ya hae dilemo tse ngata, mme batswadi ba hae ba lefile dingaka tsa setso dikgomo tse tharo bakeng sa phodiso ya hae empa a se ke a hlaphohelwa. A laelwa ke dingaka tsa Mayuropa ho sehwa, a mpa a itshepela Modimo. Jwale Modimo wa kopana le yena tshebeletsong ya pele ya phodiso ya Kgalalelo mohla lethopa la hae le nyametseng, re leboha Modimo ka hona.

Mosadimoholo a na a foufetse ka bottlalo a buseletswa pono ya hae, hoo jwale a boetseng a kgona ho etsa mesebetsi ya hae, o ile a leboha Modimo. Mosadi e mong o sa tswa lefa e nngwe ya dingaka tsa batala diponto tse mashome a mararo le metso e mehlano le pholo e tshweu, a mpa a tshoha hore ha a sebetswa a ka tshoha a eshwa sebakeng sa ho fola. Ha a utlwela ka dikopano tse babatsehang tsena, a tla a mathile ho tla utlwa seo Modimo a ka se etsang. Modimo wa kopana le yena mme wa mo phekola mathata wohle a hae a ka hare, mme o phekotswe ka ho phethahala. Mosadi e mong a na a foufetse leihlo le leng a bile a sa utlwe ka tsebe ya hae e tshehadi o ile a tla ho nna a mpolella kamoo a phekotsweng leihlo la hae le sa boneng hoo a seng a kgona ho bona ka ho hlaka, empa a batla ho tseba hobaneng Modimo a sa fodise tsebe ya hae. Ha ke mo sheba ka bona ho leketla lesale la letonana tsebeng e sa utlweng, athe o na a sa kenya lesale tsebeng e sebetsang hantle. Ha mphihlela hore o kentse lesale leo e le sehlare se fodisang tsebe ya hae. Ka

re ho yena, "O ile wa tshepela leihlo la hao ho Modimo, mme O fodisitse leihlo la hao. Empa o tshepile modimo wa bohata wa lesale le tsebeng ya hao ho fodisa tsebe ya hao, mme ehlile Modimo a ke ke a o etsetsa letho. Ntsha modingwana oo mme o tshepe mme o tshepele tsebe ya hao ho Modimo jwalo ka ha o ile wa tshepela leihlo la hao, mme O tla o fodisa." Ka mora ho qobellwa ke ba bang a tlosa modingwana wa hae wa bohata mme Modimo wa kopana le yena wa thibolla tsebe ya hae. Ketso ena ya bula mahlo a bongata bo nong bo sa itshepetse dihlare tsa bona tsa bohetene le dingaka tsa setso ka sekguugu.

Ra thaba ha re bona bongata bo lahla medingwana ya bona e le hore Modimo a tle a kopane le bona. Re boela re leboha Modimo ka ho sebetsa dipelong tsa bona ka ho se batle phodiso ya mebele ya bona feelsa, empa le pholohya meya ya bona. Mantsiboyeng a mabedi ra bona ho tla seholpha se lahla disakrete tsa bona, dipeipi tsa kuae, le dikoomana tsa seneifi, meriana ya bahetene le dihlare. Esita le mataese a na a sebedisetswa ho mokola a tliswa kalaneng, mme ra makala ha re bona "Ditsotsi" le "Malaeta" (dihlopha tsa ma-Afrika tsa dinokwane) a tlisa dithipa tseo ba di sebedisetsang ho hlaba batho. Leha re ne re sa rere kgahlano le boitlhopho ba ka ntla ba basadi, ra thabela ho bona ba bangata ba ntsha masale a bona, dibengele, j.j., ba di nehela ho Modimo, nakong eo ba Mo neheleheng dipelo tsa bona. Ditshebeletso tsa phodiso ha di ntse di tsweletse thapama e nngwe, Modimo le wona wa tswella ho sebetsa le ho fodisa bongata bo mahlomoleng ka mohau wa Wona o makatsang. Mosadi e mong ya holofetseng a batla a sa kgone ho tsamaya, a korobantswe ke dilemo tsa tshotleho, o ile a lokollwa mahlomoleng a hae mme jwale o kgona ho tsamaya tswe hape. Ba bang ba seng ba batla ba iketse ke asma, TB, le mafu a mang ba fodiswa. Bopaki ba ba sa kgonang ho paka ditshebeletsong bo sa ntse bo kena le jwale, empa jwale ba ngola ho tswa malapeng a bona a fapaneng ba re bolella kamoo Modimo a kopaneng le bona.

Re ne re swabile haholo ha e le moo mosebetsi wa Moena Branham wa rona ya ratehang o no o seetswe moedi hakana empa re leboha Modimo ka mosebetsi wa hae o mokgutshwane thapama ya Sontaha, le hobane Modimo ka mohau wa Wona o buseleditse ka ho boela a ama bongata bo mahlomoleng ka matla a Wona a bomodimo. Letsoho la Modimo la lehlohonolo la dula hodima ditshebeletso tsa Moena Bosworth a bileng a tela letsatsi le leng la phomolo ya hae mme a boela a rera Mantaha bosiu, etswe e bile letsatsi le letle, hobane boteng ba Modimo ba bonahatswa ka mokgwa o makatsang dikopanong tse tharo tse ileng tsa tshwarwa.

Ditaba tsa mesebetsi e hlollang ya Modimo tsa jaleha kapele naheng hoo ka mora hoba ditshebeletso tsa semolao di fete le ditente di thakgolwe, dihllopha tsa batho ho tswa ka makgalo wohle a na ha di nnileng tsa tla. Ba tla hoo veke

yohle kereke ya rona e ntjha, e sa tswa bulwa dikgweding tse mmalwa tse fetileng mane Lady Selborne, e ne e tletse meya e hlokang le batho ba kulang ba na ba batla Morena ho ba fodisa. Ha tshwarwa dikopano tse tharo kapa tse nne ka letsatsi ho ba ngwathela Bohobe ba Bophelo, hoba leha bahlanka ba Modimo ba filweng dineo ba ne ba tsamaile ra hlokomela hobane Modimo o ntso o ena le rona, mme O ba romeletse Lentswe la Wona ho ba fodisa, mme Lentswe la Wona le dula le rona ka ho sa feleng.

Ho thata ho hlalosa dikopano. Dithapelo tse tukang tsa dikete tse kana-kana, mmino o mathemalodi, theru e babatsehang ya Lentswe la Modimo ka matla le ponahatso ya Moya o Halalelang di ke ke tsa hlaloswa—di ka bonwa feela ka mahlo. Re ke ke ra kgona ho leboha Modimo ka ho lekana kamoo O kopaneng le meya e hlokang le mebele e kulang kateng, le ka bongata bo foidisitsweng hara letshwele, esita le ho feta bao ba rapeletseng ka namana. Ketso ena ya bula mahlo a batho ba rona ba batala. E le ketsahalo e ntle ho batala ba rona ho bona Modimo a kgonne ho fodisa batho a sa sebedisa metsi a halalelang, melora, ho apara diaparo tse ikgethileng kapa dinyepa, kapa ho etsa dintho dife feela tse re hopotsang mesebetsi ya dingaka tsa setso.

Re boela re leboha Modimo ka ketelo ena e babatsehang le ka kgothatso e etseditsweng Bakreste ba rona bohole ba batala le basebetsi, hape ka ho ba thuto e kgabane ho bao ba rapellang bakudi. E boetse e re kgothaditse ho se phetse ho rapella matla a maholo a Modimo, a pholosang, a foidisang le a halaletsang hore a tle a bonahatswe le ho feta pele e le ho lokisetsa ho kgutla ha Hae ho tla hlaha kapele.

\* \* \*

Moena Bosworth o ile a fumana lengolo le tswang ho morongwa le mohatsae, ba tlaleha tse ding tsa diphodiso tseo ba di boneng dikopanong tsa Motse Kapa. Ho qotsitswe karolo ya lengolo mona.

“Nna le monna wa ka re bile baromuwa ba Assemblies of God ya Borithani, kwana India, mme mehleng ya tema ya rona ya ho qetela ka mora ntwa mane Hyderabad State, re ile ra amohela memo e tswang ho Dikereke tsa Full Gospel e Afrika Borwa ho tla nka mosebetsi wa lentswe mono. Re ne re jere boikarabelo ba e nngwe ya dikereke tsa bona Motse Kapa mohla letsholo la Branham. Empa ha e sa le Modimo a bua le rona ka ho kgutlala mosebetsing wa rona India, mme O re buletse tsela ya ho kgutlala Engelane, moo re fihlileng ka Pherekong wa la 11. Re tla potoloha Assemblies ka mokgwa wa baromuwa ba tsamayang ka sehlopha mme re se re ngodisitse ho sesisetra morao India ka la 16 Lwetse, ha Modimo o ratile.

Ke rata ho le phethela kamoo e bileng leseho le leholo le tthusumetso ho rona ho etela dikopano tseo. Le nna ke amohetse kamo mmeleng wa ka (lehlaba la mothapo ka sekotlong) bosiung ba Sontaha sa ho qetela kapa hoseng ho hlahlamang ha re ne re qoqa le wena le Moena Branham mane Pentecostal Park.

Na o ne o tseba hore kgabareng ha Moena Branham a ntse a rapella bakudi bohole ba setseng le bongata pejana feela a tloha kalaneng, moshanyana wa dilemo tse ka bang tharo ya tswetsweng e le sefofu o ile a buselletswa pono ya hae?

Ke ne ke dutse ka morao feela, mme yare thapeleo e sa etswa a qala a lla le ho pikitla mahlo a hae. Eitse ha ke sheba hodimo ka bona hobane mmae o ntse a lla mme a mpolella hore ngwana hae ya tswetsweng a foufetse o sa tswa buselletswa pono ya hae. Hape, moenae, ya ka bang dilemo tse robedi o na a pelekane mahlo habohloko, mme nakong yona eo mahlo a hae a otloloha ka tsepamo. Ke bone bana bana ka bona, mme thakanyana la lla kahobane mabone a kganyang a motlakase a ne a fahla mahlo a hae a matjha! Ka botsa mme hore e ne e le Mokreste na, mme a re e ne e le yena homme setho sa Dutch Reformed Church. Ka mo laela ho kgutla le ho bolella batho seo Modimo a se entseng le ho phelela Modimo bophelo bohole ba hae.

Ho bile ha fodiswa batho ba ka bang bahlano ba kereke ya rona letsholong, mohlankanyana e mong wa lefu le nyarosang la pelo. A sa tswa sokoloha; ka mora bophelo ba tshohlokeho, pelo ya hae e ne e le maemong a mabe, mme kamehla sefahleho sa hae se sehlefetse ka botebo, a bile a dutla mokola hampe, a sa tswa kokelong ka lona lebaka lena pejana feela ho letsholo. Leha ho le jwalo, a inehela ho Kreste, a kolobetswa mme o na a eme ka mora Mohaho wa difofane e le mothusi. Moena Branham o ile a mo supa mme a re, 'Wena ka morao, bothata ba pelo, Jesu o a o fodisa jwale.' David a re lesedi le kganyang le ile la tla ho yena, o ile a tutubala mme pelong ya hae ha tjhalametsa mofuthu o hlenneng, yaka e a rutleha e a phethoha, yaba o bula mahlo a hae mme lesedi la qala la kgutlela ho Moena Branham. Tsatsi le hlahlamang keha sefahleho sa hae se lahlile bosehla ba sona, a paka ka phodiso e phethehileng. Mme veke kapa tse pedi hamorao keha a lokela ho boela a hlahlojwa ke ngaka a tle kgone ho etsa kopo ya mosebetsi Rhodesia. A re tlisetsa setifikeiti se hlalositseng a phetse 100%. Ho roriswe Modimo.

Kgaitseya tsofetseng ho tswa Kerekeng ya rona, mosadi ya mosa, ya tletseng moyo, o ne a dutse hantle kapele kopanong ya Sontaha sa ho qetela bosiu, mme a ntse a lla mme a rapela Modimo ho mo ama. O ne a kgathaditswe ke ramatiki dilemo tse mashome a mabedi le ho hong, e ne e opa hoo a na a sa

kgone ho robala bosiu. Ha Moena Branham a ntse a rapella bakudi, a mo supa hang-hang a re ho yena, ‘Wena, kgaitse di, ya apereng mose o mofubedu mono—o llela’ng? Bona, Jesu o fodisitse ramatiki ya hao.’ A tlola a ema ka maoto a hae, matsoho a hae a phahame, a rorisa Morena, mme a fodiswa. O ile a robala jwalo ka ngwana bosiung boo mme hamorao a paka tsa phodiso ya hae dikopanong tsa rona.”

*G. Stewart.*



*Lesedi la ditaba la Seburu le tlaleha  
puisano le Moena Branham.*

Ho tswa Pretoria ra kgutlela Johannesburg, ra tshwara letsholo le leng Tabernakeleng ya Maranatha Park, moo re ileng ra qetela ra ba ra qala leeto la rona la Afrika Borwa. Ha ba hopola seo ba se boneng matsatsing a mmalwa ha Moena Branham a ne a etetse Johannesburg, keha tumelo ya batho e phahame, ha ba ntse ba emetse ho amohela phodiso eo Modimo a ba beetseng yona.

Phodiso ya tshebeletso ya ho qetela eo ke tla e hopola kamehla e ne e le ya mofumahadi ya foufetseng. Moena Branham o ne a bone pono ya mofumahadi ya fodileng a dutse hara letshwele. A mo supa a mo laela ho ema le ho amohela phodiso ya hae. A se ke a arabela. Yare a sa ntse a mo kgothaletsa ho ema, ha ema mofumahadi e mong moleng wona oo. A retoloha mme a mo sheba metsotso e mmalwa. Yaba o re, “O emetse’ng? O Mojuda ka bodumedi; ha o dumele hore Jesu ke Kreste. O foufetse. O nahana hobane Jesu Kreste a ka busetsa pono ya hao?” Ka polelo ena a ema ka maoto a hae. “Empa nke ke ka Mo kopa ho ba Mophekodi

wa hao pele e-ba Mmoloki wa hao le Morena. Ha o ka Mo amohela jwaloka Mmoloki wa hao, Messia, E tla ba Mophekodi wa hao hape. Ha o etsa jwalo, phahamisa letsoho la hao.” A phahamisa letsoho la hae mme a boela a bona hang. Eitse re sa le boemafooneng hoseng ho hlahlamang re le mothating wa ho tloha ho ya States, monna e mong a tla mme a tlaleha a kgona ho bona ka ho phethahala le hobane hajwale o ne a tswile ho ya etela metswalle ya hae a sa kang a e bona ka dilemo tse ngata.

Diveke tse leshome Afrika Borwa tsa fella jwalo, tseo mehleng ya tsona batho ileng ba bona mme ba utlwa dintho tse kgolo tse makatsang tse entsweng ke Morena wa rona e moholo le ya makatsang ka mosebetsi wa mohlanka wa Hae, William Branham. Batho ha ba ka ba phetsa ho hlollwa ha ba bona Neo e sebetsa ka Moena Branham, ha ba mmona a senola malwetse esita le ditlhoko tsa batho tsa moyo. Ha ba ka ba phetsa ho nyakalla ka nako ha a sokolohela ho letshwele mme a supa motho e mong, a hhalosa mafu a bona ho bile ho tlatseletswa ka dintlha tse fapaneng, mme a ba bolella hore Kreste o ba fodisitse ka botlalo. Ba bangata ba ne ba lla ha ba bona diritsa di tsamaya, difofu di bona le botsebetutu ba utlwa, mme bongata ba tloha ho bolela ruri Modimo a ne a le hara bona.

Re radile lenane la mehlo e mmalwa hara e mengata e ka bolelwang. Ho batho ba bangata phodiso ya bona e ne e bolela bophelo bakeng sa lefu. Ho ba fetohileng Bakreste, ho bolela bophelo bo eketsehileng ho feta le setswalle sa bosafeleng le Modimo. Ho dikete tsa Bakreste ba ileng ba etela dikopano, di bone Modimo a sebetsa mme tsa utlwa boteng ba Wona, hoo ha bolela tshusumetso le ho hahamalla ho tsamaela haufi le Modimo. Tsena tsohle e bile ditholwana tsa manollo ya Lentswe ka Moena Bosworth le Moena Baxter, le thasisetso ya Lentswe lena ka neo ya Modimo e sebetsang ka Moena Branham le maikikitlelo a botshepehi a hlahisitweng ke Bakreste ba Afrika Borwa.

Ho kwala peho ya seo Modimo a se entseng Afrika Borwa ke rata ho kenyelelsa ditlaleho tse pedi tseo ke di amohetseng. E nngwe ya tsona e tswa ho Moevangedi, e nngwe e tswa ho Mongodi wa National Committee e radileng dihlophiso tsohle tsa letsholo.

\* \* \*

## TLALEHO E TSWA HO MOEVANGEDI

*Ka J.H. Grobler*

Ke thabile haholo mme ke leboha Modimo ka monyetla wona wa ho hhalosa kgodiseho ya ka le teboho. Ha ho mantswa a lekaneng ho hhalosa mehopolo ya ka le tseo ke di boneng.

Le nna ke Moevangedi ya rerileng phodiso ya Kgalalelo ka katleho e kgolo Afrika Borwa. Ho bua nnete, ke ne ke le Moevangedi a le mong ya sebetsang ka botlalo mosebetsing wa Pentekosta Afrika Borwa ka dilemo tse ngata a bile a rera phodiso ya Kgalalelo ho bongata. Ka fuwa monyetla wa ho bona fifofo di bona, diritsa di tsamaya, ditholo di utlwa mme ho fodiswa lefu lefe kapa lefe leo o ka le nahanang ka Lebitso la Jesu ka tshebeletso ya ka.

Mohla ke ne ke utlwela ka ho tla ha Moifo wa Branham Afrika Borwa ke ne ke ikemiseditse ho ya le ho iphumanel ka bona. Ka ya ke sa fupa leeme kapa ka tshobotsi ya batho maikemisetso e le ho hlahloba sohle seo ke tla se bona le ho se utlwa.

Ntho ya pele e nkgahlileng e bile theroy ya Lentswe, la nnete, le tiileng, le tsepameng le bile le le matla. Ho tloha tshimolohong ha hlaka ha banna bana ba sa tla kwano ho bontsha matla a itseng ho hulela maikutlo ho bona, empa ho bolela tshwanelo yohle ya Modimo. Ha tiiswa bosiu ka bosiu hore pholoho ya moyo e bohlokwa ho feta phodiso ya mmele. Ha ho makatse ha meya e mengata e bile ya tswallwa Mmusong wa Modimo bosiu bo bong le bo bong. Ke mang ya sa tlo thabiswa ke ho bona hoo, ha motho a na le takatso e kgolo ya meya?

Nke ke ka lebala maikutlo a bosiu boo ba pele ha Moena Bosworth a na a tlaleha ka bokgoni nnete ya hore phodiso ya Kgalalelo e kenyeditswe Phekong le hore batho ba ka fodiswa ba sa ntse ba mametse mme ba dumela Lentswe la Modimo. Kamoo e ileng ya nkenya tshusumets! Yare ha mohlanka ya ratehang eo wa Modimo a hlalosa nnete ena pelo ya ka ya hlollwa ke thabo le mahlo a ka a kolla dikeledi tse tjhesang nakong eo ke ipolellang ke re, “Wona Moya o Halalelang o nthomileng Afrika Borwa o boetse o rutile Moena Bosworth Amerika.” Ho lebiswe pokole kganya ho Modimo.

Ntho e latelang e kgahleng ebile thuto e matla, e mpang e hlakile e le bonolo ya Moena Baxter mabapi le bophelo ba tlholo. Oho, kamoo e ileng ya thabiswa moyo wa ka! Ke ile ka phahamisetswa ho Modimo ho fihlela ke ikutlwa ke sa batle ho kgutlela phuleng hape, ha e se bakeng sa ho thusa bana ba batho ba sotlehang. Oho, kamoo dinnete tseo tse kgabane di ileng tsa kgodisa tshebetso ya ka ka sebele. Ya atolosa pono ya ka, pono eo e sa le e ntlholla dilemo—ke bolela, ho dula le Kreste dibakeng tsa mahodimo mme ho tloha moo ho rena hodima sera sa rona le ho fuwa matla le ho a sebedisa hodima matla a e mobe.

Ntho ya pele e nkatlileng ka Moena Branham e le lerato la Modimo le neng le ka lemohuwa ka “Dumelang, metswall,” eo ha a fihla kalaneng bosiu bo bong le bo bong. Ha a bua, ka tseba hobane Modimo o no o dutse ho yena. Tshebetsong ya hae mehlolo hase yona, e ne e nkatla haholo, hoba ke ne ke fumane boiphihlelo boo tshebetsong ya ka ka sebele. Empa ho nong

ho ntlholla ka mokgwa o sa hhalosweng ke tshebetso ya Dineo tsa puo ya bohlale, puo ya tsebo le temoho ya meya. Ke ile ka idibana ha ka pela hae ho fihla motho e mong ka mora e mong kalaneng mme a senole lefu la hae ka metsotswana a hlanole diphiri tse patilweng tsa dipelo tsa bona a sa fanye.

Ka boha ponahatso eo ka hloko mme ka botshepehi ho Modimo keha ke ikemiseditse ho amohela phoso efe feela e ka etswang ke yena kgabareng ya diponahatso tseo. Kganya e be ho Modimo, nka re ha ke ya fumana letho. Di ne di nepile ka diphesente tse lekgolo. Ke Modimo feela o ka etsang hona.

Ketsahalo e nngwe e kgahlileng keha monna a ne a ema hara letshwele mme a howeletsa, "Moena Branham, dintho tsee o di etsa ka matla afe?" Karabo ya boitaolo e tswileng melomong ya hae ebile ya kodu e mohlolo, lenseswe le fapaneng haholo le leo re le utlwang ha a sebetsa le bakudi le ba mahlomoleng ka lerato le tebileng. Le utlwahala le le matla le bile le ruile borena bo Kgethehileng ha a ne a re, "Ka monna eo o tsebang hanyenyane ka yena, Jesu Kreste." Karabo ya nyakallisa mokgupi o ka etsang dikete tse leshome ba ba ba qala ba opa diatla tsa bona. Yareha diatla di kokobela a bua ka boikokobetso a hlabehile ka lenseswe la kgale la lerato le tebileng, "Ka kopo metswalle, le se ke la tjodietsa, le ise thoriso ho Modimo." Ba neng ba le teng mono ba ke ke ba lebala ketsahalo eo.

Modimo wa ba moholo hakana ho nna, wa tiya mme wa fetoha o theko e thata hakakang. Ka ikutlwaa ke nyenyejetse pela Sefahleho sa Wona nka bokolla feela mme ka Mo rata. Nka o tiisetla hobane bophelo ba ka le tshebetso di entshitswe ke tshebetso ya bahlanka bana ba Modimo. Ho nna, Moena Branham ke moporofeta wa Modimo ka ho sa belaetseng, Moena Baxter ke moevangedi, Moena Bosworth ke mosuwe ya rometsweng Afrika Borwa ke Modimo ho arabela dithapelo tse ngata bakeng sa tsoseletso.

## MMOHO LE MOIFO WA BRANHAM AFRIKA BORWA

*Ka W.F. Mullan*

E batla e le taba e sitang ho hhalosa tebello e lehala e ileng ya fenya Afrika Borwa ha re ntse re emetse ketelo ya Moifo wa Branham. Matsatsi le diveke tsa feta di potlakile ha re ntse re rala diphlophiso tsohle tsa ketelo. Diphatlalatso tsa selelekela di ile tsa amohelwa ka katleho e kgolo ho feta kamoo re ne re tshepile. Karabelo ho tswa setjhabeng ya nna ya ata ha letsatsi la ketelo le ntse le atamela. Ra phothongwa ke mangolo a dipotso mme mohala o lla molebe hoo ho bileng boima mothong ho fumana nako ya ho iketla.

Qetellong ra fihla Boemaofane ba Palmietfontein, Johannesburg, re shebile mahodimong pontsho ya pele ya ho atamela ha sefofane sa Pan American Airways ho tswa New York. Thohothelo ya eketsa ho toota ha letshwele le eketseha le bile le eketseha. Hole kwana lehodimong lethebana la qalella ho ipha sebopoho hoo mokgupi o bileng wa thola ka tebello e kgutsitseng ba sa shebile ha nonyana e kgolo ya motjhini e dikoloha boemaofane ho tsorama fatshe.

Hoba ho fete metsotso e mmaloa menyako ya sefofane ya buleha mme baeti ba qala ba theoha. Modulasetulo le Mongodi wa National Committee e leng ba jereng boikarabelo ba dihlophiso tsa ketelo ya Moifo wa Branham Afrika Borwa, e leng, A.J. Schoeman le W.F. Mullan, ba ne ba fuwe tumello e ikgethang ho tswa ho ba boholong ho kena lebaleng la bofofiso ho amohela ditho tsa Moifo wa Branham. Ntho e nngwe le e nngwe e ne e le taolong; diphatlalatso di ile tsa hlaphiswa ka hloko mme naaha e ne e lebeletse motsotso wona ona.

Sefofaneng ha bonwa ho theoha Moena W.J. Ern Baxter, le Moena F.F. Bosworth ba latetswe ke wa boraro. Ha ba amohelwa Moena Baxter a re, "Moena Branham ha a yo hara rona." A ntoo hlalosa hobane Moena Branham, ya na a tla feheletswa ke mora wa hae, Billy Paul, ba diehisitswe boemaofaneng New York mme ba tla ka sefofane se latelang. Setho sa boraro sa moifo e ne e le Mongh. Julius Stadsklev.

Eitse ha sehlopha seo se tloha lebaleng la bofofiso ho ya Customs Department ditho tse ding tsa mokgupi o letileng tsa botsa, "Moena Branham ke ofe?" Eitse ha ditho tse ding tsa sehlopha di tswela pele, Moena Mullan a hlalosetsa mokgupi hore Moena Branham ha a yo moifong empa o tla tla ka sefofane se latelang. Sekotwana sena sa tsebiso sa siya batho ba hloka puo. Ho nahana feela hore Moena Branham o ne a le siyo moifong le hobane dikopano di ne di tla qala hoseng le hore bonnyane ho tla feta matsatsi a mararo pele sefofane se latelang se fihla. Ho mokgupi ya ka ho hlahile koduwa e tshabehang le e kgolo.

Letoto la pele la dikopano le ile la tshwarelw Johannnesburg, setsi se seholo ka ho fetisisa sa indasteri Afrika Borwa, le setsi se seholo ka ho fetisisa ka bongata ba batho. Ha ba se ba sitilwe ho fumana sebaka se mahareng ho tshwarela dikopano komisi ya Johannnesburg e ne e amohetse nyehelo e mosa ya Apostolic Faith Mission ho sebedisa Conference Grounds e ka nqa leboya ho motse. Empa esita le odotoriamo e kgolo ya bona e ne e tla ba nyenyane haholo mme komisi ya fumana tumello ya bona ho atolosa mohaho. Mosebetsi ona wa nnkuwa mme wa etswa ka nako e kgutshwane mme odotoriamo ya atoloswa ho thusa batho ba ka bang 8,000. Ho ka dudiswa ba bang ba dikete tse pedi ho fihla ho tse tharo hodima tutudu

ha ho siuwa lephako le leng le butswe moo ba neng ba ka bona mme ba utlwa hantle haholo, mme ka lephakong le leng la odotoriamo ho ka dudiswa ka boiketlo dikete tse ding tse hlano mme ba ka utlwa empa ba sitwe ho bona ka ho hlaka.

Moena Baxter le Moena Bosworth ba tobana le mosebetsi o boima ka sebete. Ba lokela ho rerela mokgupi o no o swabisitswe ke ho se finyelle ha Moena Branham. Moena Baxter a qala letoto la dikopano ka thuto e ileng ya hapa maikutlo a batho mme a kgodisa katleho ya ketelo yohle. Tshebeletso ya Moena Baxter ya lenseswe ke e hahang tumelo. Lefatshe le se le lobokantse “tumelo” le “tshepo” haholo! Moena Baxter a qala tema ya hae ka ho rera ka “Tekanyo ya Tumelo” a ntoo latela ena ka molaetsa o fuduhang wa “Kamoo Tumelo e Sebetsang Kateng.” Matsatsi a mmalwa ana a theron ha re ntse re emetse ho fihla ha Moena Branham a thusitse haholo. Lentswe la Modimo la bolellwa meya e lapileng mme leqhubu la tumelo la kokomoha le phahamela maemong a hodimo. Moena Bosworth a nka karolo e kgolo ditshebeletsong ha a ne a lokisetsa batho ho rapellwa mme ka sebetehadi le ka kgodiso ya tumelo e phodileng a mema mang le mang ya na a lahlehetswe ke kutlo tsebeng e le nngwe ka baka la oporeishene e kgohlahetseng ya tsebe ho nyolohela kalaneng ho rapellwa. Yaba o a ba rapella mme ra boela ra bona hape le hape ha ho bonahatswa matla a maholo a Modimo ka mohlolo wa popo e ntjha ha ditsebe tse sa utlweng di boela di utlwa ho sa tsotelle hore na ditho tsohle di ne di sehilwe ka oporeishene ya bongaka mme e se ntho e ka etswang hore tsebe e boele e utlwe ha e se ka matla a Modimo.

Yaba Moena Branham o a fihla. Moena Schoeman a mo kgahlanyetsa boemaofane mme a mo tlisa hantle kopanong e petetsaneng moo batho ba fetang 10,000 ba ne ba letile ka mafolofolo. Moena Mullan a mo amohela lebitsong la batho ba Afrika Borwa. E ne e le motsotsa wa tsitsipano o kgemang le tebello e mafolofolo. Hoba a bue nako e kgutshwane Moena Branham a ba rapella “ka bongata” mme motho a ka bolela a phodile hore mehlolo e ile ya etswa bosius boo ba pele. *Sunday Tribune* ya Durban e tlalehile bothata ba moshanyana hamorao, Ernest Blom, eo leoto le leng la hae le ne le le lekgutshwane ho le leng ka di-intjhi tse mmalwa ya bileng a fodiswa kopanong eo ya pele ha Moena Branham a rapela. Ketelo ya kokomoha ka potlako. Ka Sontaha thapama letshwele la fihla mane ho 10,000 mme Sontaha mantsiboya 12,000. Laboraro mantsiboya letshwele la fihla ho 14,000. Ho no ho buuwa ka dikopano tseo tsohle. Ka bomadimabe dikopano tsa lokela ho kwalwa kapele, kaha ho no ho radilwe dihlophiso tsa Moifo wa Branham ho fetela letotong le latelang la

dikopano mane Klerksdorp, dimaele tse lekgolo. Hola dikopano tsa Johannesburg tsa tswella haleletsana ditholwana di be di ka sitwa ho lekanngwa.

Divekeng tse mmalwa tse kgutshwane keha Moifo wa Branham o se o etetse metse e leshome le metso e mmedi Afrika Borwa. Ke ile ka fuwa monyetla wa ho ba feheletsa boholong ba metse ena mme ke bone tse ngata hoo ke sitwang ho kgethahanya ntlha e nngwe e phahametse e nngwe. Hohle moo mokgupi o no o phuthehela teng, le jwaloka ha mongodi e mong wa makasine o tummeng wa veke le veke a e behile, bongata bo etetseng dikopano bo ne bo kgotsofetse ha e le moo bo bone ka nepahalo “dipontsho le mehlolo.”

Kgutlwaneng se seng le se seng sa tsena dikopano tsa sehloho di ne di tshwarwa hara Mayuropa, empa dihlophiso tsa dikopano di ile tsa etsetswa bao e seng Mayuropa, le bona. Phirimana e nngwe mane Bloemfontein Moena Baxter a bua ka mohlodithero, “Phapang ha e yo” (Bar. 3:22). Boipiletso ha bo hlahisetswa banna le basadi ho etsetsa Kreste diqeto e le Mopholosi wa bona ha ema batho ba ka bang 2,000 ka maoto a bona. Ho no ho babatseha. Ditulong tse ding karabelo ya molaetsa e ne e hlolla. Hantle-ntle makgolo, athe dibakeng tse ding ha ema dikete ka maoto ho supa tumelo ya bona ho Jesu Kreste e le Morena wa bona le Mopholosi.

Dikopano tsa Branham di ne di tshwarelwya dibakeng tse fapaneng hoba ho sa ba le holo ya setjhaba e boholo bo lekanang ho tshela matshwele. Re ne re sebedisa ditadiamo tse bulehileng, mabala a bolo ya maoto, mabala a dipapadi, mabala a dipontsho, lebala la mojaho le mohaho wa difofane. Mane East London ha hahuwa kalana Rugby Football Union mme le sona sebaka se bulehileng seo ho bapallwang ho sona tsa sebedisetswa ho dudisa batho. Kalana e sebedisitsweng East London e le yona *dias* e sebedisitsweng ke ba ntlo ya borena mehleng ya ketelo ya bona Afrika Borwa.

Bonnyane batho ba 10,000 bao e seng Mayuropa ba ne ba etetse dikopano tsa bona tsa Bloemfontein mme mohlomong le East London ya eba yona palo eo. Mane Durban ditshebeletso tsa tshwarelwya lebaleng la mojaho mme ha phuthehela ditjhaba tsa mefuta dikopanong. Mona matshwele a batho ba mefuta yohle a na a etsa 50,000 thapama ya Sontaha, athe ho bile ha kgutliswa dikete, di sa kgone ho kena.

Moena Bosworth o kgonne ho kgathla tema ka nngwe a na e baletswe. A rerela dikete tse phuthehileng Lentswe la Modimo a ba a rapella bakudi ba bangata mme Modimo wa hlohonolofatsa tshebetso ya hae. A iphetola thatohatse ho batho ba Afrika Borwa. Moena Baxter o na a thoholetswa hohle e le moreri ya tswileng ka mahetla mme mohla tsohle di seng di lebetswe, haeba ditshebeletso di ka fela tsa lebalwa,

thero ya Moena Baxter ya Lentswe la Modimo e tla nne e phele. Thero ya hae e ne e susumetsa batho ho dumela Lentswe la Modimo, ho kenya tumelo ya bona tshebetson, ka hodima tsohle ho amohela Kreste jwale ka Mopholosi le Morena.

Re fihletse Moena Branham a le tsohle tse tlalehilweng ka yena. A ile a kena hara rona e le monna ya tshepehang, ya ikokobeditse mme ho no ho hlaka ruri hobane lehlohonolo la Modimo le dutse ho yena. Ra bona Modimo o bonahatsa matla a Wona hape le hape ka Moena Branham. Enere ha batho ba kopana le Moena Branham o ne a bolela mafu kapa malwetse a bona a na ba tshwere hang-hang. Enere ha a rapela re utlwe kutlwelobohloko e tebileng ho ba hlomohileng ba mo teetseng hare. Ka nako tse ding a qoholle motho hara letshwele a ntoo bolela lefu neng le ba tshwere.

Ke makgetlo a fetang bonngwe moo ditshebeletso di neng di tshwaretswe mapatlelong re ileng re makatswa ke ho bona batho ba dutse ba phuthulohile mme ba mametse ka kelohloko esita leha pula e ne e qala e tsholoha. Bona e ne e le bopaki bo lekaneng, hola ho no ho hlokwa bo bong, ho paka hobane Modimo o hulela batho ho Yena ha feela bana ba batho ba lapileng ba bolellwa nnete yohle.

Erekaha ke ile ka feheletsa Moifo wa Branham ho ya metseng e mengata e etetsweng Afrika Borwa nka re ke bile ka hlakelwa hobane batho ba dumetseng haholo ke bona ba amohetseng haholo.

\* \* \*

“Hoo ho entswe ke Jehova; ke mohlolo mahlong a rona. Ke lona leo letsatsi le entsweng ke Jehova; a re thabeng, re be re nyakalle ka lona.” (Psalm 118:23-24).

# Bopaki

*“Busetsang ho Jehova kganya e tshwanelang lebitso la Hae . . .”*

I Dikronike 16:29

Kgaolo ena e fupile bopaki ba pele bo ka etsang lekgolo bo ttileng ho nna le Moena Branham ka kotloloho. Re utlwisia boholo ba bona bo isitswe ho badulasetulo ba lehae mme ha re a fumana nako ya ho bo fumana.

Ha kea ka ka fana ka mabitso a tletseng pheletsong ya bopaki kaha ke sa ipha nako ya ho fumana tumello ya ho sebedisa mabitso a bona wohle. Leha ho le jwalo mabitso ana a teng faeleng mme mabitso a bona le diaterese di a fumaneha. Bongata ba bopaki bo kgutsufaditswe hore bo tle bo fane ka dintlha tsa bohlokwa feela.

\* \* \*

## **Mosuwe O Fodiswa Ramatiki ya Athritisi le Methapo ya Varicose**

Ka na ka qoswa ho kgaotsa ka mosebetsi wa ka wa bosuwe dilemong tse tharo le halofo tse fetileng kaha ke ne ke tshwerwe ke ramatiki ya athritisi le methapo ya varicose. Bothata ba ka bo qadile dilemo tse fetileng tse leshome le motso o mong. Ho ne ho se letho le bonahalang le nthusa. Ka etela Maranatha Park ka la Mphalane wa la 6 mme ka ema dihora tse tharo. Ka fumana ho le thata ho kena ka hara holo kaha e ne e tletse. Qetellong ka dumellwa ka hare mme ka ema pela lebota ka lehlakoreng le letshehadi.

Moena Branham o na a sa tswa tswa boemaofaneng mme motho a ka bona hoba o kgathetse haholo ka mora leeto le tswang Dinaheng tse Kopaneng. A eletsa hore ho rapellwe bohole ba mahlomoleng ka bongata. A ba kopa ho beana matsoho hodimo. Yaba o supa lehlakoreng leo ke ne ke eme ho lona la holo mme a bolela ho ena le mosadi ya tshwerweng ke athritisi. Ke le mosadi a le mong feela ya emeng pel'a lebota. Jwale, ho ne ho se motho ya tsebileng ke tshwerwe ke athritisi letshweleng le batsi leo, ha e se Kgaitsei Quinn mme o ne a sa tsebe ke le teng mono. Empa yena le ba bangata ba utlwile ha Moena Branham a re, “Ho na le mosadi ya tshwerweng ke athritisi.” Glory Alleluia! Ho tloha hona moo ka utlwa ke hlaphohetswe haholo. Ka etela dikopano tse hlahlamang mme ka bona diphodiso tse ngata, ho akga lefu le leng la athritisi e fetang ya ka ka bobe. O kene ka amalanse mme hobane a rapellwe a kgonka ho phahama

le ho itsamaela jwalo. Hape ha ba le bothata ba ngwana a na a robehile mokokotlo mme a tsoha, ha a laelwa jwalo ke Moena Branham, mme a fola ka bottlalo.

Modimo a hlohonolofatse Moena Branham le bohole ba amanang le dikopano ba hlahisitseng diphodiso tsohle, ho akgag le ya ka kahare.

**E. S.**

\* \* \*

### **Mokokotlo o Bohloko o Boela Setlwaeing A sa Rorisa Modimo ka seo A se Etseditseng ba Bang**

Ka mora ho kula halelele dikgwedi tse 18, ka sala ka mokokotlo o bohloko mme ke sa kgone ho tsamaya ntle le thuso ya molamu. Ka matsatsi a mang ho opa ho ka mamellwa, ka matsatsi a mang e le hlokofatso e tsitsipanyang; ha ho mantswe a ka hhalosang. Ha ke leka ho tsamaya, mokokotlo wa ka o ne o korotla, o thaphoha ka bohloko bo tsitsipanyang. Ka boela ka tujwa ke methapo e bohloko ka dilemo tse 25, mahlwele a ne a hwamme mophuleng wa madi. Ka ba ka qobellwa ho tlamella meomo ya ka dilemong tse nne tse fetileng, ho seng jwalo ke sa kgone ho ema ka yona.

Ka la 7 Mphalane, 1951, kgaitseya ka, Mof. Scott, a nkisa dikopanong tsa William Branham mane Maranatha Park moo ke boneng ho fodiswa mathata a 56 a malwetse a fapaneng ka Kgalalelo, ponohatso e makatsang ya matla a Modimo twelong ya batho ba mahlomoleng. Ka hlolwa haholo ke thabo ha ke ba bona ba lokollwa ka lliswa ke thabo molebe. Ka mora tshebeletso yare ke sa dutse ka hara koloi ke nahanne ka mehlolo eo ke e boneng, yaba ke lebala ka nna ka bottlalo, ha ke ntse ke rorisa Modimo ka seo ke boneng A se etsetsa ba bang. Hang ka utlwa matla a Modimo a sebetsa mokokotlong wa ka. Ka rutlelwa hodimo ke matla a Modimo, ka ema ka maoto a ka. Lekgatheng lona leo hona moo Morena ya ratehang a hlomahanya mokokotlo wa ka mme mahlaba a nyamela hang. Ka kgutlela hae ke rorisa Modimo mme ka pakela e mong le e mong eo ke kopaneng le yena. Ntho ya pele eo ke e entseng ha ke fihla hae e le ho tlamolla dibanteshe moomong wa ka; ka mohau wa Modimo ha ke eso di tlame hape. Ke kgona ho etsa mesebetsi ya ka yohle ya lelapa. Ha ke eso opelwe ho tloha mohlang oo mme ha ke hloke molangwana. Hajwale mangole a ka a batla a tetema empa ha a na mahlaba. Ke tshepela hohle ho sa natlafalang hantle ho Modimo. Ke Mothei le Mophethi wa mosebetsi wohle o molemo, ho yena ke isa thoriso yohle le kganya.

**A. C. G.**

\* \* \*

## **O Tjhaella Phodiso ya Kgaitsei ya Hae mme O Pheta tsa Ya Hae**

Mona ke tshehetsa bopaki ba kgaitsei, Mof. A.C. Gribble. Ke rorisa Modimo ka seo A mo etseditseng sona. O na tliswe ho nna a kula, kulo. Moena Hugo a ka e paka. A le tlasa tlhokomelo ya ka dikgwedi tse leshome le metso e robedi.

Ka yona phirimana eo, ha ho rapellwa bongata, ke ile ka fodiswa leqaqailana le nonyetsehileng le mala a fokolang. Re lebisa ho Modimo kganya yohle.

**M. M. S.**

\* \* \*

### **O Fodiswa Hara Letshwele**

Ke leboha Modimo o mphekotseng lehlaba le sa feleng. Ke ne ke sa kena moleng wa ho rapellwa ke mpa ke le e mong ya dumelang Modimo hara letshwele ka nako ha Moena Branham a re rapella kaofela. Ke rorisa Morena ha ke fodisitswe lehlaba le bohloko leo. Ha ke utlwa theroy Moena Branham le kamoo a na a rapella bakudi, ka qala ka hopola Morena wa rona Jesu Kreste mohla A buang le Maretha a re, "Ha o dumela, o tla bona kganya ya Modimo."

**H. K. M.**

\* \* \*

### **Ho Fodiswa Mokokotlo O Lemetseng**

Ke hlahlela mangolo a mabedi a bopaki ba dingaka tse alafileng mokokotlo pele ke fodiswa ka Kgalalelo tshebeletsong

ya Moena Branham Maranatha Park. Dingaka tsena tsa na tsa ntlhahloba hoba ke fodiswe ke Modimo ka mohlololo, mme ba makatswa haholo ke ho mpona ke fodile ka botlalo. Re se re hlaphisitse oporeishene e kotsi ya mokokotlo.

Ke fodisitswe ka la leshome le motso o mong la Mphalane, leshome-robong mashome a mahlano le motso o mong. Ke se ke kutse selemo hantle, mme ke sebeditswe ke dingaka ka mekgwa e mengata. Ke tible hobane ke fodile ka moraonyana hoba Moena Branham a bue

le nna. Moena Branham a mpolella e le selemo jwale ke lemetsa a ba a mpolella kamoo ke ikutlwa kateng. A re ho nna o tseba ke na le tumelo e matla le hobane Modimo o tla mphodisa. Ka fola ka ho panya ha leihlo.



Selemo pele ke fola ke ile ka thella samenteng e bentshitsweng ka kokoising ya rona, mme ka robeha lesatswana moo mokokotlo o fellang. Tshwaetso ya qosa hore ke eme ka bothata bo boholo ka maoto a ka hoba ke dule kapa ke robale, ke na le mahlaba a bohale nako tse ngata mokokotlong wa ka, mme ho le boima sekolong kaha ke ne ke sa kgone ho ema nako e teletsana. Phodiso ya ka e matlafaditse tumelo ya ka, ba lelapa ba a leboha, mme ha ba phetse ho bua ka matla a mohlolo a Modimo.

Ke tshwere malwapi a ekeserei a bontshang lesapo le robehileng, mme nka thabela ho o romella wona ha o lakatsa jwalo.

**H. J. N.**

\* \* \*

### **Ho Lokollwa Mofetshe ka Hara Letshwele**

Ke lakaditse ho ntsha bopaki hakgutshwane feela. Jesu o kopane le nna ka tsela e mohlolo. Ka na ka hloptjhwa ke mofetshe mme dingaka di entse tseo di ka di kgonang. Ka na ka sehwa feela maemo a ka a tloka, ho fihlela a kekela ka hare. Ka hlobaela masiu ke tseba hore ho kopa thuso letshong la nama ke lefeela, mme ka hweletsa ho Modimo ke hona.

Modimo wa bua le nna mme ka otlolla letsoho la ka la tumelo mme ka leboha Morena, A utlwa a ba a arabela hang mono setulong sa ka. Ka rorisa Morena, mme batho bohle ba ema ba hloletswe ke seo Jesu a se entseng.

Ho lebohuwe Modimo ka Mofodisi eo re nang le yena ya makatsang. Bosiung boo Jesu a tla a ema pel'a ka sefapanong, mme lentswe le mosala bua le nna. Jesu ha a leketlela dibe tsa hao feela sefapanong empa le ka baka la mahlomola a hao.

Ho lebohuwe Jesu, O tlositse mahlomola ohle a ka hang-hang, jwale kaha A entse ka dibe tsa ka.

**J. K.**

\* \* \*

### **Mofetshe O Nyametse**

Mona ke lakatsa ho paka tsa matla a mohlolo mading a Morena Jesu Kreste wa rona ya kgabane. Ho Yena e be thoriso le tlota kamehla!

Jesu o mphodisitse mofetshe wa ka tla tshebetso ya Moena wa rona Branham.

O ka tla iponela ka bowena. Ke tshwere malwapi a fotlweng esita le ditlaleho tsa ngaka.

Ho roriswe Lebitso la Hae!

**N. J. O.**

\* \* \*

### **Mahlaba a Nyametse ka Maleng**

Thapama ya Sontaha mohla Moena Branham a na a tswetse Orlando, ke ile ka fodiswa. E se e le dilemo-lemo ke jewa ke mahlaba a bohale ka maleng a ka. Pheletsong ya tshebeletso Moena Branham a re kopa ho beana matsoho hodimo le ho dumela phodiso. Ka etsa hona, ho bokwe Modimo, ka fola. Ho tloha mohlang oo, e se e ka ba dikgwedi tse tharo, ha ke eso ho fumane lehlaba ka maleng a ka. Ho bokwe Morena.

**R. P.**

\* \* \*

### **Lehlakore le Letshehadi la Sefahleho Le ne le Shwele ka Botlalo**

Ke ngola mona ho paka kamoo Modimo a fodisitseng sefahleho sa ka bohatsung bo phethahetseng lehlakoreng le leng. Ke ne ke sa kgone ho tsamaisa mosifa ofe feela ka lehlakoreng le letona la sefahleho sa ka le molala. Bo bitswa “Bohatsu ba Bells.”

Diveke tse tharo pele o fihla Afrika Borwa ke ile ka bonana le ngaka. Ereka ha ke le Mosebetsing wa Masepala ka lokela ho ngodisa matsatsi a ho kula mme ke iswe ho ya sidilwa letsatsi le letsatsi le ho alafshwa ka motlakase kokelong. Hona ha tswela pele diveke tse pedi ho se karabelo kalafong. Yaba ke fuwa dikhapsule tsa mofuta tse neng di sebetsa hantle mabakeng a mang, etswe jwale ho lekangwa e le “vaerase” ya mofuta e shwesang bohatsu bona.

Mona e le pejana feela ho letsholo la lona la phodiso le qadileng Maranatha Park. Ha kea ka ka nwa dikhapsule tsena kaha ke ne ke lebeletse phodiso ho Morena. Ka kopa Morena ho nkama hle kaha ke ne ke lokela ho itlaleha kokelong ka mora matsatsi a mane—ke se ke wetse maemong ka baka la dikhapsule tseo ke sa di nweng. Mona e ne e le Labone. Labohlano ra etela dikopano tseo bobedi, le ka Moqebelo hape. Bosiu ba Moqebelo ka ikutlwla ke hlaphohetswe hantle ho feta empa sefahleho se ntse se shwele bohatsu. Ka Sontaha ka hopotsa Morena hobane ke lokela ho itlaleha kokelong ka Mantaha, hape ka dikhapsule tseo ke neng ke sa di nwe. Bongata ba metswalle ya ka bo ntse bo rapela le bona. Sontaha ra etela dikopano tsohle mme ka se ke ka phetsa ho amohela phodiso ya ka ho Morena nako le nako ha thapelo e etsetswa phuthetho yohle. Sontaha bosiu keha ke se ke kgona ho bososela ka mahlakore a mabedi a sefahleho mme le mesifa e meng ya qalella ho ntlaflala. Hosseng ha Mantaha nka letsetsa kokelo le ho ba bolella hobane Morena o nkamile le hore ha ke sa tla

alafshwa empa ke tla ba bona hang hoba ditshebeletso di fete; ka etsa jwalo mme bao, ngaka le baoki, ba makaditswe haholo ke ho mpona, mme ka tlalehwa ke fodile.

**J. P. P.**

\* \* \*

### **Lehlatso le sa Laoleheng le Kotola Molaleng**

Ke kutse dikgwedi tse hlano ke hlatsa hampe-mpe. Dikgweding tsa ho qetela tse pedi ke kgona ho nwa metsana le dijo feela. Ke ena le dioporeishene tsa tonana tsa mpa. Ka alafshwa ke dingaka tse mmalwa tse ikgethileng. Ke entswe oporeishene tsa tonana dikgweding tse tsheletseng mane Kroonstad, e nngwe e latela e nngwe. Qetellong Ngaka Dykman a hana ho boela a ntshebetsa. Ka etela Kokelo ya Kensington Johannesburg makgetlo a mmalwa ke alfshwa ke dingaka tse ikgethileng. Ke boetse ke hlahile kotolana molaleng eo Morena a bileng a e fodisa ka ho phethahala.

Ka mora phodiso yaka ka ya ngakeng mme a mpha lengolo a re le leng le ka fumanwa ngakeng e ikgethileng.

**W. J. G.**

Mof. J. G. ebile mokudi wa ka dilemo tse balwang. A entswe dioporeishene tse nne tsa mpa ka baka la pudulana ya hae ya nyooko le ditho tsa letheka. A bile a hlahile kotolana ya molala. A hlotjhwa ke lehlatso le sa laoleheleng ka dikgwedi tse ka bang hlano. O nnile a alashwa ke dingaka tse mmalwa tse ikgethileng Johannesburg. Ha jwale o bonahala a phetse ka ho phethahala.

**Ngaka H. J.**

\* \* \*

### **Moruti o Tlaleha Diphodiso tse Nne**

Re ile ra thabela dikopano tsa Branham tse rometswe-se-Modimo ka dithero tsa tsona tse buduletsweng di rerwa ke ditho tse fapaneng tsa moifo, empa ha ho lemohuwa tshebeletso ya moratuwa wa rona Moena Branham re haellwa ke mantswa ho hhalosa teboho ya rona e tebileng ho Ntata rona ya Lehodimong ka ho re romella yena ka mohau, rona ba amohetseng ho feta kamoo leleme le ka bolelang kateng. Nna le mosadi waka le kereke ya rona ka kakaretso ra hlollwa haholo mme re bile ra kgahlwa semodimo ha bongata bo no bo fodiswa ka ho sheba feela. Kgaitsedi Fourie (mofumahadi wa ka) o sotilwe ke tswalo ya lesea la rona dikgwedi tse fetang robong, le ho Modimo hajwale, empa yare a sa utlwa molaetsa o kgethehileng wa phodiso, a amohela nnete ya taba eo mme a fola ka ho panya ha leihlo. Moo e ne e le Klerksdorp.

Moena Ben Meyer wa phutheho ya rona o kile a sotlwa ke nko e topileng habohloko, leihlo la hae le lona la tshwaetswa la ruruha mme qetellong la hlokofala hoo ka mora dikgwedi tse tharo ho ileng ha hlakela bohle ba tsebang mofetshe hore moena o tla shwa lefu le tshabehang ka ho fetisisa. Ka kgothaletsa moena ho etela dikopano tsa Kimberley ka ba ka mo phetela boiphihlelo ba kgaitandi toropong e ka kwano ho eo. A etsa qeto ya ho ya mme a fola ka mokgwa o tshwanang a ntse a mametse Moena Branham a ntse a bolella ba bang ho dumela. Le yena a amohela hore e etseditswe yena mme ka mora ho tsamaya dimaele tse mashome a robedi bosiung boo a ya lapeng, ho topa ha nko ho nyametse mme leihlo la boela la tshwana le pele.

Ha ba feta motsaneng wa rona tseleng ya bona e yang Kimberley moifo wa hlohleletswa ke Modimo ho re kgalo ha moruti wa rona kaha re rapetse Modimo ho re romella moena ka molaetsa hape le ho mo sebedisa phodisong ya Betty wa rona e monyenyanne (ya dilemo di hlano) ya neng a jewa ke mahlab a bohale ka maleng a bile a latelwa ke mesifa e thefulehang le pontsho e nngwe e neng e re tshwentse haholo. Eitse ha Moena Branham a kena phaposing ya rona ya ho roba monakedi a mo elellwa mme a bua le yena ka mosa le ka bonolo mme ka hopola e atametse haufi le kamoo Morena Jesu ka boYena a ka beng a sebeditse. A bua ka Becky wa hae ka sebele mme motsotsong oo ka sitwa ho itaola ka ba ka re: Kamehla Betty o re ha a ka rapellwa ke Malome Branham o tla fola. Ka baka leo a re, "Ke tla mo rapella," mme ha a bea matsoho hodima hae a sisinya Mahodimo ka thapelo ya hae e ikokobeditseeng e tshepehang. Ha a sokolohela ho kgaitandi a re: "Kgaitandi, o se hlole o kgathatseha, o fodile ka ho phethahala." A boela a re bolella se neng se mo tshwere mme eo ya eba pheletso ya mahlomola a hae. O fodile ka ho phethahala, thoriso ho Modimo o matlawohle. Pontsho eo le yona e nyametse. Ke motlotlo haholo ho re ba sa ntse ba fodile kaofela ha bona. Yare ha moena a tsamaya bosiung boo a boela a re: "Kgaitandi, Morena Jesu o o nea takatso ya pelo ya hao." Re thabile jwang ho tseba hobane Modimo o sa ntse a arabela thapelo.

Mof. Wessels, Robyn Street, Christiana, o ile a qohollwa ke Moena Branham tshebeletsong ya Moqebelo (20 Mphalane 1951) mme a re o tshwerwe ke diphiyo empa o phekotswe leha ho le jwalo. Le jwale o sa ntse a fodile. Babelaeedi ba sa le teng motseng mona empa palo e kgolo e dumela hobane Moena Branham ke monna ya romilweng ke Modimo, mme mabapi le ditho tsa rona, bohle rea tseba re bile re e amohetse ka dipelo tsohle tsa rona. Boiphihlelo ba ka ka sebele ke hore ke atametse Modimo ho feta pele. Ke motho ya fetohileng kahohle mme Modimo o hlohonolofatsa mosebetsi wa ka wa lentswe ho feta pele.

Mahlohonolo a enneng a Modimo a ke a arubetse mosebetsi wa hao wa lentswe.

**D. P. F., Moruti**

\* \* \*

### **Jwale o Tsamaya ka ho Pethahala**

Methapo ya noka ya ka e ile ya fafoha ke ntse ke matha. Ke ne ke tshwanetse ho etswa oporeishene e kotsi nokeng ya ka. Hoba ke tswe kokelong keha ke sa ntse ke qhiletsa empa phirimana e fetileng ka utlwa hore Morena o nkamile ka nako ha Moena Branham a ntse a rapella e mong le e mong.

Ke leboha Morena ho tswa botebong ba pelo yaka ha ke kgona ho tsamaya ka ho phethahala.

**J. B.**

\* \* \*

### **Tumelo ya Phodiso E Susumetswa Ke Ho Bala Molaetsa wa Moena Branham**

Ke hlomohile dilemo tse leshome ke tshwenngwa ke “Lefu la Pelo” le bohale. Ngaka e se e lahlile tshepo yohle mme ya mpolella ke tshwanetse ho kgotsofala le ho phela bophelo boo pelo ya ka e tla ntumella ho bo phela. Ke futuhelwa ke lefu la pelo kgafetsa. Ka ba ka potlakisetwa kokelong ho fumana oksejene. Bana ba Modimo ba ne ba rapela ka mpa ka utlwa ke teba butle. Tshepo e ne e se e le siyo, tshepo e ne e se e le siyo, qetellong ra fumana tlaleho e molemo e reng Moena Branham o etela Afrika Borwa.



Hang monna wa ka, ka thelekramo e potlakileng, a lata buka ya Moena Branham Durban mme a mpha yona ho e bala, a tseba hobane tumelo yaka ho Modimo e tla phahama ha ke bala. Eitse ha ke bala buka tumelo yaka ho Modimo ya matlafatswa ya ba ya matlafatswa ho fihlela ke kgodisehile hobane nka tshepela phodiso yaka ho Modimo. Ka ho tseba hobane Moena Branham o tla fihla Afrika Borwa ka elellwa hoba dikete di tla rapellwa mme tshepo ya ho kena moleng wa ho rapellwa nka e fumana kae. Kapele ka qala ka itima dijo le ho rapela, ke kopa Modimo ho mpea moleng wa pele wa ho rapellwa, Moena Branham a tle a bue le nna ka seqo.

Modimo o ile wa arabela thapelo ya ka. Ka la 17 Mphalane, 1951, bosiusung ba pele ba letsholo la Moena Branham mane

Kimberley, ka fuwa setlankana sa ho rapellwa ke Billy Branham se ngotswe palo ya 3 hodima sona. Ha biletswa dipalo tsa 1-15 ho ema moleng wa thapelo, ho roriswe Modimo, ke ile ka ba wa bobedi ya rapellwang. Moena Branham o ile a re, "Dumela, kgaitsemi, o modumedi. O tshwentswe ke lefu la pelo haholo. O no o fodiswe tafoleng ya selallo dikgwedi tse mmalwa tse fetileng. O itimile dijo mme wa rapela ka phaposing ya hao ya ho robala, o kopa Modimo ho o kenya moleng wa pele ke ka baka leo o keneng moleng wona wa ho rapellwa. Kgaitsemi, tsamaya, Modimo o foidisitse ka botlalo jwale."

Ho roriswe Modimo, ka fola ka ho panya ha leihlo mme hona mono le mohlang oo ka kgolwa ruri hobane Modimo o mphodisitse. Dithoriso le dialellua tsa tlala holo ya toropo ka nako ha Moena Branham a ntlaleha ke fodile. Mang le mang ya ntsebileng o tsebile kamoo ke sotlehileng ka dilemo tse leshome mme jwale bohole ba rorisa Modimo le nna ka phodiso ya ka.

Moena Branham o ntlalehile ke fodile tafoleng ya selallo. Taba ena ke nnete. Sontaha se seng moruti wa Kimberley Full Gospel Church of God le monna wa ka ba ile ba nthapella. Ke le mobe haholo. Ke ne ke lakaditse ho ja selallo hoseng hoo. Moruti ka ho tseba ke fokola haholo a hopola ho ke ke ha kgoneha. Ka tsitlallela, mme yaba moruti o nkisa kerekeng. Hoseng hona ho ne ho tshwerwe hlohonolofatso ya maloko a tshwereng diofisi. Lekgotla lohle la kereke le basadi ba bona ba kojtja ho tswela ka pele. Ka mora hlohonolofatso ra ja selallo. Ke ne ke eme pel'a monna wa ka a na a nkakatletse. Ke fokola haholo ke bile ke phefumoloha ka boima. Phutheho yohle e beile mahlo a yona hodima ka e sa tsebe se tlang ho ntlahela. Selallo sa fetiswa mme yare ha ke ja Bohobe (mmele wa Jesu) Modimo wa mphodisa mme ka tloha kerekeng ke sa thuswe le pelo ya ka e boetse setlwaeing. Ho roriswe Modimo.

Hoba Moena Branham a nthapelle ka kopa ngaka ho ntlahloba mme ya re: "Tsamaya o thabile mme o se nahane o kile wa kgathatswa ke lefu la pelo le ka mohla." Modimo o mphile pelo e ntjha, mme hajwale ke phetse hantle mme ke matla, kamehla ke tsamaya hohle ke paka mme ke borella batho kamoo Modimo a mphekotseng kateng.

Ke hantle, o mpotsa kgahlameloe eo phodiso ya ka ebileng le yona bophelong ba ka ba moyo. Pele, ke rorisa Modimo ka ho mphodisa, empa mantswe a builweng ke Moena Branham, "O modumedi," a bua haholo ho nna. Ke nnile ka elellwa hobane nka ya lehodimong ka mmele o kulang empa e seng ka moyo o kulang. Ke ka hona mantswe ao a bolelang ntho e nngwe le e nngwe ho nna. Taba ya bobedi, batho ba hlollwa ha ba ntjheba, ba bang ba boetse ba itse, "O mohlolo." Jwale nna le monna wa ka re ikakgela mosebetsing wa lentswe ka botlalo

ho tlisetsa batho ba bang Evangeli e tlotlehang ena ya pholohlo le phodiso. Hang hape, kopana le nna mme o re, "ho bokwe Morena." A re boeleng re re, ho bokwe Morena.

**V. O. N**

\* \* \*

### **Twelo e Iketlileng ya Mahlaba ka Maleng**

Ke ne ke tshwenngwa ke mahlaba lehlakoreng le letona la ka le ka maleng a ka. Hoba Moena Branham a nthapelle Kimberley ka ntlaafala butle ho fihlela hajwale ke ikutlwae ke le motho e motjha. Ngaka e makaletse ho bona kamoo ke hlaphohetsweng kateng. Diteboho, hobane dintho tsohle ho Modimo di ka etswa.

**E. J.**

\* \* \*

### **O Lokolotswe ka Botlalo Mahlokong Wohle**

E se e le dilemo tse mashome a mabedi a metso e meraro ke hlomoha mme ke alafshwa athritisi, mofetshe, kgatello ya madi le legeba le sa foleng la oporeishene. Ka Mphalane 21, mane Kimberley, Moena Branham o ile a bua le nna. A mpolella ke tshwerwe ke mofetshe le mahloko a mang le hoba ke Modimo feela o ka mpholosang lebitleng. Hoba a nthapelle a re nka ya hae ke phekotswe.

Phodiso yaka e tlie butle empa divekeng tse tharo keha mahlaba wohle a nyametse mme ke lokolotswe ka botlalo. Moruti wa ka wa Dutch Reformed a thabetse ho utlwa hona mme ka mora hlahlolo ngaka ya ka ya mpha lengolo le hlilosang ho se mofetshe kapa athritisi mmeleng wa ka. Ho roriswe Modimo ketso ena e nnetefaleditse Morena.

**W. J. B.**

*Pale ya W.J.B., Andalusia, dilemo 54.*

O ne a dibulwe pudulana ya nyooko mme hamorao le oporeishene e nngwe ya ditho tse lomahaneng ka mokgwa o seng wa tlhaho ka baka la borurus. Setlolo sa mofetshe se ne se tlotsotswa lequthu le sephakeng se setona ka dilemo tse fetang leshome le metso e mehlano. A bile a tlotswa ka setlolo letsweleng le letshehadi ka baka la sesumahadi letsweleng. A boetse a jewa ke lehlaba ka mokokotlong wa hae. Jwale ha a hlahlajwa o fumanwe e le mosadi ya ditho a mpa a bonahala a phetse hantle. Ho hlwenya kapa bohloko ba nyooko bo sa bonahale. Motwa wa motonana sephakeng se setona le letsweleng le letshehadi, metwa eo e phetse hantle ka bobedi. Letswele ha le sa na qedikwe. Ha ho sa na dipudulana ka mahafing, molaleng, leha e le kae kapa

kae. Metwa e mpeng e phetse hantle—sebete se ipheletse—sefuba, matshwafo, le pelo di ipheletse. O ikutlwa a phetse hantle mme ha a na matshwao a letho.

**Ngaka R. N.**

\* \* \*

### **Borurusu ba Sefahleho bo Nyametse**

Nka paka hore Modimo o sa na le matla a ho fodisa. Mehleng ya ketelo ya Mor. Branham mane Kimberley ke ile ka fola hang-hang ka la 21 Mphalane, 1951. Yona phirimana eo ha ke fihla hae, ka sheba seiponeng sa ka mme ka bona pontsho ya mohlolo o entsweng ke Modimo.

Ke nnile ka hlomodiswa ke borurusu lephakong le letshehadi la nko ya ka dikgwedi tse tharo le halofo, hoo lesoba la ka la lehlakore leo le neng le thibane kamehla. Ke tshaba hobane bo ka tshoha bo fetoha mofetshe. Tshepo yaka e le nngwe e le ho finyella ho moporofeta wa Modimo, hore nna ke leng ngwana wa Modimo ke tle ke fole. Ho roriswe Modimo, phodiso ya ka e phethehile e bile ke ya nako e telele.

**B. P. M.**

\* \* \*

### **Ho Fodiswa Pabo ya Mala**

Ke lakatsa ho rorisa Morena hobane A mphekotse tlokotsi ya mala e nkgathaditseng bophelo bohole ba ka. Ke bile ke tshwenngwa ke sebete se bohale. Ke se ke batla ke dihetse moputso waka wohle kalafong ya bongaka e mphumantshitseng thuso ya nakwana feela. Ka amohela phodiso ya kapele-pele ya mathata a mala a ka, empa sebete sa ka sa ntlaufala butle ho fihlela, le sona, jwale se phethahetse. Kajeno ke motho ya phetseng hantle mme ho roriswe Morena kahobane A nkentse motho e motjha.

**N. W.**

\* \* \*

### **O Hlomodiswa ke Pabo ya Sebete**

Mohla Moifo wa Branham o no o tshwere dikopano tsa phodiso ya Kgalalelo mane Kimberley, ke ile ka fola kapele-pele. Ke hlomodisitswe dilemo tse pedi ke tlkotsi ya sebete. Ho se ho fetile diveke tse tsheletseng dikopano di kwetswe mme boiphihlelo bona bo matlafaditse tumelo ya ka le ho nkamatetsa ho Modimo.

**R.S.**

\* \* \*

### **O Lwelwa ho Bronkhaitisi le Lehlwele la Madi**

Ke batla ho leboha Modimo ka phodiso eo ke e fumaneng Kimberley ka mora ho hlomodiswa dilemo tse fetang 20 ke tshwerwe ke bronchaetisi le lehlwele la madi. Ke ne ke dutse ka tshebeletsong, ke utlwa boteng ba Moya o Halalelang haholo. Moena Branham kapa motho e mong ha a ka a bua le nna kapa ho nthapella, ka mpa ka hlaeletsa ka tumelo mme Modimo wa mphodisa. Ho tloha mohlang oo ho se ho fetile kgwedi mme ho ntse ho eso ho bonahale letshwao la mahlomola.

**B. A. J.**

\* \* \*

### **O Boetse O A Tsamaya**

Ke ne ke sa kgone ho tsamaya ka dilemo tse nne tse fetileng. Moena Branham a ntaela ho ema le ho tsamaya mme jwale ke phekotswe ka botlalo.

Ke lebisa thoriso yohle ho Modimo, hlompho le kganya.

**J. J.**

\* \* \*

### **E Mong le Yena o Boetse O a Tsamaya**

Ke ile ka tshwarwa ke setorouku se ileng sa bolaya lehlakore le letshehadi lohle la mmele wa ka nakwana e fetileng. Kelello ya ka le yona e se e baleha. Ka fetoha mokudi ya feletseng dikgwedi tse ka bang hlano.

Bosiung bo bong Moena Branham a re bao ba dumelang ba tla fodiswa mme a laela ba nang le tumelo ho ema le ho tsamaya. Ka ema ka ba ka tsamaya.

**Mof. N.**

\* \* \*

### **Jwale Maemo a Madi a Boetse Setlwaeing**

Moradi wa ka o kutse ho tloha a le dilemo di robedi. A sehwa lelana pele yaba o mpefala hampe le ho feta ho fihlela ngaka ya Kimberley e mo romela Johannesburg, moo a ileng a bolokwa diveke tse leshome le metso e meraro Lehaeng la Baoki la Norman. O ne a hlajwa dinale tse tharo tse fapaneng dihoreng tse ding le tse ding tse tharo, motsheare le bosiu, empa a nna a ota hanyane-ka-hanyane mme qetellong ka rera ho mo kgutlisetsa hae ka sefofane kaha a ne a ka sitwa ho mamella leeto la terene.

Ka ntoo tshepa Modimo feela. Hamorao ka (1950) Marlene a ntshwa setho se laolang madi (spleen) ka mpeng ya hae yaba

moo phallo ya madi a hae e fetohang (setho seo se le selelele ho feta tlwaelo ka makgetlo a leshome le metso e mehlano). Yaba madi a qala a dutla. Ka morao ho oporeishene o na a ntse a hlatsa madi. Lehano la tlala lephoka leo ngaka e boletseng le bakilwe ke maemo a madi. O se a fepetswe madi hangatangata, mme ka Pudungwana a lokela ho fumantshwa paente ya madi, empa jwale ha e hlokahale.

Re ile ra ngolla Moena Branham pele a tla Afrika Borwa mme Moena Bosworth a mo romella sakatuku e tlotsitsweng eo a tsamayang a e nkile jwale. E sale re tla bosiu ka bosiu mme nka leboha Modimo ruri hoba o fodile ka botlalo mme kea kgolwa Modimo o bile o kentse setho se setjha seo ka ho yena.

**M. W.**

\* \* \*

### **Lethopa le Kang Kgole**

Moena Branham o nthapeletse Laboraro mantsiboya mme a mpolella ha ke tshwerwe ke lethopa le ikentseng ditshwele popelong le ho re, ke tla fola dihoreng tse 72 ho tloha moo.

Bosiung ba Moqebelo yare ke sa dutse ka hara mokgupi mme Moena Branham, moporofeta, a ntse a sebeletsa bakudi, dihora tse ka bang 72 ka mora ho rapellwa ke yena, Morena a mpontsha pono ya sefapano hodima sehlabanyana. Taba eo ke lemohileng e tsoteha ka ho fetisisa e le hobane ho no ho fifetse kahohle ka mathoko ho sefapano. Kapele-pele pela sefapano, eka sebakeng, ha hlaha ntho eo nka e hlahosang feela eka lethopa le kang dikgole. Ke rorisa Morena ka ho mphodisa.

**N. M. C.**

\* \* \*

### **Lethopa**

Le pele re bitswa ho kena moleng wa ho rapellwa ke ile ka utlwa hore ntho e nngwe e etsahetse. Nka paka feela ke re kea tseba hore ke fodile le hobane Morena o entse mosebetsi. E sale ke hlomodiswa ke lethopa dithong tsa ka tsa bosadi selemo le dikgwedi tse nne.

**H. Van E.**

\* \* \*

### **Pelo ya Ramatiki Dilemo Tse Mashome A Mabedi**

Ke ne ke le dilemo di tharo ha ke tshwarwa ke feberu ya ramatiki mme hona ha hlahisa feberu ya pelo e ntubileng

dilemo tse mashome a mabedi. Ka tla ho Moena Branham mme a nthapella yaba ke a fola. Metswalle le ba leloko ba ne ba thabetse ho mpona ke fodile.

Leleme la ka le bokopa haholo ho leboha le ho boka Morena ka ho mphodisa.

**J. L. O.**

\* \* \*

### **Athritisi e Nyametse**

Esale ke hlokofatswa ke mahlaba a nyarosang mmeleng wa ka. Ho tloha ka Phuptjane, mohla ke futuhelwang ke pelo, ngaka e ile ya mpolella ho kgutsa haholo. Mehleng ya ditshebeletso tsena tsohle ke ile ka utlwa hore Modimo o tla mphodisa. Bosiung ba maobane ke fodile ka motsotswana ha ke tswa holong. Ke sa kgone ho tsamaisa sephaka sa ka se setshehadi ho fihlela bosiu bo fetileng. Ke ne ke tshwerwe ke athritisi matsohong ao bobedi, empa hajwale ke kgona ho a tsamaisa. Ke leboha Modimo ka seo A nketsediteng sona mme ke tshepisa ho ema ka botshepehi ho fihlela A nkisa hae Lefatsheng le Molemo.

**W. M.**

\* \* \*

### **Lehlabo le Letsweleng le Lehetleng le Nyametse**

Ke hломодиситсwe dilemo tse pedi ke letswele la ka le letona ke bile ke na le lehlabo lehetleng le letona. Dingaka di ntshehile dilemo tse tharo tse fetileng ntle le katleho. Ke ile ka etela Ngaka K. wa Petersburg mme a re ho nna ha le ka tswella ka mokgwa oo, le tla iphethola mofetshe kapele-pele. Ka etsa qeto ya ho tshepa Morena.



Letsholo la phodiso la Moena Branham le qadile ka la 24 Mphalane, 1951 mane Bloemfontein mme ka amohela setlankana ho tswa ho Billy bosiu ba pele, mora wa Moena Branham. Ka biletswa kalaneng ho rapellwa. Yare ke saeme ka pela Moena Branham, a ntjheba a re, "O ngwana wa Modimo. Ba kile ba o seha." Ka arabela, "E," mme yaba o re, "Ho na le ntho e tswang letsweleng la hao hona jwale, mme Morena o o phekotse. Eya hae." Ha a ka a nkama kapa a nthapella, a mpa a bua le nna feela. Ho tloha horeng yona eo ka fola.

Ha ke ntse ke eme pela Moena Branham, ke ile ka kgurumetswa ke maikutlo a halalelang mme ka utlwa mohatsela o thothometsang. Moena Branham ke mohlanka wa nnete wa Modimo, le monna ya nkgopotsang Jesu.

Ke ikutlwla ke le motho e motjha. Bophelo ba ka ba moyab o atlehole. Ke rapela ho feta mme ke ikutlwla ho paka ka Morena wa ka hohle moo ke yang teng. Mohope wa ka o a kgaphatseha ke thabo. Ke ikutlwla ho phelela Jesu wa ka ka botlalo hoba A nketseditse tse kgolo hakana. Ha ke sa na mahlab a letsweleng kapa lehetleng le letona la ka. Ke boka Lebitso la Hae ke hona.

S. S.

\* \* \*

### **Bothata ba Lelana le Kgaohileng**

Nna le Mopesalema ho Pesalema ya 103, re ka bua ra re "Boka Jehova, moyab o ka, le tsohle tse ka ho nna, di boke Lebitso la Hae le halalelang."

Pelo ya ka e phophoma teboho ho Morena ka seo A nketseditse sona. O tsebile mathata a ka kaofela, le kamoo ke hlomodisitsweng ke mothapo o kgaohileng dilemo tse 27. Ke fetile masetlapelong, empa ka nna ka tshepela phodiso ya ka ho Modimo. Ke ne ke badile ho "The Comforter" hore dikopano tse Bloemfontein di tla qala ka la 24 Mphalane mme ka qeta ho etela moo.



Eitse ha ke etsa kamoo Moena Branham a mpoleletseng kateng ka utlwa eka ho tlositswe boima bo boholo hodima ka. Ka e hlokome la haholo ha ke tsamaya; mpa ya ka e utlwhala e le bobeb e haholo.

Ke ne ke sa kgone ho robala ka mokgwa ofe o sele letsoho la ka le letshehadi le sa tshehetsa mothapo o kgaohileng. Jwale hona hohle ha ho sa hloka hala. Merwalo ya ka le mekgathala e sirohile kaofela. Nka re feela, "Lerato la Jesu lea makatsa, lea makatsa," mme ke lebisa kganya yohle ho Modimo.

J. M. H.

**La boela la saenwa ke Moruti: J. J. G.**

\* \* \*

### **Phiyo le Lefu la Pelo**

Ke batla ho paka lebitsong la motswalle wa ka ya dilemo tse leshome le metso e mmedi. Ngwana enwa o kutse dilemo

tse supileng. A tshwerwe ke feberu ya ramatiki mohla a na a le dilemo tse hlano mme a robala a bile a tsoha ka bothata ba pelo, le dintho tse ding. Ra tla dikopanong tsena ka tumelo e phahameng, re dumela hore Moena Branham o tla kgona ho rapela le hore Jesu o tla mo phekola ka bottlalo. O ile a fuwa setlankana sa ho rapellwa empa a se ke a biletswa moleng wa ho rapellwa, mme a nyahama, kea tseba. Empa a mo qoholla mokguping. Eitse ha a bua ka lefu la hae la phiyo, ka nahana, Oho! a ke ke a rapella lefu la hae la pelo. Empa o ile a etsa jwalo. A le bona, le lona. Jesu a bontsha hore o na le bothata ba pelo, mme a phekolwa bobeding ba wona. Alleluia! Ho bokwe Morena.

**S. R.**

\* \* \*

### **Lefu la Mala le Mothapo o Kgaohileng**

Ke mpa ke rata ho paka hobane Jesu Kreste e sa le yena maobane, kajeno le ka ho sa feleng, o sa ntse a etsa mehlolo le meeka. Ha A fetohe.

Ke hlomodisitswe dilemo tse nne ke mala a ka. Ke qeta masiu a mangata ke hlobaela. Ngaka ya eletsa diphoshwana tsa mpa tsa thusa hanyenyane. Mohla Moena Branham a na a etetse Bloemfontein, ra qeta ka ho etela mono le ho rapellwa. Yare a sa rapella bakudi bohole Morena a nkama a ba a mphodisa. Mosadi wa ka le yena a fodiswa mothapo o kgaohileng ka yona phirimana eo. Ho roriswe Modimo ka mohau wa Wona.

**H. C. H.**

**La boela la saenwa ke Moruti J. J. G.**

\* \* \*

### **Lefu la Pelo**

Ke hlomodisitswe dilemo tse ngata ke lefu la pelo. Ke sa kgone ho itjara ke sa utlwe tshwaetso ya lona, empa ho bokwe Modimo, ke fodile! Mohla ke ne ke etetse dikopano East London, Pudungwana wa 18, ke ile ka amohela phodiso ya ka ho Morena. Tlasa tshebeletso ya lenseswe ya Moena Branham, Morena o ile a nkama a ba a mphodisa ka bottlalo. Mehleng ya dikopano tse latelang phodiso ya ka, ke ile ka thusa ho jara bakudi ho ba isa hodimo-le-tlase ditepising ke sa utlwe letho. Ena ke ntho eo ke neng ke tla sitwa ho e etsa hola Modimo o no o sa mphodisa.

**J. H. P.**

\* \* \*

## O Hlomodiswa ke Angina

Ena ke nako e babatsehang ka ho fetisisa bophelong ba ka. Laboraro hoseng ke ne ke sa tlo kgona ho tsamaya bohole bo lekanang le lebala la bolo ya maoto ho uba ho bohloko ha pelo ho sa utlwahale, ho haellwa ke phefumoloho le lehlabo le bohloko sephakeng, leo mang le mang ya kileng a tshwarwa ke angina a le tsebang. Ha o kgone ho tsamaya mme ntle le moo ha o kgone ho kobeha ho sebe-sebetsa jareteng, mme o mpe o se leke ho phahamisa nkgo e nosetsang, kapa ho kgola dipalesa tse mmalwa, jwale ebe dintho tsohle ha di sa lokile. Mme ka hona Laboraro ka tla kopanong ka tumelo e nngwe le e nngwe hore ke tla kopana le Modimo ka lehlohonolo la Hae le tletseng.

Moena Branham o ile a bula puo ya hae, mme a bua ka tekanyo ya tumelo. Hlasimollo e babatsehang ena ya tjhalametsa hohle mmeleng wa ka mme ya theoha le diphaka tsa ka eka motlakase. Ka tseba hore ke fodile, leha ne nke ke ka rialo. Ka hopola ho emela hosasa, empa ka tseba le pele ke fihla hae hore mmele wa ka o hlaphohetswe hoba haeba bobebi ho fihla koloing. Hoseng ho latelang ka itsamaela Eastern Beach le mosadi wa ka le ho kgutla hape kgahlano le moyo o matla. Ka sebe-sebetsa jareteng mme ka hla-hlaola, mme kajeno ke thapolotse mesifa e tiileng kaha ke eso ho tsamaye hamonate hakana bophelong ba ka. Ho bokwe Morena.

**S. C. H.**

\* \* \*

## Motjha o Fodiswa Hloho e Bohale

Ka mora ho kula ke alafilwe dilemo tse hlano, ke ile ka fodiswa Bloemfontein ka 24 Mphalane. Moena Branham a mpolella hore ke tshwerwe ke hloho e opang habohloko, e ne e le nnete, empa ka fodiswa ka nako le motsotsa hoba a mpollella ha Jesu a mphodisitse le hore jwale nka thabela phodiso ya ka ka sebele. Dilemo tsa ka di leshome le metso e mene mme ka baka la seo Jesu Kreste a nketseditseng sona ke Mo teletse bophelo ba ka.

**A. S.**

\* \* \*

## Polio le Mofetshe

Ke hlomodisitswe ke polio dilemo tse fetang mashome a mabedi. Ke sa tswa tshwarwa ke mofetshe o kahare morao-rao tjena, empa ka fola kapele-pele thapeleng ya bongata ka la 24 Mphalane mane Bloemfontein.

Ngaka ya ka e re ke mohlolo wa nnete mme o thabile haholo ha ke fodile. Phodiso ya ka e isitse monna wa ka le bana ho Morena. Ho roriswe Lebitso la Hae le Halalelang.

**G. E. D.**

\* \* \*

### **Ditho tse Tharo tsa Lelapa di Fola ka Bosiu**

Ke monyetla o moholo ha ke kgona ho paka tsa lehlohonolo le phodiso e amohetsweng mehleng ya letsholo la Branham mane Bloemfontein. Ke fodile ka 27 Mphalane mane Bloemfontein mme ha ke kgone ho leboha Morena ho lekana ka tokoloho ya ka. Ke hlomodisitswe dilemo tse hlano ke feberu ya ramatiki selemo le selemo mme selemong sa botshelela, mohla ke ne ke etsa dilemo tse leshome, methapo ya ka e ile ya putlama. Ka qeta dikgwedi tse tsheletseng General Hospital mane Bethlehem. Lengole la ka la qala ho ruruha ha ke le dilemo tse leshome. Ho se hobe hakaalo dilemo tse pedi tsa pele kapa tse tharo empa maemo a mpefala hamorao. Mororao tjena, hoba ke itete sefuba ho tsamaya maele, tlhafu ya ka ya tloka hoo ke sa kang ka kgona ho tsamaya ka matsatsi a mahlano kapa a tsheletseng.

Ka etela dingaka tse leshome le metso e mmedi tse fapaneng. Re se re bile re bonane le dingaka tsa setso empa ha dia sebetsa letho ho nthusa.

Dingaka tse tlwaelehileng le dingaka tse ikgethang tsa Bloemfontein tsa bolella batswadi ba ka hore di se di sa kgone ho etsa letho kapa ho etsa dihlahlolo tse tsepameng.

Ngaka Visser wa Bloemfontein a mpolella ke na le bothata ba lengole le hore le tla boela setlwaeding dilemong tse ka bang 24 kapa 25. Veke feela pele ho moo Ngaka Scheepers wa Johannesburg o ile a hlokomela mosifa o tabohileng o no o ka lokiswa ke oporeishene.

Ereka ha re ne re dula Foreisetata oporeishene e loketse ho etsetswa Bloemfontein. Veke e latelang dingaka tse ikgethileng tsa Bloemfontein tsa hana ho etsa oporeishene mme ka kgutlela hae ka pelo e nyahameng le ka letsvalo bosiusing boo.

Maemo a ka a eketsa ho mpefala mme lengole la ka le sa ruruha feela empa hajwale moomo wa ka wohle hape le leoto. Ka hlajwa nale e fapaneng kaha ngaka e ne e nahana ke tshwerwe ke *dropsy*. Ka se ke ka bo hlotha bosiu bo latelang. Tsatsi le latelang ra bona ngaka e nngwe, Ngaka Kellerman mme Ngaka Jordaan a ntlhahloba hantle haholo mme ba dumela hobane methapo e ka hodima theledi e se e fokotse haholo ho phahamisetsa theledi maemong a loketseng, hoo ho baka pokello ya metsi ke hona.

Ngaka Kellerman a ntaela ho robala diphateng veke ke etsa dihlakiso tse itseng tsa lengole. Labone la veke e hlahlamang letsoho le letona le sephaka tsa qalella ho ruruha le tsona. Ka robala matsatsi a mararo le masiu a mararo mme ngaka ya tshoha hore nka tshwana ke tshwarwa ke "lefu la borokwana." Ha re utlwela ka monna ya rometsweng ke Modimo ho fodisa bakudi ka thapelo, batswadi ba ka ba qeta hang ho nkisa ho yena ka morero wa phodiso.

Ho no ho babatseha ho bona diritsa di tsoha diphateng tsa tsona le mampareng le ho bona diamalanse di tloha dikopanong di le lephaka.

Nna le borakgadi ba ka ba babedi re fodile phirimana ya Labone. Ho tloha mohlang oo ha ke sa na lehlaba moomong wa ka le letsohong mme ke se ke kgonne ho loha ka letsoho leo mme ke tsamaya hohle moo ke batlang tshwaetso ya lefu e le siyo.

Ke ne ke le setho sa Kereke ya Dutch Reformed mane Bethlehem. Nna le batswadi ba ka le ba lelapa, re leboha Morena ka phodiso eo A nketseditseng yona, ka mora ho tujwa dilemo tse ka bang leshome le metso e mmedi.

J. D.

\* \* \*

### Lefu la Phiyo le Kgatello e Hodimo ya Madi

Ke qadile ke le dilemo di pedi, ho tujwa ke lefu la phiyo. Dilemo tse mmalwa tse fetileng matsoho a ka le maoto a nna a ruruha mme ka tshwarwa ke kgatello e hodimo ya madi. Meh leng ya dikopano Bloemfontein, Moena Branham o ile a ntshupa a ba a mpolella hore e sa le ke tujwa ke lefu la phiyo. A mpotsa hore ke nnete na, mme ka oma ka hloho ya ka. Yaba o mpotsa ke dumela ho Modimo le hobane ke dumela Modimo a tla mphodisa na, le moo ka arabela ke dumela. A araba a re Modimo o se a mphodisitse. Hoseng ho hlahlamang thruhu yohle keha e nyametse, kgatello ya madi e boetse setlwaeding, le diphio tsa ka ha di eso ho mphe bothata ho tloha ka la 24 Mphalane, mohla Moena Branham a ne a buisana le nna. Ke batla ho leboha Modimo ka boiphihlelo bona hoba bo nkatumeditse ho Jesu mme nna le batswadi ba ka re ikutlwra re thabile ka bona.



A. P.

\* \* \*

### **Polio, Lelana, le Bothata bo ka Maleng**

Ke sotlehile ho tloha tswalang ya ka. Dilemo tsa ka di leshome le metso e meraro. Ke sotlilwe ke polio. Ke sa kgone ho ja letho ke be ke se ke hlatsa. Ke ruruuhile tlasa letswele, mme ke na le mahlab a hlabang ka maleng ka mora dijo. Ka tloha ngakeng ho ya ngakeng ho se katleho. Ke sebedisa mofuta o mong le o mong wa moriana empa ha se ke ha thusa letho. Ke le mosesane haholo mme ke le monyenyanne ho latela dilemo tsa ka, mme eka ke ngwana wa dilemo tse robedi. Ka bitsetswa kalaneng ho rapellwa ka la 26 Mphalane. Ka ema ka pel'a Moena Branham. A re, "Moratuwa, o a dumela na?" Ka re, "E." A re, "O tujwa ke lelana le bothata bo bohale ba mala." A mpea matsoho a nthapella. Yaka ke phahama fatshe mme hlasimoloho ya tjhalametsa mmeleng wa ka. Ho tloha mohlang oo ka tseba hobane ke fodile. Jwale nka ja, ka qhoma, ka matha le ho etsa ntho e nngwe le e nngwe eo ke ne ke sa kgone ho e etsa pele. Morena ya ratehang o nketseditse tse ngata.

**V. S.**

\* \* \*

### **Ho Lwelwa Monna le Mosadi**

Ho bokwe Modimo, nna le mosadi wa ka re amohetse phodiso ya rona ka bosiu bo le bong. Moena Branham o ile a retolohela ho nna a re, "Wena ya robetseng seteretjheng sa ho getela o mosadi ya shwang mme ha o sa tsohe diphateng tsa hao o ke ke wa hlaphohelwa. Ke sebete sa hao, ha se sona? O fodile." Ka ema hang mme ho tloha mohlang oo ha ke eso ho shebe morao. Ho bokwe Morena. E sa le ke robatswa diphateng ke sebete se tswileng seso empa ho tloha phirimana eo, ke phetse hantle ka ho phethahala.

**G. K.**

\* \* \*

### **Bothata ba Mahanana**

Ke amohetse phodiso ya ka Motse Kapa. Esale ke kgathatswa ke mahanana empa nakong ya veke ke rapeletswe mohlala wa wona keha o se o nyametse. Ho bokwe Modimo ke lokolotswe.

**R. J. K.**

\* \* \*

### **Tsebe e Thibaneeng ho Tloha Tswalang**

Ke amohetse phodiso ya ka ka la 4 Pudungwana mane Motse Kapa. Ke thibane tsebe ya ka e tshehadi ho tloha

tswalong empa tsebe ya ka e tona e lokile. Moena Bosworth o ile a nthapella mme ka boela ka utlwa ka motsotswana ka tsebe eo e tshehadi. Ditebo ho Modimo. Wa lona ka botshepehi,

**G. A.**

\* \* \*

### **Asma ya Bronkhaitisi e Nyametse**

Ke sotlehole ho tloha nka ba kgwedi ke futuhelwa ke asma le bronkaitisi, mme ka robatswa diphateng ke bohloko ba pneumonia nako e etsang kgwedi e fetileng. Hoba dingaka di ntumelle ho tsoha, ka sala le mahlaba a bohale a matshwafong a ka.

Ebile mohlololo ha ke etetse kopano ya lona ya bobedi, mohla la 11, 1951. Mof. Van Dar Westhuizen a mpotsa hore ke tla fumana nako ya ho mo lata hoba kopano ena e tswe mohlomong ka hora ya 10 phirimana eo. Ka etsa jwalo, ka fihla Wingfield mohlomong ka 9:40 bosiu. Ka fihla hantle ka nako ho utlwa ho kwalwa tshelebetso. Ha re etlo ho nna, eng, ka se ke ka tseba hantle, mme ka qeta ho etela tshebeletso yohle bosiu bo hlahlamang.

Ke ile ka hohelwa ke tshebeletso hobane tumelo yaka ho Jesu ya nna ya kokomoha ha tshebeletso e ntse e tswella. Le pele ke tloha sebakeng seo, ka utlwa lehlaba le sefubeng sa ka le qala le fokola mme matsatsing a mabedi kapa a mararo lehlaba keha le nyametse, haese tsenenenyana e sa tsebisahaleng nako le nako. Ho tloha mohlang oo ke hlobotse diaparo tse ngata tseo ke ne ke di apara, ke nahana hore ha di hlokahale. Ke fumana ho sa hlokahale ho apara dintho tsena ho tloha mohlang oo mme ha ke eso ho hlahelwe ke matshwao afe feela a bothata ba phefumoloho.

**L. W. H.**

\* \* \*

### **Ho Dutla ha Pelo le Mahlaba a Bohale a Hloho**

Ke fodile Motse Kapa ka Mphalane 31, 1951. Ho tloha bongwaneng ka lokela ho nwa setlhare se matlafatsang (toniki) kaha ke ne ke fokola haholo. Ha ke le dilemo tse leshome le metso e tsheletseng batswadi ba ka ba nkisa ngakeng mme yare ke na le pelo e dutlang. Kamehla ke utlwa ke kgathetse. Yaba ke tshwarwa ke feberu ya ramatiki ha ke le leshome le metso e supileng, mme ena le yona ya tshwaetsa pelo ya ka. Ha ke hola-hola, pelo ya ka ya nna ya eketsa ho fokola. Diveke tse mmalwa pele Moena Branham a fihla, ka ikutlwa ke theoha butle. Ka rapela ho phela feela ho fihlela Moena Branham a fihla, kaha ke ne ke kgodisehile hore Jesu o tla mphodisa.

Bosiu ba pele ba dikopano tsa Moena Branham, hoba a rapelle bakudi kalaneng, a re laela ho dumela bohole, mme ka fola kapele-pele. Ka ikutlwia jwale ka motho e motjha ho tloha motsotsong oo.

Hape, ke tujwa ke methapo ya hloho e opang habohloko. Ke sa kgone ho dula hara bongata. Ka mora dikopano tse kgolo ka tlwaelo hloho ya ka eba maemong ao ke sa kgoneng le ho bula mahlo a ka. Ka Labohlano bosiu (Pudungwana 2), ha mphihlela ka hara kopano hobane Morena o mphodisitse le moo hape. Ho tloha bosiu ba Laboraro leo ha ke eso ho opelwe ke hloho.

Ke rorisa le ho leboha Jesu ka ho mphodisa ka tshebeletso ya bodisa ya Moena Branham. Hosane e tla be e le diveke tse tharo. Ha ke kgone oikhutsetsa ha e se ho bolella e mong le e mong ka matla a phodiso a fumanwang mading a Jesu. Ho bokwe Lebitso la Hae.

**E. S.**

\* \* \*

### **Ho Fodiswa Asma ya Bronkhaitisi**

Oho, alleluia! Kganya ho Modimo hoba metjhaedi e tjhabile moyeng wa ka kajeno. Jesu o tlie a aha bophelong ba ka, ho fetola lefifi motsheare, le maswabi thabo. Oho, Jesu ke wa mehlolo hakakang.

Ke tubilwe ke asama ya bronkhaitisi dilemo tse leshome le metso e mehlano. Yare Moena Branham le moifo wa hae ba sa tshwere letsholo la phodiso Wingfield, Motse Kapa, Afrika Borwa, ka kopa Morena ho se mphete a sa fodisa mmele wa ka. Ka tloha ha ka hoseng ho hong le ho hong ka hora ya leshome ho etsa bonneta ba ho fumana setulo tshebeletsong ya mantsiboya. Ka Pudungwana 1, 1951, ha Billy a ntsa a ntsha ditlankana tsa ho rapellwa a feta setulo sa ka a sa mpha e nngwe. Yaba Billy Paul o boela a kgutlela setulong sa ka mme a mpha setlankana sa ho rapellwa. Ka leboha Morena ya ratehang pelong ya ka kaha ke tsebile hoba Morena o arabetse thapelo ya ka mme o ne a tla mphodisa. Ha ho thewa mola wa ho rapellwa phirimana eo, Moena Branham a re, "Kalaneng ho tle ba tshwereng ditlankana tsa ho rapellwa F50 ho fihla ho F60." Ka sheba ka mora setlankana sa ka sa ho rapellwa. E ne e le F54. Oho, kamoo ke ileng ka leboha Morena wa ka ya ratehang ka ho arabela thapelo ya ka. Ke sa eme tlasa kalana, mmele wa ka wa qala wa thothomela. Ke batla ke sa kgone ho ngola lebitso la ka le aterese ka mora setlankana. Eitse ha ke nyolohela ho Moena Branham a ntjheba mme a re, "Kgaitsemi, o fodisitswe asma ya hao; o fodisitswe o sa eme tlase maotong a kalana." Oho, kamoo ke bokang Morena wa ka ka ho mphodisa.

**M. H.**

\* \* \*

*Ditatemente Tsa Dingaka*

24/10/45

Mona ke tiisa hore Mof. M. H. o tshwerwe ke asama ya bronkhaitisi.

**Ho saenile Ngaka R.**

8/11/51

Mona ke tiisa hore ke hlahlobile Mof. M. H. mme ha ke kgone ho fumana bopaki bo teng ba asma.

**Ho saenile Ngaka I. J. W.**

\* \* \*

**Pelo e Boela e Matlafala**

Ka la 4 Pudungwana, 1951, motseng wa Port Elizabeth ke ile ka fodiswa pelo ya ka e fokolang. Moena Branham o ile a ntshupa mme a mpolella ke fodile le hore nka ya hae. Ka kgodiseha matsatsi a mmalwa hamorao ha ke hlokomela kgatelopele e totobetseng ya maemo a pelo ya ka. Ho bokwe Modimo.

**M. M.**

\* \* \*

**Maemo a Nyarosang a Dinerefe**

Ke lakatsa ho boka Morena ka phodiso eo ke e amohetseng Port Elizabeth. Esale le tswalong ya lesea la ka la ho fejana, dilemong tse tsheletseng tse fetileng, ke tshwentswe ke maemo a methapo mme a tshwaeditse pelo ya ka. Le kgwedi e fetileng ke ne ke hlokofaditswe ke maoto a tshabehang, a opang hoo nka tsamayang nakwana. Ke bone dingaka tse mmalwa empa ha ho motho ya thusitseng ruri. Thapama eo ke amohetse phodiso ya ka, mahlabla wohle a nyamela leotong la ka. Hajwale ke kgona ho ja ntho e nngwe le e nngwe, athe ke ne ke sa kgone mehleng ya maemo a ka a methapo. Ke ekeditse diponto tse leshome le metso e mehlano ho tloha divekeng tse tharo tseo moifo wa Branham o no o etetse Port Elizabeth mona. Ke leboha Modimo ka seo A nketseditseng sona mme nka thaba haholo ha o ka rapela Modimo ho mphetola lesedi le tjhabang ka mokgwa oo ke tsebang ke tshwanetse, empa ke fokola haholo ho iketsetsa hoo ka bona. Le be le phele.

**D. M. P.**

\* \* \*

**Ho Boptjwa Moropatsebe o Motjha**

Ke rata ho paka hore Morena o mphekotse ka ho phethahala. Ka 1932 ke ile ka etswa oporeishene e kotsi ya

tsebe empa, ho bokwe Modimo, ha Moena Bosworth a nthapella, Morena a mpopela tsebe e feletseng e ntjha-ntjha mme ke kgona ho utlwa ka ho phethahala. Ho bokwe Morena!

C. A. D.

\* \* \*

### O Lokollwa Mofetshe le Pherekano tsa Bosadi

Mona ke lakatsa ho paka ha Modimo a mphodisitse mehleng ya ketelo ya Moena Branham mane Port Elizabeth, ka Laboraro, Pudungwana 7, 1951.

Ke tubilwe ke ditho tsa bosadi dilemo tse robong. Ke tloha ngakeng e nngwe ho ya ho e nngwe, empa ho se thuso. Mathwasong a selemo ha hlaha lethopa molaleng wa ka. Ngaka ya nkeletsa ho tlosa ntho ena, empa hona ha tlokisa maemo ho feta. Dikgwedi tse tharo hoba le tloswe, ka etsa qeto ya ho bonana le sepheshelisi sa mofetshe, hoba ho hlohlona le ho tjhwatjhwasela ho no ho tshabeha. Tlhahlolo ya ngaka ya re ke tshwerwe ke mofetshe. A dibola mofetshe, o le moholwanyane ho halofo korone nakong eo, empa dipudulana di se di tshwaeditswe.

Ho no ho ena le qedikwe lephakong le letona la molala wa ka, lehlaba le ho tjhwatjhwasela di tshabeha. Ke utlwa ke kgathetse kamehla, mme ke ena le hloho e sa kgaotseng. Ka hlomoha dikgwedi tse nne, mme dintho di ntse di mpefala ho feta. Ka Mphalane ka bonana le ngaka e ikgethileng, mme a nkeletsa ho ya alafshwa ka radiamo. Nka be ke ile kokelong ka la 24 Mphalane, empa ka etsa qeto ho tshepela phodiso yaka ho Modimo. Ka rapela ke bile ke dumela hobane Modimo o tla utlwa thapediso ya ka.

Ka la 7 Pudungwana, ha qala kopano ya pele ya tse tshwarelwang Port Elizabeth. Ke ne ke le hara mahlomola a maholo a lefu, ka mpa ka ya kopanong ke dumela hobane Modimo o tla mphodisa. Ke sa fuwa le setlankana, empa lentswe le mosa leo la re, "Ho fumana setlankana hase ho bolela hore o tla fola." Kapele-pele ka nahana ka Morena Jesu ya leketlileng sefapanong, mme ka elellwa hoba e ne e se bakeng sa dibe tsa rona feela, empa O shwetse le malwetse a rona.

Yare ha Moena Branham a sa re rapella kaofela hang-hang a re, "Ho na le mme ka pel'a ka mona," yaba ke rapela ka tjheseho, "Morena, e ke e be nna eo." Moena Branham a tswelapele, "Ke mme ya tujwang ke mofetse le bothata ba ditho tsa bosadi, mo fodise, Morena."

Eitse ha a re "mofetshe" yaka ho totometswa thipa qedikweng e thata eo, mme ka rapela Modimo ho etsa oporeishene ka boYena. Mahlaba a nyamela ka nako le motsotso, le ho tiya ha lehlakore la ka ha nyamela.

Ha ke kgutlela hae bosiu boo ka qalella ho hlatsa dintho tse thata, mme kapele ka ikutlwa ke hlaphohetswe hantle. Hoseng hoo monna wa ka le ba leloko keha ba maketse ho mpona ke shebahala ke phetse. Ke boka Modimo mme ke isa kganya yohle ho Yena. Ke pakela e mong le e mong eo ke kopanang le yena. Ba bang ba thabile mmoho le nna, empa ba bang ba hana ho dumela. Ke leboha Modimo hakakang ka mohlolo A o entseng.

**H. K.**

\* \* \*

### **Tsebe e Thibaneeng ka Botlalo Dilemo tse Mashome a Mane a Metso e Mehlano**

Ka na ka lahlehelwa ke moropa wa e nngwe ya ditsebe tsa ka sesosa e le ho phatloha ho nong ho hlahe ke sa le moshanyana wa dilemo tse leshome. Mono e se e le dilemo tse mashome a mane a metso e mehlano tse fetileng mme tsebe ena e thibane ka botlalo.

Yare ha Moena Bosworth a e rapella, ka busaletswa kutlo ya ka ka ho phethahala. Ho bokwe Morena!

**D. J. D.**

\* \* \*

### **Ho Tsepamiswa Mahlo a Pelekaneng**

Ho hlahile ntho e makatsang lapeng la rona. Ngwanana wa rona wa motala ya dilemo di leshome le metso e mmedi eo re mo thapileng dikgweding tse mmalwa tsa ho feta o ne a pelekane mahlo ka mokgwa o nyarosang. A pelekane mahlo hoo motho a na a elellwa ka thata hore o na le mahlo. Mahlo a hae eka a shebile hodima nko ya hae mme a batla a diketse dikhoneng ka kwana. Ha a le ka phaposing batho ba mo shebe mme ha a tswa a tsamaya ba re, "Ha le ikutlwe le le madimabe haholo ho thola ngwanana ya le sebeletsang ya tjee? Ke utlwa bohloko nako le nako ha ke mo sheba." Rona, ka borona, re ne re mo emela re mo sireletsa re re ekaba ketso e mpe ho rona ho mo lokolla ka hoba feela mahlo a hae a pelekane. Ntlha ke hore, Modimo o no o re hlohonolofaditse ka mekgwa e mengata e sa le a kena lapeng la rona.

Ra ntso utlwela hobane Moena Branham o tla etela Port Elizabeth. Re ne re boleletswe ka diphodiso tse ngata tse makatsang tse hlahileng dikopanong tsa hae. Yaba re nahana ka ho rona, "Ha Moena Branham a kgona ho rapella batho ba bang mme ba ka fodisa ke dithapeloa tsa hae, horeng a ke ke a rapella mahlo a ngwananyana wa rona wa motala?" Ra mmolella hore o a tla, mme a dumela hore ha a ka ba le

tumelo o tla fola. Hoseng ha Sontaha se fetileng a ya Feather Market Hall moo tshebeletso e ne e tla tshwarelweng. Pele a swabiswa keha a sa ka a kgethwa ho kena moleng wa ho rapellwa. Empa ho ella mafelong a kopano, Moena Branham a bolella bohole ba ne ba lakatsa ho fodiswa ho ema nakong eo a ba rapellang kaofela ha bona. Ya eba e mong wa bongata bo emang.

A kgutlala hae homme a swabisitswe ke kahobane mahlo a hae a ntse a pelekane, empa a etsa qeto ya ho dula a dumela ho sa tsotelleho seo a neng a se bona.

Le ka nahana thabo ya rona e tlkomang matsatsi a mabedi hamorao ha re bona leihlo la hae le letshehadi le otlolohile mme le phethahetse mme, ho bokwe Modimo, matsatsi a mabedi hamorao leihlo la hae le leng, le lona keha le otlolohile le phethahetse. Ho bokwe Morena! Pele o ne a sheba dintho mme eke dintho di hlaname, empa jwale o bona ka ho phethahala. Ho bokwe Morena!

**D. G.**

\* \* \*

### **Asma ka Dilemo tse Leshome le Metso e Mehlano**

Ke thabetse ho le romella bopaki ba ka kamoo Jesu a mphodisitseng ka matla a maholo a fodisang a Halalelang. Ho bokwe Morena.

Haesale ke kgutla letsholong la phodiso ke ikutlweng ke phetse hantle. Ke ne ke sa tlwaela ho etsa efe feela ya mesebetsi e boima, e ne e sebetsa sefuba sa ka hampe, kaha ke ne ke tshwerwe ke asma dilemo tse leshome le metso e mehlano. Jwale nka etsa mosebetsi o mong le o mong ke sa tshabe letho. Ke leboha Jesu ka ho mphodisa.

**D. M.**

\* \* \*

### **Ho Fodiswa Mothapo o Kgaohileng**

Ke leboha Modimo ka ho mphodisa! Ka phirimana ya la robong Pudungwana, 1951, ha ke sa le Port Elizabeth, Modimo wa mphodisa ka motsotswana ke sa le ho e nngwe ya ditshebeletso tsa Moena Branham. Ha nka ka bitswa ho rapellwa, empa Moena Branham a re, "Tsohle di etsetswa ba dumelang." Ka dumela hobane Modimo o tla mphodisa, mme A etsa hono.

Ke sotlehile dilemo tse robedi ka morao ho oporeishene ya lelana mme hamorao la fetoha lera le kgaohileng. Ke ne ke sa kgone ho hlamela dieta tsa ka kapa esita le ho inama, empa ho bokwe Modimo phirimana yona eo ke ile ka fodiswa. Ka kgona

ho inama mme ka etsa ntho ka nngwe eo ke kgonneng ho e etsa dilemong tse robedi tse fetileng. Ke lebisa thoriso yohle ho Morena.

**A. J. R.**

\* \* \*

### **Ho Fodiswa Hernia e Lekanang le Bolo ya Maoto**

Hoba mora wa ka a hlahe ka 1926, ka sala ke tshwerwe ke hernia ya mokgubu e lekanang le bolo ya maoto ka boholo. Dingaka di ne di entse oporeishene empa e sa atleha.

Phirimana yona eo Moena Branham a qoholla monna wa ka mme a mmolella se mo tshwereng, le hore o fodile, le nna ka suptjwa. Moena Branham a ntaela ho ema. Hoba a mpolelle ka hernia, a mpolella ho amohela phodiso ya ka. Ho bokwe Modimo! Hernia ya nyamela kapele-pele mmeleng wa ka mme mohlala wa hernia ena e lekanang le bolo ya maoto ka boholo ha o sa fumanwa. Ho lebohuwe Modimo hobane O mphodisitse o bile o amme mmele wa ka.

**M. G.**

\* \* \*

### **Letshwafo le Omeletseng Dilemo tse Mashome Mararo a Metso e Mene, le Sebetsa ka Tlwaelo**

Mehleng ya Ntwa ya Pele ya Lefatshe, ke ile ka hahlamelwa ke gase mane Flanders Field, mme ke sebedisa letshwafo le leng ka dilemo tse fetang mashome a mararo a metso e mene kaha le leng le ne le omeletse ka ho phethahala. Pelo ya ka le yona e ne e le maemong a mabe haholo. Dingaka di se di ntetse ke ho lahlehelwa ke tshepo le hore nke se kgone ho phela halelele.

Ka la 7 Pudungwana, 1951, ka ya Feather Market Hall ka tebello e phethehileng ya hore Morena o tla mphodisa. Eitse ha Moena Branham a supa mosadi wa ka, a na a bapile le nna, mme a re, "O fodile," ka re, "Morena, le nna; o se ke wa ntlohela, hle, Morena." Yaba Moena Branham o re ho nna, "Ema!" A mpolella se phoso ka nna, a senola dittlebo tsa ka ka phethahalo mme a mpolella hore ke fodile. Ka qalella ho phefumoloha kapele-pele ka tokoloho ho feta pele mme ke rorisa Modimo hobane ke fodile ka ho phethahala mme mehlala ya ditholwana tsa ho habola gase ha di eso ho bonahale ho tloha mohla dikopano tsa Port Elizabeth.

**F. G.**

\* \* \*

### **Setholo Dilemo tse Leshome le Metso e Meraro**

Ke bile setholo ka dilemo tse leshome le metso e meraro empa ruri ke rorisa Morena ha A mphodisitse ka botlalo. Ke utlwa mohweshetso o mosesane jwale. Ho bokwe Modimo ka kamo ya Hae e kgabane.

**G. F.**

\* \* \*

### **Mahlaba Mokokotlong le Popelo e Kodumetseng**

Ke batla ho lebisa diteboho tsa ka tse kgolo ka phodiso eo ke e fumaneng kopanong ya Labobedi, la la robedi. Ke sotlilwe dilemo tse robedi ke mahlaba mokokotlong wa ka le popelo e kodumetseng. Ke amohetse phodiso ya nako le motsotsotso ke sa dutse ka kopanong etswe ke leboha Ntata rona ya Mahodimong ka yona.

**E. C. H.**

\* \* \*

### **Lethopa Bokong**

Ke thabetse haholo ho paka seo Morena a nketseditseng sona. Dilemong tse pedi tse fetileng ke ile ka qalella ho sotlwa ke lethopa bokong. Mehleng ya 1950 ka ya Johannesburg Hospital hararo moo ke alafilweng ke ngaka e tswileng ka mahetla. A se ke a kgona ho etsa letho mme a ntela ho boy a kgwedding tse leshome le metso e mmedi hamorao ho bona kamoo bo kgathileng tema kateng. Sohle seo a na a ka se etsa e le ho eletsa ka kalafo ya radium. Ka fumana kalafo e le nngwe feelsa, ka mora yona dingaka tsa re di sitwa ho nketsetsa letho. Lethopa le ne le mpakela mahlaba a tsitsipanyang a bile a sitisa pono ya ka. Ha motho a eme ka pela ka ke kgona ho bona sefahleho feelsa empa e seng ho feta moo.

Bosiu ba pele mono ka dula nqalang e kgethetsweng bakudi. Ke ne ke dumela mme ke tseba hoba nka fola. Hoba Moena Branham a rapelle batho ba ka bang bahlano, a sheba ka ho nna mme a bua le nna. Motsotsong oo ka utlwa ntho e etsahala ho nna mme lefifi le ka pel'a mahlo a ka la siroha. Ka nako ha a bua le nna ke ne ke sa mo sheba, empa hang-hang ka sokollela sefahleho sa ka ho yena mme ka kgona ho mmona mme mahlaba a se a nyametse.

Jwale e se e le matsatsi a mararo mme ha ke eso ho utlwe lehlabo mme ke bona ka ho phethahala ka ho hlaka. Jwale kea phela mme ke robala ke sa sebedisa meriana mme kea tseba hobane ke ditlamorao tsa seo Morena a nketseditseng sona. Nke ke ka phetsa ho Mo leboha.

**N. P.**

\* \* \*

### Dinerefe le Lefu la Mala

Ke tubilwe bophelo bohole ba ka ke dinerefe le mala a sa dulang hantle. Modimo o ile wa hauhela nna le mosadi wa ka ka ho re dumella ho kena moleng wa ho rapellwa. Eitse ha ke atamela Moena Branham a re, "O utlwa ka mmoho, o tshwerwe ke dinerefe mme o tshwenngwa ke mala a sa dulang hantle. Di fodile kaofela jwale." Kgutso e kgolo ya nkjurumetsa mme haesale ke tela dipilisi ka baka la mala a ka. Esale a sebetsa ka thello ho tloha mohlang oo. Kutlo ya ka le yona, e ntlatfetse.

Ke nnile ka phela haufi le Mmopi wa ka empa ho a babatseha ho nahana hobane O tlide mme a nkama. Ha ke eso ho phetse ho leboha Jesu ka ho mphodisa. Motswalle wa ka o ile a nkadima buka e bitswang "Kreste Mofodisi" mme ya eba maikutlo a hlollang ho nna ho ithuta hobane lefu la Morena wa rona sefapanong le ne le etseditswe phodiso ya mmele esita le pholohya ya moyo.



**A. L.**

\* \* \*

### **Hoba a Phekolve Sebete se Hodileng Mose wa Letheka o Moholo Haholo**

Ke robetse dilemo tse hlano le dikgwedi tse robong diphateng. Pelo yaka le sebete di hodile ho feta tekano, sebete ka di-inchi tse leshome le motso o le mong le halofo. Kgabareng ya tshebeletso ya thapama ka nna ka kopa Modimo ho mphodisa, mme ka nna ka dumela ka pelo ke kgutsitse. Ha ke ema ke ya hae, ka utlwa mose waka wa letheka o kgwehla dinokeng tsa ka. Ke ne ke lokela ho se qhwaela kaha ke sa ka ka kgona ho kwala moseho o lephakong ha ke etela kopano. Jwale sa honyela ka potlako hoo mamao a bileng a siya sesene se seholo thekeng. Ha ke fihla hae ho ruruha keha ho nyametse ka bottlalo. Ke rorisa Morena ka phodiso ya ka.

**H. R.**

\* \* \*

### **Mokudi ya Setulong sa Bakudi o Fodiswa Mafu a Mangata**

Ke foidisitswe motseng wa Grahamstown ka la 13 Pudungwana, 1951, ka mora ho tshwenngwa ke asma dilemo tse leshome le metso e mehlano. Nke ke ka lebala letsatsi leo la thabo le nyakallo. Ke sebedisitse dipondo tse makgolo

dingakeng le merianeng. Tsa se ke tsa nthusa letho mme qetellong pelo yaka ya putlama. Ngaka ya eletsa ho hlaba dinale tsa *recosin* ho natlafatsa messifa ya pelo yaka empa ya thusa hanyenyane feels.

Ha ke utlwa hobane Moena Branham o etela Grahamstown ka qeta ho etela yona feelsa kopano ya hae mono ka bokgoni bo matleng a ka. Ka robala matsatsi a leshome le metso e mehlano diphateng ke ntse ke bala matsatsi le dihora. Ka nako tse ding ke kule hoo ke ne ke hopola ke tla hlokahala pele la 13 le fihla.

Ke fokola hoo ke ileng ka lokela ho sututswa ka setulo sa bakudi. Ra fihla holong ka hora ya leshome hoseng mme ra dula mono ho fihlela ka ya leshome le motso o le mong bosiu.



Moena Branham a tla kalaneng ka lenyele ha hora e batlide ho ba ya robong. A rapella batho ba mmalwa ba ttileng kalaneng le ba bang letshweleng. Ha ekaba 9:30 a ntshupa ka monwana wa hae mme a re, "Wena ya dutseng setulong seo sa bakudi, ka asama ya hao, pelo e fokolang le mafu a mang a mangata, o fodile." Ho bokwe Modimo, metswalle, ke ba sotlehileng jwalo ka nna ba ka fihlelwang ke setshwantsho sa thabo le teboho e kgolo ya pelo ya ka. Ka qala ka ntlaufala ho tloha ka motsotso oo. Leha kwana ke ne ke fokola mmeleng le maotong ka tswa ka tsamaya. Ke leboha Modimo ka mohau wa Wona le twelo tshotlehong yaka mme ke Mo rorisa ka ho romela Moena Branham dimaele tse dikete tse leshome ho arabela dithapelo tsa ka ka phodiso. Bosiu boo ka ya diphateng mme ka tlosa mesamo e mengata, ka siya e meraro feelsa. Ka tlwaelo ke tshwanetse ho bea e ka bang leshome le metso e mmedi. Ka robala ka phomolo le ka kgotso ho fihlela 6:30 hoseng hoo ho hlahlamang.

Ditaba tsa jaleha di re ke fodile tshebeletsong ya Moena Branham. Metswalle ya tla mpona, moruti a tla, ba mpa ba sa kgolwe phethoho eo ba e boneng ho nna, ho tswa ho monna wa sefahleho se sehlefetseng ya robetseng diphateng ho ya ho monna ya lebala le ntlaufetseng ya itsamaelang hohle. Ngaka ya nketela ke sa lebella, ya mamela ho uba ha mothapo waka mme ya re, "Kgele, ke monna ya fapaneng hakakang. Ke thabile haholo ho fumana pelo ya hao e le maemong a matle ana." Ngaka e nngwe le yona ya kena ho tla mpona. E kile ya nkalafa dilemo tse fetang tse tharo ya mpa ya ntela ka baka la maemo a pelo yaka. A re e ne e sentswe ke asama le hore pheko yaka e ne e le siyo. O ne a utlwetse ka phodiso yaka mme a mpotsa

hore ke ne ke etetse "Mofodisi wa Tumelo." Ka re, "Ho bokwe Modimo, ke fodile." A kgotsa kamoo ke ne ke shebahala ke phetse kateng.

Phodiso ena e tshwaeditse nna le lelapa la ka moyeng. Esale ke ingamangama hore holane ke phela hantle ke tla sebeletsa Modimo hantle ho feta. Ya eba pitso ho rona bohle. Re se re etetse dikopano tse mimalwa ho paka tsa phodiso ya ka.

**P. E. H.**

\* \* \*

### **Sethwathwa Dilemo tse Leshome le Hlano**

Nke ke ka phetsa ho rorisa le ho leboha Modimo ka phodiso e kgabane eo ke e amohetseng mane holong ya motse ya Grahamstown ka la 13 Pudungwana, 1951. Ka amohela lehlohonolo la moya le phodiso ya mmele mmoho, ho bokwe Morena. Letsatsi ha le fete ke eso ho bolelle motho ka tsa phodiso yaka e kgabane mme ho tlaha mohlang oo metswalle yaka e meng e se e etetse dikopano East London mme le yona e fodile. Hosane moholwane le moradi wa hae ba ya Johannesburg ho etela kopano ya la 5 Tshitwe, kaha le bona ba batla ho fodiswa, etswe ke tseba ba tla fola ha ba dumela.

Ke tubilwe ke sethwathwa dilemo tse leshome le metso e mehlano. Ke ile ka etela dipeshelise. Qetellong ka iswa Port Albert ho dula pela lebopo ke bile ke hloka dipilisi tseo ke lokelang ho di nwa kgafetsa. Kamehla ke tshaba hore nka tlaha ke putlama seterateng kapa mosebetsing, etswe e ne e etsahala kgafetsa, mme ke tshaba ho sala ke le mong.

Diveke tse ka bang pedi pele Moena Branham a tla Grahamstown, ka qalella ho tshwenngwa ke mahlaba a nyarosang ka mora hloho ya ka. Ho se letho le ka nthusang mme ke tshaba hore motsotso ofe kapa ofe nka tshwarwa ke sethwathwa. Ntho e nngwe ya nna ya ntjhotjha ho etela kopano eo, ka ba ka ya. Yare ke sa dutse hara makgolo a mang, Moena Branham a ntshupa mme yaka ke hohelwa ke makenete. E ne e le maikutlo a makatsang mme ke batla ho tlola le ho hweletsa, "Ho bokwe Morena," kaha ke tsebile hang hore ke fodile. Eitse ha Moena Branham a re, "Mosadi ya rwetseng katiba e tshweu—seriti se setsho se lopaletse hodima hao; o tshwerwe ke sethwathwa." Ha ke oma ka hloho ya ka mme ke phahamisa letsoho la ka, a re, "Rorisa Morena, o fodile." Oho, maikutlo



a babatsehang hakakang—nka tswa ka bolella e mong le e mong eo ke mmonang ho dumela le ho ba le tumelo mme le bona ba tla fola.

**T. V.**

\* \* \*

### **Asma Dilemo tse Mashome a Mabedi**

Ke rata ho rorisa Morena ka matla a Hae a babatsehang a phodiso e hlahileng letsholong la Branham mane East London ka la 15 Pudungwana. Ke hlorisitswe ke asma dilemo tse mashome a mabedi le metso e mene, ho tloha ke sa le dilemo di tharo. Empa ke rorisa le ho leboha Morena ha A sa mphodisa mmeleng feela empa le moyeng.



Phodiso yaka e hlahile phirimana ya pele ya ketelo ya Moena Branham. Tumelo yaka ya matlafala hoo ke fodileng ke sa rapellwa ke Moena. Moya wa Morena o le matla hara rona hoo sohle seo ke ne ke loketse ho se etsa e ne e le ho kopa.

Bosiung ba ho qetela ba letsholo la Branham ke ile ka kopa Morena ho dumella Moena Branham ho bua ntho e nngwe ho nna. O ile a etsa jwalo. A re esale ke tshwenngwa ke asma le hore Morena o mphodisitse. Ke thaba jwale Moreneng mme ke tshepisa ho Mo sebeletsa ho fihla pheletsong.

**G. R.**

\* \* \*

### **Mofetshe o Nyametse**

Ke ile ka kula dilemong tse ka bang leshome le metso e tsheletseng tse fetileng ha ba ha bitswa ngaka. Hoba e ntlahlobe ya nkeletsa ho etela phaposi ya hae ya bongaka ho hlahlojwa ka hare. Ya ntlahloba sejering ya yona mme a re ho nna ke na le lethopa ka hare, le neng le monya matla a ka mme le madi a ka a sa phalle ka tshwanelo, le hoba ke lokela ho sehwa ho tlosa lethopa lena. Lethopa la nna la tomoloha, mme dikgwedi tse tsheletseng tse fetileng ke batla ke sa kgone ho dula, mme kamehla ho tsamaya mahlaba a bohale ka ho fetisia karolong e tlase ya mala a ka le masapong a mokokotlo wa ka.

Phirimana ya bobedi ya letsholo la Branham mane East London ka la 15 Pudungwana, 1951, ke ne ke dutse koung ya

bakudi, ke rapela ho fumama setlankana sa ho rapellwa. Yare ha Billy Branham a mpheta, a mpha se seng, mme ha ho bitswa dipalo, keha ke le wa bobedi moleng. Ha ke fihla kalaneng, Moena Branham a re ho nna: "Ke a o bona o Mokreste. O na le lethopa le medisang disele mme le ntse le hola. Ke mofetshe. Ka matsatsi a mang o kgurumetswa ke leru le letsho, mme o ikutlw a imetswe. O fodile mofetshe wa hao." Hang ha a rialo, ka fihlelwa ke maikutlo a hore ke fodile, mme ha ke kgutlela setulong sa ka ka utlwa hore lethopa le nyametse. Ha ke fihla hae ka itlhatlhoba, mme ho bokwe Morena, lethopa le ne le nyametse.

Ke fihletswe ke maikutlo a kgabane ka ho fetisia moyeng, mme ke ikutlw a ke fapanane kgahlano le batho ba bang. Ke na le tshobotsi e fapaneng haholo ya ka ntle, mme ha ke phetse ho ikutlw a ke tletse teboho ho Morena Jesu Kreste ka phodiso ena e babatsehang.

**E. M.**

\* \* \*

### **Ho Tlalehwa Monna ya Shwang le Ditholwana tsa ho Dumela Modimo Kg wedi tse Nne ho sa Tsotellwe Matshwao**

Ke rata ho le tlisetsa bopaki ba batho ba babedi mona East London. Monna o ne a le maemong a lefu a tletse ditjhupu hohle mmeleng. Moena Branham a mmolella a setswe mora ke botsho empa a ntoo bona lengelo la Morena mme a bolella moena enwa a re Modimo o utlwile thapelo ya hae le hobane o tshwanetse ho ya hae hoba a fodile. A ema ka nako le motsotso, a ntsha ditjhupu tsohle mmeleng wa hae mme a ya hae. Alleluia. Hajwale o bophelong bo bottle.

Mosadi eo Moena Branham a ne a mo rapeletse a eketsa ho mpefala empa a nna a tshepa Modimo mme ka morao ho dikgwedi tse nne tsa mahломола a nyarosang a tsoha hoseng ho hong a lopolotswe thohakong ya mofetshe.

**A. G.**

\* \* \*

### **Maquthu a Kahare le Lefu la Bosadi**

Ke rata ho leboha Modimo ka ho romela moporofeta wa Wona, Moena William Branham, Afrika Borwa ho fana ka molaetsa wa phodiso ya Kgalalelo, leha ke rapeletswe ke yena.

Ke fodile East London, ka phirimana ya la 15 Pudungwana, 1951. Ke kutse ho tloha tswaleng ya mora wa ka, mme ka dinako tse ding ke kula habohloko. Ka alashwa hang, mohla ke ne ke kula haholo mme ke le bohlokong, empa ka fola nakwana ka ntoo sotleha le ho feta.

Ka mora phirimana eo ke rapeletsweng ka yona, ka fihlelwa butle-butle ke kgodiso ya hore ke fodile hobane lefu leo ha lea ka la boela le kgutlile. Phirimana yona eo, Moena Branham a bua le nna a re, "Eya hae o fole, mme o se lebale tshepiso ya hao ho Modimo ho Mo phelela bophelo bohle ba hao." Mofuta wa lefu la ka e ne e le maquthu a kahare le mathata a bosadi. Jwale ha ke sa na mahlaba mme ha ke sa na bothata ba maquthu a kahare. Moruti wa ka le ba bang bohle esita le lelapa leso ba lebohela phodiso yaka haholo.

Hape ke thabetse ho paka hore ke ngwana wa Modimo le hore ke batla ho Mo sebeletsa bophelo ba ka bohle, hoba ke ne ke sa tlo fumana ya fetang ka molemo le wa nnete ho feta Jesu, ya utlwisisang tlhoko yaka kamehla le ho nthusa tseleng e makukuno ya bophelo.

Ke pakile hara metswalle yaka le ho monna wa ka ya sa bolokehang, mme Modimo a ke a thuse, ka bopaki ba ka, moyo o mong le o mong o ke o fumane tsela e yang Kalvari.

Modimo a ke a o hlohonolafatse, Moena Branham.

**M. C.**

\* \* \*

### **Mokokotlo o Holofetseng o Boela Setlwaeding**

Ke e mong wa batho ba kulang ba fodileng ka tshebetso ya Jesu Kreste. Ke rorisa Morena ha A hhalositse dibe tsa ka. Ke fodile mane East Bank Location. E ne e le la 18 Pudungwana mme ke kutse dilemo tse leshome le metso e supileng. Mokokotlo waka o holofetsé ho tloha ke sa le dilemo di tharo empa jwale o setlwaeding. Yare Moena Branham a sa rapella batho bohle, a ba laela ho Bea matsoho a bona karolong e mahlomoleng ya mmele wa bona. Ka Bea letsoho la ka mokokotlong wa ka. Kgabareng ya thapelo ka utlwa ntho e sothela mokokotlo waka morao. Ka kopa moena' ka ya haufi le nna ho sheba mokokotlo waka. O ne a hloletswe ha a o ama mme a mpolella hore o fodile. Mokokotlo waka o ne o otlolohile mme le kajeno o sa dutse jwalo. Ka fola hang-hang le pele Moena Branham a qetella thapelo ya hae. Moruti waka, N. Bengu, o ne a thabile hoba a ne a nthapeletse makgetlo a mangata. Batho ba kereke ya heso ba thaba le nna kaha Jesu a bile kgabane hakana ho nna. Wa lona ka botshepehi,

**E. M.**

\* \* \*

### **Botholo le Mafu a Mang**

Ha ke utlwela hore Moena Branham o tla Afrika Borwa, ka qeta ho ya East London le ho batla thapelo kaha ke ne ke kula

haholo mme ke le setholo jwaloka lejwe. Ka se ke ka fumana monyetla wa hore Moena Branham nthapelle, empa leha ho le jwalo ka amohela phodiso ya ka. Bosiung ba pele mono ka bona batho ba bang ba fetela kapele. Ke ne ke le setholo mme ke sa ka ka utlwa motho ya neng a bitsitswe, ka baka leo ka tswela ka pele. E mong wa baruti a mpotsa seo ke neng ke se batla, kapa ntho e kang eo. Ka mmollela hore ke setholo mme kaha ke sa utlwa se buuwang, ka mo kopa ho ngola seo a se buileng. A ngola a mpolella hore palo ya ka ha eso ho bitswe mme ke lokela ho dula fatshe. Le ka nahana tshabo yaka e tjhorileng. Ka lla ruri nakong eo ke kgutlelang setulong sa ka. Nakong eo Moena Branham a rapellang bakudi, le nna ka rapela ka tjheseho hore Modimo a mphodise. Be, ha se etsahale letho, ka mpa ka utlwa kamo e Halalelang nakong eo ho tjhalametsa ho batang le ho tchesang ho fetang mmeleng waka mme le pelo yaka e otla ka potlako.

Sontaha hoseng keha ke kula haholo jwaloka ha ke kutse ka dilemo tse supileng ke tshwenngwa ke matshwafo a mabe, athritisi meomong ya ka, le bothata ba pudulana ya nyooka. Ke ne ke le madimabe mme ka bolella ba lelapa hore nka mpa ka ya hae ke se leke ho nna ke kena moleng wa ho rapellwa. Moradi wa ka a nqophella ho dula ho fihlela Mantaha. Ka mora dijo tsa motsheare ka lemoha leratanyana ka hara ditsebe tsa ka, ka baka leo ka re feela, "Kea O leboha, Modimo. Kea tseba mme kea dumela hore O a mphodisa." Ka se ke ka bolella bana ba ka letho ka yona. Tseleng e yang tshebeletsong ka utlwa moradi waka e moholo a bolella ngwanaboo hore ha Mme a ka ba le tumelo a ka fola. Ka araba ka re ho yena ke na le tumelo le hore ke fodile. Ba ne ba hloletswe haholo ho utlwa hore ke utlwile moqoqa wa bona. Ka re, "E, ho bokwe Modimo, ke fodile mme ke utlwile seo le se buileng." Ka amohela kutlo ya nako le motsotso empa ka lokollwa athritisi le mafu a mang butle-butle. Jwale, ho lebohuwe Modimo, ke ikutlwa ke phetse ka ho phethahala. Moruti wa ka o ne a thabile mme a rorisa Modimo le nna, ha e le moo Modimo a fodisitse mmele wa ka. E re huletse bohole haufi le Morena. Ho lebohuwe Modimo ka Moena Branham le tshebetso ya hae.

**M. M. N.**

\* \* \*

### **Sethwathwa Dilemo tse Nne**

Moradinyana wa ka o fodile East London mohla William Branham a na a mo rapella ka la 18 Pudungwana. O na a hlorisitswe ke sethwathwa dilemo tse fetang tse nne. Raelaela dingaka tse mmalwa ho mo hlahloba. Dichiropractors tse pedi le tsona di ne di mo alafile. Ho no ho se motho ya ka phekolang ngwana. Pherekong e fetileng o ile a thefulwa

ke sethwathwa makgetlo a mararo dihoreng tse tharo a sa le Johannesburg. Ra bitsa ngaka tsatsing leo mme a lokela ho ya tlhokomelong ya bana ho bewa leihlo. Ngaka eo ya bitsa sepeshelise. Ra nka diekeserei tsa hloho ya hae, e bontshitseng ho se masapo a robilweng ke ho wa. A boela a fetiswa ditekong tse ding mane General Hospital. Ka mora diveke tse tharo ba mpolella hore pheko ha e sa le yo, eka kgona re tswele pele ho mo nwesa moriana.



Re ne re badile pale ya bophelo ba Moena Branham pele a fihla motsaneng wa rona. Ke kgodisehile ruri hore Modimo o tla phekola ngwana rona ka Moena Branham. Re ne re tjheshetse hakakang ho mmona.

Ka Sontaha, kopanong ya ho qetela, re ile ra kena moleng wa ho rapellwa. Moena Branham a re, "Mme, na o tla dumela? Ke tseba se phoso ka ngwana wa hao." Ka re, "Ke tla etsa jwalo." A re, "O tshwerwe ke sethwathwa." Ka phahamisa letsoho la ka le letona mme ke ne ke batla ho lla haholo. Moena Branham a rapela ka tjhesho e kgaphatsehang. Nna le ngwana wa ka ra ikutlwra re tletseteboho e kgolo ho Modimo Ntata rona le ho Moena Branham, moporofeta wa Hae. Yaba Moena Branham o re, "Mme, o a dumela ngwana hao o fodile?" Ka re, "Ka pelo yohle ya ka." A ntso tsukutla letsoho la ka mme a re, "O tla phela, eya hae mme o se ke wa balabala." Ra kgutlela ditulong tsa rona ka hara holo mme ra rapela ra ba ra leboha Modimo.

Ke ile ka elellwa mehleng ya letsholo la Branham hore ke ne ke ntse ke rapela ka phoso. E sa le ke dumela ho Modimo le thapeleng, empa ke ne ke kopa ke bile ke rapedisisa mme ke sa ka ka amohela tshepiso e entsweng ke Modimo ka hore e se e phethilwe. Dikopano tse babatsehang tseo tsa re ruta ntho eo re ne re eso ho ithute yona pele.

**P. B.**

\* \* \*

### **O Hlaphohelwa Lefubeng**

Ke batla ke sa kgone ho hlalosa bopaki bona ka pene le enke. Ke ile ka amohelwa Isolation Hospital ka la 20 Phato ka baka la lefuba. Moruti wa ka a ntlisetsa selallo kokelong. Ka mo kopa hore nka ya kopanong ya hao na. A dumela ka thabo mme a re re tlamehile ho sebedisa peo ya matsoho haholo. A mpolella kamoo ileng a bea ngwana e monyenyane ya mosesane matsoho mme a le ntshing tsa lefu, mme moyanyana oo wa hlaphohelwa ka botlalo lefubeng. Ngaka e ile ya ntumella ya ntakaletsa lehlohonolo le fetisisang.

Eitse ha wena, Moena Branham, o tla kalaneng, ka rapela ka matla haholo hore o tle o thuse rona bakudi ba diphateng ka ntho e nngwe. Ka utlwa dithapelo tsa ka di re o na le ntho e nngwe. Yaba o re, "Beanang matsoho hodimo." Ra etsa hona ka thabo mme wa rapela ka bokgabane hakana wa re, "Le ka ikela le fodile." Ka utlwa ntho e nngwe e sebetsa e feralla mmeleng wa ka jwalo ka thapo ya mollo. Ka fihlelwa ke maikutlo a maholo a kgotso mme ka kgutlela kokelong ke rorisa Modimo. Ka ema ho fihlela ekeserei ya ka e kgutla, mme ngaka ya mpontsha yona e le katleho. Ka bona phapang ha ekeserei ya kgale le e ntjha di bapiswa. Ke rorisa Modimo ka hona. Ngaka ya mpoella ho ya hae le ho itlaleha ho yena nakong ya kgwedi tse pedi.

**S. S. K.**

\* \* \*

### **Ba Lelapa ba Pholoswa ka Baka la Phodiso**

Ha ke tsebe seo nka se buang, hoba ke sitwa ho fumana mantswa a puo e tshwanelehang ho rorisa Modimo ka yona.

Ke bile modumedi ya tswetsweng labobedi dilemo tse mashome a mabedi le metso e mehlano mme Modimo wa ntshitsa ka mekgwa e mengata. Ke hlorige dilemo tse hlano ke jewa ke bohloko ba kahare ka baka la ho lemala ha ke hlaha. Hona ha nka nako e telele mme tsamaiso ya ka ya petla haholo ya ba ya tshwaetswa ke tjhefu hoo ngaka ya ka ya Port Shepstone e bileng ya nkeletsya ho etswa oporeishene. A tloha a ya Engelane mme nna ka ya Addington Hospital, moo ke ileng ka sehwa mathwasong a 1950. Oporeishene ya atleha empa tsamaiso ya tlala ditoksine le ditjhefo.

Ha ke sa le kokelong ka mpefala ka tsatsi la borobong ka mora oporeishene. Qetellong ka tswa kokelong ka fihla hae ke fokola mme ke sa hlaphohelwa ho hang. Kgwedi hamorao ka shwa ditho ho qala nokeng ho ya hodimo, ho akgal le karolo ya leoto la ka le letshehadi. Ke thothomela habohloko letsatsi le letsatsi, tse ding di tswella hora ka nako. Ke phefumoloha ka thata mme ke ja ka thata mme ke kgathala hoo ke ne ke utlwa eka ke tla shwa. Ka robala diphateng kgwedi tse robong, ke ntse ke ota ke eketsa ho fokola.

Hoba ho fete diveke ke le maemong ana mme dingaka tse pedi tsa Port Shepstone di sa utlwisise bothata ba ka ka qalella ho batla Modimo ka thapelo e mahlonoko. Pelong ya ka ke tseba hobane kgaello ya motho ke monyetla wa Modimo, ka rapela Modimo ho mpaballa ke hona; ka rapella tshwarelo, hlatsuo, le phodiso le tumelo ka bokgabane ba matla a tsebo ya ka. Ke se ke badile buka ya Moena Branham makgetlo a mmalwa, ke bile ke amohela makasine wa hae wa phodiso ho tswa Amerika. Hoba ntho e nngwe le e nngwe e hholehe, Modimo ka mohau wa Wona

wa romela mosadi wa motala, eo ke neng ke sa mo tsebe mme ke eso ho mmone pele, ho nthapella mme ka qala ka hlaphohelwa kapele-pele. Tsatsi le hlahlamang keha bohatsu bo nyametse mme ha bo eso ho kgutle haesale. Ke ne ke amohetse phodiso e sa fellang. Ka feheletswa ke mafumahadi a mabedi ho kgutlela Durban ho alafshwa ka motlakase le ho sidilwa ke le maemong a fokolang. Kalafo ya qala ka la 24 Mphalane, 1950, mme ya tswella ho fihla vekeng ya bobedi ya Mmesa wa 1951, mme e etswa ke mosidili ya tswileng ka mahetla ya dulang Umbilo Road, Durban. O ne a ntialehile ke ena le bothata bo bobe ka ho fetisisa boo a kileng a bo alafa ba thuruho ya mesifa (fibrositis). Monna enwa a theoehela Port Shepstone ho ya mpona mohla ke ne ke le mobe ka ho fetisisa. Ka mora kalafo ya dikgwedi tse hlano le halofo mona ka qalella ho iphumana mme ka dumellwa ho ya hae. Leha ho le jwalo, ke sa phetse ho tshwarwa ke dihloho tse opang habohloko le dithothomelo tse mmalwa, esita le ke mahlaba a mesifa e ruruhileng. Ka ipotsa lebaka la Modimo la ho se mphodise ka ho phethahala.

Ha ke dula tlasa dithuto tse matla tsa Moifo wa Branham mane Durban, Moya o ile wa nkgodisa hore tsohle di ne di sa loka bophelong ba ka. Hang-hang, ka boikokobetso empa e le ka thabo, ka nehela thato ya ka yohle ho Morena, mme ka Labone, Mphalane 22, 1951, yare ke sa dutse hodimodimo lephepheng la Lekoteng la Greyville, Durban, ka utlwa kamo e fodisang ya Modimo mme ka tseba hobane ke fodile. Ka utlwa ho ferella motjheso le maikutlo a hlohlontshang mmeleng wa ka wohle mme mona ka tseba hore e ne e le Modimo o arabelang phodiso ya ka. Jwale ke ikutlwa ke phetse ke kwenne mme ke boela ke kganna koloi ya rona eo ke sa kang ka e ama ka dilemo tse pedi.

Pelo ya ka yohle le moyo di tsoseleditswe ho fihla botebong ba tsona, mme ke hloletswe haholo ke makaletse lerato le mamello ya Modimo ho motho wa moetsadibe. Nke ke ka hlola ke belaela ditshepiso dife feela tsa Modimo. A ke a mphuthullele e nngwe le e nngwe ya tsona. "Morena, ke a dumela."

Mehleng ya letsholo la Branham, Modimo o ile wa mpha thabo ya ho bona baena ba ka ba babedi, basadi ba bona le bana ba amohelwa lelokong la Modimo ka mora dilemo tsa dithapelo bakeng sa bona. Alleluia! Ho bokwe Modimo ka pholoso. Ho bokwe Modimo ka phodiso.

**A. D. C. J.**

\* \* \*

### **Mokatolike o Lwelwa Daebetese le Meomo e Tlharaletseng**

Ke batla ho leboha Morena hobane O mphodisitse dipabo tsa ka. Enere ke sa etetse e nngwe ya dikopano tsa hao ka

dula mme ka mamela hoba ke ne ke batlile ho amohela ntho e nngwe le e nngwe eo Modimo a na a mpoloketse yona. Ha ke Moprotestanta. Ke hodisitswe ke le Mokatolike. Empa wa re kgodisa hore re fodisitswe ka tumelo mme ka dumela Modimo.

Ke ne ke hloriswa ke ho tlharalla ha mangole le meomo mme ka sebedisa moriana o lokisang tswekere mading ka dilemo tse hlano ka baka la daebetese. Ka bona dipontsho tsa hore Modimo o utlwa thapelo ya ka mme o hlompha tumelo yaka nakong eo phutheho e emang ho bina thoko, "Ho ema Tshepisong tsa Modimo." Le nna, hape, ka ema ke mpa ke tsekela mme ka diha diborele tsa ka. Ha ke hetla morao jwale, yaka, esale ke idibane boholo ba nako ya tshebeletso kamoo ke ikutlwileng kateng mme ha ke hopole letho le etsahetseng. Empa eitse ha ke ema ho ya hae ka mora tshebeletso ka lemoha hore ho tlharalla hohle ditlhafung le mangoleng ho nyametse. Ha kea ka ka hlola ke hloka melangwana. Ka ya hae ke hlotswa ke thabo ke se ke lebetse ka daebetese ya ka yohle.

Hoseng ho hlahlamang ka etsa teko mme ka fumana ho se tswekere ya letho. Keha ho sa hlokahale ke nwé moriana o laolang tswekere mading. Ka etsa diteko tseo makgetlo a mmalwa letsheareng ke sa fumane mohlala wa letho wa tswekere. Tsatsi le hlahlamang ka ya ngakeng mme ya mpolella le yona e utlwile ditlaleho tse ding, empa hore re tlameha ho e bea leihlo le ho tswelepele ho hlahloba daebetese. Ho bokwe Modimo, ha ho mohlala wa daebetese mmeleeng wa ka mme ho tlharalla ho mangoleng a ka ho ntubileng ka dilemo tse ngata ho nyametse. Diteboho ho Modimo, O utlwile thapelo ya ka.

**Mof. B.**

\* \* \*

### **O Lokolotswe Lefung la Pelo**

Kganya yohle ho Modimo ka ho mphodisa lefu la pelo. Ke utlwile kamo ya letsoho la Modimo le fodisang nakong eo Moena Branham wa rona ya ratehang a nkopang ho ema ka maoto a ka ka nako ha lengeloi le mo supisa nna. Leha diphaka tsa ka le meomo le mmele ohle e ne e ka di tlamilwe, hajwale ke ikutlwile ke lokolohile.

**L. E. H.**

\* \* \*

### **O Fodiswa Lefu la Bosadi**

Ke fodisitswe Durban ka la 22 Pudungwana, 1951. Ke se ke kutse selemo se le seng. Ka etela dingaka tse ngata ka ba ka dula kokelong matsatsi a mangata empa ya sitwa ho atlehisa maemo a ka. Ka thuso ya Morena wa rona Jesu, ka fola. Moena Branham a mpotsa hore ke a mo tseba na. Ka re, "Tjhe," mme

le yena a re ha a ntsebe. A re, "Modimo o a o tseba." Yaba Moena Branham o bolella batho hore o rata ho bua le nna ho sa sebediswe makrofone. Lentswe ka leng leo Moena Branham a mpoleletseng lona e ne e le nnete. O kgonne hoo ka thuso ya Modimo. Ke ile ka fumana kgodiso ya hore ke fodile ha ke hlwella kalana. Phodiso e etsahetse ka motsotsso. Ke ne ke tshwenngwa ke dipherekano tsa bosadi. Ditholwana tsa phodiso yaka di ntataiseditse bophelong ba nnete ba Mokreste.

S. C.

\* \* \*

### O Phekolwa Mofetshe

"Madume ka Lebitso la Morena wa rona Jesu. Ho iswe kganya ho Modimo, O entse tse kgolo."



Ke ka thabo e kgolo ha ke ngola bopaki ba phodiso ya ka ya mofetshe. Ke amohetse phodiso yaka mane Durban City Hall, ka la 21 Pudungwana, 1951.

Ke bile le bothata ba popelo dilemo tse nne tse fetileng mme ke alafilwe ke dingaka le dikokelo. Esale ke kula haholo dilemo tse pedi tse fetileng, le ho etswa dioporeishene tse nne le ya ho dutla ho bohale ha madi hararo, le ya ho dutla ho hosesane ha madi ka makgetlo a balwang.

Dikgweding tse ka supang tse fetileng ka eletswa ke ngaka ho etsa oporeishene e nngwe hape ho tlosa mofetshe. Ke selemo hantle esale ke belaela ke ena le mofetshe mme ha ke botsa dingaka tse pedi tse fapaneng, ka bolellwa e le yona ntho eo ba ne ba e tshohile.

Ke fodile ka bosiu boo Moena Branham a kgalemang letemona la mofetshe ho tswa ho nna. Ka utlwa mala a ka a nyolohela sefubeng sa ka habedi, mme kgetlong la boraro ka utlwa moyana o tswa molomong wa ka. Ka boela ka kgona ho phefumoloha ka tokoloho. Moena Branham a mpolella ke ne ke tshwerwe ke mofetshe, hore ke entswe dioporeishene, le hore ke mme ya sotlehang. Ntho e nngwe le e nngwe a mpoleletseng yona e le nnete. Ka utlwa ke teetswe hare ke matla a maholo a mohlolo, mme eka ke kene maidi-iding a mofuta. Metswalle yaka le ba leloko ba mpolella hamorao kapa ba nkgopotsa tse ding tsa dintho tseo ke sa di utlwang. Moena Branham a boela a mpolella hore ke tla kula dihora tse mashome a supileng le metso e mmedi. Bosiu boo ha ke ya moalong, madi a ka a phatloha. Hoba ho fete dihora tse mashome a supileng le metso e mmedi, a kgaotsa mme esale ke phetse ho tloha mohlang

oo ho fihlela motsotso wa jwale. Ke ne ke ye ke fihlelwé ke mahlaba a bohloko popelong yaka, mokokotlong le ho tloha mokolleng waka ho nyolohela hlohong yaka. Diphutuhelo tsa hlooho di ne di le *migraine*, mme ka lokela ho etsetswa diborele tseo esale ke di rwala dikgwedi tse leshome tse fetileng. Empa ka di rola hoba ke tlohe seteijing sa holo ya motse, mme ha ke eso hlaselwe ke diphutuhelo tse hlahafetseng tseo, tse sehloho. Amen! Ke mmopuwa e motjha.

Ke ne ke ile ngakeng ya ka ya poraefete ho hlahlojwa nako ya veke e fetileng, mme a re ke mosadi ya kutseng haholo dikgwedi tse mmalwa tse fetileng mme ho na le phetoho e kgolo le e hlakileng ho tloha mohlang oo. O ne a thabetse phethoho eo haholo. Metswallé yaka yohle e hlokometse phethoho e kgolo tshobotsing yaka. Lelapa la ka le thabile Moreneng. Baahisane ba ka ba kgahluwe haholo mme ba emetse ho kgutla ha Moruti Branham ka thohothelo.

Ho lebohuwe Modimo ka dikopano tse kgolo ka ho fetisia tsa tsoselseto tseo Durban e kileng ya di tseba le ka mohla.

**F. H. G.**

\* \* \*

### **Bothata ba Mokokotlo bo Nyametse**

Ke batla ho boka Modimo ka mesebetsi ya Hae e makatsang. Mokokotlo wa ka o fodile phirimana e fetileng ka phaposing ya ka. Ke tshwentswe ke bothata ba mokokotlo nako e telele, ho tloha tswalang ya lesea la ka. Jwale ke rorisa Modimo haele moo bosiu bo fetileng ke utlwile matla a Modimo hodimo le tlase mokokotlong wa ka mme ho tloha ka nako eo ha ke eso ho fihlelwé ke lehlabana feela. Ke rorisa le ho leboha Modimo ka hona.

**W. M.**

\* \* \*

### **O Lwelwa Dialsa le Moya o Mobe**

Ke fodile Lekoteng la Greyville, Durban, ka la 22 Pudungwana, 1951. Ke kutse dilemo tse pedi tse fetileng. Ka etela ngaka mme ka ba kokeleng diveke tse hlano tse fetileng. Ka kgodiseha ruri hore ke fodile ha Moena Branham a nkama mme a ntlhohonolofatsa ka lebitso la Morena wa rona Jesu Kreste. Moena Branham a mpolella hore ke na le dialsa le moyo o mobe o no o lemaletse ho ntlhopha bosiu. A ntaela ho ya hae le ho ja ntho e nngwe le e nngwe eo ke e lakatsang. Phodiso e ile ya fihla ka nako le motsotso.

E se le nakwana ke iphumane ke sa je letho, mme enereha ke leka ho iqobella ho ja, ke hlajwe ke lehlaba le bohale

sefubeng mme ke qalelle ho hlatsa. Ka lahlehelwa ke dipondo tse mashome a mabedi le metso e mehlano divekeng tsa pele tse pedi le dipondo tse ding tse mashome a mabedi le metso e meraro. Ke sa kgone ho tsepamisa maoto a ka mme enere ha ke tshwanela ho nwa lebese, ke hlatse.

Metswalle yaka yohle le batswadi ba tiisa hobane Morena Jesu Kreste o arabetse dithapelo tsa ka a ba a mphodisa a mpha bophelo bo botjha ka baka la tumelo yaka ho Yena. Ba ne ba sa kgolwe hoba nka phela ho ya kamoo ba mponekeng ke kutse hampe-mpe kokelong. Ke ile ka fodiswa ke Lebitso la Morena wa rona Jesu Kreste mme ha ho letho le phoso ka nna. Lehlabla la ka le lehlatso di nyametse. Ho bona dintho tse mpe tse makatsang bosiu keha ho fetile. Ke leboha Morena Jesu Kreste ka ho mphodisa le ho mpha bophelo bo botjha.

**B. R.**

\* \* \*

### **Jwale O Kgona Ho Bala**

Bosiu ba Labone le fetileng ke ne ke etetse tshebeletso Lekoteng la Mojaho mane Durban. Ke hloka phodiso ya mahlo a ka. Ka mora tshebeletso e babatsehang ha Moena Branham a re rapella kaofela, ka se ke ka utlwa ke fodile le hanyenyane, empa ka kgodiseha hore ke tshwanetse ho tswa ka tumelo le ho tshepa Morena ho mphodisa.

Labohlano bosiu ka ya tshebeletsong ya City Hall empa ka kgutlela hae ke sithabetse haholo. Sontaha ka reka setshwantsho sa sehopotso sa Moena Branham mme yare ke sa emetse ho qala ha tshebeletso, ka phetla ho sheba tlhaloso e ka hara leqephe. Ke ntse ke sa rwala diborele. Ho makaleng ha ka le ka thabo e kgolo, ka iphumana ke kgona ho bala ka ho hlaka. Ka nna ka tswelapele ho bala, mme yare ha ke fihla kopeng ya lengolo le ngoletsweng ho netefatsa netetiki, ka iphumana ke kgona ho bala le mongolo mosesane oo. Ka baka la thabo ke sa batle le ho emisa ho bala.

**J. M.**

\* \* \*

### **Mala a Dinerefe Dilemo tse Mashome a Mabedi le Motso**

Esale ke sotleha dilemo tse mashome a mabedi a motso o mong mme morao-rao tjena methapo yaka e sa tswa putlama. Mala a ka a fokola haholo mme a mpefala hoo ke sa kgoneng ho ja. Ka la 24 Pudungwana, Moena Branham o ile a nthapella kahara Durbana City Hall mme ka qalella ho hlaphohelwa kapele-pele. Ka ya hae mme ka iphumana ke kgona ho ja ntho e nngwe le e nngwe e sa nyolohe. Hajwale ke phetse ka ho phethahala.

**S. R.**

\* \* \*

### **Pelo e Tshabehang Dilemo tse 27**

Ke fodile mane Durban, ka la 23 Pudungwana, 1951. Esale ke tshwarwa ke pelo e tshabehang ka dilemo tse mashome a mabedi le metso e supileng. E ntse e eketsa ho mpefala ka dinako tsohle mme qetellong ngaka ya ka ya mpolella ho se letho leo a na a ka hlola a nketsetsa lona. Ke sa kgone ho inama. Ke kula hona ha ke ntse ke mametse theroy ya William Branham ke ne ke batla ho shwa.

Moena Branham o ile a qoholla ba bang ditulong tsa bona mme a buisana le bona. Qetellong a ntoba le nna, mofumahadi ya apereng mose o botsho le bosweu, mme a re lengeloi le ne le eme hodima ka. "Esale o hloriswa ke maemo a pelo empa jwale o fodile," ho rialo Moena Branham. Ka utlwa ke kgurumetswa ke phethoho. Ka ema ka maoto a ka ka rorisa Morena. Ke leboha haholo ka phodiso eo Morena a nkabetseng yona.

**H. B.**

\* \* \*

### **Insulini Ha e Sa Hlokahala**

Ke rata ho rorisa Morena ha e le moo ke amohetse phodiso ya ka mehleng ya tshebeletso ya Durban. Ke hlorisitswe ke daebetese dilemo tsa ho qetela tse fetileng mme ke nwa diuniti tse mashome a mane le metso e mehlano ka letsatsi. Ke amohetse phodiso ya ka ka tumelo, ha Moena Branham a ntshupa a re, "Kgaitsedi, o a dumela hore ke moporofeta wa Modimo? Eya hae o fole." Ho tloha mohlangu ha ke hloke ho nwa insulini mme ke ile ka bonana le ngaka ya ka mme le yona, hape, ya sitwa ho fumana mohlala wa tswekere. Ke boka Modimo ka seo A nketseditseng sona.

**L. L.**

\* \* \*

### **Ngaka e Tlaleha Pelo e Boetseng Setlwaeding**

Ke thabo ho o tsebisa hore ke hlaphohetswe ka botlalo lefung le bohale la pelo le ne le ntshwere. Ke ile ka etela ngaka kgwedi hoba o nthapelle. A makalatse ho se tsamaye ha ka dikalafo ka nako e telele. Ha ke arabka mmolella hore ka mohau wa Modimo o matlawohle ke ikutlwa ke phetse ho feta pele.

Hoba a ntlhahlobe, ngaka a re ha ke a hlophohelwa feela, empa a re ke fodile ka ho phethahala. Alleluia!

**R. S.**

\* \* \*

### **Tsebe e Setholo e Boela Setlwaeding**

Ke batla ho paka hore tsebe ya ka e ne e le setholo ka dilemo tse tsheletseng ho fihlela ke fodiswa Pretoria. Mohla Moena Bosworth a laelang batho ba thibaneng tsebe e le nngwe ka ho phethahala mme tsebe e nngwe e lokile ho tla ka pele, ka ba motho wa boraro ho ema. Ka mora thapelo Moena Bosworth a buela ka hara tsebe yaka e tshehadi mme a bala a qala ho nngwe ho fihla ho leshome. A mpotsa hore kea utlwa kapa tjhe. Ka re, "E." A ntoo bala ho fihla ho hlano a ba a nkopa ho phetha dipalo tseo. Ka etsa jwalo. Ka nako tsohle ke loketse ho kwala tsebe e lokileng hantle kamoo ke kgonang. Ke ne ke thabile haholo. Ha ke fihla hae ka ya mohaleng mme ka bolella sware le kgaitsemi hore jwale ke a utlwa. Ke ne ke mametse ka tsebe e neng e sa utlwe.

**M. J. S de B.**

\* \* \*

### **Mahlaba Lehlakoreng le Letona**

Ebile lehlohonolo moyeng wa ka ha ke kgonne ho etela letsholo la phodiso mane Pretoria, Lady Selbourne ka la 2 Tshitwe, 1951.

Ke ile ka hloriswa ke lehlaba lephakong la ka le letona ho tloha ka Tshitwe, 1947. Ka bona dingaka, ka mpa ka imollwa nakwana feela. Ngwahola ka Motsheanong ke entswe ekeserei, empa ha ho a finyellwa hlahlolo e kgotsofatsang.

Ka la 2 Tshitwe, 1951, mohla o no o rapella bakudi thapama, ke ile ka utlwa lehlaba le bohale lehlakoreng la ka. Ka bea letsoho la ka hodima lehlaba ha o ntso o rapela. Teboho e iswe ho Modimo ho tloha mohlang oo ha ke eso ho utlwe lehlaba leo lehlakoreng la ka hape. Ho bokwe Modimo. Haesale ke kgona ho etsa mosebetsi wa ka ka bobebe. Ehlide, Jesu esale yena maobane, kajeno le ka ho sa feleng. Alleluia.

Ke ile ka nka moradi wa ka, ya dilemo di 12, ho tsamaya le nna. O ne a sotlwa ke ho rutleha ka mora boikwetliso bo thata, empa ho lebohuwe Modimo, esale re kgutla o ikwetlisa habobebe mme o kgaleha hamonate. Re labalabela ho kgutla ha hao kapele hakakang.

**W. G.**

\* \* \*

### **Pelo e Dutlang, Mokola le Lehlaba Mokokotlong**

Ha esale ke sotlwa ke pelo e dutlang, mokola oo hangata ho o thiba ho no ho le boima le lehlaba le lebe mokokotlong wa ka. Ke dumela ke fodile mohla Moena Branham a rapellang batho bohle ha tshebeletso ya Moqebelo mantsiboya e kwalwa.



Sontaha mantsiboya Moena Branham a bua le nna a re ke na le pelo e dutlang ke bile ke sotlwa ke mekola e tshabehang. A ba a re ke setho sa Presbeteriene. Tsohle tseo a mpoleletseng tsona e le nnete. Ho tloha mohla ditshebeletso tseo ha ke eso tswe mokola leha e le ho hlajwa ke lehlabo mokokotlong wa ka. Ho bokwe Modimo. Ketso ena e sebeditse ka matla ho mme wa ka, le yena.

**M. C.**

\* \* \*

### **Mahlo a Fokolang a Ntlafatswa**

Dilemo tse tharo tse fetileng moradi wa ka e mong o ile a hlokahala ka letsatsi la lenyalo la hae. Ho lebohuwe Modimo, o ne a pholositswe. Letshoho la ama leihlo mme ka sitwa ho bala lentswe le le leng to, esita leha letsatsi le tjhabile ho ne ho sa kgonahale, ke bile ke sa kgone ho ngola lengolo.

Mantsiboya a sa lebalweng ao a Sontaha mane Johannesburg mohla ke bonang bakudi ba fodiswa ditulong tsa bona, ka qeta hore ona ke monyetla wa ka. Ka re, "Morena, jwale ke nako. Ke amohela phodiso ka Lentswe la Hao." Bosiung boo ka robala ke dumela hore ntho e tla etsahala.

Ha ke ntse ke robetse ka utlwa ho tjhalametsa ntho mahlong a ka a mabedi mme ka phaphama ka mohoo le pokol le tlholo. Hoseng ho hlahlamang ka kgona ho bala ntle le diborele. Ha ke eso di rwale mme ke a bala, ke a ngola ke a roka mme mahlo a ka a mabedi a ntse a eketsa ho matlafala. Ke lebisa tlotla yohle ho Modimo.

**J. H. G.**

\* \* \*


### **Ha ho Letho le Sitang Modimo**

Ke diveke tse pedi feela moifo wa Branham o tlohile naheng ya rona empa mahlohonolo a phethilweng ke ditshebeletso a ntse a bokellana letsatsi le letsatsi, mme ha re kgone ho leboha Morena wa rona Jesu ho lekaneng ka ho romela moifo wa Branham Afrika Borwa. Jwale re shebeletse ketelo ya ho kgutla ha moifo oo hape.

Kopano ya Afrika Borwa ha eso sisinngwe ke borapedi hakana pele. Letsoso le letjha la bonnate ba borapedi ho Modimo le tsohile.

Lapeng la rona re sa ntse re leboha Modimo letsatsi le letsatsi ha A rometse Moena Branham Afrika Borwa hoba hola

A sa etsa jwalo, ruri ntate a ka be a sa phele kajeno. Ka la 24 Phato, 1951, ntate o ile a kula hampe ka tshohanyetso mme kelello ya idibana ho fihlela Sontaha. Ka matsatsi a mararo ana dingaka tse pedi tsa lehae tsa sitwa ho hlahloba le ho lemoha ho kula ha ntate ha tshohanyetso. Ha bitswa ngaka e ikgethileng mme ya re dipeipi tsa nyooko di phatlohile mme eka kgona ho etswe oporeishene ya tshohanyetso bosiung bona boo. Bophelo ba hae bo ne bo leketla kgolenyaneng e lepalapaleng ka matsatsi a mane a latelang kaha tsamaiso ya mmele wa hae e ne e fokola haholo.



Qetellong tlokotsi ya fela mme vekeng ya bobedi ya Lwetse ntate a dumellwa ho kgutlela hae. A tswella hantle veke e le nngwe. Re ne re thabile hakakang, yaba ho fihla koduwa. A boela a kula hang-hang. A potlakisetswa kokelong mme kaha a ne a le maemong a nyarosang dingaka

tsa etsa qeto ya ho se etse oporeishene ho fihlela Labobedi.

Bophelo ba hae ba boela ba wela maqakabetsing. A etswa oporeishene tse pedi vekeng e le nngwe mme ngaka ya borella mme hore o tla phela matsatsi a mmalwa feela. Leha ho le jwalo ra se ke ra nyahama. Ra nna ra rapela. Maru a ne a ntshofetse mme tshepo e bonahala e le siyo. Ra rapela Modimo ka tjheseho hore A tle a bontshe Moruti Branham pono ya ho rapella ntate mme a fole.

Mantaha mantsiboya, ka la 8 Mphalane, ngaka ya re pheletso e se e fihlile. Leha ho le jwalo ra mo isa Maranatha Park. Ra boela ra mo isa phirimana e hlahlamang. Ha banna ba amalanse ba mo jara ba mo kenya Tabernakeleng o ne a tloketswe ke lera le topileng la mala. O ne a jerwe e le monna ya shwang.

Kgabareng ya tshebeletso yohle bana ba Modimo ba ne ba mo rapella, hoba e ne e le modisa ya tsebahalang. Ra ba le maikutlo a hore o tla amohela phodiso ya hae phirimana eo. “Dumela feela, tsohle di lokile, dumela feela.”

Tshebeletso ha e ntse e tswelapele Moena Branham a retolohela ho letshwele, mahlo a hae a wela hodima ntate. A re, “O se o entswe oporeishene e le nngwe, diopereishene tse pedi, tjhe, diopereishene tse tharo.” Alleluia. Re ne re rapeletse Moena Branham ho bua le ntate mme Modimo o no o arabetse thapelo ya rona. Moena Branham o ile a rapella ntate mme a mo laela ho ema. A ema, kgetlo la pele divekeng tse hlano.

O ne a ntse a rorisa Modimo nakong eo dikeledi di theohang sefahlehang sa hae. Modimo wa bonahatsa matla a Wona bosiu boo ka dipontsho tse makatsang mme bongata ba amohela phodiso ya bona.

Ka mora tshebeletso ntate a tsamaya a kgutlela alamanseng a sa thuswe ke letho. Ho bokwe Modimo. Tsatsi le hlahlamang a ikutlwa a ntlafetse ho feta mme ha a ka a hlajwa nalete ya lehlaba. O ne a hlabilwe dinalete tse mashome a mabedi letsatsi pele ho moo ho thethefatsa bohloko. Moqebelo o hlahlamang a kgutlela hae a tswa kokelong mme esale a hlophetswe letsatsi le leng le le leng.

**V. R.**

\* \* \*

*“Ho molemo ho boka Morena . . .”*

Pesalema 92:1

E, mmadi ya kgabane, ho molemo ho boka Morena. Morena o rata ho bokwa. Bopaki boo o bo badileng, bo emetse karolwana ya dikete tse foidisitsweng mehleng ya letsholo la Afrika Borwa. Jwaloka ha o badile ka tseo Kreste a di etseditseng ba bang, le wena, ok'o dumele ho Modimo tlhokong ya hao e ikgethileng. Mme o hopole, ke tokelo ya hao jwaloka ngwana wa Modimo, ho tseka phodiso ya hao ka baka la matla a Pheko eo. Re thabela ho amohela bopaki ba lona kamehla mme mohlomong bo tla susumetsa ba bang le bona ho dumela ho Modimo.

Ho Diketso 19:11-12 re a bala: “Modimo wa nna wa etsa mehlolo e makatsang ka matsoho a Pauluse: Esita diduku le masela a neng a amile mmele wa hae, a na a bewa hodima ba kulang, mme malwetse a ne a ba tlohela, le meya e mebe e ne e tswa ho bona.”

Ho na le dithero tsa Moena William Marrion Branham tse fetang 1179 tsefumanehang tsa kgatiso ya lentswe la sethatong ka Senyesemane. Boholo ba dithero tsena bo fumanwa le ka sebopheho sa dingolwa. Ho na le diofisi tsa dikadimano le dipokellobuka tse bolokileng dithero ka dipuo tse ngata lefatsheng ka bophara.

SOUTH SOTHO

©2009 VGR, ALL RIGHTS RESERVED

Ho thola boitsebiso bo bong le dithero tsa Moena Branham kopana le ba ha:

**VOICE OF GOD RECORDINGS, SOUTH AFRICA OFFICE**  
P.O. Box 178, SOMERSET WEST, 7129 CAPE PROVINCE,  
REPUBLIC OF SOUTH AFRICA

**VOICE OF GOD RECORDINGS**  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Temoso Ea Tokelo Ea Qopitso

Litokelo tsohle li babaletsoe. Buka ena e ka porintoa ka porintara ea lelapa molemong oa motho eo kapa ea abjoa, ntle ho tefiso, e le thepa e jalang Evangeli ea Jesu Kreste. Buka ena e ke ke ea rekisoa, ea boela ea hilahisoa ka bongata, ea manehoa leboteng la website, ea bolokoa ka tsela eo e ka boelang ea ntšoa, ea fetoleloa ka lipuo lisele, kapa ea sebelisoa ho qela matlole ntle le tumello e ngotsoeng ea Voice Of God Recordings®.

Ho fuoa boitsebiso bo bong kapa bakeng sa thepa e nngoe e ka fumanoang, ka kopo ikopanye le:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)